



17

Ex Bibliotheca
majori Coll. Rom.
Societ. Jesu

49.5.9.
60.49

Artist in Logicam

V



R. P. F.

A

VINCENTII IVSTINIANI

ANTISTII, VALENTINI,
Sacri Ordinis Prædicatorum,

COMMENTARIA IN VNIVER-
sam Logicam.

VNA CVM LUCIDISSIMIS QVÆSTIONE-
bus, quæ totam hanc facultatem luce meridiana cla-
riorem reddunt, nunc denuð excusa.

ACCESSIT ETIAM EIVSDEM AVCTORIS
*locupletissimus Thesaurus Quæstionum, ijs, qui aut disputa-
turi, aut assertiones defensuri erunt, admodum
necessarii.*

Cum duobus Indicibus locupletissimis.



BIBLIOTECA NAZ.
ROMA
VITTORIO EMANUELE.



COLONIÆ AGRIPPINÆ,
Apud Ioannem Crathium, sub signo Galli.
ANNO M. D. CXVII.

12-34-E-15

SEARCHED
SERIAL
INDEXED





TOTIVS OPERIS

ARGVMENTVM

Ad Lectorem.

BIBLIOTECA NAZ.
ROMA
VITTORIO EMANUELE.

Ex omnib. Dialectica tradenda rationibus ea mihi probatur maximè, quæ quantum Aristotelicis libris intelligendis omninò insistant non prius tamen eos contingit, quàm summatim ea, quæ Aristoteles docet; & alia quædam ad ipsum penitus intelligendum necessaria, percursum animo, & propè decantata discipuli habeant. Nam cum data opéra obscuritatem ille affectauerit, nec voluerit ea, quæ nouerat omnibus communicare; quin potius ita perplexè non Metaphysicam solum, sed omnia ferè scripserit, ut perinde ac si minimè scripssisset habeantur. Optimum consilium est à magistro, cui Aristotel. & visus & reuisus est, ea quæ ille obscure docet, plano quodam stylo auditoribus explicari: quod faciliore sit, atque paratior ad ipsam

P R Æ F A T I O

aditus. Quare nunquam mihi eorum opinio probari potuit, qui tyronibus statim Aristotelem legendum tradunt; tametsi omnem in eo explicando adhibeant diligentiam. Solidus enim cibus, qui grandiores alit; infantes quibus lac debebatur, perdit. Quis enim nesciat multa in Aristotele inueniri, quæ nullaratione ab adolescentibus intelligi possunt, nisi millies eis, & interiectis quidem temporibus, planiori primum stylo, deinde verò subtiliori proponatur? Alioquin non scientiam sibi iuuenes comparabunt, sed rudem quandam & indigestam veritatum, aut errorum potius, molē. Merito igitur ea docendi ratio, de qua initio dixi, in hac Valentinorum inclita Academia ab antiquis temporibus obseruatur. Hanc ego non modo aliorum consuetudine obstrictus seruauī, sed propria etiam experientia omnino seruandam cognoui. Bis enim de integro Dialectica operam dedi, & bis publicè legi, semel autem priuatim quibusdam amicis. Quare cū toties hoc Dialecticum iter confecerim, iam videor posse & quid expediat intelligere, & de rebus ipsis iudicium ferre. Nec sanè hac commemorassem, nisi viderem hanc antiquorum consuetudinem à quibusdam iunioribus re-

pre-

AD LECTOREM.

prehendi. Ego ab iniurijs, & contumelijs, à quibus illi non abstinere, omnino abhorreo; ac Deum ipsum testor, me ita sentire, vix posse quempiam egregios in Dialectica progressus facere, si stetim. & hospite (quod aiunt) in salutato, Aristotelem in manibus sumat. Volui autem id iuramento firmare (diuina enim lex ea tantum iuramenta prohibet, quæ aut veritate, aut iudicio, aut iustitia destituuntur) ut honori & existimationi meæ consulam. Audiui enim quosdam publicè asseruisse, nos non ideò hanc docendirationem sequi, quòd ita fieri oportere credamus; sed partim assentationis causa, ut maioribus nostris gratificemur, partim auaritia, ut scilicet iuuenes opuscula nostra emant. Itaque non iam de genere rei tractant, sed temerè etiam corda, quæ soli Deo sunt perita, iudicant. Quamobrem hanc docendirationem, quam tot celeberrimis viris (quibus utinà ego comparari possem) probari intelligo, in meis lectionibus sum sequutus. Et primum Institutiones quasdā, minutiores tamen inferendo quæstiones, dictaui; deinde elapsis aliquot mensibus, ad Aristot. commentationem accessi. Tum enim iam diuturnis disputationibus, & tanquam velitationibus assueti discipuli, me-

PRÆFATIO

lius poterant grauiores controuersias, quas
 Aristot. interpretans agitabam, compre-
 hendere. Cumq; scripta nostra à plerisque
 etiam extraneis desiderari intelligerem,
 videremq; ea iam per totam Aragonia pro-
 uinciam ferri, immo & Trinacriam dedu-
 cta esse cognoscerem, timuine, ut in gym-
 nasio à me dictata fuerant, typis ab aliquo
 mandarentur. Quocirca decreui omnia
 eudere, Institutiones primùm unà cum fa-
 cilioribus difficultatibus, & deinde (si
 Deus, qui omnia potest, id concesserit) lon-
 giores quæstiones in Dialēcticam Aristote-
 lis. In octo autem libros opus diuisi, quorum
 primus tanquam vestibulum est, atque a-
 ditus ad omnes sequentes: proponuntur e-
 nim in eo Dialēctica elementa, ut statim
 iuuenes artem diffiniendi teneant, diuisio-
 nes intelligant, & argumentari possint;
 ac verba ea percipere, quibus passim ute-
 mur. Reliqui septem uniuersas Dialēcti-
 cæ partes expediant, & quasi ante oculos
 ponant. In secundo enim de quinque vo-
 cibus Porphyrianis agitur: in tertio de Ca-
 tegorijs, seu Prædicamentis: in quarto de
 Enunciatione: in quinto de omni Argu-
 mentatione, præsertimq; de Syllogismo: in
 sexto

AD LECTOREM

sexto de demonstratione: in septimo de probabili Ratiocinatione: in octauo denique de reprehensionibus Sophistarum. Hac igitur summa est omnium, quæ in hoc opere explicantur: Exceptis autem nonnullis capitibus, in omnibus alijs mitiora quædã argumenta subieci: hoc consilio: ut capitum doctrina ingenia alerentur, argumentis autem legendis acuerentur: & haberent porro iuuenes argumenta, quibus in quotidianis disputationibus uterentur. Quod autem separatim, & aliis characteribus argumenta seu dubia excludi voluerim, hac causa fuit. Vt enim ea, quæ aut omnino, aut quasi necessaria sunt, ab his, quæ tantum utilia videntur, seiungere. Qui igitur solam doctrinam legere, obiectiones autem in aliud tempus reijcere volet, facile poterit. Rursus qui solis argumentis, eorumve solutionibus indigebit, in promptu habebit, quod requireret. Sed in omnibus diuini Thomæ totius Ecclesiæ lumen sequimur. Ipse est enim cuius doctrinam Romani Pontifices miris laudibus efferunt: eam namque Ioannes XXI. diuinitus infusam esse docet: innocentius solidam. Urbanus V. viridicam & Catholicam, & Pius V. certissimam Christianæ doctrinæ regulam Ipse est, cuius miram eruditionem,

PRÆFATIO

tota Ecclesia in oratione veneratur, eiusque intelligentiam instantissimè à Deo postulat, ipse denique est, cuius scripta Crucifixi imago mirabiliter approbavit: & quidem hoc ultimum minimè asseruissim, nisi à tribus grauisimè & sanctissimis Patribus referretur: nimirum à diuo Vincentio Ferrario in Sermonibus, à diuo Antonio Archiepiscopo Florentino 3. par. Histor. tit. 23. cap. 7. & à beatissimo domino Pio 5. in Bulla quadam. Ex hoc igitur diui Thomæ quasi quodam sancto & augusto fonte, nostra omnis manabit oratio. Sed post diuum Thomam in ducem elegimus Cardinalem eruditissimum, & religiosissimum Caietanum, ex cuius profectè libris si aliquot dogmata etiam ad Theologiam & Canonicos libros pertinentia deleverentur, nihil in eis, tanto viro indignum superesset. Finem scribendi faciam, si instituti mei causam circa vocabulorum usum exposuero. Tractandarum enim rerum duo sunt apud autores modi: nam alij antiquioribus utuntur vocabulis, diuq; apud omnes scholas receptis; alij hanc sermonis simplicitatem, & intolerandam barbariem contemnentes, se totos verborum nitori, & sententiarum venustati

AD LECTOREM.

*mustati dederunt. Nos autem, quibus
 muta potius antiquitas, quàm garrula no-
 uitas placet, priorem scribendi rationem
 tenere decreueramus. Sed quoniam iue-
 nes sumus, rem totam cum Reuerendo ad-
 modum Patre Ludouico Nadal sacra Theo-
 logia eruditissimo professore, ac Provincia
 Aragonia aignissimo Presule communi-
 cauimus. Volui enim eundem in hoc primo
 opere styli magistrum habere, quem à pue-
 ritia Theologia Doctorem habueram. Ille
 autem in antiquitatis, nouitatisque discep-
 tatione cum aliquandiu fuisset, rationibus
 vtrinq; perpensis, mediã mihi viam osi cãit.
 Si enim Scholasticis Doctõribus, quibus S.
 tamẽ scrip. & nobiliores Ecclesia Doctores
 excipiantur) nihil est feracius, nihil fecun-
 dius, nihil sapientiũs, prætermisissis, iuniores
 sequeretur, verborum sanẽ flosculis abunda-
 rem: sed doctrina ieiunitatem incurre-
 rem. Sin antiquos solũ imitarer, multã sa-
 pientiam, ac penẽ diuinam paucis verbis
 liber contineret: sed fortasse multos offen-
 deret. Sunt enim quidam ita Ciceronianis
 verbis addicti, vt eos, qui enuclearida-
 rum rerum gratia aut noua nomina fa-
 ciunt, aut Scholasticorum vocibus iam
 receptis vtuntur, grauissimẽ insectantur:*
a s & rerum

PRÆFATIO

Et rerum etiam utilium ignorantem, tanta verborum impuritati præferendam iudicent. Quare diui Thomæ discipulorum, que eius scripta omnino contemnunt. Et quidem si hoc malum in ipsis resideret solis, ut desperatos iam eos relinquere oportebat: sed late iam pestis grassatur: quoniam sui similes discipulos tanquam filios procreant: qui quoniam nullam omnino vocem ex ijs, quæ à Latinis interpretibus, Christianis præsertim, assumuntur in adolescentia audiunt: si Theologia operam dare incipiunt, difficiliora eis diui Thomæ scripta videntur, quàm si Chaldaica essent. Quare vix dici potest, quàm insolens eos Theologia Scholastica fastidium sumat. Tanti igitur doctore mei consilio fretus mixtum quoddam scribendi genus, stilumque orationis excogitavi; Et in quaui re pertractanda Scholasticas, Et Ciceronianas voces amplector. Vtroque enim verborum genere iuxta se posito, melius omnia intelliguntur. Itaque Et iuniores antiquorum libros percipient, Et qui antiquos amant, si quando in iuniorum Commentaria incident, melius eorum errata cognoscent, ac refellent promptius.

Quæ.

AD LECTOREM.

F

*Quaedam alia sunt, quae hoc loco scribere
voluissem, sed in tribus ultimis octa-
ui libri capitibus inueniuntur.*

*Vtere igitur Lector la-
boribus nostris,
& Vale.*



DIALECTICARVM QVÆSTIONVM INGENS THESAVRVS,

VINCENTIO IVSTINIANO ANTE-
RIO, Valentino, Sacri Ordinis Prædicato-
rum, Auctore.

Studioſo Lectori.



VM ea quæ in Dialectica aut
ex professo, aut obiter dis-
putamus, à Physicis sæpè, ac
Metaphysicis, & Theologis
clariùs, doctiusque tractètur,
nec raro accidat, alicuius
Dialectici libri proprias cõ-
trouersias in aliis eiusdem
artis voluminibus inueniri, operæpretium me
facturum existimaui, si omnia ferè diui Thomæ,
aliorumque grauissimorum Patrum scripta
percurrerem: & quæcunque in eis ad Dialecticâ
spectantia inuenirem, in hoc opusculum, tan-
quam lipidissimas aquas in meum hortulum,
deriuarè. Nemo tamen existimet, omnes Diale-
cticas quæstiones, quæ ab his autoribus disputâ-
tur, in hunc indicem esse relatas; sed eas tantum,
quas non erat facilè inuenire. Quare quum
Quinque vocum, Categoriarum, & Demõstrati-
onis quæstiones adducam, nequaquam citabo
Cardinalem Caietanum, aut Dominicum Soto,
qui propria in huiusmodi res commentaria edi-
derunt, nisi fortè in aliis locis aliqua scripse-
rint, quæ ad prædicta accommodari queant: aut
in quibusdam capitibus eorundem commenta-
riorum

riorum aliquid habeant, quod ad alia capita referatur. Hæc autem sunt loca, ex quibus hunc libellum collegimus.

1 Ex Diui Thom. summa Theologiæ, quatuor libris Contra gentes; Sententiarum Commentariis, Quæstionibus disputatis; Quodlibetis & Opusculis.

2 Ex Durandi Meldensis Episcopi Commentariis in 4. lib. Sentent.

3 Ex Frâtris Ioannis Capreoli Commentarijs in eosdem libros.

4 Ex Dominici à Flandria quæstionibus in Posteriora, & in libellum Elenchorum diui Thomæ.

5 Ex Frâtris Pauli Soncinatis quæstionibus Metaphysicis.

6 Ex Thomæ à Vio Cardinalis S. Sixti & Episcopi Caietani scriptis, in Partes diui Thomæ, & in Prædicabilia, & Prædicamenta, & Posteriora. Item ex Opusculis eiusdem.

7 Ex Francisci Ferrariensis totius Ordinis Generalis Commentarijs in quatuor libros Contra gentes diui Thomæ.

8 Ex Frâtris Chrysostomi Iauelli Inquisitoris Placentini quæstionibus Physicorum, de Anima, & Metaphysicorum.

9 Ex Frâtris Dominici Soto Quæstionibus Proæmialibus, Prædicabilium, Prædicamentorum, Posteriorum, & Physicorum, & Sententiarum.

Ex his autem Capreolus per conclusiones citatur, reliqui frequentius per quæstiones aut capita, seu tractatus; quoniam quæstiones Capreoli longissimæ sunt. Illud præterea scito, quo-

Dialect. Questionum

ties diui Thomæ Summa, quæ vulgò dicitur *Las partes*, citatur, toties intelligi etiam Caietani in eam Commentaria, quamuis non è diuerso: quod idem de libris diui Thomæ Contra gentes & Ferrariense intelligatur. Demum quum hunc Characterem R. alicubi positum cernes, intellige eam quæstionem, quanquam non sit eiusdem loci propria, multa continere, quæ ad eiusdem loci pleniorẽ intelligentiam faciunt. Quem autem ordinem in collocandis & librorum, & capitum quæstionibus seruem, nõquam intelliges, nisi Institutionum nostrarum octo volumina legeris. Vale.

In sequenti indice, ar. designat articulum. arg. argumētum. c. caput. cõ. conclusionem. p. partem Summæ D. Thomæ. q. quæstionem. §. incipere caput. loca institutionum, in quibus aliquid ad idem caput pertinens inuenietur.

QUESTIONES LIBRI PRIMi, in quo de primis Dialecticæ elementis agitur.

Cap. 1. de Dialectica inuentore. *. In hoc nulla se offert quæstio à prædictis Autoribus disputata: sed lege obiectionem secundam tertii capitis huius libri: item cap. vltim. lib. 3.

Cap. 2. de Dialectica definitione. *. Lege quæst. 1. cap. 4. lib. 6.

Circa hoc autem caput multas habent Dialectici quæstiones, quæ in prædictis autoribus legi poterunt.

1 Vtrum scientia differat ab alijs habitibus intellectus. D. Thom. 1. 2. d. 57. ar. 1. & 2. Fland. 1. q. 49. art. 2.

2 Vtrum

- 1 Vtrum habitus, quo prima principia cognoscuntur, sit naturalis, ac sine discursu. Ferrar. 2.
- 2 Contra gent. cap. 78.
- 3 An scientia speculatiua propriè differat à practica sine & materia. Capr. in prol. Sét. q. 2. cōcl. 1. Iauel. 6. Metaph. q. 5.
- 4 Num aliqua scientia non actu & simpliciter Practica, possit actu & simpliciter Practica reddi. Capr. in prolog. Sentent. q. 2. con. 3.
- 5 An habitus sit præcipuè ex obiecto practicus. Soncin. 6. Metaph. q. 4. Iauel. 6. Meta. q. 5.
- 6 Agatne Metaphysica de his, quæ sunt sine materia. D. Tho. in Boethium de Trinit. q. 5. art. 4.
- 7 Vtrum Physica de his quæ sine materia & motu esse nequeunt, disputet. D. Thom. in Boeth. de Trinit. q. 5. ar. 2.
- 8 Num Mathematica res absque materia & motu consideret. D. Tho. in Boet. de Trinit. q. 5. ar. 3.
- 9 An Math. abstrahit à fine. Caiet. 1. p. q. 5. ar. 3.
- 10 Num Astrologia & Musica sint magis Physicæ, quàm Mathematicæ. Iauel. 2. Phy. q. 8.
- 11 R. An Theologia sit practica, vel speculatiua. D. Tho. 1. p. q. 1. ar. 4. Duran. in prolog. Sent. q. 6.
- 12 R. An scientia, quam Deus habet, de rebus sit speculatiua. D. Tho. 1. p. q. 14. ar. 16.
- 13 R. Vtrum sciētia, quam Deus de se ipso habet, sit practica. Caiet. 1. p. q. 14. ar. 16.
- 14 Num Dialectica scientia sit. Dominicus à Soto q. 2. procemiali Logicæ. R. vide eum 1. Physic. q. 1. conc. 2.
- 15 Num Dialectica sit speculatrix scientia. Soto q. 4. procem. Logicæ R. vide eū 1. Physic. q. 1. cōcl. 3.
- 16 Sitne Logica vna scientia. Soto q. 3. procemiali Logicæ. R. vide eum 1. Phy. q. 1. concl. 4.

Alias

Dialect. Quæstionum.

Alias quæstiones quæ ad vnitatē scientiæ pertinent, vide infra post quæstiones cap. 4. lib. de Demonstr. additamento 1.

17 An pars Demonstratoria Dialecticæ scientia sit. Fland. 1. Post. q. 3. art. 1.

18 An pars Demonstratoria sit practica, an potius Speculatiua. Fland. 1. Poster. q. 3. art. 2.

19 An pars Sophistica Logicæ sit scientia. Fland. in opusc. diui Thomæ de Fallaciis quæst. 1.

20 Num scientia speculatrix quærat propter se, & practica propter aliud. Ferrar. 3. Contra gent. cap. 35.

21 An practicum & speculatiuum sufficienter diuidant habitus intellectus. Sonci. 6. Metaph. q. 5.

22 Sitne omnis scientia aut practica, aut speculatrix. Iauell. 6. Metaph. q. 6.

23 Num bene diuidatur ab Aristotele 8. Metaph. scientia speculatrix in Physicā, Metaphysicam, & Mathematicam. Diuus Thomas in Boeth. de Trin. q. 3. art. 1. Sonci. & Iauell. 6. Metaph. q. 7.

24 Vtrum Dialectica sit ars artium. Fland. 1. Poster. q. 1. ar. 4.

25 An actus intellectus verè dici possit Praxis. Capr. in prol. Sent. q. 2. concl. 4. Sonci. 6. Metaph. q. 2. Ferrar. 3. Cont. gent. cap. 35. Iauell. 6. Metaph. q. 4.

26 Num ex quauis relatione ad praxim habitus possit dici practicus. Capr. in prol. Sent. q. 2. concl. 5.

Quæstiones autem ad subalternationem scientiarum pertinentes, lege infra post. 4. cap. lib. de Demonstr. additamento. 1.

Cap. 3. de necessitate Dialecticæ*. Legelib. 7. cap. 2.

An Dialectica sit necessaria Soto q. 1. proœm. Logicæ.

Dialect. Questionum.

Logicæ. R. Vide eum 1. Physi. q. 1. con. 1.

Cap. 4. de Fine Dialectica. * Lege cap. 1. lib. 7. ad finem.

Cap. 5. de Officio Dialectici. Cap. 6 de Materia Dialectica Lege cap 1. lib. 2.

1 An subiectum scientiæ & eius obiectum idem omnino sint. Capr. in prol. Sent. quæst. 4. con. 2.

2 Quænam sit ratio obiecti formalis scientiæ. Capr. in prol. Senten. q. 4. con. 3.

3 An distinctio formalis scientiarum sumatur ex distinctione formalis obiectorum. Sonci. 6. Metap. q. 8.

4 Num obiectum Dialecticæ sit ens rationis. Soto q. 5. proœm. Logicæ.

5 Vtrum ens verum, id est ens rationis sit obiectum Metaphysicæ. Iauell. 6. Metaphysic. q. ult.

6 An Logica sit circa actus rationis tanquam circa propriam materiam, Fland. 1. Poster. q. 1. art. 3.

7 Vtrum ad dirigendas mentis operationes peculiaris sciētia requiratur. Fland. 1. Poste. q. 1. ar. 2.

8 Quomodo Logica & Metaphysica circa omnes res diuersis rationibus versentur. D. Thom. opus. 42. id est de Natura generis. cap. 4. & 5. Flād. 1. Poste. quæst. 25. ar. 2.

9 R. Quod sit Theologiæ subiectum, D. Thom. 1. p. q. 1. ar. 7. & omnes Doctores in polo. Sententiarum.

10 R. Quod sit naturalis Philosophiæ subiectū. Caiet. in peculiari opusculo. Iauel. 1. Physi. q. 1.

Cap. 7. de Instrumentis Dialecticorum. * Lege cap. 2. lib. 7.

1 Antantū sunt quatuor quæstiones verē biles. Fland. 2. Post. q. 1. ar. 2. Caiet. 2. Poster. cap. 1.

b multa

Thesaurus

multa de his quæstionibus scitu digna tradit.

2 Num cognitio. An res sit, præcedat cognitionem quid sit. Caiet. 2. poster. cap. 7. q. 4. Ferrar. 1. Cont. gent. cap. 66.

3 Significetne definitio rem esse, an non esse. Fland. 1. Poster. q. 24. ar. 2.

Cap. 8 de Definitione. * lib. 2. cap. 6. controuersiam, & cap. 10. ad 2. lib. c. 6. in q. 2. & c. 11. obiect. 1. lib. 6. c. 4. arg. 2. lib. 7. c. 4. lib. 8. cap. 11.

1 An Logicus definiat per materiam, & Physicus per formam. Iauel. 1. de Anima q. 11.

2 Quæ sit via inuestigandi definitionem. Flad. 2. Poster. q. 14. Caiet. 2. Poster. cap. 10. q. 1. & 4. Iauel. 1. de Animo. q. 6.

3 An facilius sit singularis, idest speciei, quàm vniuersalis, id est generis, definitionem inuestigare. Caiet. 2. Poster. cap. 10. q. 3.

4 Quomodo partes definitionis cum definito comparentur. Ferrar. 2. Contra gent. cap. 58.

5 An definitio habeat partes respondentes partibus definiti. Iauel. 7. Met. q. 15.

6 An si definitio habet partes secundum rationem, definitum habeat secundum rem. Iauel. 1. Phy. q. 13.

7 Vnde sumatur genus & differentia in omnibus rebus. Ferrar. 2. Cont. gent. cap. 65.

8 An materia sit pars quidditatis rei compositæ. Iauel. 7. Metaph. q. 9.

9 Vtrum per definitionem sola forma, an etiam materia significetur. D. Tho. in q. de Formis, q. 4. ar. 1.

10 Vtrum forma prædicetur de re, cuius est forma. D. Thom. in q. de Formis. q. 4. artic. 2.

II Num

11 Num potentia per actus, & actus per obiecta distinguantur. Iauel. 2. de Animo q. 11.

12 Sitne quodquid est proprium definitionis significatum. Fland. 1. Poster. q. 8. arti. 2.

13 Num sola prædicata essentialia ponantur in definitione substantia composita. Iauel. 7. Metaph. q. 6.

14 An sola accidentia per additamentum definiantur. Sonci. 7. Metaph. q. 6.

15 Liceatne in definitione transponere nomina. Caiet. 2. Post. c. 10. q. 2.

16 Vtrum dicendo Natus sumus, committatur negatio. Iauel. 7. Metaph. q. 33. Caiet. in Porphy. cap. de Specie.

18 Num in relatis & absolutis possit definitio esse circularis. Iauel. 1. Physico. quæst. 14.

19 An quodquid est, id est definitio, possit demonstrari de re cuius est. Flan. 3. Poster. q. 3. ar. 2. q. 4. ar. 1. q. 2. ar. 1. & 4. q. 6. ar. 1. q. 7. ar. 2. Caiet. 2. Post. cap. 3. vsque ad 6.

Cap. 9. de Diuisione.* Lege q. 3. cap. 7. huius libri.

1 Quomodo differentia diuidat genus. Caiet. in Porphy. cap. de Differentia. quæst. vlt.

2 An diuisio debeat esse bimembris. Caiet. 2. Poster. c. 4. ad finem.

3 Quomodo analogum in sua inferiora diuidatur. Caiet. opusc. de nominum analogia cap. 9.

4 R. An diuisio substantia, quam tradit Arist. 2. de Anima, sit analogi in Analogata. Iauel. 2. de Animo. q. 2.

Cap. 10. de Argumentatione.* Vide 5. lib. & sequentes.

1 An ex antecedente possibili sequatur semper

b a conse-

Theſauruſ

Conſequens poſſibile: & an conſequens impoſſibile ex antecedente ſolum impoſſibili colligatur. Iauel. 9. Metaph. q. 11.

2 Vtrum conſuſio neceſſaria poſſit inferri per medium non neceſſarium. Fland. 1. Poſter. q. 18. 17. 2.

*Cap. 11. de partibus Dialectica.** Lege cap. 2. 1. 2.

Vtrum tertia pars Logicæ optime diuidatur in Inuentiuam, Iudicatiuam, & Sophiſticam. Fland. 1. Poſter. q. 2. 17. 2.

Quæſtiones lib. 2 de Quinque vocibus.

*Cap. 1. de ſubiecto Dialectica.** lib. 1. cap. 6. & in hoc lib. cap. 8. ob. 5. & lib. 3. cap. 10.

1 An prima & ſecunda intentio ſint mentis conceptiones. Cap. 1. Sent. 1. 23. q. 2. con. 1. Iauel. 3. de Anima q. 2. de Conceptu.

Hic poſſunt multe quæſtiones proponi, tam de intellectu, alijs que animi noſtriviribus, quàm de earum actibus. Sed lege D. Thom. 1. p. 3. 77. 78. 79. item 85. 86. 87. præterea Ariſt. interpretes. 2. & 3. de Anima. Has tamen accipe.

2 Nam intellectu patiens ſit ab omni organo corporeo ſeparatus. Iauel. 3. de Anima q. 1. de Intellectu poſſibili.

3 Que ſint munera intellectus agentis. Iauel. 3. de Anima q. 2. & 3. de Intellectu agente.

4 An ſint ſpecies intellectiles. Dura. 2. d. 3. q. 6. Iauel. 3. de Anima q. 1. de Specie Intelligibili.

5 A quo producantur ſpecies intellectiles. Iauel. 3. de anima, q. 2. de Specie intelligibili.

6 An in definitionibus eorum de quibus Logica diſcutat, definiantur naturæ, an notiones. Cai. in Porphy. cap. de Genere, & in Categor.

Ariſt.

Dialect. Questionum.

Arist. cap. de Substantia. 2. 1.

Alia præterea loca habes in institutionibus in hoc cap. quæ (i placet) consule. Vide etiam quæstiones, quas habes in Thesauro quæstionum c. 6. lib. 1.

7. An entia rationis causam habeant, quæ eis tribuat E. Te. Sonc. 6. Meta. q. 18.

Cap. 2. de diuisione Dialectica. * cap. vlt. lib. 1.

1. Vtrum ad dirigendas operationes, aliqua peculiaris scientia requiratur. Fland. 1. Poster. q. 1. 11. 2.

2. Vtrum idonea sit Logicæ diuisione per tres mentis operationes. Flan. 1. Post. q. 2. artic. 1.

3. An practicus intellectus differat re, an sola ratione ab speculatiuo. D. Thom. 1. p. q. 79. 11. 11. Iac. nell. 2. de Animo q. 7. de Principio mouente.

Cap. 3. de ordine librorum Dialectica. * cap. 1. lib. 6.

1. An processus à causis ad effecta sit compositorius, an resolutorius. Caiet. 12. q. 14. artic. 5.

2. Vtrum genus implicite contineat ea, quæ sub ipso continentur. D. Thom. opus. 42. id est de natura generis cap. 9.

Cap. 4. de subiecto & necessitate libri Quinque vocum. * argumen. 2. cap. 4. lib. 6.

De Vniuersis habes duo integra opuscul. D. Thom. scilicet 55. & 56. Item tractatum 1. opuscul. 48. quod Logicæ Compendium dicitur.

1. Quomodo species intellectilis sit vniuersalis. Ferrar. 12. Contra gent. cap. 49.

2. Quomodo scientia sit vniuersalium. Caiet. 1. Poster. c. 9. q. penult.

Cap. 5. de Genere & Specie. * libro septimo cap. 5.

1. Vtrum genus & species sint idem conuertibiliter.

Thesaurus

liter. Sonc. 7. Metaph. q. 38.

2 Vtrum possit esse aliquod genus, sub quo tantum sit vna species. Fland. 1. Post. q. 17. ar. 2.

3 Vtrum diuisio generis & speciei sit rationis. Sonc. 5. Metaph. 11.

4 An determinans sibi aliquod genus, determinet sibi aliquam speciem. Ferrar. 3. Cont. gent. cap. 4.

5 An species, vt species est, de pluribus prædicetur. Ferrar. 4. Cont. gent. c. 35.

6 An omnia quæ habent eandem materiam, sint eadem numero. Sonc. 5. meta. q. 12. Iauel. 5. Metaph. q. 14.

7 An omnis contrarietas diuersitatem speciei constituat. Iauel. 10. Meta. q. 20.

8 An genus & species eius sint idem, aut diuersa genere: item an sint idem, aut diuersa specie. Iauel. 10. Metaph. q. 19.

9 An materia sit principium distinctionis genericæ. Sonc. 10. Metaph. q. 25. Iauel. 10. Metaph. q. 22.

10 An genus per se de differentia prædicetur. Sonc. 4. Metaph. q. 20. Iauel. 3. Metaph. q. 2.

Cap. 6. de Differentia.* cap. 10. huius libri ad 2.

1 An illud à quo res sumit speciem, debeat esse indiuisibile. Caic. 1. 2. q. 52. ar. 1.

2 An differentia sit de essentia generis. Ferrar. 1. Cont. gent. cap. 24.

3 An genus & differentia tantum ratione differant. Sonc. 7. Metaph. q. 36.

Cap. 7. de Proprio.* lib. 3. c. 2. dubit. 3. lib. 7. c. 1. ad medium quæstionis.

1 Quomodo diuidatur accidens in proprium & com-

& commune. Ferra. 3. Contra gentes capit. septimo.

2 An Ens habeat veras & proprias passiones. Sonc. 4. Metaphysicorum q. 17. Iauel. 4. Metaph. q. 2.

3 An proprietates entis sint idem cum ente. Soncin. 4. Metaph. q. 21. Iauel. 4. Metaph. q. 3.

4 An proprietates entis cum ente conuertantur. Sonc. 4. Metaph. q. 18. Iauel. 4. Metaph. q. 4.

5 An propria passio diuina virtute à subiecto separari possit. Ferrar. 4. Contra gentes cap. 65.

6 An quoduis accidens habeat aliquod proprium subiectum. Caiet. de Ente & Essentia cap. 7. tex. 7.

7 An quoduis accidens fluat à subiecto. Caiet. ap. q. 77. ar. 6. Ferr. 3. Contra gentes cap. 7. & lib. 4. cap. 14.

Cap. 8. de *Accidente*. * lib. 3. cap. 11. q. 1. 2. 3. & 4.

1 Quæ sit natura accidentis. D. Thom. integro opusculo 41.

2 An Deus possit facere accidens sine subiecto. D. Thom. 4. Sent. d. 12. q. 1. arti. 1. Durand. 4. dist. 12. q. 1.

3 Vtrum inhærentia sit de essentia accidentis. Sonc. & Iauel. 7. Metaph. q. 1. Caiet. de Ente & de Essent. cap. 7. q. 15.

4 R. Vtrum in Sacramento altaris accidentia sine subiecto existant. D. Thom. 3. p. q. 77. ar. 1.

5 An accidens inseparabile per se & necessarium inest indiuiduis. Caiet. 1. Poster. cap. 7. q. 2.

Vide præterea q. 6 & 7. capituli superioris

Cap. 9. de *Indiuiduo*. Legæc. 10. huius lib. ad 3. arg. & arg. 2. c. 4. li. 6.

Theſaurus

1 Quid ſit perſona. D. Th. 1. p. q. 30. ar. 1. 1. Sent. d. 25. ar. 1. de Poten. q. 9. ar. 2.

2 An ſingulare poſſit definiri. Iſa. 7. Metaph. q. 16.

3 R. Vtrum hoc nomen Perſona ſit commune tribus perſonis Diuinis. D. Thom. 1. p. q. 30. art. 4. Cap. 10. de Numero Vniuerſalium.

4 Vtrum genus implicite contineat ea, quæ ſub ipſo collocantur. D. Thom. opus. 42. cap. 9.

5 Vtrum genus & differentia ſola ratione diſtinguantur. Sonc. 7. Meta. q. 36.

6 Vtrum Deus ſit genus alicuius. D. Thomas in Compendio Theologiæ cap. 13.

7 Num Deus ſit ſpecies pluribus indiuiduis communis. D. Thom. in Compendio Theologiæ. cap. 14.

8 Vtrum in Deo ſit totum vniuerſale. D. Thom. 1. Sent. d. 19. q. 4. ar. 2.

9 Quomodo natura immaterialis poſſit apprehendi vt vniuerſalis & particularis. Ferrar. 2. Contra gent. cap. 93.

De principio Indiuiduationis, vide q. ſequentis capitis.

Cap. 11. *Quomodo natura fiat vniuerſa.*

1 An natura ex ſe ſit vna, vel plures; Caiet. de Ente. c. 4. q. 6.

2 An natura vniuerſalis habeat vnitatem realem, minorem vnitatem numerali. Soncin. 7. Metaph. q. 40.

3 Quod ſit principium indiuiduationis. D. Thom. integro opus. 29. & opus. 32. cap. 2. Sonc. 7. Metaph. q. 31. 32. 33. 34. 35. & 10. Metaph. q. 49. Caiet. de Ente cap. 2. q. 5. Ferrar. 1. Contra gent. cap. 21. Iſa. 5. Metaph. q. 15.

- 4 An accidentium differentia diuersitate numericam constituat. D. Thom. in Boeth. de Trinit. q. 4. art. 5.
- 5 An loci diuersitas quidpiam efficiat circa diuersitatem numericam. D. Thom. in Boeth. de Trinit. q. 4. art. 4.
- 6 Num formæ vnius speciei multiplicentur tantum ratione materiæ. Caiet. 1. p. q. 41. art. 6.
- 7 Vtrum anima intellectiua per corpus indiuidetur. Caiet. de Ente. c. 6. q. 13. Ferrar. 2. Contra gent. c. 75. & 81. Iauel. 3. de Anima. q. 5.
- 8 Accidentia quomodo indiudentur. Caiet. 1. p. q. 29. ar. 1.
- 9 Vtrum plura accidentia eiusdem speciei possint esse in eodem subiecto. Son. 7. Metaph. q. 4. & 9. Caiet. 3. p. q. 35. art. 5. Ferrar. 4. Cont. gent. c. 26. Iauel. 5. Metaph. q. 18.
- 10 R. Quomodo Deus indiuiduari intelligatur. Ferrar. 4. Cont. gent. c. 14.
- 11 An quoduis abstractum, & qua abstractione subsistens, vnum tantum sit. Caiet. 1. p. q. 54. art. 1.
- 12 R. Vtrum plures Angeli possint esse eiusdem speciei. D. Thom. 1. p. q. 50. art. 4. Duran. 2. d. 3. q. 3. Sonc. 12. Metaph. q. 51. Caiet. de ente c. 5. q. 9. Iauel. 12. Metaph. q. 24.
- 13 Vtrum res immateriales se ipsis sint indiuiduæ. Ferrar. 1. Cont. c. 21.
- 14 An natura absolutè sumpta sit, quæ prædicatur de indiuiduis. Caiet. de Ente. cap. 4. q. 6. ad finem.

Cap. 12. de quibusdam axiomatibus.

- 1 An vniuersale nihil sit, aut posterius singularibus. Iauell. 1. de Anima. q. 7.
- 2 An vniuersale sit semper. Caiet. 1. Poster. ca. 9. q. 2.

Thesaurus

3. Qua ratione se habeat sensus respectu singularium, & intellectus respectu vniuersalium. D.Tho. integro opusc. 49.
4. An primum cognitum ab intellectu sit singulare. Sonc. 7. Metaph. q. 12.
5. Vtrum intellectus noster prius intelligat magis vniuersale. D. Thom. 1. p. q. 85. art. 3. Caiet. in prol. de Ente. q. 1.
6. Quomodo intellectus noster cognoscat singularia. Ferrar. 1. Contra gentes cap. 65.
7. An sensus sit vniuersalium, & sentire singulare. Caiet. 1. Post. cap. 23. Iauell. 1. Metaph. quaest. 8.
8. An singulare possit per se intelligi. D. Thom. 1. p. q. 86. art. 1. Iauel. 7. Metaph. q. 16.
9. An vniuersalia actu sint extra animam. Cai. de Ente. c. 4. q. 7.
10. An species intelligibiles remaneant post intellectionem. Iauell. 3. de Anima. quaest. 4. de specie intelligibili. Consule praeterea D. Thom. 1. p. q. 79. art. 6. & 7.

Quaestiones Tertii libri de Categoriis.

Cap. 1. de subiecto, utilitate, ac diuisione libri.

An veritas & falsitas in prima intellectus operatione inueniri possint. Ferrar. 1. Cont. gent. c. 59. Sed vide quaestiones c. 5. lib. 4.

Cap. 2. de Aequiuocis. Cap. 3. de Vniuocis.

1. An quod ordine Prioris & Posterioris de suis inferioribus dicitur, vniuocum esse possit. Ferrar. 1. Cont. gent. c. 32.

Hic permulta de analogis disputari possunt, quae tractat Caiet. opusc. integro de Nominum analogia, & in opusc. Responsionis ad magistrum Ferrarieusem: & ipse Ferrar. 1. Cont. gent. cap. 32. 33. & 34.

2. An

2 An primum analogatum in cæterorum definitione poni debeat. Caiet. 1. par. q. 13. art. 6. Ferrar. 1. cont. gent. cap. 34.

3 An analogum simpliciter prolatum pro suo præcipuo significato perpetuò accipiat. Caiet. in Porphy. cap. de differ. p. 1. q. 2.

4 An si æquiuoca reducantur ad vniuocum secundum prædicationem, verum etiam sit vniuoca reduci in non vniuocum. Caiet. 1. par. quæst. 13. art. 5. ad. 1.

5 R. An nomina Deo, nobisque communia sint æquiuoca, vniuoca, an analogæ. D. Thom. 1. p. q. 13. art. 5. 1. Cont. gent. cap. 32. 33. 34. de Potent. quæst. 7. art. 7. de Veri. q. 2. art. 11. opusc. 2. id est in Compendio Theologiæ. c. 27.

6 An corruptibile & incorruptibile differant genere. Iauell. 10. Metaph. q. 21.

7 Vtrum substantia separatæ ac materiales nõ conueniant, nisi genere Logico. D. Tho. opusc. 42. de Natura generis c. 6.

Cap. 4. de Paronymia.

R. An dictio exclusiua addita vni relatorum excludat reliquum. Durand. 1. d. 21. quæst. 1.

Cap. 5. responsionis pro Aristotele.

Cap. 6. de prima diuisione antepredicamentali.

*. lib. 4. cap. 5. obiect. 2.

An ratio, quam significat nomen, sit conceptus intellectus de re intellecta. Caiet. 1. par. q. 13. art. 4.

Cap. 7. de 2. diuisione.

Cap. 8. de prima regulâ antepredicamentali.

An quando aliquid alicui tribuitur, necesse sit, omnia quæ sunt de eius ratione ei tribui. Caiet. 1. p. q. 28. art. 3.

Cap. 9. de secunda regulâ antepredicamentali.

Addit.

Thesaurus

Additamentum de Transcendentibus.

Quibus publica Dialecticæ interpretatio, assertio-
num huius libri defensio est imposi-
ta, maximè curare debent, vt ea quæ ad sex
transcendentia pertinent, comprehensa animo
habeant. Hos itaque autores, & in his quidem
locis legere poterunt.

Principiò Iauellum in tractatu de Transcen-
dentibus, qui habetur post Epitomen Metaphy-
sicæ. Hunc tanquam fundamentum posui, quo-
niam summa perspicuitate, quæ ad præsentem
disputationem attinent, explicat. Deinde diuū
Thom. opusc. 42. c. 2. denique has quæstiones.

1 Eas quas habes supra in Thesauro prædicabi-
lium. c. 7. scilicet 2. 3. & 4. Item omnes quæstio-
nes positas in Thesauro c. 2. & 3. huius libri. I-
tem eas quas habes in Thesauro ca. 10. huius li-
bri: scilicet 14. 15. 16. 17. 18. & 19.

2 Quæ sint entis diuisiones, D. Thom. opusc.
42. c. 1. & 3.

3 An ens, quatenus ens, habeat principia &
causas, Son. 4. Metaph. q. 8. Iauel. 6. Meta. q. 1.

4 De Vno vide in Thesauro c. 13. huius libri q.
27. 28. 29. 30. & 31. Item an vnum sit prima passio
entis, Sonc. 4. Meta. q. 24.

5 An multitudo sit prior vno, Iauell. 10. Me-
taph. q. 6.

6 An vnum & multa opponantur, & quo gene-
re oppositionis, D. Thom. 1. p. q. 11. art. 2. Son. 10.
Metaph. q. 4. Iauell. 10. Metaph. q. 5.

7 De vero & falso vide D. Thom. q. 1. de Verit.
per totam quæstionem. 1. p. q. 16. & 17. Item vide
quæstiones, quas nos ponimus in Thesauro c. 5.
li. 4. a q. 1. vsq; ad 16.

Dialect. Questionum.

P

8 De Bono vide D. Thom. 1. p. q. 5. & 6.

9 Vtrum Bonum differat re ab ente. D. Thom. 1. p. q. 5. art. 1. de Verit. q. 21. art. 1. An ens & bonum convertantur. d. 7. de Verit. q. 21. art. 3.

10 Vtrum Bonum sit prius secundum rationem, quàm verum. D. Thom. de Verit. q. 21. art. 3.

11 Vtrum omnia sint bona bonitate Diuina. D. Thom. de Verit. q. 21. art. 4.

12 Vtrum bonum creatura sit bonum per essentiam suam. D. Thom. de Verit. q. 21. art. 5.

13 De Malo habes quæstiones proprias diui Tho. quæ cum disputatis circumscribuntur.

14 De causa mali habes q. in D. Thom. 1. p. q. 49.

15 Vtrum malum sit aliqua natura positua. Durand. 2. d. 34. q. 2. Caiet. 1. 2. q. 18. art. 5. De his denique transcendentibus lege opusculum eius qui in morte noster fuit, id est Ioannis Paci Mirandulani, Victorix Comit. s.

Redeat igitur vnde aberrauit oratio.

Cap. 10. *Quæ sint ea, quæ in Categorijs ponuntur, & quot modis id contingat, de numeroq; ipsarum Categoriarum.*

1 An Deus in aliquo genere contineatur. D. Thom. 1. p. q. 3. art. 5. 1. Sent. d. 8. q. 4. art. 2. 1. Cont. gent. c. 25. in opusc. Compendij Theol. cap. 12. Capr. 1. d. 8. q. 2. concl. 4. & 5.

2 Vtrum infinito repugnet esse in prædicamento. Sonc. 5. Metaph. c. 15.

3 An omne quod habet genus & differentiam sit ad aliquod genus entis determinatum. Capr. 1. d. 8. q. 2. con. 1.

4 An in omni re, quæ propriè ponitur in prædicamento, differat essentia ab esse. Capr. 1. d. 8. q. 2. con. 2.

5 An

Theſaurus

- 5 An omne, quod propriè sub aliquo genere ponitur, habeat actum admixtum potentia. Capr. 1. diff. 8. q. 3. concl. 3. Sonc. 12. Metaph. q. 22. Iau. 11. Meta. q. 8.
- 6 Vtrum ex substantia & accidente fiat vnum per se. Sonc. 7. Metaph. q. 5.
- 7 Num ex anima & corpore fiat vnum per se. Iauell. 2. de Anima. q. 5.
- 8 An ex genere & differentia fiat vnum per se. Iauell. 7. Metaph. q. 18.
- 9 An ex materia & forma fiat vnum per se. Sonc. 8. Meta. q. 28. Iauell. 8. Meta. q. 7.
- 10 An accidentia ponantur in prædicamento, sumpta in abstracto, an potius in concreto. Cai. de Ente. c. 7. tex. 7.
- 11 An totum & partes sint eiusdem speciei. Ferrar. 2. Cont. gent. c. 90.
- 12 An actus & potentia sint eiusdem generis. Caiet. 1. p. q. 77. art. 1.
- 13 Vtrum prædicamenta distinguantur per diuersos modos prædicandi. Sonc. 5. Metaph. q. 13. Iauell. 5. Metaph. q. 16.
- 14 An ens in 10. prædicamenta diuisum sit ens nominaliter sumptum. Ferrar. 1. Cont. gent. cap. 25.
- 15 Quæ sint entis diuisiones. Thom. opusc. 42. de Natura generis c. 1. & 3.
- 16 Vtrum ens habeat vnum conceptum formalem. Sonc. 4. Metaph. q. 1.
- 17 Vtrum ens superius ente rei, & ente rationis sit æquiuocum, an analogum. Sonc. 4. Meta. q. 5.
- 18 Vtrum ens, vt entia rei continet, sit vniuocum, æquiuocum, an analogum. Sonc. 4. Metaphys. quest.

Dialect. Questionum.

Q

quæst. 4. Caiet. de Ente. c. 2. q. 2. & 3. Ferrar. 1. Cont. gent. c. 32. Iauell. 4. Metaph. q. 1.

19 An bene sequatur, Ens est vniuocum, ergo ens est genus. Ferrar. 1. Cont. gent. c. 32.

20 An priuatio sit nullo intellectu considerante. Sonc. 10. Metaphysicorum. q. 15. Iauell. 10. Metaphysicor. q. 10. & ibi quomodo cognoscatur inuenies.

21 An detur potentia obiectiua. Sonc. 9. Meta. q. 2. Iauel. etiam vide 9. Meta. q. 2.

Cap. 11. de Substantia.

1 An substantia vt genus summum, distinguitur à substantia, vt diuiditur contra accidens. D. Thom. opusc. 42. idest, de Natura generis. ca. 10. Iauel. 5. Metaph. q. 17.

2 An ratio formalis substantia sit esse per se, Soncin. 5. Metaphysico. q. 14. Iauell. 5. Metaph. quæst. 17.

3 An prima substantia possit prædicari. Caiet. in proph. c. de genere p. 9.

4 An vniuersale magis existat quàm singulare. Caiet. 1. Poster. cap. 20. q. 3.

5 An substantia sit prior accidente ratione, cognitione, ac tempore. Ferrar. 2. Cont. gent. c. 18. & 19. Iauell. 7. Meta. q. 3.

6 An in definitione accidentis inseparabilis ponatur subiectum. Iauell. 1. Phy. quæst. 15.

7 An substantia sit prior accidente cognitione. Sonc. 7. Metaph. q. 10. & 13.

8 Num accidentia ad cognoscendam rei essentiam quicquam conferant. Iauell. 1. de Anima quæst. 8.

Cap. 12. de effectiionibus substantia.

1 An Dei virtute fieri possit vniuersale à singularibus separatum. Sonc. 7. Meta. q. 41.

2 An

Theſaurus.

2 An in ſubſtantia ſit contrarietas. Iauell. 5.
Phyſi. q. 2.

Additamentum de Accidente in com- muni.

ANtequam de ſingulis accidentium Catego-
rijs diſputatio inſtituatur, poſſunt quædam
aut omnibus, aut pleriſque accidentium Cate-
gorijs communia diſputari, quæ ex his, quæ ſub-
ijciemus locis, colligentur.

1 D. Thom. opuſc. 48. id eſt, Compendij Logi-
cæ, per multos tractatus de ſingulis accidentiũ
Categorijs diſputat. Item opuſc. 42. id eſt, de
natura generis c. 19. & ſequentibus.

2 An accidentia in abſtracto ſint entia. Iauell.
7. Metaph. q. 2.

3 Lẽge totum c. 7. Caiet. de Ente & Eſſentia:
multa enim lectione digna offendes.

Hũc referri poſſunt quæſtiones cap. 8. lib. ſu-
perioris: item cap. 11. huius libri, ſcilicet 1. 5. 6.
7. & 8.

Reuertamur itaque ad Inſtitutiones.

Cap. 13. de Quantitate.

1 An quantitas ſit ſubiectum accidentium eor-
poralium & abſolutorum inhærentium ſubſtã-
tiæ. Capr. 2. d. 18. q. 1. concl. 2.

2 R. Vtrum in Sacramento altaris quantitas
dimenſiua ſit ſubiectum accidentium. D. Thom.
3. p. q. 77. art. 2. Soto 4. d. 10. q. 2. ar. 2.

3 Num quantitas ſequatur formam. Caiet. 1.
p. q. 7. art. 3.

4 An quantitas à ſubſtantia diſtinguatur.
Capr. 2. d. 18. q. 1. concl. 1. Sonc. 5. Metaph. q. 19.
Soto 4. d. 10. q. 2. art. 2. Non cito eum in Com-
men-

Dialect. Questionum.

mentarijs huius cap. ne mei instituti immemor videar.

5 Vtrum in magnitudine sint punctus, linea, & superficies. Sonc. 5. Meta. q. 20.

6 Quid sit locus. Iauell. 5. Physic. q. 13. Soto 4. Physic. q. 1.

7 An omne corpus sit in loco. Soto 4. Physicor. quæst. 2.

8 Quid sit tempus. D. Thom. in opusc. 36. cap. 1. Iauell. 4. Physic. quæst. 20. & 21. Soto 4. Physic. quæst. 4.

9 An tantum sit vnum tempus. Iauell. 4. Physicor. q. 23.

10 An præter tempus continuum, quod est passio primi motus, sit aliud tempus discretum nullo modo continuum. Capr. 2. d. 2. quæstion. 2. conc. 3.

11 An tempus habeat esse completum extra animam. Capr. 2. d. 2. concl. 4. Iauell. 4. Physic. q. 24. Lege præterea Caiet. 1. p. q. 28. art. 1.

12 An continuum componatur ex indiuisibilibus. Iauell. & Soto. 6. phy. q. 1.

13 An ratio mensuræ prius competat vni, quod est principium numeri. Soncin. & Iauell. 10. Metaph. q. 2.

14 An numerus sit vnum simpliciter, an potius vt acernos. Capr. 1. dist. 24. q. 1. concl. 5. Sonc. 10. Metaph. q. 7. Iauell. 8. Metaph. q. 9.

15 An numerus sit ex apprehensione animæ. Sonc. 10. Metaphysic. quæst. 8. Iauell. 8. Metaphysic. q. 9.

16 Vtrum vltima vnitas sit forma numeri. Sonc. 19. Metaph. q. 9. Iauell. 8. Metaph. q. 10.

17 Vtrum forma numeri sit continuitas diuisi. Sonc. 10. Metaph. q. 10.

18 An

Thesaurus

- 18 An numerus sit entitas distincta à rebus numeratis, Sonc. 10. Metaph. q. 11. Iauell. 8. Metaph. quæst. 9.
- 19 An quilibet numerus sit vnum numero. Sonc. 10. Metaph. q. 12.
- 20 Num tempus & motus sint quantitates per se. Sonc. 5. Metaph. q. 24.
- 21 Vtrum substantia sit diuisibilis per quantitatem. Sonc. 5. Metaph. q. 22.
- 22 Vtrum diuisibilitas sit ratio formalis quantitatis. Sonc. 5. Metaphys. q. 21. Iauell. 5. Metaphys. q. 20.
- 23 Vtrum quantitas in ea quæ insunt, diuisibilis sit. Sonc. 5. Meta. q. 13.
- 24 Vtrum finitum & infinitum, & diuisibilitas primò & per se conueniant quantitati. Iauell. 1. Physic. q. 8.
- 25 Vtrum vnum & numerus significant essentiam. D. Tho. 1. Sent. d. 24. art. 4. Capr. 1. d. 24. q. 1. art. 1. conc. 1.
- 26 Vtrum numerus, qui est species quantitatis, & vnitas, quæ est eius principium, solum in rebus materiâ constantibus inueniantur. Capr. 1. d. 24. q. 1. art. 1. concl. 2. Sonc. 10. Meta. q. 13. Iauell. 8. Metaph. q. 11.
- 27 An Vnum ad genus quantitatis pertinens, addat aliquid ad vnum, quod recipitur cum ente. Dur. 1. d. 24. q. 2. Sonc. 4. Metaph. q. 25. Iauell. 4. Metaph. q. 7.
- 28 An ratio vnus sit positiaua, vel priuata. Sonc. 4. Metaphysic. q. & Iauell. 4. Metaphysic. quæst. & lib. 10. q. 1.
- 29 Quomodo multitudo ex vnitatibus componatur. Caiet. 1. p. q. 11. art. 2.
- 30 An species multitudinis sint iuxta species nume

Dialect Quæstionum.

numeri accipiendæ. Caiet. 1. p. q. 7. 1. art. 4.

31 An multitudo sit genus numeri. Iauell. 18. Metaph. q. 13.

Cap. 14 de affectionibus quantitatis.

1 An quantitas possit intendi & remitti. Son. 8. Metaph. q. 27. Caiet. 1. 2. q. 52. art. 1.

2 An eadem quantitas numero possit per essentiam esse maior & minor Capr. 2. d. 18. quæst. 1. concl. 4.

3 Nū æqualitas sit aliquid reale in his quæ sunt æqualia. Capr. d. 31. q. 1. concl. 2. Son. 5. Metaph. q. 34. Caiet. 1. p. q. 42. art. 1.

4 An sursum & deorsum sint species loci, & an sint extrema longissimæ lineæ. Iauell. 4. Phys. q. 3.

Cap. 15. de Qualitate.

1 De Habitibus vide multas quæstiones in diu. Tho. 1. 2. a q. 49. vsque ad 54.

2 Vtrum aliquis habitus immediatè recipiatur in essentia animæ. Dur. 2. d. 26. q. 2.

3 Vtrum virtutes sint habitus. Durand. 2. d. 27. quæst. 1.

4 Qua ratione habitus ad actum se habeat. Caiet. 1. 2. q. 49. art. 3.

5 R. Vtrum Synderesis sit potentia, vel habitus. D. Tho. de Verit. q. 16. art. 1.

6 R. Vtrum conscientia sit potentia, vel actus, aut habitus. D. Tho. de Verit. q. 16. art. 1.

7 R. Vtrum character ad Qualitatis Categori-
gor iam pertineat, & ad quam eius speciem re-
feratur. Caiet. 3. p. quæst. 63. art. 2. Soto 4. Sent. d. 1.
q. 4. art. 2.

Cap. 16. de affectionibus qualitatibus.

1 Vtrum motus illi contrarij sint, qui ad ter-
minos contrarios tendunt. Soto 5. Phys. q. 4.

Thesaurus

- 2 Vtrum inter species , aut differentias cuiuscunque generis sit contrarietas. Iauell. 10. Metaph. q. 18.
- 3 An in figuris detur contrarietas. Iauell. 1. Phys. q. 22.
- 4 An in Quantitate, Qualitate, & Vbi sit contrarietas. Iauel. 5. Phys. q. 5.
- 5 An omnis forma possit intendi & remitti. Cap. 1. d. 17. q. 2. art. 1. concl. 7. præsertim de forma substantiali id tractat Sonci. 8. Meta. q. 15.
- 6 An eadem forma numero possit esse intensa & remissa. Durand. 1. d. 17. quæst. 7.
- 7 Vtrum aliqua formæ intendantur non solum ex maiori participatione subiecti, sed ex additione etiam alicuius. Capr. 1. d. 17. q. 2. art. 1. concl. 6. Caiet. 1. 2. q. 52. art. 2.
- 8 An forma accidentalis habeat gradus , per quos magis, minusque recipiat. Dura. 1. d. 17. q. 5.
- 9 An forma recipiat magis & minus ratione essentia. Duran. 1. d. 17. q. 6. Caiet. 1. 2. q. 52. art. 2.
- 10 Vtrum aliqua forma recipiens magis & minus possit augeri in infinitum. Durand. 1. dist. 17. q. 9.
- 11 Num quæuis forma specificans, nec indiuisibilitatem habens , magis , minusque recipiat. Caiet. 1. 2. q. 52. art. 1.
- 12 Num additio informis sit tantum vel ex parte subiecti, vel ex parte formæ. Caiet. 1. 2. quæst. 52. art. 2.
- 12 An similitudo sit relatio realis. Sonc. 5. Metaph. q. 34.
 Cap. 17. de Relatis. * lib. 1. c. 8. q. 5.
- 13 An dentur aliqua relationes nõ reales. Capr. 1. d. 13. q. 1. art. 2. concl. 1. Sed lege artic. 7. quæst. 13. 1. part. D. Thom.

2 Num

2. Num relatio rationis sit ex solo opere intellectus. Caiet. 1. p. q. 28. art. 1.
3. Num in sola relatorum Categoria inueniatur aliquid reale, & aliquid secundum rationem Caiet. 1. p. q. 28. art. 1.
4. An relatio secundum propriam relationem relationis dicat aliquid reale. Ferrariens. 4. Cont. gent. c. 14.
5. An dentur aliquæ relationes, quæ sint veræ entia rei. Capr. 1. d. 30. q. 1. art. 1. concl. 1. Sonc. 5. Metaph. q. 25.
6. An inter relata realiter distincta sit relatio realis. Sonc. 5. Metaph. q. 29.
7. An relatio habens fundamentum reale sit realis. Sonc. 5. Metaph. q. 27.
8. Quomodo relatio quæ propriam rei operationem sequitur, sit realis. Ferrar. 4. cont. gent. c. 14.
9. R. Vtrum sit aliqua relatio inter Deum & creaturas. D. Thom. de potent. q. 7. art. 8. Sed lege etiam. 1. p. q. 13. art. 7.
10. R. An relationes quæ sunt inter Deum & creaturas sint realiter in ipsis creaturis in Deo. D. Tho. de potentia. q. 7. art. 9. 2. Con. gent. c. 13.
11. R. Vtrum Deus ad creaturas realiter referatur, ita vt ipsa relatio sit aliqua res in Deo. D. Thom. de potent. q. 7. art. 10.
12. R. Vtrum potentia generandi sit ad aliquid. D. Tho. 1. p. q. 41. art. 5. Sent. d. 7. q. 1. art. 2. de potent. q. 2. art. 2.
13. R. An creaturæ ad Deum relatione reali referantur, & Deus ad ipsas relationes rationis. Capr. 1. d. 30. q. 1. art. 1. conc. 3. Ferra. 2. Cont. gent. c. 11. 12. & 13.
14. An relationes quæ conueniunt Deo ex tempore,

- pore, ſint reales. D. Thom. 1. p. q. 13. ar. 7. Durand. 1. d. 30. q. 3.
- 15 Vtrum Relatio à fundamento diſtingua-
tur, Durand. 1. d. 30. q. 2. Capr. 1. d. 30. q. 1. art. 1. Sonc.
5. Metaph. quæſt. 28. Caiet. 1. par. quæſt. 28. art. 2. ad
1. Ferrar. 4. Cont. gent. cap. 14. Iauell. 5. Metaph.
quæſt. 22.
- 16 Vtrum relatio habeat ſuam realitatem ex
fundamento. Sonc. 5. Meta. q. 26.
- 17 Vtrum relatio poſſit immediatè fundari in
ſubſtantia. Sonc. 5. Metaphy. q. 31. Ferrar. 4. Cont.
gent. cap. 14.
- 18 Vtrum relationes diſtinguantur ex plurali-
tate fundamenti. Sonc. 5. Metaph. quæſt. 32.
- 19 An modi relatorum ſint bene ab Ariſt. aſſi-
gnati. Iauell. 5. Metaph. q. 21.
- 20 R. Vtrum relatio creaturæ ad Creatorem ſit
transcendens, diſtincta à ſuo fundamento. Caiet.
1. p. q. 45. art. 3.
- 21 Vtrum terminus ſit de conceptu quiddita-
tius relationis. Sonc. 5. Meta. q. 33.
- 22 Vtrum vni relationi ſecundum ſpeciem
duæ relationes ſpecie diſtinctæ reſpondeant.
Caiet. 1. p. q. 52. art. 2.
- 23 Num relationes ſecundum terminos ſint
numerandæ, id eſt, vtrum pater vna paternitate
ad plures filios referatur. Caiet. 3. p. q. 35. art. 5. Fer-
rarien. 2. contra gent. cap. 12.
- 24 Num quoduis aliud genus præter relatio-
nem ſignificet aliquid inhærens, relatio verò ſo-
lum ſignificet. Ad Caiet. 1. par. q. 28. art. 1. Ferrar.
4. Con. gent. c. 14.
- 25 Num relatum terminetur ad abſolutum, an
ad relatum aliud. Sonc. 5. Meta. q. 30. Caiet. 1. p. qu.
13. art. 7. Ferrar. 2. Cont. gent. cap. 1.

Dialect. Questionum.

U

26. An in illis solùm relatis inueniatur relatio realis mutua, in quibus ex vtraque parte est eadem ratio ordinis vnius ad alterum. Capr. 1. d. 30. q. 1. art. 1. concl. 2. Cai. 1. p. q. 13. ar. 7.

27. An materia & forma sint relata. Iauell. 1. Physic. q. 10.

28. An æqualitas & similitudo relationes reales sint. Sonc. 5. Metaph. q. 34.

29. Quomodo esse diuersum sit esse relatum. Ferrar. 1. Cont. gent. c. 17.

30. Vtrum à relatione extrinseca aliquid denominetur. Ferrar. 2. cont. gent. c. 13.

31. Vtrum identitas sit relatio realis. Sonc. 5. Metaph. q. 35. Caiet. 1. p. q. 28. art. 1. ad 1. Denique circa hoc cap. alia multa reperies in Caieta. 1. p. q. 13. art. 7. 3. p. q. 35. art. 5.

Cap. 18. *de affectionibus relatorum* *. li. 1. c. 8. q. 5.

1. Vtrum vno relatorum intellecto, aliud necessariò intelligi debeat. Cai. 1. p. q. 13. art. 7.

2. An vnum relatorum per aliud definiatur. Caiet. in Porphy. cap. de specie. Vide etiam in Thesauro c. 8. lib. 1. q. 18.

3. Vtrum dictio exclusiua addita vni relatorum, excludat reliquum. Dura. 1. distin. 21. q. 1.

4. An relatio possit aduenire alicui absque eius mutatione. Iauell. 5. Physic. q. 3.

Cap. 10. *de actione & passione.*

1. Vtrum actio immanens, quæ per se est subiectiue in agente, distinguatur à transeunte. Sonc. 9. Metaph. q. 20.

2. An actio immanens ad hanc pertineat Categoriam. Sonc. 9. Metaph. q. 21.

3. Vtrum nomina significantia actus immanentes includant in significato suo respectum. Sonc. 9. Metaph. q. 22.

Thesaurus

4 An actio transiens fit in agente subiectiue
Sonc. 5. Meta. 37. Ferrar. 2. Cont. gent. c. 1.

5 An actio transiens præter relationem & motum significet aliud in agente. Cai. 1. part. quæst. 25. art. 1.

6 Vtrum actio fit forma producta. Sonc. 5. Metaph. q. 36.

7 Vtrum actio dicat absolutum cum respectu. Sonc. 5. Metaph. q. 38.

Cap. 20. de quatuor ultimis Categorijs.

1 An vltima Categoriæ dicant absolutū quid, an relatum potius. Sonc. in. 5. Metaph. quæst. 39. Iauell. 5. Metaph. q. 23.

2 Vtrum Locus & Vbi sint idem. Sonc. 5. Metaph. q. 40.

3 Vtrum Vbi realiter à loco distinguatur. Sonc. 5. Metaph. q. 41. De sex vltimis Categorijs edidit Gilbertus Porretanus Episcopus libellum obfcurissimum, qui De sex principijs nominatur, quem suis Commentarijs Alb. Mag. satis illustrauit.

Cap. 21. de Oppositis. *. lib. 7. c. 8.

1 An vnum vni tantum contrarium fit. Sonc. 10. Meta. q. 20. Iauell. 10. Metaph. q. 14.

2 Quia ratione differat relatiua oppositio ab alijs. Iauell. 10. Metaph. q. 9.

3 Vtrum formæ contrariæ sint eiusdem speciei. Sonc. 10. Metaph. quæst. 23.

4 An contrarietas fit maxima distantia, vel differentia. Iauell. 10. Meta. q. 11.

5 An aliquis actus secundum suam speciem sit indifferens. D. Thom. 1. 2. q. 18. art. 8.

6 An aliquis actus sit indifferens secundum indiuiduum. D. Thom. 1. 2. q. 18. art. 9.

7 Vtrum formæ contrariæ compatiuntur se in eodem

Dialect. Questionum.

- eodem subiecto adæquatè secundùm gradus remissos. Sonc. 10. Metaph. q. 22. Iauell. 10. Meta. q. 13.
- 8 An qualitates mediæ ex extremis componantur. Sonc. 10. Metaphys. q. 21. Iauel. 10. Metaph. q. 17.
- 9 Vtrum differentia specificæ opponantur contrariè. Sonc. 10. Metaph. q. 24.
- 10 An omnia media sint eiuidem generis cum extremis. Iauel. 10. Meta. q. 16.
- 11 Vtrum negatio & priuatio sint extra animā, id est, nullo intellectu considerante existant. Sonc. 10. Meta. q. 15.
- 12 Vtrum negatio & priuatio habeant propriam conceptibilitatem, id est, per se intelligi possint. Sonc. 10. Metaph. q. 16.
- 13 Distinguaturne priuatio à subiecto, in quo est. Sonc. 10. Metaph. q. 17.
- 14 Vtrum contradictio sit maxima oppositio. D. Thom. opusc. de 4. generibus oppositionum, præsertim c. 1. Sonc. 10. Metaph. q. 18. Ferrar. 4. Cont. gen. cap. 14. Iauel. 10. Metaph. q. 11.
- 15 An huic voci Ens alia possit opponi contradictoriè. Sonc. 4. Metaph. q. 7.
- 16 An oppositio contradictoria in relatiua oppositione claudatur. Ferrarien. 4. Cont. gen. c. 14.
- 17 Num vnum oppositorum excludat reliquum. Caiet. 1. p. q. 2. art. 3. ad 1.
- 18 An vnum & multa opponantur, & quo genere oppositionis. D. Tho. 1. p. q. 11. art. 2. Sonc. 10. Metaph. q. 4. Iauel. 10. Metaph. q. 5.
- 19 An à priuatione ad habitum sit regressus. Sô. 10. Metaph. q. 19.

Cap. 22. de modis Prioris & Posterioris.

Theſaurus

Cap. 23. de modis ſimul.

An relata ſint ſimul natura. Caiet. in *Categorijs* c. de relat. tex. 7.

Cap. 24. de ſpeciebus motus.

An tantum ſint tres ſpecies motus. Soto. 5. *Phyſ.* q. 1.

Cap. 25. de modis habendi.

Quæſtiones libri quarti de Enuntiatione

Cap. 1. de Inſtituto libri, eiſque diuiſione.

An ſecundæ mentis operationi, quæ eſt com-
poſitio & diuiſio, reſpondeat compoſitio & di-
uiſio realis in rebus. Iauel. 9. *Metap.* q. 20.

Cap. 2. de Nomine.

1 An definitio vocis ab Ariſt. aſſignata ſit ido-
nea. Iauel. 2. de *Anima* q. 38.

2 An ratio quam ſignificat nomen, ſit concep-
tus intellectus de re intellecta. Caiet. 1. p. q. 13.
ar. 4.

3 Num ex rerum identitate, aut diuerſitate lice-
at nominum identitatem, aut diuerſitatem col-
ligere. Caiet. 1. p. q. 13. art. 5.

Cap. 3. de Verbo.

Cap. 4. de Oratione.

Cap. 5. de Enuntiatione & eiſ diuiſionibus.

Additamentum de Veritate & Falfitate.

DIuus Thomas enunciationis tractatum à ve-
ritatis diſputatione exorditur. Quare placu-
it, quæ de veritate habentur quæſtiones hoc lo-
co diſponere.

1 Quid ſit veritas. D. Th. de *Verit.* q. 1. ar. 1. Fer-
rar. 1. *Cont. gent.* c. 59.

2 Vtrum veritas ſit ens rationis. Durand. 1. d. 19.
q. 5.

q. 5. Sonc. 6. Metaph. q. 16.

3 An veritas dicat tantum respectum adæquationis. Sonc. 6. Metaph. q. 17. Ferrar. 1. Cont. gent. c. 60.

4 Vtrum veritas sit in rebus, an potius in intellectu. D. Thom. 1. p. q. 16. art. 1. De Verit. q. 1. ar. 2. Durand. 1. d. 19. q. 6. Capr. 1. d. 19. q. 3.

5 Vtrum veritas sit in sensu. D. Tho. 1. d. Verit. q. 1. ar. 9.

6 Vtrum veritas sit in intellectu componente & diuidente. D. Thom. 1. p. q. 16. art. 2. De Verit. q. 1. artic. 3.

7 Vtrum veritas sit de essentia rei. D. Thom. 1. Senten. d. 19. q. 5. ar. 1.

8 Vtrum omnia sint vera vna veritate, vel pluribus. D. Thom. 1. p. q. 16. ar. 6.

9 Vtrum omnia sint vera veritate increata. D. Thom. 1. Sent. d. 19. q. 5. artic. 2.

10 Num veritas multiplicetur iuxta multitudinem intellectuum, & in vno intellectu iuxta multitudinem obiectorum. Caiet. 1. p. q. 16. art. 6.

11 An veritas intellectus practici pendeat à rebus. Caiet. 1. 2. q. 64. art. 3.

12 An negans veritatem esse, concedat subinde verum esse, nullam veritatem esse. Caiet. 1. p. q. 2. art. 1. ad 3.

Quoniam autem contraria iuxta se posita magis elucescunt, nonnullas etiam quas de Falsitate reperimus quæstiones, afferamus.

13 Num verum & falsum sint contraria. D. Thom. 1. p. q. 17. art. 4.

14 An in reb. ipsis falsitas reperiatur. D. Th. 1. p. q. 17. ar. 1. de Verit. q. 1. ar. 10.

15 Num falsitas in sensu detur. D. Thom. 1. p. q. 17. ar. 2. de Verit. q. 1. ar. 11.

16 An

Theſaurus

16 An falſitas ſit in intellectu. D. Thom. 1. p. q. 17. ar. 3. de Verit. q. 1. art. 12. Veniamus iã ad proprias huius libri quæſtiones.

17 An propoſitio affirmatiua ſit prior & notior negatiua. Fland. 1. Poſter. q. 44. Ferrar. 1. Cont. gẽ. cap. 14.

Cap. 6. de oppoſitione enuntiationum.

1 Vtrum diſtinctio rationis ſit ſufficiens ad tollendam contradiccionẽ. Sonc. 4. Metaph. q. 30.

2 Quid ſit aliquid. inuoluere contradiccionem. Ferrar. 1. Cont. gent. c. 22. Vide præterea Soto 3. Phyiic. q. 4.

3 Quid ſit primum principium complexum. Iauell. 4. Metaph. q. 9.

Cap. 7. de enuntiationum equipollentia.

Cap. 8. de conuerſione enuntiationum.

Cap. 9. quod ſit modalis enunciatio.

Cap. 10. de modis eam conſtituentibus.

Cap. 11. de equipollentia modalium enuntiationum.

De modalibus enuntiationibus habes integrum opus. c. 40. D. Thom. has tamen quæſtiones accipe.

1 Vtrum iudicandum ſit, aliquid poſſibile, aut impoſſibile, iuxta cauſas ſuperiores, an iuxta inferiores. D. Thom. de Potent. q. 1. art. 4.

2 Quot modis impoſſibile accipiat. Ferrar. 3. Cont. gent. c. 86.

3 Poſſibile quam ratione ſe habeat ad effe aut non eſſe. Ferrar. 1. Cont. gen. c. 4.

4 An definitio poſſibilis vt diſtinguitur contra impoſſibile, ſit accomodatã. Iauell. 9. Metaph. q. 9.

5 An aliquid ſit poſſibile, quod nec fuit, nec futurum ſit. Iauel. 9. Metaph. q. 10.

Cap. 12. de modificatã enuntiationum oppoſitione.

Cap. 13.

Cap. 13. de conuersione earum lib. 7. c. 8. arg. 2.

In hoc cap. circa quæ nos de enunciationibus perpetuæ veritatis pertractauimus, has reperi quæstiones.

1 Vtrum sint plures veritates æternæ. D. Tho.

1. Senten. d. 19. q. 5. art. 3. de Verit. q. 1. pt. 5. & 6.

2 An enunciationes in materia necessaria veræ

sint rebus non existentibus. Son. 9. Metaph. q. 5.

Caiet. 1. Poster. c. 9. q. 3. & 5. Ferrar. 2. Cont. gent.

c. 52.

3 An hæc propositio, Socrates est homo, sit æ-

ternæ veritatis. Ferrar. 2. Contra gent. c. 9

Præterea in digressionem, quæ ad finem habetur, duæ quæstiones occurrunt.

4 Vtrum in omni prædicatione per se debeat

maius de minori, aut par de pari prædicari. Caiet.

in Porphy. c. de Genere.

5 An omnis propositio per se conuertatur in

propositionem per se. Caiet. 1. Poster. c. 4. ad finem.

Iauell. 3. Metaph. q. 3. Sonci. 7. Metaph. q. 5.

Cap. 14 de enunciationibus modi contingentis, sumendo contingens pro eo quod potest esse & non esse.

Huc pertinet tractatus enunciationum futuri contingentis, satis apud Arist. tenebrosus: qui vt enucleatè discipulis proponatur, hæ quæstiones legantur.

1 Vtrum contingens sit contingens quando est

aut quando non est. Sonc. 6. Metaph. q. 14. Ferrar. 1.

Con. gen. c. 67. Iauel. 6. Metaph. q. 12.

2 An ex causa necessaria effectus contingens

possit oriri. Ferrar. 1. Con. gen. c. 67.

3 An effectus contingens habeat contingentiam

à causa proxima. Iauel. 6. Metaph. q. 11.

4 An in hoc mundo inferiori possit esse ali-

quis

Theſaurus

quis effectus contingens. Sonc. 6. Metaph. q. 11. Iſa-
uel. 6. Metaph. q. 10.

5 Vtrum omne quod raro euenit ſit contingens,
atque fortuitum. Iſauel. 2. Phyſi. q. 21.

6 R. An Deus cognoscat futura contingencia.
D. Thom. 1. p. q. 14. art. 13. multa ſanè ibi in D. Tho.
& Caiet. reperies obſervatione digna. Præterea
vide D. Thom. 1. d. 38. q. 1. art. 5. 1. Contingent. c. 67. de
Verit. q. 2. art. 12.

*Cap. 15. de veritate modificatarum enunciationum cog-
noſcenda.*

*Cap. 16. de Hypotheticis enunciationibus. * lib. 7. c. 5.*

Additamentum ex diuo Thoma.

Cæterum præterire nolo, quod apprimè le-
ctori vtile futurum arbitror. Equidem D. Thom.
poſtquam rem aliquam arduam pertractauit, de
more habet exponere, quoniam pacto in illo
genere deceat virum catholicum loqui: nimi-
rum quia ſummus non intelligendi ſolum, ſed
docendi quoque magiſter non ignorabat, ex
verbis inordinatè prolatis hæreſim naſci. Hac
itaque occaſione multa de enunciationis naturâ
docet, quæ ſi curioſus lector non indiligenter
obſeruet, breui eruditus fiet. Loca igitur indica-
bo.

1 De veritate enunciationum circa ſanctiſſimæ
Trinitatis myſterium. D. Tho. 1. p. q. 39. 1. Sent. d.
5. q. 1. d. 21. q. 1. art. 2.

2 De veritate enunciationum circa Domini in-
carnationem. D. Tho. 3. p. q. 16. 3. Sent. d. 7. q. 1. & 2.
d. 12. q. 1. art. 1. & 2.

3 De Veritate enuntiationum circa ſacramenta.
D. Tho.

Dialect. Questionum.

D. Tho. 3. p. q. 75. artic. 8. 4. Sent. d. 11. q. 1. art. 4. quæ-
stiuncula 2. 3. & 4.

*Quæstiones libri quinti de Argumen-
tatione.*

Cap. 2. & 3. *de materia & ordine libri.*

De Syllogismis habes à diuo Thom. opus. inté-
grum 47. & in opusc. 48. tractatum etiam inté-
grum.

Cap. 2. & 3. *de maioribus, minoribusque syllogismi partibus,*

Cap. 4. *de syllogismi diuisione ac principiis.*

Num omnium syllogismorum sint eadem
principia. Fland. 1. Poster. q. 48 art. 1.

Cap. 5. *de tribus figuris generatim.*

Cap. 6. *de prima figura.*

Utrum demonstratio potissimum fieri de-
beat in prima figura. Flan. 1. Poster. q. 31. art. 1.

Cap. 7. *de 2 figura.*

An ex ex vtraque affirmatiua possit rectè fieri
syllogismus in 2. figura. Ferrar. 3. Cont. gent. c. 3.

Cap. 8. *de 3 figura.** lib. 3. cap. 8. dub. 1.

1 An cõclusio particularis possit ex vtraque præ-
missa vniuersali colligi. Caic. 1. Poster. c. 9. q. 1.

2 Analicuius demonstrationis particularis
conclusio possit esse vniuersa. Flan. 1. Poster. q.
42. art. 2.

3 An detur quarta figura, lege in nostro Vigue-
ro in suis Instit. Theologicis. c. 2. §. 4. versu 2.

Cap. 9. *de ostensiuæ reuocatione imperfectarum ratiocina-
tionum.*

Cap. 10. *de reductione ad incommodum.*

Cap. 11. *de ratione inuestigandi medium.*

1 – An cognitio mediij respectu conclusionis ha-
beat

Theſaurus

beat ſe vt medium motus. Caiet. p. p. 79. art. 9.

2 An medium & conſuſio ad eandem pertineant potentiam. Caietan. i. p. q. 79. artic. 9.

Cap. 12. *de ſyllogiſmo expoſitorio.*

An quæ ſint eadem vnitertio, ſint eadem inter ſeſe. Caiet. i. p. q. 28. art. 3. ad 1. Sonc. 4. Metaph. q.

22 Ferrar. 2. Cont. gent. c. 9.

Cap. 13 *de ſyllogiſmo Hypoſthetico.*

Cap. 14 *de ſyllogiſmi diuiſionibus.*

Cap. 15. *de Inductione.*

Cap. 16 *de Enthymemate.*

Cap. 17. *de Exemplo.*

Cap. 18 *de aliis formis argumentationis.*

Quæſtiones libri ſexti de Demonſtratione.

Alia ratione in hoc libro quàm in alijs mihi progrediendum video. Nam cum ſit omnium Dialecticæ librorum princeps & caput, ita me gerere volui, vt qui hoc Theſauro vtetur, habeat tanquam commentaria in Ariſtotelis Poſteriora. Igitur primum circa noſtras Inſtitutiones verſabimur, deinde alia non contemnenda adiiciemus.

Cap. 1. *de definitione demonſtrationis.*

De Demonſtratione habet integrum opusculum D. Thom. eſtque 38. Item in compendio Logicæ tractatum quendam, qui in demonſtrationis explicatione totus eſt poſitus,

Cap. 2. *quotuplex ſit demonſtratio.*

An ab effectu ad cauſam, & è contrario argumentari poſſimus. Iauell. i. Phyſicorum q. 4.

Hic poſſent quæſtiones ad ſcientiæ definitionem, diſtinctionem, vnitatemque pertinentes recenſeri, ſed commodior erit locus poſt 4. cap. quæſti-

questiones, additamento primo. 1.

Cap. 3. de principijs demonstrationum.

1 Quod sit primum principium complexum
Iauell. 4. Metaph. q. 9.

2 Quomodo intellectus prima principia cog-
noscat. Sonc. 4. Metaphys. q. 33. Ferrar. 4. Cont.
gent. c. 11. Iauel. 2. Metaph. q. 1.

3 An tota scientia virtute in principiis conti-
neatur. Caiet. 1. p. q. 1. ar. 7.

4 Quæ propositio sit per se nota. Caiet. 1. p. q. 2.
art. 1. Ferrar. 1. Con. gent. c. 11. libr. 4. cap. 45.

5 An vt aliqua enunciatio sit per se sufficiat
prædicatum esse de ratione subiecti. Capr. 1. d.
2. q. 2. concl. 1.

6 An omnis propositio per se nota, sit per se
nota nobis. Capr. 1. d. 2. q. 2. concl. 2. Caiet. 1. p. q. 2.
art. 1.

7 An genus prædicetur per se de differentia.
Sonc. 4. Metaph. q. 20. Iauell. 3. Metaph. q. 2.

8 R. An Deum esse sit per se notum menti hu-
manæ. D. Thom. 1. p. q. 2. art. 1. De Verit. q. 10.
art. 12.

9 Quomodo se habeat secundum quod ipsum
ad per se. Ferrar. 2. Cont. gent. cap. 15.

Hoc loco circa hanc orationem, Secundum
quod ipsum, (quæ idem sonat ac Quatenus tale)
sciendum est, aliquando accipi vt superiorem
ad per se, aliquando vt æqualem. Aristoteles 1.
Posteriorum cap. 4. pro eodem accipit per se, &
quatenus tale, aut eo ipso quod talis res est: at in
communibus colloquijs & disputationibus se-
cundum quod ipsum, ac quatenus tale idem est,
quod ratione suæ propriæ & peculiaris essen-
tiæ, aut primò & per se. Quare iuxta primum
sensum hæc enuntiatio, Homo quatenus homo
est ani-

est animal, vera est, sed iuxta secundum est falsa. Nos autem in Institutionibus semper sumimus. Quatenus, aut Secundum quod ipsum in posteriori sensu, quoniam est manifestior, habeturque apud diuum Thomam 2. Cont. gent. cap. 15. immo apud Aristotelem ipsum 1. Post. c. 5.

Alias quæstiones pertinentes ad enuntiationes per se, vide in Thesau. lib. 4. c. 13.

10 Num quod accidit vniuersaliter conueniat, Caiet. 1. 2. q. 51. art. 1.

11 Vtrum primum cognitum sit magis vniuersale. D. Tho. 1. p. q. 85. ar. 3. Son. 7. Meta. q. 11. Caiet. in procem. opusc. de Ente. q. 1. Sqto. 1. Phy. q. 2.

12 An id de quo scientia haberi debet, actu esse oporteat. Iauel. 9. Metaph. q. 19.

13 An eadem sint prius & magis nota natura, & nobis. Iauell. 1. Phys. q. 3.

14 An solus Metaphysicus consideret Quod quid est subiectorum scientiarum particularium. Iauell. 6. Metaph. q. 2.

15 An magis vniuersalia sint cognitu difficiliora. Iauel. 1. Metaph. q. vltim.

16 R. Vtrum Deus sit primum quod à mente nostra cognoscitur. D. Thom. in Boeth. de Trinit. q. 1. art. 2. & 3.

17 Num cognoscens aliquid esse, cognoscat Esse eius. Caiet. 1. p. q. 3. ar. 4. ad 2.

18 Vtrum intellectus eodem actu intelligat conclusiones & principia. Sonc. 6. Meta. q. 10. Ferrar. 1. Cont. gent. c. 57.

19 An intellectus plura simul cognoscere possit. D. Tho. 1. p. q. 85. art. 4. quolibeto 7. q. 1. art. 2. Ferrar. 1. Cont. gent. c. 55.

20 R. Vtrum Angeli simul multa cognoscant. D. Thom.

D. Thom. 1. 2. q. 58. art. 2. de Verit. q. 8. art. 14.
21 Quid sit effectum esse causæ adæquatum. Ferrar. 1. Cont. gent. c. 3.

22 Num cognitio mediæ respectu conclusionis habeat se vt medium motus. Caiet. 1. p. q. 79. art. 9.

23 An mediū & conclusio ad eandem pertineat potentiam. Caiet. 1. p. q. 79. artic. 9.

24 Vtrum quodquid est sit idem cum eo cuius est. Capr. 1. d. 4. q. 2. conc. 3. d. 8. q. 1. conc. 1. Sonci. 7. Metaph. q. 20.

25 An primum cognitum ab intellectu sit singulare. Sonci. 7. Metaph. q. 12.

26 R. Num veritati fidei Christianæ repugnet humanæ rationis veritas. D. Tho. 1. Cont. gent. c. 7.

*Cap. 4 quorum sit demonstratio. * lib. 1. c. 2.*

1 An fatum, sit scibile. D. Tho. opusc. de Fat. c. 4.

2 Vtrum omne quod rarè euenit, sit contingens & fortuitum. Iauell. 2. Phy. quæst. 11.

3 Num omne quod sit aut semper, aut frequenter, aut rarè fiat. Iauell. 1. Phy. q. 22. Reliquas huius capitis quæstiones vide in additamento sequenti.

Placet hoc loco duo inferere, quibus intelligo valde iuuandum lectorem. Primum est Elenchus quæstionum scientiæ, alterum conciliatio sectionum Caietan. & Perionij. De scientia autem eas quæstiones adducam, quæ ad eius definitionem, diuisionem, vnitatem, subalternationem, & distinctionem, ac denique obiectum pertinent.

Additamentum de Scientia.

Vtrum sint tantum tres habitus intellectus, scilicet Sapiëntia, Scientia, & Intellectus. D. Tho.

1. 2. q. 57. art. 2.

q. 21

2 An

Thesaurus

- 2 An omnis scientia requirat euidentiā aliorum principiorum. Capr. in prolog. q. 1. concl. 1.
- 3 Num ad habendam scientiam oporteat omnes rei causas cognoscere. Iauel. 1. Physic. q. 1.
- 4 R. Num Theologia sit scientia. D. Tho. 1. p. q. 2. art. 2. Durand. in prol. Sent. q. 6. Vide etiam Doctores Scholasticos in prolog. Sentent.
- 5 An scientia sit vna, & simplex qualitas. Capr. in prol. Sent. q. 3. concl. 1. Sonc. 6. Metaph. q. 9. Caiet. 1. 2. q. 54. ar. 4. Ferrar. 1. Cont. gent. c. 56. Lege etiam Soto q. 3. proem. Logicæ.
- 6 An vnitas specifica scientiæ attendenda sit penes vnitatem obiecti formalem: Capr. in prol. Sent. q. 3. concl. 3. Fland. 1. Poster. q. 46. art. 2.
- 7 R. An Theologia sit vna scientia. D. Tho. 1. p. q. 1. art. 3. Durand. in prolog. Sent. q. 4. & Capr. in prol. q. 3.
- 8 An distinctio specifica scientiarum sumi debeat ex distinctione generica scibilium; quatenus scibilia sunt. Capr. in prol. q. 3. concl. 2. Vide Sonci. 6. Metaph. quæst. 8.
- 9 Vtrum ex diuersa ratione cognoscendi sequatur necessitas & diuersitas scientiarum. Caiet. 1. p. q. 1. ar. 1.
- Multas alias quæstiones habes reales in Thesauro c. 2 lib. 1.
- 10 Num certitudo secundum se & quo ad nos distinguat habitus, an obiecta. Caiet. 2. 2. q. 4. art. 8.
- 11 An reliquæ scientiæ subalternentur Metaphysicæ. Soncin. 4. Metaphysic. q. 9. Iauell. 1. Metaph. q. 2.
- 12 R. Num Theologia sit scientia subalternata. Durand. in prol. Sent. q. 7. & 8.
- 13 An ratio formalis obiecti, vt obiectum est, & il.

& illius vnitas, & ratio formalis illius, verè quædam est, reciprocentur, sicut subiectum & propria passio. Caiet. 1. p. q. 1. art. 3.

14. An de Analogo scientia esse possit. Caiet. opulc. de Nominum analogia. c. 10.

15. An primum principium demonstratione cognoscatur, an potius cognitione sensitua. Iauell. 4. Metaph. q. vltima.

16. Num de ente per accidens possit esse scientia. Sonc. 6. Metaphy. q. 13. Iaue]. 6. Meta. q. 9.

17. An de his quæ de fidei subsunt scientia esse possit. D. Tho. 2. 2. q. 1. art. 5. In Boeth. de Trinit. q. 2. ar. 2.

18. R. Sitne prophetia de conclusionibus scibilibus. D. Tho. de Verit. q. 12. ar. 2. Denique circa hunc de scientia tractatum multa & egregia quidem in Commentarijs prologi Sententiarum apud Scholasticos inueniuntur, & in 1. p. D. Tho. q. 1. & primis cap. lib. 1. Cont. gent.

Additamentū de Caietani, Perioniique sectionibus.

Diligenter equidem varia in Aristotelis ad Posteriori Analyt. libros commentaria legi, sed cū omnia expendissem, vix reperi, quæ cum Caietani commentarijs comparari possent. Nam quamuis in Aristotele explicando primas ego & secundas, ac tertias diuo Thomæ concedam; tamen Caietanus multas easque grauissimas quæstiones affert, quibus ignoratis mutus mihi Aristoteles ipse videtur. Cæterum quiddam est, quod à Caietano Dialecticorum animos alienauit. Multò enim aliter capita diuidit, quàm plerique solent. Quo fit, vt qui aut lecturus, aut disputaturus decimum aut vndecimum caput Posteriorum Aristotelis intelligere cupit, Caietani Commentaria inutilia iudicet: nimirum

Thesaurus

in quibus 10. aut 11. caput nil eorum præferunt.
 quibus ipse indiget. Nam quod apud alios in 10.
 cap. inuenitur, Caiet. in 13. ponit. Quare in eorum
 gratiam, qui huius Patris scriptis afficiuntur, e-
 ius sectionem cum ea quam Perionius sequitur,
 diuisione conciliare decreui. Itaque in 1.2. & 3. c.
 nulla est dissensio; sed

- 4. Perionij, est 4. & pars 5. Caiet.
- 5. Perionij, est reliquum 5. Caiet.
- 6. Perionij, est 6. & pars 7. Caiet.
- 7. Peri. est reliquum 7. Caiet. & 8.9. & 10.
- 8. Peri. est 11. & pars 12. Caieta.
- 9. Peri. est reliquum 12. Caiet.
- 10. Perion. est 13. Caiet.
- 11. Perion. est 14. Caietani.
- 12. 13. & 14. Peri. efficiunt 15. Caiet.
- 15. & 16. Peri. efficiunt 16. Caietan.
- In 17. 18. 19. & 20. non est discrimen.
- 21. & 22. Perio. efficiunt 21. Caiet.
- 25. Perion. est 22. Caiet.
- 24. Perionij, est 23. Caietani.
- 25. Perionij, est 24. Caietani.
- 26. & 27. Perion. efficiunt 25. Caietani.

EX 2. LIBRO.

- 1. & 2. Perionij efficiunt 1. Caietani.
- 3. Perion. est 2. Caietani.
- 4. Perion. est 3. Caietani.
- 5. Peri. est 4. Caietani.
- 6. & initium 7. Perionij, efficiunt 5. Caietani.
- Reliquum 7. Perio. est 6. Caieta.
- 8.9. & 10. Perionij efficiunt 7. Caiet.
- 11. Perion. est 8. & pars 9. Caiet.
- 12. & 13. Perionij efficiunt aliam partem 9. Caiet.
- 14. & 15. Perionij, efficiunt 10. Caiet.

16. Peri.

16. Peri. est 11. & 12. Caietani.

17. & 18. Perionij, efficiunt 13. Caietani.

Hanc diligentiam sic vtilem scholasticis futuram speramus, ac si in his paucissimis lineis integra in Aristotelis, posteriora vulgassemus Commentaria. Potissimum autem Valentini scholæ auditoribus, qui solum Perionium & Gruchium norunt, Caietanus restitutus videtur. Cæterum qui Argyropoli sectionem sequi voluerit, sciat eum & Perionium semper conuenire: nisi quod in 1. lib. in principio 15. cap. aliquantulum differunt, & in 2. lib. in tribus ultimis capitibus.

Quæstiones libri 7. de locis Dialecticis.

Cap. 1. *quid sit Dialecticus syllogismus.*

Utrum scientia differat ab opinione. Fland 1. poster. c. 49. ar. 1. Sed præterea consule Caiet. & Soto in ult. cap. 1. Posterior.

Cap. 2. *de libri utilitate.*

— An primum principium demonstrari possit. Izael. 4. Metaph. q. ult.

Cap. 3. *Quid sit locus, & quotuplex.*

Cap. 4. *de loco à definitione & similibus.* *lib. 1. c. 8.

1. An quum aliquid alicui tribuitur, necesse sit omnia, quæ sunt de eius ratione, ei tribui. Caiet. 1. p. q. 28. art. 3.

2. An sola pluralitas formæ sufficiat, ut nomen substantiium possit plurificari. Ferrar. 4. Cont. gent. c. 12.

Cap. 5. *de Loco à toto.* *lib. 1. cap. 9. in principio, & obiecti. 1. & 2.

Cap. 6. *de Loco à causa* *lib. 1. c. 8. obiecti. 1. & 2.

1. Utrum sint tantum quatuor genera causarum. Soto 2. Physic. q. 3.

2. Utrum causa & effectus sint simul. Soncir. 5.

Metaphy. q. 7.

3 An ex causa necessaria effectus contingens sequatur. Ferrar. 1. Con. gent. c. 67.

4 Vtrum vna scientia sit dignior altera. Fland. 1. Poster. q. 46. art. 1. Caieta. 1. Poster. c. 22. Soto 1. Poster. cap. 23.

Cap. 7 de Locis ab Ortu & Interitu, Vsu, & Communitate accidentibus.

Vtrum si affirmatio est causa affirmationis, negatio debeat esse causa negationis. Fland. 1. Poster. q. 29. art. 2. Caiet. 1. Post. c. 13. q. 6. Iaue. 1. de Anima. q. 10.

Cap. 3. de Loco ab oppositis. *. lib. 3. c. 21.

Cap. 9. de loco à comparatis.

Cap. 10. de Loco à proportionibus, & commutata proportionibus.

Cap. 11. de Loco à coniugatis.

Cap. 12. de loco ab autoritate.

Questiones libri 8 de locis sophisticis.

Cap. 1. de Instituto libri, & finibus sophistarum.

Totum hoc negotium integro opusculo de Fallacijs inscripto complexus est D. Thom. Extat præterea quæst. Dominici à Flandria in illud.

Cap. 2. Quid sit locus Sophisticus, & quotuplex sit.

Cap. 3. de Fallacia Homonymia. *. lib. 3. c. 2.

Cap. 4. de fallacia Amphibologia.

Cap. 5. de fallacia Compositionis, & diuisionis.

Cap. 6. de fallacia Accentus.

Cap. 7. de fallacia figura dictionis.

Cap. 8. de fallacia Accidentis.

An quando in antecedente ponitur aliquid pertinens ad actum animæ, consequens sit exponendum secundum esse, quod in se habet. Caietan. 1. par. q. 14. artic. 13. ad 2.

Cap. 9. de fallacia ab eo quod ex parte, ad id quod absolute dicitur.

Cap. 10. de ignorations Elenchi.

Cap. 11. de petitione principij.

1. An petatur principium in argumentatione, quæ aliquid de definito media definitione probat. Caiet. 1. Poster. c. 3. q. 1. ad medium.

2. An quando vna definito per aliam probatur, sit petitio principij. Caiet. 2. Poster. c. 3. q. 3.

Cap. 12. de fallacia consequentis.

An si ex falsis verum concludi non posset, esset bona argumentatio ex affirmatione consequentis ad affirmationem antecedentis. Caic. 1. Poster. c. 12. q. vltima.

Cap. 13. de Fallacia ex non causa, ac si esset causa.

Cap. 14. de pluribus interrogationibus, ac si essent vna.

Cap. 15. de vocabulis artis.

Cap. 16. de textibus.

Cap. 17. de Aristotelis ac Græcorum moribus.

Has reperi quæstiones in prædictis autoribus, quæ ad Commentaria nostra pertinerent: sed præterea ex Alberto Magno & Fratre Hieronymo Natali, quondam totius Religionis præfecto, qui tempore Durandi acerrimus diui Thomæ defensor est habitus, multas quæstiones digessim: postea verò ob eam causam deleui, quia vix eorum opera inueniuntur. Denique ex Metaphysica Dominici Flādrensis infinitas ferè quæstiones paraueram: quas tamen superioribus ideo iungere nolui, ne in magnum volumen Thesaurus excresceret. Cæterum in eisdem ferè locis in quibus Soncinas aut Iauell, citantur, poterit etiam Flandrensis legi. Accipe itaque Lector hoc nostrum opusculum, nec tamen existimes omnium autorum, qui in eo citantur, opiniones nobis probari: sed ob eam solùm causam adducuntur, vt eos consulas, ac de rebus istis pro tuo arbitrio sentias. Valentiz in solennitate sanctissimi Rosarij, Dei genitricis Mariæ.

INDEX

CAPITVM, QVÆ

IN HISCE COMMENTA-

RIIS CONTINENTVR.

IN LIBRVM PRIMVM.

In quo prima Dialectica Elementa proponuntur.

D E Dialectica inuentore. Cap. 1.	pag. 1.
Quid sit Dialectica, cap. 2.	4
Dubia contra superiora.	7
Qualis sit Dialectica, an sit necessaria, vel inutilis, cap. 3.	12
Obiectiones aduersus superiora.	13
De fine dialectica, cap. 4.	16
Dubia contra superiora.	17
De officio Dialectici, cap. 5.	20
Quasi iuncula aduersus superiora.	21
De materia dialectica, cap. 6.	21
Dubia aduersus superiora.	23
De Instrumentis, cap. 7.	25
Quæstia.	26
De Diffinitione, cap. 8.	30
Leges diffinitionis.	31
De modo inuestigandi definitiones.	34
Quæstiones.	35
De diuisione altero differendi instrumento, cap. 9.	48
Præcepta bona diuisionis.	49
Huius capituli difficultates.	50
De Argumentatione, tertio dialecticorum instrumento, cap. 10.	55
Quotuplex sit argumentatio.	59
Præcepta bona argumentationis.	61
De partibus dialectica, cap. 11.	68
Quæstia.	69

C A P I T V M.

FE

IN LIBRVM SECVNDVM, IN QVO de quinque vocibus agitur.

D E subiecto Dialectica, cap. 1.	71
Observatio.	79
De dialectica diuisione, cap. 2.	ibid.
Dubia huius capitis.	81
De ordine librorum dialectica, cap. 3.	87
Obiectiones.	88
De subiecto, & necessitate libri quinque Vocum, cap. 4.	90
Obiectio aduersus superiora.	91
De Genere, & specie, cap. 5.	92
Argumenta aduersus superiora.	
De Differentia, cap. 6.	96
Controuersia circa diffinitionem Differentia.	97
De Proprio, cap. 7.	99
Quaestiuncula aduersus superiora.	101
De Accidente, cap. 8.	ibid.
Qua in hoc capite dubia videntur.	104
De Individuo, cap. 9.	111
Argumenta in hoc caput.	116
De numero vniuersalium, cap. 10.	117
Quomodo Natura fiat vniuersa, cap. 11.	139
Huius capitis dubia.	131
De quibusdam axiomatibus, cap. 12.	ibid.

IN LIBRVM TERTIVM, IN QVO de Categorijs agitur.

D E subiecto, & utilitate, ac diuisione libri, cap. 1.	137
Argumenta in hoc caput.	139
De Homonymis, seu Aequiuocis, cap. 2.	141
Qua in hoc capite dubia videntur.	143
De Synonymis, aut Vniuocis, cap. 3.	146
Obiectio in Synonymorum definitionem.	147
De Paronymis, cap. 4.	148
Impugnantur superiora.	149
Responsio pro Aristotele, cap. 5.	154
De prima diuisione, cap. 6.	156
Huius capitis quaestiones.	157
De secunda Diuisione, cap. 7.	160
Argu-	

I N D E X

<i>Argumenta aduersus superiora.</i>	162
<i>De prima regula Antepredicamentali cap. 8.</i>	167
<i>Qua ex superioribus dubia videri possunt.</i>	<i>ibid.</i>
<i>De altera regula Antepredicamentali. cap. 9.</i>	170
<i>Impugnantur ex dictis nonnulla.</i>	173
<i>Qua sint ea qua in Categorijs ponuntur: Et quot modis id accidat, de numeroq; ipsarum Categoriarum. cap. 10.</i>	176
<i>Questio.</i>	179
<i>De substantia. cap. 11.</i>	183
<i>In superiora obiectiones.</i>	186
<i>De affectionibus substantia. cap. 12.</i>	193
<i>Dubitationes.</i>	<i>Ibid.</i>
<i>De Quantitate. cap. 13.</i>	198
<i>Questiones.</i>	204
<i>De affectionibus Quantitatis. cap. 14.</i>	209
<i>Dubitationes.</i>	210
<i>De Qualitate. cap. 15.</i>	212
<i>Questiones.</i>	217
<i>De proprietatibus Qualitatis. cap. 16.</i>	227
<i>In ea qua dicta sunt obiectiones.</i>	232
<i>De Relatis. cap. 17.</i>	234
<i>Huius capituli difficultates.</i>	238
<i>De affectionibus Relatorum. cap. 18.</i>	240
<i>Huius capituli dubia.</i>	241
<i>De actione & passione. cap. 19.</i>	243
<i>De 4. ultimis categorijs. cap. 20.</i>	245
<i>De Oppositis. cap. 21.</i>	248
<i>Obiectiones.</i>	254
<i>De modis Prioris & Posterioris. cap. 22.</i>	260
<i>Huius capituli dubia.</i>	261
<i>De modis Simul. cap. 23.</i>	263
<i>Huius capituli dubia.</i>	264
<i>De speciebus Motus. cap. 24.</i>	266
<i>Quaestiuncula.</i>	267
<i>De modis habendi. cap. 25.</i>	<i>ibid.</i>
<i>Quasitum.</i>	268

IN LIBRVM QVARTVM, QVI est de Enunciatione.

D E Instituto, ac Libri diuisione. cap. 1.	269
<i>De</i>	<i>De</i>

De Nomine. cap. 2.	274
<i>Observatio.</i>	<i>ibid.</i>
De Verbo. cap. 3.	<i>ibid.</i>
De Oratione cap. 4.	285
<i>Argumentum in superiora.</i>	286
De Enunciatione, & eius diuisionibus. cap. 5.	<i>ibid.</i>
De oppositione Enuntiationum. cap. 6.	299
<i>In ea que diximus argumenta.</i>	307
De Enuntiationum Aequipollentia, aut Isodynamia. cap.	
7.	318
<i>Obiectiones.</i>	323
De reciprocatione, vel conuersione Enuntiationum. cap. 8.	
324	
<i>Quaestiones.</i>	328
Quid sit modificata seu Modalis Enunciatio. cap. 9.	331
De modis constitutuentibus Enuntiationes modificatas. cap.	
10.	334
De Isodynamia, vel Aequipollentia harum Enuntiationum.	
cap. 11.	336
<i>Exemplum commune, & tabulam.</i>	338
<i>Exemplar, & controuersia.</i>	340
De modificatarum enuntiationum oppositione. cap. 12.	345
<i>Tabula Necessarij.</i>	348
<i>Tabula Impossibilis.</i>	<i>ibid.</i>
<i>Quaestiones.</i>	351
De reciprocatione modificatarum enuntiationum. cap. 13.	
357	
<i>Difficultates.</i>	359
De enuntiationibus modi contingentis, secundo contingens	
<i>pro eo quod potest esse, & non esse. cap. 14.</i>	365
<i>In superiora obiectiones.</i>	366
De veritate modificatarum enuntiationum cognoscenda.	
cap. 15.	368
De enuntiationibus Hypotheticis. cap. 16.	<i>ibid.</i>
<i>Dubia & argumenta superiora.</i>	370
IN LIBRVM QVINTVM, IN QVO DE	
<i>Argumentatione, & eius formis disseritur.</i>	
DE Materia, & ordine libri. cap. 1.	378
<i>Argumentum.</i>	379
	De

I N D E X

<i>De maioribus partibus syllogismi. cap. 3.</i>	386
<i>Huius capituli quaestiones.</i>	<i>ibid.</i>
<i>De partibus minutionibus Syllogismi. cap. 3.</i>	383
<i>Quaestiuncula.</i>	384
<i>De Syllogismi diuisione, cap. 4.</i>	385
<i>Obiectiuncula.</i>	<i>ibid.</i>
<i>De tribus figuris, cap. 5.</i>	387
<i>Observatio.</i>	388
<i>De prima figura, cap. 6.</i>	<i>ibid.</i>
<i>Modi directi & indirecti.</i>	389
<i>Argumenta in superiora.</i>	390
<i>De secunda figura, cap. 7.</i>	392
<i>Quaestiones & exempla.</i>	393
<i>De tertia figura, cap. 8.</i>	<i>ibid.</i>
<i>Modi directi, & indirecti.</i>	394
<i>Quaestiuncula.</i>	395
<i>Dubitationes circa omnes figuras.</i>	<i>ibid.</i>
<i>De ostensiva reuocatione imperfectarum rationum</i>	
<i>ad perfectas, cap. 9.</i>	408
<i>Difficultates ex superioribus ortae.</i>	410
<i>De reductione ad incommodum, seu ad impossibile, cap. 10.</i>	
414	
<i>Dubitatio.</i>	420
<i>De ratione inuestigandi Medium, cap. 11.</i>	421
<i>Obiectiones huius capituli.</i>	426
<i>De syllogismo expositorio, cap. 12.</i>	429
<i>Dubitationes.</i>	430
<i>De syllogismo Hypothetico.</i>	432
<i>Quid sit, & quotuplex syllogismus hypotheticus, cap. 13.</i>	<i>ib.</i>
<i>Huius capituli quaestiuncula.</i>	435
<i>De syllogismi diuisionibus, cap. 14.</i>	<i>ibid.</i>
<i>De inductione, cap. 15.</i>	436
<i>Difficultates.</i>	437
<i>De Enthymemate, cap. 16.</i>	439
<i>Quaestiones.</i>	442
<i>De exemplo, cap. 17.</i>	444
<i>Dubitatio huius capituli.</i>	446
<i>De alijs formis argumentationis, cap. 18.</i>	447
<i>Quaestum.</i>	448
	I N

IN LIBRVM SEXTVM, IN QVO DE-
monstratorii syllogismi vis, ac natura exponitur.

Q uid sit Demonstratio, cap. 1.	449
Argumenta in superiora.	452
Quotuplex sit demonstratio, cap. 2.	454
Questiones.	457
De principijs Demonstrationis, ac primo in communi, cap. 3.	459
De principijs cuiusque Demonstrationis in particulari, cap. 4.	462
Huius capitis difficultates.	464
Quorum sit Demonstratio, cap. 5.	467
Argumenta in superiora.	468

IN LIBRVM SEPTIMVM, IN QVO DE
Syllogismo probabili disputatur.

Q uid sit Dialecticus syllogismus, cap. 1.	473
Questio.	477
De utilitate libri, cap. 2.	481
Dubia huius capitis.	482
Quid sit locus, & quotuplex sit, cap. 3.	483
Questiones.	487
De locis à Definitione, Descriptione, Etymologia, Differen- tia, Proprietate, & Polionymis, cap. 4.	488
Difficultates.	490
De loco à toto vniuerso & integro, cap. 5.	494
Huius capitis questiones.	499
De loco à causa, cap. 6.	502
Observatio.	506
De loco ab Ortu & interitu, ab Vsu, atque ab his, qua cō- muniter accidunt, cap. 7.	506
Dubia huius capitis.	508
De locis externis, & primum de Oppositis, cap. 8.	509
Argumenta in superiora.	511
De loco à Comparatis, cap. 9.	518
Obiectiones.	520
De loco à Proportione, vel à commutata proportionem, cap. 10.	522
Observatio.	524
De loco à Paronymis, vel coniugatis, cap. 11.	ibid.
	Dis.

INDEX CAPITVM.

Dubitatiuncula.	323
De loco ab auctoritate. cap. 12.	326
Dubitatio.	327
IN LIBRVM OCTAVVM, IN QVO	
sophistarum loca, fontesque obruuntur.	
DE Instituto libri, & sophistarum sinibus. cap. 1.	329
Dubium huius capituli.	333
Quid sit locus sophisticus, ac quotuplex sit. cap. 2.	334
Dubitatiuncula.	337
De fallacia Homonyma, cap. 3.	338
Difficultas, qua circa superiora se offert.	339
De fallacia Amphibologia. cap. 4.	341
De compositionis & diuisionis captione. cap. 5.	343
Dubia huius capituli.	345
De fallacia Accentus. cap. 6.	345
Quaestiuncula.	346
De fallacia figura dictionis. cap. 7.	347
Quaestio circa praecedentia.	348
De captionibus extra dictionem, primumque de Accidentis fallacia. cap. 8.	350
Difficultates.	352
De captione à dicto ex parte, ad id quod absolute dicitur. cap. 9.	356
Dubitationes.	358
De ignorantia Elenchi. cap. 10.	ibid.
De Principijs petitione. cap. 11.	359
Argumenta in superiora.	360
De captione Consequentis. cap. 12.	363
Dubia huius capituli.	ibid.
De fallacia secundum non causam, ut causam. cap. 13.	365
De fallacia ex pluribus interrogationibus ac si essent una tantum. cap. 14.	ibid.
Dubia circa superiora.	366
ADDITAMENTA CIRCA OMNES	
superiores libros.	
DE Vocabulis artis. cap. 15.	367
De Textibus, & capitulis. cap. 16.	377
De Aristotelis, Gracorumque moribus. cap. 17.	378



COMMENTARIO- RVM IN VNIVERSAM LOGICAM.

LIBER PRIMVS.

IN QVO PRIMA DIALEC-
TICAE ELEMENTA PRO-
ponuntur.

*Vincentio Iustiniano sacri Ordinis Prædicato-
rum auctore.*

C A P V T I.

De Dialecticæ inuentore.



RISTOTELES 2. Po-
sterio. cap. 1. quatuor esse
quæstiones docet, quæ
possunt de rebus tractari,
An sint, Quid sint, Qua-
les sint, & Quamobrem
tales sint. Ex quibus quæ-

stio An res sit, reliquas antecedit oportet,
nisi fortè vsque adeò sit manifestum rem il-
lam esse, vt superuacaneum indicetur id in
quæstionem vocare. Sic enim docet Aristot. 1.
Poster. cap. 8. Cùm igitur perspicuum sit Dia-
lecticam esse, & vim disputandi, tres aliæ
quæstiones tractandæ illicò forent. At est


A

con-



controuerſia de inuentore Dialecticæ, quæ ad quæſt. An res ſit, quodâmodo pertinere videtur. Si eſt Dialectica, quis eam inuenit?

De hac re variæ ſunt, & inter ſe pugnantes ſententiæ. Quidam enim cenſent Ariſt. fuiſſe eius inuentorẽ; idq; ipſiuſmet teſtimonio perſuadēt, vltimo cap. Elenchorum: alij cenſent hunc honorem nequaquam Ariſt. deferendũ. Nam ex Diogene Laertio, lib. 9. de Vitis Philoſophorum conſtat, Zenonem inuentorem fuiſſe: & ex diuo Iſydoro, lib. 2. Etymologia-rũ, Platonem. Sed ratione præterea hæc ſententia corroboratur à ſuis auctoribus: nã ante Ariſt. erant perfectæ Mathematicæ. Quo poſito ita argumentantur. Scientia haberi nõ po-teſt, niſi habetur demonſtratio, & is qui eam habet, illam ſe habere cognoſcat (nam ſcientia eſt effectus demonſtrationis, ex 1. Poſt. c. 2. Et ſi quis habens demonſtrationem, opinetur ſe tantũ habere argumentũ probabile, opinionem quidẽ habebit, ſcientiã minimẽ) ac demonſtrationis cognitio pertinet ad Dialecticã: ergo ante Ariſt. erat cognitio Dialecticæ.

His tamen prætermiſſis, quid nos ſentiamus, quatuor aſſertionibus aperiemus. Nam Dialectica plurimas habet partes, ſed claritat-

 ris gratia, eas in duas coadunabimus, quarum prior agit de quinq; Vocib⁹, & Categorijs, de Enũtiatione, Syllogiſmo, & Demõſtratione: poſterior verò de Syllogiſmo probabili, & Sophiſtico. Sit iã prima aſſertio. Prioris partis nõ fuit Ariſt. primus inuẽtor. Et. n. de Generi-bus & Formis multa docuit Plato: multa de Quãtitate, multa de Relatis & Numeris. Quin etiam Pythagoras 20. Categorias poſuit. De his

his tandem quæ ad Diuisionē, Enuntiationē,
& alia huiusmodi pertinent, multa docuit
Plato in Politico, Cratylo, & Sophista. Huc-
usq; nobiscum pleriq; sentiunt. Aiunt tamē,
Demonstrationis nullam fuisse ante Arist.
cognitionem. Quare ita postrema pars asser-
tionis probatur. Nam 1. Post. cap. 1. conuellit
Arist. opinionem Platonis circa Demonstra-
tionem (interprete diuo Thoma) suppresso ta-
men eius nomine. Iam verò 2. Post. capit. 3. re-
futatur Arist. opinionem illorū, qui arbitraban-
tur omnium rerū esse Demonstrationē, aut cer-
tè nullius. Itē 4. Metaph. tex. 19. asserit, nōnul-
los Philosophos prima principia ore negasse,
orationis gratia, id est, ex proteruia: quia vi-
delicet, vt ait diuus Tho. in eodem lib. lect.
10. videbant illa non posse Demonstrationē
probari: Ergo iam apud antiquos Philosophos
erat cognitio nonnulla Demonstrationis. De-
nique 1. Metaph. cap. 3. ait, Antiquos Philoso-
phos inuenisse Metaphysicam, cum haberent
omnia quæ ad voluptatem & eruditionē per-
tinebant: vt Argyropilus vertit. Quē locum
interpretans diuus Thom. lect. 3. ait, antiquos
Philosophos habuisse omnia quæ pertinebāt
ad voluptatē; quia erant ditissimi, & omnia
quæ ad eruditionem, quia habebant scientias
Logicas. Et certè potissima pars Dialecticæ est
scientia Demonstrationis.

Secunda assertio. Nec etiam partis Topicæ
fuit Arist. primus inuentor. Hanc assertio-
nem ideò seorsum posui, quia est contra ip-
summet Arist. qui sibi vltimo cap. Elenchorū
Dialecticæ arrogat inuentionem, non qui-
dem totius (vt auctores primæ opinionis

falso arbitrantur) sed partis Topicæ: quam ita sibi vendicat, vt nihil ab antiquioribus traditum fuisse dicat. Probatur conclusio. Nā multa in Topicis de Genere, Definitione, Proprio, & Accidente traduntur, quæ reperiētur apud antiquos Philosophos. Quod si quispiā dicat, ob eam solū causam, Aristotelem sibi artis Topicæ inuentionem vendicare, quia omnes maximas, aut axiomata quæ ibi traduntur, excogitarit, cū hoc ego non valde contendam.

Tertiā assertio. Quanquam hæc ita se habeant, tamen Arist. maximè auxit totam hanc scientiam, & in artem perfectam redegit, errores denique plurimos expulit. Hæc manifesta sunt, asserunturq; à Diuo Isydoro 2. Etymologiarum, c. 22.

Quartā assertio. Hæc scientia ab Adam per manum ad nos perducta fuit, probatur auctoritate Berosi, Iosephi, & Eusebij: Berosus nanque agens de Cataclismo, ait: Noe post diluuiū docuisse homines omnes scientias humanas, & ritum, ac cæremonias, quibus Deus erat colendus. Vide Patrem Soto 1. Physic. qu. 1. conclus. 1. ad secundam confirmationem.

Quid sit Dialectica. Cap. 2.

Prima ex tribus quæstionibus pertractandis est, Quid res sit. Quid inquam sit Dialectica. Sed quoniam quid ipsa sit, Definitione explicatur, & Definitio Genere constare debet: de Genere Dialecticæ nonnulla sunt prænotanda. Est autem Genus Dialecticæ Scientia,

entia. Videamus igitur quidnam sit, & quod-
plex Scientia. Est quidem Scientia certa & e- *Quid sit
Scientia.*
uidens cognitio Demonstratione acquisita:
certa, ut distinguatur ab opinione & suspi-
cione: evidens, ut distinguatur à Fide nostra
catholica, quæ non est evidens, quanquam sit
omni re certissima certior: denique per De-
monstrationem acquisita dicitur, ut ab habi-
tu primorum principiorum separetur, qui
non Demonstratione acquiritur, sed ex lumi-
ne intellectus agentis proposito semel obie-
cto confurgit.

Duo autem sunt genera Scientiarum, quod- *Quatu-
plex sit.*
dam in speculatione, quoddam in praxi ver-
satur. Scientia speculatrix, vel theórica est,
cuius finis est cognitio sui, obiecti. Práctica
verò, aut operatrix, est, cuius finis est opus.
At práctica duplex est, actionis alia, alia effe-
ctionis; agere enim & efficere distinguuntur
apud Arist. 6. Ethic. cap. 4. Effectiois scientia
est cuius finis est opus mechanicum, aut ex-
ternum: & hæc suo ambitu illiberales scien-
tias comprehendit, quamvis non eas solum,
sed multas etiam liberales, ut artem milita-
rem quæ maximè decet ingenuos. Quan-
quam si res accurate sit tractanda, huiusmo-
di facultates merè sint artes, non scientiæ:
præsertim cum nihil minus earum artifices,
quàm demonstrationes curent. Vide tamen
quæ lib. 6. cap. ultimo scripsimus. Actionis sci-
entia est cuius finis est opus virtutis, & ap-
pellatur moralis, aut Ethica. Quæ profectò si
doceat hominè opera virtutis erga seipsum,
appellatur monastica; id est solitaria: si opera
virtutis erga familiam, Oeconomica, & fa-

milix gubernatrix : si ergo totam ciuitatem, Politica. Habet etiā speculatrix sciētia varias sub se disciplinas; nam speculatrix, alia rei, alia notionum : speculatrix rei est cui⁹ finis est cognitio entis rei. Quod si penitus à materia fuerit separatum, ad Metaphysicā (quæ Theologia naturalis dicitur) pertinet : si verò nec re, nec cogitatione à materia segregetur, ad Physicā spectat. Physica enim licet à materia singulari abstrahat, nō tamen à materia in cōmuni; id est, cōsiderat hominē habere carnes, ossa, & neruos: non aut has carnes singulares, aut hæc ossa. Tandem si illud ens fuerit, non re, sed cogitatione à materia separatū, Mathematicæ relinquetur: quæ diuiditur in Astrologiā, de astris agentē: in Arithmeticam, de numeris: in Geometriā, de lineis, superficiebus, & corporibus; & in Musicā, de sonis tractatē. Quāuis Musica & Astrologia partim etiā materiā considerēt, ac proinde non omninō sint mathematicæ, sed quadam etiā ex parte Physicæ. Speculatrix notionum est illa, cuius finis est cognitio entium rationis, id est, eorum entium quæ non sunt præter mentis nostræ operationē. Diuiditurq; in Dialecticam, Rethoricā, & Grammaticā: nā Dialectica speculatur ens rationis, quod destinatur ad discernendū verum à falso: aut (vt alij volunt) ad differendū. Grammatica verò quod ad orationē congruā & consentaneam accommodatur, Rhetorica denique, quod ad ornatam.

Quid Dialectica sit.

Quare Dialectica sic est definienda. Scientia speculatrix entium rationis, methodum differēdi tradens. Ponitur in eius definitione scientia, vt distinguatur ab opinione & fide: speculatrix, vt distinguatur à practicis: entium

rationis, vt distinguatur ab illis, quæ entia rei speculantur, tradens methodū differēdi, vt separetur à Grammatica, & Rhetorica. Ferè autem eadē est Ciceronis definitio, qui Dialecticam esse dixit diligentem differendi rationem; quia sine Dialectica differere quidem possumus; diligente certè non possumus. Verùm hic obseruandum est, hac definitione nō definiri Dialecticā pro sola arte iudicandi, vt accipiebatur ab Stoicis: neq; pro sola arte diuidēdi, vt à Platone: nec pro sola arte inueniēdi, aut potius ex probabilibus argumētandi, vt sæpissimè ab Arist. sed vt includit omnia ista: quemadmodū accipit eā Cicero in lib. de Finibus, vbi promiscuè vtitur nomine Logicæ, & Dialecticæ. Quanquā (vt verū fatear) si vis nominū expendatur, sola hæc scientia sit Dialectica nuncupanda, Logicæ verò nomen conuenit etiam Grāmaticæ, & Rhetoricæ. Dicitur enim Logica à nomine Logos. Logos autem significat sermonem, aut rationem: vnde omnes scientiæ, quæ (quia de sermone disputant) sermocinales vocantur, possunt Logicæ appellari: tametsi per antonomasiā sola Dialectica appelletur Logica.

*Logica
nomen.*

Dubia contra superiora.

HOC quidē pacto diuisa sunt à nobis, & definita varia Scientiarum genera, quia res nunc minimè potest accuratè disputari: nihilominus ea quæ sequuntur dubia visa sunt digna, quæ nouis Dialecticis possent proponi.

Primū est. Illa diuisio est mala, in qua prætermittitur aliqua pars diuisionis, at in superiori Scientiarū Diuisione, multæ prætermisæ sunt partes: Mala igitur est Diuisio. Etenim

Varia scientia prætermisæ.

*Varia sci-
entia præ-
termiſſa.* prætermiſſa eſt Nautica, vel Phænomena: præ-
termiſſa eſt Optica, Stereometria, & Fabrica,
quarum meminit Ariſt. lib. 1. Poſt. cap. 10. Præ-
termiſſa eſt quoque Geodeſia, de qua Ariſt. a-
git 3. Metaph. text. 8. Item Iuriſprudentia: præ-
termiſſa eſt quoq; Irah, cuius meminit Com-
mentator 7. Metaph. tex. 29. denique præter-
miſſa eſt ſacratiffima Theologia, & Cano-
num ſacrorum peritia. Reſpondetur, non o-
portere omnia membra, etiam minima, in
Diuiſione numerari: ſat enim fuerit, ſi ad ſu-
periora referatur. Nautica refertur ad Aſtro-
logiam, Stereometria (quæ de corporibus ſo-
lidis agit) ad Geometriam, Fabrica ad Stereo-
metriam, Optica, vel Perſpectiua (quæ de li-
neis quæ videtur tractat) ad Geometriam: ad
quam etiam refertur Geodeſia, quæ eſt ars di-
uidendi terram: Irah, vel Saltandi ſcien-
tia, ad Muſicam, cuius regulis gubernatur, eſt
referenda. Cæterum Iuriſprudentia Politicæ
eſt colligata: De Theologia autem noſtra di-
cimus, illam non fuiſſe numeratam, quia tan-
tum illas ſciētias numerauimus, quæ natura-
li lumine poſſunt acquiri: Theologia verò lu-
men ſupernaturale requirit; quam etiam ſe-
quitur Canonum ſacrorum peritia.

*Tres tan-
tum Spe-
culatrices*

Dubiū 3. Ariſt. 6. Met tex. 2. tantum agnoſcit
tres ſcientias Speculatrices, videlicet Meta-
phyſicā, Mathematicā, & Phyſicā: malè ergo
nos alias enumerauimus, ſcilicet Logicā, &c.
Reſpondetur primū, Ariſt. ibi tantū loqui de
Speculatricibus rei. Reſpōdetur ſecūdo, Spe-
culatrices ſciētias duplices eſſe, aliæ enim
ſunt omnino & ſimpliciter Speculatrices, il-
læ videlicet, quarū finis præcipu⁹ eſt cognitio
ſui

fui obiecti, tales sūt Metaphysica, Mathematica, & Physica: aliæ sunt Speculatrices Organica, id est, instrumentaria, quarum finis *Organica*, præcipuus non est cognitio sui obiecti, sed *Scientia*. digere alias scientias: tales sunt Dialectica, Rhetorica, & Grammatica. Quemadmodum enim inter scientias Practicas quædam sunt omninò, & simpliciter Practicæ, quarum finis præcipuus est, ipsarummet operatio, vt Politica: aliæ sunt Practicæ Organicæ, quarum finis præcipuus non est ipsarum operatio, sed operatio alterius artis (vt patet in arte frænifactoria, quæ ad artem destinatur bellandi) ita in scientiis Speculatricibus philosophandum est. Itaq; Arist. ibi de solis Speculatricibus simpliciter loquebatur: nam eo in loco statuit discrimen inter Metaphysicam & alias scientias. Et cum iam in 1. lib. Metaphysi. ostendisset, Metaphysicam quæri propter se, & non propter alias scientias: & ex consequenti non esse Organicam (qualis est Logica, ex diuo Thom. 1. Metaphysi. lect. 3.) Idèd solum restabat Arist. in 6. Metaph. ostendere, quomodò Metaphysica à scientijs omnino Speculatricibus distingueretur. Quamobrem eas solùm enumerauit. Respondetur tertio, ex illa auctoritate colligi posse, Scientiam non statim esse diuidendam in Speculatricem, & Practicam; sed in Speculatricem, Practicam, & Organicam, & tunc Speculatrix diuidatur in illa tres, quas Arist. adducit. Practica verò diuidatur sicut diuisa est supra: Organica denique in Grammaticam, Dialecticam, & Rhetoricam. Hanc diuisionem Scientiæ, aut Philosophiæ in tres

partes sequitur Cicero multis in locis, & præsertim lib. 1. de Finibus. Item & diuus Augustinus lib. 8. de ciuitate Dei, cap. 4. & 7. Immo eam innuit Arist. 1. Top. c. 9. Sed profectò est apertissima diui Thomæ sententia in Boethium, de Trinitate, quæst. 5. artic. 1. Vbi ait; Logicam non tam esse Speculatiuam, quàm Instrumentariam ad Speculatrices. Itaque dicendum est, Speculatricem latè supram diuidi posse in eam quæ Res, & in eam quæ Notiones speculatur: verùm Speculatricem Propriam tantùm in illas tres scientias diuidendam, quæ. 6. Metaphysicorum, texto 2. recensentur.

*Ars &
Scientia.*

Tertium dubium. Vt Arist. 6. Ethic. docet, Ars, & Scientia maximè distinguuntur: at Dialectica Ars est, omnium consensu; ergo non est Scientia. Præterea ex Arist. 2. Metaph. Stultum est Scientiam simul & modum Sciendi quærere: at diuus Thom. eo in loco asserit; Dialecticam esse modum Sciendi; non igitur erit Scientia. Respondetur, proculdubio Dialecticam esse Scientiam: nam Scientia est habitus Demonstratione acquisitus, hoc est, promptitudo, atque dexteritas quædam nata in nobis ex Demonstratione. Nam in omnibus libris Dialecticæ fiunt Demonstrationes, ex quibus nascitur in nobis ingens facilitas ad res Dialecticas pertractandas. Quæ (vt cætera) egregie probat Frater Dominicus Soto, quæst. 2. Proœmij Logicæ. Et ad proposita argumenta respondetur facillimè. Ad primum quidem respondetur, Artes esse duplices, Mechanicas & Liberales: appello Mechanicas, quas solent exercere homines, vt

COR-

corporis necessitatibus satisfaciunt; Liberales autem, quas homines ingenui addiscere solent. At 6. Ethicorum Aristoteles de Artibus agit Illiberalibus, non de omnibus Ingeniis. Dialectica verò Ars est Liberalis, atque ingenuo viro digna. Quare propriè Scientia esse potest. Septem enim artes liberales recensentur, tres scilicet Sermocinales, Dialectica, Rhetorica, & Grammatica (sub qua Poësis continetur) & quatuor Mathematicæ, nempe *Ars liberalis.* Arithmetica, & tres eius comites. Non quòd reliquæ omnes scientiæ, ut Medicina, Physiologia, & Metaphysica, illiberales sint, sed quoniam illæ septem erant quas iuvenes liberales, atque ingenui olim addiscebant; reliquæ verò *Modus sciendi.* iam grandioribus tradebantur. Ad 2. Respondetur, stultum esse in quavis scientia quærere Scientiam, & modum sciendi; id est, quærere quæ sint probanda exactissimis Demonstrationibus, & quæ tantum inductione, & quæ exemplis, & quæ coniecturis, &c. Tamen in *Praxi.* vna aliqua Scientia (nempe in Dialectica) id quærere, non est stultum, sed necessarium. Arist. verò eo in loco agebat de his, qui in Metaph. illo duo quærebant. Præterea diuus Tho. non dicit, Dialecticam esse modum sciendi, sed tradere modum sciendi. Aliam solutionem tradit Soto loco citato: ille erit tibi consulendus: ad alia enim nostra festinat oratio.

4. Dubiū. Dialectica habet pro obiecto opus, id est disputare, & argumentari, ergo est scientia Practica. Respondetur: Practicā habere pro fine opus externum, aut virtutis Moralis; at opus intellectus (quale est argumentari) non constituit scientiam Practicam, sed Speculā.

culatricem, quia tale opus Speculatio est, non Praxis. Nec me latet, opus intellectus pertinere nonnunquam ad habitum Practicum, sed id parum ad nostrum pertinet institutum. Vide diuum Thom. & Caietanum 2. 2. quæst. 47. art. 2. ad. 2.

*Qualis sit Dialectica, an sit necessaria,
vel utilis. Cap. 3.*

*Natura-
lis, Artifi-
ciosaque
Dialecti-
ca.*

Tertia quæstio est, Qualis sit Dialectica. Et licet sub hoc titulo multa tractari possent, nunc hoc erimus contenti vno, si explicauerimus, an sit necessaria. Duo autem prænotanda sunt, vnum est, duobus modis aliquid esse necessarium ad finem consequendū: vel enim ita est necessarium, vt sine eo finem consequi nulla ratione possimus, vt absque cibo vitam seruare non possumus, vel et si absque eo finem consequi possimus; non tamen sic prompte, ac bene, vt Equus, dicitur necessarius eunti Romam. Alterum est, Dialecticam esse duplicem, Naturalem, & Artificiosam, sicut de Oratoria facultate innuit Arist. 1. Rhetoricorum ad Theodectem. Naturalis Dialectica est vis discurrendi, à natura indita menti nostræ: de qua proculdubio Dialectica Aristot. in libro Elenchorum agebat, cum diceret, nullum hominem esse, qui Dialectica non utatur; et si sit artis Dialecticæ imperitus. Habetur hoc testimonium 1. Elench. cap. 11. apud Boethium; nam apud alios liber Elenchorum vnus est; nec diuiditur in capita. Artificiosa est hæc scientia, quæ tradimus, quæ docet præcepta definiendi, diuidendi, & argumentandi. Sit primum axioma.

ma. Dialectica naturalis est necessaria primo modo. Probatur, quia nulla scientia potest acquiri sine discursu, seu progressu, & demonstratione: sed Dialectica Naturalis est ipsa met- *Dialectica quomodo necessaria.*
vis discurrendi: ergo sine ipsa non possumus alias scientias adipisci. Secundum axioma. Dialectica Artificiosa non est necessaria priori modo: videmus enim multos absque Dialectica Mathematicos. Tertium axioma. Dialectica Artificialis est necessaria secundo modo: quare enim ea instructi veniunt, facilius ar-
ca scientiarum attingunt. Quare certum est, Dialecticam utilem esse; nam cum sit necessaria ad alias scientias, est bona ad illas ac-
quirendas. Tum ita disputo: Quatenus bona ad omnes alias scientias, non est honesta, non est delectabilis (hæc enim bonorum genera finis potius, quam medijs rationem habent) ergo est utilis. Nam diuus Ambrosius, libro de Officijs, bonum in hæc tria bonorum genera diuidit. Tamen est obseruandum, duo esse genera utilium, quoddam est utile, quod tantum alterius gratia desideratur, vt medicina amara: aliud verò, quod etiam ratione sui expetitur, vt suavis potio. Dialectica autem est utilis secundo modo, quia etiam in se habet vnde appetatur, & cognita, summam affert voluptatem.

Obiectiones aduersus superiora.

Prima dictum est, Dialecticam esse necessariam ad omnes alias scientias. Dubitabit ergo

ergo quispiam, an sit necessaria etiam ad seipsam. Respondetur, Dialecticam Naturalem simpliciter esse necessariam ad Dialecticam Artificialem. Dialecticam verò Artificiosam esse necessariam ad seipsam in hoc sensu, quia ipsa, vt tradit primam conclusionem, est necessaria ad se vt tradit secundam; & vt tradit secundā, est necessaria ad seipsam, vt est traditura tertiam. Ex liberis enim Perihermenias, gradum facimus ad libros Priorum, & ex libris Priorum, ad sequentes.

Secunda obiectio. Dictum est, Dialecticam Artificiosam non esse primo modo necessariam. Quod impugnatur argumento, quo vsi sunt autores secundæ opinionis, positæ in primo capite. Etenim nullam scientiam habere possumus absque Demonstratione, & nisi cognoscamus nos habere Demonstrationem: at cognitio Demonstrationis spectat ad libros Posteriorum, ergo absque cognitione librorum posterioris Analysis, nullam scientiam obtinere possumus. Respondetur, absque Dialectica Artificiosa posse nos habere Demonstrationem, & cognoscere nos habere Demonstrationem: non quidem sub conceptu, & ratione Demonstrationis, & omnium eorum quæ de Demonstratione in libris Posteriorum tractantur, sed sub conceptu rationis includentis veram causam rei, quam cognoscimus. Et hoc sufficit ad habendam Scientiam. Quamuis enim Mathematicus nesciat se habere Demonstrationem, nec interrogatus quid sit Demonstratio, respondere sciatur: tamen Mathematicus est, & Scientiam habet, dummodo cognoscat, se rei causam certò cognoscere.

Tertia

Tertia obiectio. Dictum est, Dialecticam non tantum quæri propter alias scientias, sed etiam propter se. Et tamen diuus Tho. 1. Metaph. lect. 3. docet, Dialecticam non quæri propter se, sed propter alias scientias. Respondetur, diuum Thom. intelligendum esse, quia non præcipue quæritur propter se.

De Fine Dialectica. Cap. 4.

Qualis sit Dialectica, dictum est superiori capite. Dictum est enim, utilem eam esse, & necessariam. Nunc videndum est, quomobrem talis sit; id est, quare sit necessaria: quod manifestum fiet, si eius finem explicauerimus. Ex fine enim rei necessitas intelligitur. Mox verò de officio Dialectici, de Materia, Instrumentis, & Partibus Dialecticæ differendum erit; ut ex his omnibus quanta sit eius necessitas, atque utilitas intelligatur. Finis autem Scientiæ ab autoribus dicitur ille, ad quem omnia artis præcepta diriguntur, & ipse in eadem Arte alio non refertur: duplicemq; Finem constituunt, Proximum, & Remotum: Proximus dicitur internus, aut intra Artem: Remotus verò dicitur externus, aut extra Artem. Sed cum duplex sit Dialectica, Vtens, & Docens (Docens est quæ tradit præcepta definiendi, diuidendi, & argumentandi: Vtens, quæ præceptis utitur) de vtriusque fine tractandum est.

Dialectica Docens, & Vtens.

Iam ergo sit prima assertio. Dialecticæ Docentis Finis Proximus est, cognitio definitionis, diuisionis, & argumetationis. Probat. Finis Scientiæ est, quo obiecto, Scientia, quasi iam per-

Finis Docentis.

per-

perfecta conquiescit; sed Dialectica Docens cessat docere, tradita iam cognitione definitionis, diuisionis, & argumentationis: Ergo iste est Finis eius, & non est Finis Remotus, ergo est finis Proximus. Secundò. Ista tria quæ enumerata sunt, aliqua scientia sciri possunt, & non est inuenta alia scientia ad hæc scienda præter Dialecticam; ergo Dialectica inuenta est vt ista cognosceremus. Confirmantur hæc autoritate nostri Cardinalis Caietani cap. de Specie, in Vocibus Porph. diuis. 9. Vbi ait: Finem Logicæ esse instrumenta ædere, quibus incognita innotescant: hoc est, aperire, qua ratione definire, diuidere, & argumentari debeamus. Ista enim sunt instrumenta, de quibus intelligendus est Caietanus. Secunda assertio. Finis Remotus Dialecticæ Docentis est, dirigere rationem nostram in omnibus suis operibus, & in omnibus scientijs. Hæc probatur auctoritate diui Thom. 1. Poster. cap. 1. Ibi enim docet, hunc esse Finem Dialecticæ; & cum non sit Proximus, erit Remotus. Item hunc esse Finem Dialecticæ, ostenditur hac ratione: nam Dialectica laudatur, quòd sit ars artium; id est, quod dirigat omnes artes, atque scientiæ omnes sciunt nobilitatem ex Fine suo, & Obiecto: ergo iste est Finis Remotus Dialecticæ. Etenim Organicæ facultates, ex Fine Remoto præcipuè commendantur, quia instrumentum, seu organum non tam ratione sui, quam alterius quæritur. Tertia assertio. Finis Dialecticæ Vtantis, est cognitio omnis rei, & explicatio omnis quæstionis in omni scientia. Probat: Quia ideo vtimur Dialectica

*Finis
Vtantis.*

ctica

Etica in omni scientia, ut omnis quaestio explicata maneat. Sed observandum est hoc loco, Dialecticam Docentem, & Utentem non esse duas Dialecticas distinctas, sedynammet diuersis rationibus. Illa enim ipsa quam docuit me magister meus, est qua ego postea vtor.

Dubia contra superiora.

Primum est, an verum sit, quod nonnulli autumant, finem Dialecticæ esse probabili-
liter differere. Respondetur, necesse finem *Probabiliter differere, an sit*
internum, nec externum Dialecticæ Docentis, vel Utentis: nam Finis est id quod est nobilius: sed Dialectica non tantum docet argumentari ex probabilibus; sed etiam ex necessarijs; & ignobilius est argumentari ex probabilibus: Ergo iste non erit eius finis. Sed respondent ipsi, argumentari ex necessarijs, esse etiam argumentari ex probabilibus; quia necessarium est probabile. Verum hoc est contra Arist. i. Top. cap. i. ubi ex professo distinguit argumentari ex necessarijs; & ex probabilibus. Et licet, loco citato, Arist. videatur asserere, finem Dialecticæ esse probabiliter differere: tamen ibi de sola parte Topica, quatenus Utens est, loquitur. Vide etiam ipsum, i. Elench. cap. 1. Ibi enim manifestè necessaria argumenta à probabilibus separat.

Secundum est: An finis Docentis Dialecticæ sit, ex necessarijs argumentari; aut Demonstrationis cognitio. Finis enim est id quod nobilius est, Demonstratio autem dignior

gnior est omnibus quæ docentur in Dialectica. Et confirmatur; nam Ari. 1. Prior. cap. 1. ait, Scientiam Syllogismorum dirigi ad Demonstrationem. Respondetur, digniorem quidem esse Demonstrationem Syllogismo Topico, & melius esse ex necessarijs, quàm ex probabilibus disputare: tamen præstantius est posse tractare quæstionem ex necessarijs, & probabilibus, quàm ex solis necessarijs: tum quia multa sunt, quæ argumentis necessarijs tractari non possunt: tum quia argumenta probabilia necessarijs rationib. in vna quæstione coniuncta miro modo oblectant, & re magis ante oculos ponunt, quàm si vna, aut altera Demonstratione tractata fuisset. Finis ergo Dialecticæ Vtentis erit, cognitio omnium rerum per argumenta necessaria, & probabilia, vt negotium postulabat. Finis verò Dialecticæ Docentis erit cognitio; Definitionis Diuisionis, & Argumentationis: tum necessaria, tum probabilis: denique etiam captio, vt & illis uti sciamus, & hanc vitare. Ari. tamen cum ait, scientiam Syllogismorum ad Demonstrationem referri, non id asserit, quasi non ob aliam causam disputatio de Syllogismo in vniuersum Dialectico sit suscipienda, nisi quia ad Demonstrationis cognitionem, comprehensionemq; est necessaria, sed vt ostendat hanc esse vnam ex maximis illius disputationis vtilitatibus, quæ eam ad libros de priori Analyfi edendos impulerunt.

3. Dubium. Finis non est positus in actione (sicut finis artis frænifactoriæ non est frænum facere, sed frænum ipsum) at cognitio est actus mentis nostræ, ergo non potest esse finis alicui.

alicuius scientiæ. Respondetur, propositionem esse falsam in omnibus scientiis speculatricibus, quarum finis est cognitio, & in omnibus scientiis quæ de moribus disputant: nam earum finis est aliquod opus virtutis. Præterea in aliquibus mechanicis etiam est falsa: nam mechanicæ artes duplices sunt, alix quæ post se relinquunt opus, vt ars fræni-factoria; alix, quæ nullum opus relinquunt, vt ars Citharizandi: loquendo de prioribus, finis earum non est operatio, sed res operatione effecta: loquendo autem de posterioribus, finis earum consistit in actione, & operatione.

4. Dubium. Quidnam intelligitur nomine *Finis in-* finis proximi, & remoti? Respondetur, finem *ternus, &* proximum esse ad quem proximè ars destina- *externus* tur, sicut in arte fræni-factoria frænum: remo- *quid sit.* tus verò, qui sequitur comparato iam proximo, vt in eadem arte fræni-factoria, bellum. Finis proximus appellatur internus, & remotus externus, quia internū illud est, quod dat speciem actui, vel habitui: at finis proximus est, qui dat eis speciem, ex diuo Thom. 1. 2. q. 1. art. 3. ad. 3. Ergo finis proximus est internus, & remotus externus. Veruntamen fuit quidam auctor, cui ita visum est definire finē internum, & externum, vt internum appellaret illū quem artifex consequi potest, & à nullo alio impediri valet, quin illum consequatur: finem verò externum illum, quem ne consequatur, ab alio impediri potest: Et illustrabat exēplo suas definitiones. Finis internus Medici est, apponere pharmaca, at verò sanitas infirmi est finis externus, quia ne illā

consequatur impediri potest, ab ipso infirmisissima natura, aut quia infirmus nō vult à noxijs abstinere. Sed profectò exempla ipsa suum auctorem (quiuis ille sit.) reprehendunt. Nam etiam impediri potest Medicus, ne pharmaca apponat, si infirmus nolit ea recipere: & si terra non producat herbas necessarias, impediatur Medicus ab externo. His adde, apponere pharmaca, officium esse Medici, salutem verò finem. Officiū enim Medici est, ea omnia præstare quæ ad curationem pertinent. Ex Arist. 1. Topic. cap. 2.

De Officio Dialectici. Cap. 5.

Postquam egimus de fine Dialecticæ, agamus nunc de officio Dialectici. Officiū, est, quod artifex præstare debet, ut finem suū consequatur: Medicus ut sanet, medicinas applicet: Nauta ut transire possit, clauum dirigat: Miles ut bello potiatur, strenuè pugnet. Quare si vera sunt, quæ suprà de fine Dialecticæ diximus, perspicuum est officium Dialectici Docentis esse, adhibere leges, præcepta, definitiones, diuisiones, argumenta, & omnia alia quæ necessaria sunt, ut Definitio, Diuisio, & Argumentatio nobis innotescant. Utentis verò Dialectici officium erit, in omnibus scientijs definire, diuidere, & argumentari, immo verò in colloquijs etiam, ut colligitur ex Arist. 1. Top. cap. 2.

Quæstiuicula aduersus superiora.

Diale-

Dialecticus semper inuenire debet, aut saltem inuentis vt, & de ipsis iudicare. Quare ergo inuenire, & iudicare non recensentur inter officia Dialectici? Respondetur hæc esse officia communia, idest, quæ semper facere debet; nos autem sola officia peculiaria recensuimus, idest, quæ non semper agere debet artifex, sed pro negotiorum varietate. Quare (si ita libet) dicamus officia communia vtentis Dialectici esse, inuenire, & indicare: peculiaria verò definire, diuidere, & argumentari.

De materia Dialectica. Cap. 6.

EX his quæ dicta sunt, facile colligi potest, quænam sit materies Dialecticæ: verum vt id planius fiat, res à principio tractanda est; in primisque explicandum, materia quid, & quotuplex sit. Speculatricis, aut Organicæ facultatis materia est, in cuius explicatione ipsa versatur: vt Arithmetica in numerorum tractatione. Quæ materia appellatur, Obiectum scientiæ, quia obijcitur scientiæ, vt color visui, & sonus auditui. Quia verò illi materiæ ostenduntur conuenire quædam proprietates, vt subiecto, idcirco ab alijs subiectum etiam scientiæ dicitur. Materia autem, vel obiectum duplex est, aliud est obiectum formale, aliud verò materiale. Quod alij dicere solent, materiam duobus modis sumi, aut pro re quæ tractatur, aut pro ratione formali tractandi. Obiectum formale, quod alio nomine dicitur adæquatum, vel attributionis, est illud, sub cuius ratione tractantur omnia de quibus scientia agit, & cuius causa

B 3

illa



illa scientia à cæteris distinguatur; vt Physica omnia tractat sub ratione entis mobilis: & ita distinguitur à Mathematicis, quæ nihil minùs quàm ens mobile curant. Obiectum autem materiale est, in quo reperitur ratio obiecti formalis scientiæ: sicut etiam obiectum materiale visus est lapis, aut lignum, quia in his inuenitur obiectum formale, visus, id est, color, aut lux. Inter partes autem obiecti materialis, illa in qua ratio obiecti formalis maximè cernitur, vocatur obiectum excellens: vt inter ea quæ tractantur in Physica, obiectum excellens est aut cælum, aut anima.

*Materia
Decentis.*

Nunc fit prima assertio. Obiectum adæquatum, formaleq; Dialecticæ est ens rationis, nō tamen quoduis, sed illud quod ad definiendum, diuidendum, & argumentandum pertinet. Probatur, quia sub hac ratione tractantur omnia in Dialectica, testimonio etiam diui Tho. 4. Metaph. lect. 4. id confirmatur. Vbi licet non vtatur his vocibus, formale, & adæquatum: tamen cum ibi de solo formali, & adæquato obiecto disputare, patet legenti. Ait enim eo in loco obiectum Dialecticæ esse ens rationis, sed eius verba de solis illis entibus rationis accipienda esse, quæ ad Definitionem, aut Argumentationem attinent, manifestum est: quoniam, vt diximus cap. 2. de alijs entibus rationis, disputant & Grammaticus & Orator. Secunda assertio. Subiectum excellens Dialecticæ est Argumentatio, nam inter hæc tria principatū obtinet. Tertia assertio. Subiectum Dialecticæ materiale sunt actus mentis nostræ, quia per hos fiunt definitiones, diuisiones, & argumentationes. Et de

hoc

hoc obiecto materiali loquitur diuus Thom.
1. Post. cap. 1.

Hucusq; locuti sumus de Dialectica docen- *Materia*
te, nunc de vte dicamus. Eius verò obie- *Vientis*
ctum est omnis res, cùm in omnibus rebus
definiat, diuidat, & argumentetur: & hæc est
expressa sententia Arist. 4. Meta. text. 5. Quã-
uis possit intelligi de Docente Dialectica,
quæ pro obiecto materiali proximo habet ac-
tus mentis nostræ; pro remoto autem omnẽ
rem, cùm omnis res possit actibus mentis
nostræ tractari.

Dubia aduersus superiora.

Primum dubium. Arist. 4. Metaph. text. 5.
docet, materiam Metaphysicæ esse omnem
rem, ergo hæc non potest esse materia Diale-
cticæ; nam scientiæ per obiecta distinguuntur.
Respondetur, de eisdem rebus posse diuerfas
scientias pertractare, diuersis tamen rationi-
bus. Agit ergo Metaphysicus de omni re, qua-
tenus ens est: at verò Logicus agit de omni re,
quatenus subit rationem generis, speciei,
&c. & hoc est quod alij dicere solent, scienti-
as posse conuenire in obiecto materiali, non
tamen in formali.

Secundum dubium est, quomodo argumẽ-
tatio sit excellens obiectum Dialecticæ nam
inter omnia de quibus in Dialectica disputa-
tur, potissimum est demonstratio: ipsa ergo e-
rit obiectum excellens. Ad hoc dubium res-
pondetur, primum argumentum non es-
se contra conclusionem, quoniam demon-

stratio, Argumentatio est, & quicquid boni inest Demonstrationi, subintelligebamus nos in Argumentatione. Iam verò si argumentum aliquid probaret, probaret subinde contra auctores suos, Demonstrationem non esse subiectum excellens, sed Demonstrationem potissimam: id est illam, quæ vocatur Demonstratio propter quid. Postremò si quis ita sentire voluerit, excellens Dialecticæ objectum esse Demonstrationem, non repugnabo.

Tertium dubium. Nos diuissimus vniuersam Dialecticam in docentem & vtentem: quid ergo est quod ait diuus Tom. 4. Metaph. lect. 4. Dialecticam demonstratoriam habere doctrinam, non tamen habere vsum circa omnes res: quoniam hoc (inquit) fit in alijs scientijs: at verò Dialecticam quæ agit de syllogismis probabilibus, habere doctrinam & vsum circa omnes res. Idem enim est ac si dixisset; Dialectica Demonstratoria, vel analyticalica, non diuiditur in docentem & vtentem: at probabilium Dialectica (id est Topica) diuiditur in docentem, & vtentem. Respondetur, proculdubio omnem Dialecticam diuidi in docentem & vtentem. Quod si ita est, existimandum est planè, nunquam diuinū illud ingenium voluisse negare, Dialecticam demonstratoriam diuidi in vtentem & docentem: sed asserere nos posse vt argumentis probabilibus in omnium rerum tractatione, etiam si aliæ scientiæ non intercedant, at non posse vt demonstrationibus in omnibus rebus, nisi medient aliæ artes. Abditissimas enim demonstrationes Arithmeticæ non poterit construere Dialecticus, si fuerit penitus Arithm. igna-

*Demon-
stratoria
vtens &
docens.*

ignarus : poterit tamen de rebus Arithmeti-
cis, absque Arithmetica scientia, probabili-
ter disputare.

De instrumentis. Cap. 7.

Videamus nunc Instrumenta, quibus uti-
tur Dialecticus, postquàm egimus de Fine.
Instrumentum enim est, quo artifex utitur, ut
finem suum consequatur. Dico igitur primū,
Instrumenta Dialectici Docentis esse, præce- *Instru-*
pta, leges, definitiones, diuisiones, argumen- *menta doc-*
ta, & omnia alia necessaria ad explicationem *centis.*
Definitionis, Diuisionis, & Argumentationis.
Dico secundò, quoniam duplex est Instrumē-
tum, aliud Commune, aliud Peculiare (Com-
mune, quo artifex sēper utitur, sicut manu fa-
ber: Peculiare, quo utitur non semper, sed pro
negotiorum varietate, ut malleus) Instrumē-
tum Commune Dialectici Utentis, esse Ora-
tionem: non quidem effusam illam, qua utun-
tur Rhetores, sed concilam, & breuem: hac e-
nim uti debet Dialecticus in omni quæstione. *Instru-*
Dico tertio, Instrumēta Peculiaria Dialectici *menta*
Docentis esse Definitionem, Diuisionem, & *Utentis.*
Argumentationem; nec his plura. Sunt quidē
hæc Instrumenta, quia eis Dialecticus utitur:
sunt Peculiaria, quia non semper quolibet
eorum utitur: non sunt autem plura, quia fi-
nis Dialectici Utentis est, omnem explicare
quæstionem: & certē omnis quæstio aliquo
horum instrumentorum explicatur. Etenim
Quæstio aut anceps est & ambigua, aut certa:
si anceps, Diuisione finitur: si certa & deter-
minata, vel est simplex, ut quid est homo, &

explicatur Definitione; vel est composita, vel est ne homo albus; & Argumentatione dissoluitur.

Quæsitæ.

Primùm videtur hæc Instrumenta non sufficere ad omnem explicandam quæstionem, ac proinde danda esse plura. Quatuor enim sunt quæstiones, ex Arist. 2. Poster. cap. 1. videlicet *An res sit, Quid sit, Qualis sit, Quâobrem talis sit*: ex quibus tertia & quarta Argumentatione explicantur: secunda Definitione. Prima verò quonam tandem Instrumento explicabitur: præsertim si fuerit certa, & non multiplex, & ambigua? Nam si ambigua fuerit, ipsa quidem, & aliz tres

Quæstio Diuisione explicabuntur. Respondetur, quæ-
An res sit tionem *An res sit*, sensu, & experientia frequen-
quo Instru- tissimè explicari. Veruntamen si nō possit explicari sensu, probabitur Argumentatione. Argumentatio quippe etsi potissimū propter quæstiones compositas sit inuenta, etiam inseruit simplicibus quæstionibus, dum modo in Enuntiationes resoluantur. Demonstratio-
mento ex- ne. Argumentatio quippe etsi potissimū propter quæstiones compositas sit inuenta, etiam inseruit simplicibus quæstionibus, dum modo in Enuntiationes resoluantur. Demonstratio-
plicetur. ne. Argumentatio quippe etsi potissimū propter quæstiones compositas sit inuenta, etiam inseruit simplicibus quæstionibus, dum modo in Enuntiationes resoluantur. Demonstratio-

Ordo Instru- Aristot. 2. Posterior. cap. 2. quæstio. *An res sit*, præcedit quæstionem. *Quid sit*: ergo si Argumentatio explicat rem esse, prior erit Definitioni, quæ quidnā res sit, exponit. Respc
terum. detur,

detur, non oportere, ut si numerus aliquarum rerum sumitur ab alijs, eundem ordinem hæ inter sese habeant, quem illæ: ut apud Aristot. 2. de Cælo, cap. 2. ex tribus dimensionibus (scilicet lógitudine, latitudine, & crassitie, aut profunditate) sumuntur tria genera differentiarum situs. Verbi gratia; Ex lógitudine, sursum, & deorsum: ex latitudine, dextrum, sinistrum: & ex profunditate, antè & ponè. Et tamen (ut ex Aristot. colligit diuus Thom. eodẽ loco, lect. 2.) Priores differentię sunt antè & pone, quàm dextrum & sinistrum: cum alioquin nemo Geometrarum nesciat priorẽ esse latitudinem profunditate. Idem in multis alijs rebus observari potuisset, sed esset in re facili testes quærere non necessarios. Quod si his non contëtus, causam à nobis exigas, quare Argumentationis tractationem Definitionis disputatio antecedit, accipe tres. Quoniam enim non ita passim de rerum existentia, quæstio in disciplinis agitari solet, sed frequētissimè tanquã sensu, aut experientia nota relinquitur: & primùm quod interrogatur, est rei Diffinitio, qua data, ad Disputationes & Demonstrationes descenditur: Optimo sanè consilio auctores prius de Diffinitione, quàm de Argumentatione disputant. Secunda causa est: quia licet quæstio An res sit prior, iudicetur quæstione Quid sit, ordine naturæ: tamen Arist. ipse cap. 2. Secundi Poster. docet, quæstionem An res sit per Medium & Causam, aut Definitionem esse explicandam: quod latius etiam docet 9. cap. eiusdem lib. Quia igitur ad demonstrandum rem aliquam esse, sumenda est pro medio Diffinitio eiusdem rei, etiã si

non

non sit Essentialis: idcirco in disciplinarum tractatione Definitio Argumentationi est anteponenda; vt pars toti. Iam verò tertiam accipe causam. Nunc de his Instrumentis a-
cturi sumus, hoc pacto, vt de Definitione agē-
tes, raro ad eius leges, aut methodum osten-
dendas argumētemur, sed tantum veluti ex-
iomata quædam omnia tradamus. At de Ar-
gumentatione agentes, omnia ferè definiē-
do explicabimus. Quare merito de Definitio-
ne, prius quam de Argumentatione sermo-
nem instituemus. Ac vt simus in præstando,
quàm in promittendo liberaliores, quartam
etiam rationem adducamus. Definitiones ad
primam mentis nostræ functionem, quæ sim-
plicium intelligentia, aut apprehensio dici-
tur, pertinent: Argumentatio verò ad tertiā
operationē, quæ appellatur discursus, est re-
ferenda: ac proinde non ab re prius de Defi-
nitione agitur.

Secundum. Hæc tria quæ enumerauimus
sunt Obiectum, & Materia, vt dictum est cap.
6. Ergo non sunt Instrumenta. Responderetur,
hæc tria esse Materiam Dialectici Docentis,
& Instrumenta Vtensis: quin etiam hæc esse
Instrumenta Dialectici Docentis, quatenus
ipse Docens Dialectica vitur. Præceptor e-
nim, qui auditores docet Dialecticam, ea ip-
sa, qua præditus est, vitur Dialectica. Immo
quum aliquis autodidascalus per seipsum in
Dialectica proficit, ad nouas conclusiones
percipiendas, vitur præceptis iam antea ex i-
psa arte cognitis.

Tertium. Apparet multò plura esse Diale-
cticæ Instrumenta. Regulis enim sæpè Diale-
cticis

Quicquid utitur & præceptis: Methodo in tractandis quæstionibus indiget: Interrogationibus non raro agendum esse ei, docet in Topicis Arist. Insuper Expositio (quæ nihil aliud est, quam mentis nostræ explicatio, quam aut alijs respondemus, ita se rem habere, aut secus, aut antequam ab alijs interrogemur, animû nostrum eis aperimus) ab auctoribus commendatur: igitur Regula, Methodus, Interrogatio, Expositio denique, plura iam constituent Instrumenta. Respondetur primò, non esse in more apud graues auctores, ut cum res diuidunt, in minutissimas partes illas concidant. Hoc enim potius contenti sunt vno, si maiores partes numerent, ad quas cæteræ possunt referri. Nonne animal in hominem, & brutum diuiditur? At si Philosophi sumus cōcedamus oportet, Embryonem esse animal; nec tamen esse hominem (cû nondum rationali animo præditum sit.) aut brutum: sed referri ad hominem. Præterea, Nonne Prophyrius quinque tantum voces simplices, vniuersas, atque Synonymas tradit? At Metaphysicorum placitum est, quodlibet Genus supremum constare modo quodam interno, quod eius essentiam complet. Qui modus, licet simplex sit, atque Synonymus, nec generis supremi est Genus, nec eius Species, aut verò Accidens. Differentia erit (inquies) aut affectio propria. Absit. Propria enim affectio à natura manat, non est interna naturæ, illè verò modus, internus est, & essentiam complet. Differentiam verò non esse, colligit Caietanus, cap. de Differentia, ex ipsomet Porphyrio, asserente, Differentiam esse, quæ diuidit

Modus In-
ternus Ge-
neris Su-
premi an-
fit Diffe-
rentia, vel
proprietas. diuidit ea, quæ sub eodem genere continentur. Genera autem suprema sub eodem genere minimè continentur: ergo saltè apud Porphyrium (nam de Aristot. dicam alio loco fufius) ille modus internus non est Differentia. Præterea docet Porphyrius, omnem Differentiam constituere Speciem, aut diuidere Genus: at ille modus internus nec diuidit aliquod Genus (cum Ens non sit Genus) nec constituit Speciem, quia Genus supremum Species esse nõ potest: Ergo non est Differentia, liquet igitur dari aliquod prædicatũ Synonymum & simplex, quod minimè est Genus, aut Species, aut aliquod eorum quæ in Porphyrio reperiuntur. Sed vir doctus satis se suo muneri fecisse ratus est, enumerando ea prædicata Synonyma, ad quæ alia quodammodo possent referri. Nam modus internus lata vocabuli significatione etiam Differentiæ potest nuncupari. Quamquam igitur Dialecticæ præceptores tantum illa tria numerent Instrumenta, non sunt accusandi; quia hæc quæ nuper subiecta sunt, ad illa possunt referri. Respondetur secundo, non numerari Expositionem, quoniam tantum illa numerata sunt Instrumenta, quæ peculiarem exigunt tractationem. Methodus etiam non tam Instrumentum est, quam Ordo, quem in vsu Instrumentorum seruare debemus. Interrogare deniq; sicut & regulis uti, facillimũ est. Agamus igitur iã quod nostri est muneris, & de tribus Instrumentis ordine pertractemus.

De Diffinitione. Cap. 8.

INter hæc autem instrumẽta, primum est de Diffinitione tractandum. Cur enim Argumen-

mentationē præcedat diximus iā: & de Diuisione ratio est in promptu. Nam Diffinitio rei essentiam explicat, & prius est, absque dubio, rem esse sua essentia cōstitutam, quā diuidi. Ac licet, ad Definitionem alicuius rei excogitandam, necessarium sit, rem aliam superiorem diuidere vt ad definiendum hominem, diuidendum est prius animal: tamē nos, qui definitiones iam ab alijs inuentas suscipimus, prius de Definitione tractare, ratio ipsa compellit; præsertim cū ad intelligendā Diuisionis naturā, necessaria sit Definitio.

Est autem Definitio oratio, quæ id quod definitur explicata ambitu quā breuissimo; vt animal rationale, est hominis definitio. Duplex verò est Definitio, alia Rei, alia Nominis: si enim rei explicet naturā, Definitio Rei est; vt animal rationis particeps: si verò potissimum declaret alicuius nominis significationem, erit Definitio Nominis; vt Theologus est, de Deo loquens; Philosophus, amator sapientiæ. In huiusmodi quippe Definitionibus id modò agitur, vt alicuius nominis vis, aut Etymon explicetur. Definitio Rei est triplex, Essentialis, Causalis, & ea, quā Latiniōres Descriptionē, alij Descriptiuā appellāt. Essentialis est, quæ rei natura declarat per genus & differētiā, vt animal rationis particeps, est Essentialis hominis Definitio; traditur enim per genus (nempe animal) & differētiā, nempe rationis particeps. Genus autem appello, quòd de pluribus specie differētib; dicitur, in quæstio. qua quæritur, quid Res sit. Vt animal est Genus hominis & bruti. Differētia verò est, quā inter se differūt quæ

Quid, & quorūplex sit Definitio.

Quatuor Causarum genera.

quæ sub eodem genere continentur, vt rationale distinguit hominem à bruto. Causalis Definitio est, quæ per rei genus, & causam traditur: vt homo est animal peculiari consilio à Deo creatum. Causa autem est, cuius vi aliquid fit, & est quadruplex, Materia, Forma, Agens, & Finis. Materia est, ex qua aliquid fit: vt ex ære statua. Forma est, quæ dat esse rei. Cui Definitioni (ne competat Causæ Agenti) addendum est, intrinsecè, vt animus rationalis dat esse homini. Agens est, quod aliquid efficit, vt Sol Ranam. Finis denique est, cuius gratia aliquid fit, vt beatitudinis consequenda gratia, scelera plangimus. Ex omnibus igitur his causarum Generibus desumi potest Causalis Definitio. Ex Materia, vt homo est animal, constans idoneo ad intelligendū corpore. Ex Fine, animal ad beatitudinem consequendam creatum. Ex Forma, animal rationali animo præditum. Deniq; ex Efficiente, animal peculiari consilio à Deo creatum.

Ad Definitionem ex causis reducitur Definitio ab effectis: nam sæpe Causæ per Effecta definiuntur, cum non semel contingat, Effectus nobis esse Causis notiores. Notior quippe est nobis importunissimus Caniculæ Effectus, ipsomet astro. Descriptio autem illa Definitio appellatur, quæ Rē per Genus, & propriam affectionem, aut accidentia explicat; vt homo, est animal risus particeps. Nec tamen omnia Accidentia in Descriptione collocari debent, sed ea quæ sunt ad Rei naturam explicandam necessaria, aut saltem valde vtilia.

Hoc quidem pacto loquendum est nobis,
quando

quando cum tyronibus agimus. Nam quum *Quæ sit*
 profecerint, peruenerintq; ad libros Arist. de *verè Defi-*
 Posteriori Analyfi, docebimus eos, solam De- *nitiō Rei.*
 finitionem Essentialem esse Definitionē Rei;
 alias vero omnes appellandas esse Nominis
 Diffinitiones: id quod egregiè (vt multa) eru-
 ditissimus Cardinalis Caietanus 2. Poster. c2.
 6. ex Arist. collegisse videtur; & in Prologo o-
 pusculi de Ente & Entia sub Finem apertissi-
 mē explicasse. Et confirmari etiam potest ex
 alio Arist. loco, cap. de Substantia in Catego-
 rijs: vbi docet, sola genera & species Catego-
 riæ Substantiæ, ac ipsarum differentias dici
 Nomine & Ratione de primis Substantiis; re-
 liqua verò omnia solo Nomine de ipsis posse
 efferri. Quod si ita est, profectò qui dixerit,
 Petrum, aut hominem esse risus compotem,
 aut coloratum, sola ea quæ ad Nomen perti-
 nent proferet. Sed quemadmodum patres fi-
 lijs in tenera ætate constitutis, eorum se ver-
 bis accommodant, & inarticulatas quodam-
 modo voces proferunt; sic decet præceptores,
 tantisper nimiam eruditionem dissimulare,
 & quandiu teneros habent discipulos, com-
 munem loquendi modum seruare: & etiā De-
 scriptiones vocare Diffinitiones Rei.

Leges Diffinitionis.

TRadita Definitione huius Instrumēti, ex-
 positisque eius diuisionibus, tradendæ
 sunt leges, quæ in Definitionibus seruari de-
 bent. Hunc nanque ordinem in explicandis

C

In.

Instrumētis seruaturi simus. Prima lex est: vt Definitio constet Genere & Differentia, aut his, quæ locum Generis & Differentiæ obtinent; ordine tamen seruato, vt Genus primò collocetur; de qua re latius in quæstionibus. Secunda lex. In Definitione nihil superuacaneum esse debet, nec quicquam deesse. Definitio enim, Metaphora sumpta ab agrorum finibus, nuncupatur (ob quam causam ab alijs Finitio, ab alijs Terminus appellatur) at fines agrorum sic agrum includunt, vt nihil eius extra relinquant, nihil vè admittat extraneū. Ergo Definitio totam, solamque rei definitæ naturam debet explicare. Præterea si liceret in Diffinitione superuacanea addere, posset non competere omni definito; si necessaria detrachere, in alia à definito quadraret; vt hæc Definitio hominis, Animal rationis particeps candidum; non admittit Aethiopes. Hæc verò alia hominis Definitio, Substantia, corporea, animata, particeps sensus, bruta ad hominis consortium trahit. Tertia lex. Definitio debet trahi per notiora: alioquin Res per illam minimè innotescerent, qui tamen est finis Definitionis. Quo fit, malas esse Definitiones, quæ per inusitata, incognita, aut antiquata verba traduntur. De qua re vide Arist. 7. Poster. cap. 15.

De Methodo inuestigandi Definitiones.

Addamus vnicum verbum de Methodo Definitionis inquirendæ, quam tradit Aristot.

Aristot. 2. Poster. cap. 14. Principiò Genus eius rei, quam volumus definire, inquirendum est; tum in suas differentias est diuidendum; illa quæ relictæ, quæ definito minimè comperit, & assumpta alia, ad Generi copulata, si illa oratio, quæ ex eis conficitur, recipiatur cum Definito, iam habemus Definitionem: sin minùs, totum illud compositum diuidatur, donec ad eum numerum perueniamus differentiarum, qui adiunctus Generi cum re definita reciprocetur. Vt si definire volumus Animal, diuidenda est Substantia (quæ Animalis Genus est) in corpoream, & corporis expertem: & reiecta substantia corporis experte, quia nondum substantia corporea cum animali conuertitur, ipsa equidè in viuentem, & in inanimem est diuidenda. Tandem substantia corporea viuens diuidenda est in sensus participem, & expertem. Quia verò sensus expers non est animal, definitio animalis erit substantia corporea, vitæ, sensusque particeps.

Quæstiones.

Prima. Dictum est, Definitionem Rei esse triplicem, aliam Essentialem, aliam Causalem, & aliam Descriptiuam. Quæ diuisio superuacanea videtur, cum Definitio Causalis ab alijs generibus finitionis. Quod ita probatur. Nam Definitio Causalis vel traditur per causas internas, vt per Materiam & Formam: vel per externas, vt per Effi-

An Definitio Causalis ab alijs diuisiua.

cientem & Finem. Si primùm, Definitio est Essentialis: si secundum, Descriptio. Nam quare hæc Definitio, Animal rationale, erit Essentialis: & nõ hæc alia quæ per formã traditur, Animal constans animo rationali? Præterea quare hæc erit descriptio hominis, Animal risus particeps: & non ea quæ per Finem traditur, Animal ad beatitudinem consequendam creatum, cum propinquius sit essentiæ humanæ, esse risus participem, quam esse creatum ad supernaturalem beatitudinem consequendam. Illud enim à natura sua homo habet, hoc verò ex peculiari Dei omnipotentis largitate. Respondetur, propter hæc argumenta me arbitrari, Definitionem Rei tantum in illa duo membra esse diuidendam, licet antea diuiserimus in tria, tum ne aduersus tantum Dialecticorum consensum, soli stare videremur; tum etiam vt daretur latissimus campus ostendendi ex quot generibus causarum possent Definitiones deprimi. Et certè Magister Soto Definitionem Causalem ex Materia & Forma, appellat Definitionem Essentialem Physicam: Definitionem autem aliam quæ vulgò appellatur Essentialis, vt animal rationale, appellat Essentialem Metaphysicam.

Ceterum contra hæc est argumentum. Nã sequeretur inde, hanc Definitionem, quæ sumitur ab hominis materia, Animal constans corpore idoneo ad intelligendum, Essentialem esse. Hoc autè falsum est. Etenim si essentialis esset, constaret differentia, sed non constat differentia, ergo non est Essentialis. Propositio nota est. Probatur assumptio. Differentia (vt aiunt Doctores) sumitur à Forma, sed

id quod ponitur in illa Definitione loco Differentiæ, est Materia; ergo ab eo non potest sumi Differentia. Antequam huic dubio respondeamus, oportet aliqua animadvertere. Vnum est, Genus non esse Materiam, neq; Differentiam esse Formam. Siquidē Genus prædicatur in recto de re cuius est Genus, & Differentia item: at Materia, vel Forma non prædicantur in recto de toto composito; non enim homo anima est, aut corpus. Secundum est, Genus non sumi à sola Materia: etenim si animal à sola hominis Materia sumeretur, lapis quoque esset animal; quia eadem materia, quæ est hominis, potest esse lapidis. Item si Genus sumeretur à sola Materia, nullum actum diceret, quia Materia est ens tantum in potentia; at animal, quod est Genus, aliquem actum & perfectionem dicit. Tertiū est, Genus sumi à Materia, & Differentiā à Fortuna, quia Genus sumitur ab eo quod se habet, vt Materia; & Differentia ab eo quod gerit vicem Formæ: verbi gratia: Homo habet esse sensitivum, & esse intellectuale: & quidem in esse sensitivo non clauditur actu esse intellectuale, vel rationale; quia aliquid poterit esse actu particeps sensus, quod non erit actu rationale. At verò in rationali clauditur actu sensitivum, quippe cum nihil possit esse actu rationale, quin sit actu particeps sensus. Et quia Materia se habet vt Potentia, Forma vt Actus; ideo sensitivum, aut particeps sensus dicitur, habere modum Materiæ, & rationale, & discursivum modum Formæ. Iam verò quoniam animal sumitur ab esse sensitivo, & rationale ab esse discursivo, idē animal (quod est Ge-

*Quomodo
Genus &
Differentia
à Materia.
& Forma
sumatur.*

nus) dicitur sumi à Materia; & rationale (quod est Differentia) dicitur sumi à Forma. His positis, respondeamus iam argumento: Dico. n. Differentiam sumi à Forma in sensu exposito. Quod ideo dixerim, vt intelligat omnes, quod sensu concedenda sit propositio. Ad assumptionem verò dico, illam Definitionem, de qua nunc disputamus, non sumi à sola Materia, sed à Materia, & Forma hominis. Nam eo ipso quod dicitur, hominem constare corpore idoneo ad intelligendū, dicitur constare animo rationali: nunquam enim corpus idoneū est, vt deferuiat intellectioni, eiq; obiectum ministret, donec aduenit animus rationalis. Veruntamen adhuc ab aduersarijs ita potest instari. Sequeretur non esse discrimen inter Definitionem sumptam à Materia, & Definitionem sumptam à Forma; si vtraq; sumitur à Forma. Respondetur, esse discrimen, quod Definitio, quæ vocatur à Forma, explicite, & clarè Formam manifestat: at illa quæ sumitur à Materia, apertè quidem Materiam ostendit, sed tamen occultè etiam Formam indicat.

Secūda quæstio est. An omnis Definitio quæ sumitur ex materia, sit Essētiālis. Respōdetur triplicem esse Materiam, Circa quam, In qua, & Ex qua. Materia Circa quam est obiectum alicuius scientiæ, virtutis, potentiæ, aut verò actus: nā circa obiecta sua versantur hæc omnia. Definitio autē quæ ab hac Materia sumitur, erit illa quidē Essētiālis, cum ab obiecto sumatur essentia horum omnium; verū non erit Materialis Definitio. tale nanque obiectū habet se, vt Forma respectu istorum, cum ab illo sumatur cuiuslibet eorū species. Erit itaque

*An omnis
definitio
à Materia
sumpta sit
Essētiālis.*

que Definitio Formalis . Sed materia In qua est subiectum alicuius Formæ , quā volumus definire; vt homo est subiectum risibilitatis, nix verò candoris. Quando itaq; Forma quæ definitur, habet necessariā, & per se connexi- onē cum tali subiecto, vel Materia; Definitio quæ ab illa Materia sumitur, erit Essentialis, vt si quis, Potentiam ad ridendum per homi- nem descripiat. Quod si non habeat talem con- nexionem, erit Descriptio , vt si candor per hominem definiretur. Tandem Materia , Ex qua, est illa, ex qua vna cū Forma aliquod to- tum cōponitur. Si igitur id quod definitur, per talem Materiam definiatur, sine qua non pos- sit constare (vt res viuens per corpus organi- cum) Definitio erit Essentialis: si verò per eā, sine qua possit constare, Descriptio erit; vt si quis cathedram per lignum definiat.

Tertia quæstio. Quomodo Descriptio poni- tur Definitio Rei , cū nullius rei naturam, declaret , sed tantū accidentia expriat atq; Respondetur, Descriptionē declarare etiam naturam, saltem confusē; licet præcipuē ex- plicet accidentia: quia accidentia ex Aristot. 1. de Animo. magnam partem conferunt ad cognoscendum quod quid est. De hac tamen Definitione quid sentiendum sit viris doctis, iam supra diximus.

Quarta. Nunc impugnare libet leges Defi- nitionis. Dictum est Definitionem Essentialem tantū constare Genere & Differentia, & quidem ordine quodam seruato . Primum ita impugnatur . Ex Aristot. 7. Metaph. tex. 16. Accidentia propria habent suum quod quid est, & suam quidditatem; ex quo intelli-

*An Defi-
nitio Essē-
tialis sola
Genere,
& Diffē-
rentia con-
stat.*

gitur, ea habere suam Definitionem Essentialem : at in Definitione accidentium istorum necessarium debet poni aliquid externum, quod non est Genus, aut Differentia; Ergo Definitio essentialis non tantum genere, & Differentia constabit. Probatur assumptio. Etenim in Definitione, risibilis, ponitur homo; alioquin hæc Enuntiatio, homo est risibilis; non esset in secundo modo dicendi per se. Secundus namque modus dicendi per se est, quando Subiectum ponitur in Definitione Prædicati, ut patet ex. 1. Poster. ca. 4. Respondetur, eam legem tantum intelligi de Essentiali Definitione substantiæ completæ, ut docet Chrysostomus Iauellus 7. Metaph. quæst. 7. Vnde in Definitione accidentium Essentiali clauditur aliquid externum, ut argumentum probat. At nec in solis accidentibus id verum est, sed in quibusdam quoque substantijs non completis, aut integris. Ut si quis velit definire Animam, ponet in eius Definitione corpus; quia anima non est substantia perfecta, atque completa, sed pars substantiæ; nempe hominis. De hac re vide Cardinalem Caietanum, cap. de Specie. Immo Arist. ipse est eiusdem sententiæ; dicit enim Simum ita definiri: Simus est nasus concavus. Cæterum offert se dubium. Sequeretur eum, qui diceret, nasus simus committere nugationem. Probatur, nam loco alicuius nominis licet ponere eius Definitionem; ut docet Arist. 2. Topic. Ergo loco Simi licet ponere eius Definitionem, nempe nasus concavus. Atque ita dicere nasus simus, idem est ac dicere nasus concavus: quæ est manifesta nugatio: id est, eiusdem vocis inutilis re-

peti-

petitio. Respondetur: loco nominis non licere ponere eius Definitionem, quin in illius Definitione Essentiali clauditur aliquid (vt aiunt) per additamentum: idest, quod neque Genus, nec Differentia est; sed quidpiam essentiae additum. Et quia Simum definitur per additamentum, non licet ponere eius Definitionem totam; sed postquam semel dictum est Nasus, sufficit addere quod est de essentia Simi, nempe, concauitatem. Quare nasus simus idem est quod nasus concauus, & nihil aliud. Nemo tamen verba nostra suggillet, quia Definitionem accidentium Essentialem appellauerimus: est enim reuera Essentialis; quamuis non ita perfecta vt substantiae Definitio. Quod si alicubi Arist. negat, accidentia habere Definitionem Essentialem, intelligendus est cum hac adiectione, si cum substantiarum Definitione conferatur. Quemadmodum alio in loco negat, accidentia esse entia, non quod sint non entia; sed quia si cum substantia ea conferas, vix appareant entia. Vide ipsum 7. Metaph. tex. 17. 18. & 19. Denique leges quae lib. 3. cap. 11. quaestiuncula prima scribemus.

Secundò, dicitur in eadem lege, Definitionem debere constare Genere & Differentia ordine quodam: idest, vt Genus ante Differentiam collocetur. Quod ab Arist. quidem asseritur 1. Post. cap. 14. Sed videtur nullius ponderis observatio. Etenim ex 1. Perihier. cap. 1. verba transposita non mutant sensum, ergo idem est dicere, animal rationale, & rationale animal. Respondetur, transpositione hanc Generis & Differentiae posse fieri, aut

*An loco
nominis
eius
Definitio
possit per-
petuò col-
locari.*

*De ordine
partium
Definitio-
nis.*

sola voce elegantiz causa, vt familiare est Ciceroni; aut etiam mente: ita videlicet, vt primò mente concipiamus rationale, & deinceps animal. Si fiat priori modo, non admodum refert: si vero posteriori, redditur Definitio vitiosa: quod primùm ita probatur. Cùm in rationali claudatur animal, dicendo rationale, iam dicimus animal. Ergo si iterum addimus animal, iam fiet inutilis repetitio, & nugatio, saltem impropria. Nec potest argumentum infringi, dicendo, ita quoque probari, non posse dici, animal rationale; quia in rationali, clauditur animal: ergo quãdo post animal ponitur rationale, iterum in rationali intelligitur animal. Non inquã, infringit hæc solutio argumētū: quoniã is qui intelligit rationale, necessariò debet prius intelligere animal, vt extrinsecū: quia Definitio rationalis est, animal habens rationē. Vnde quando ponitur prius rationale, prius debet intelligi animal: si ergo postea addatur animal, bis animal intelligitur. Ceterū quãdo animal prius ponitur, postea adueniente rationali, cùm iã ipsū animal sit extrinsecè intellectū, aut conceptū, non oportet iterū concipi. Stat igitur primū arg. Secundò probatur idem Genus, & Differentia habent se quasi potentia, & actus, vt antea diximus: ex actu aut & potentia vt vnum per se constituatur, actus debet aduenire potentiz, non potentia actui. Sed de his in Metaphysica agendum est. Respondeamus iam argumento: Locum illum Arist. Verba transposita non mutant sensū, non esse intelligendum de Definitione, sed de veritate Enuntiationum; de quibus tunc Arist. disputabatur

bat. Neque porrò de omnibus Enuntiationibus illud dici potest. Magnum enim discrimē agnoscunt Diaiectici inter has duas enuntiationes, Nullus homo non currit, & Nōnullus homo currit; ob eā solū causā, quòd negatio illa variū obtineat situm: vt lib. 4. cap. 7. explicabitur. Quinta obiectio aduersus tertium præceptum à nobis traditum. Dictum est, Diffinitionem debere tradi per notiora Sic autē disputo. Vnum relatum definitur per aliud, & vnum non est notius altero: ergo Diffinitio nō debet tradi per notiora. Propositio est manifesta. Probatur assūptio ex Arist. in Categorijs, vbi docet, relata esse simul natura, & eū qui definitè cognouerit vnum relatorum, definitè cognoscere reliquum. Cardinalis Caietanus in Isagogē Porphyrij, c. de Specie, tres assignat Solutiones. Principio dicit, negandā esse propositionē, nam ex diuo Alberto (magno profectò viro, ac diui Thomæ magistro) constat, vnum relatorum non definiri per aliud, sed ad aliud; id est, vnū relatorū non poni in Diffinitione alterius ratione suimet, sed ratione ordinis, quē aliud habet ad ipsū. Verbi gratia: filius nō ponitur in Diffinitione patris secūdum se, sed rōne ordinis, atq; habitudinis, & respectus, quē habet pater ad ipsū. Non. n. dicimus patrē esse filiū, sed patrem referri, aut ordinem habere ad filium. Et talis ordo est, notior patre, cū sit differētia patris, quā pater est. Secundò respondet, Relatum quod ponitur in Diffinitione alterius, duobus modis posse cōsiderari; primum vt terminat relationem alterius ad se; id est, vt est Terminus, aut (vt ita dixerim) Scopus,

in

*De Relatorū
rū defini-
tionibus.*

in quem alterum refertur, & quodammodo tendit; & hac ratione est notius illo altero, in cuius Definitione ponitur; quia terminans habet se vt actus; id verò quod terminatur, vt potentia: Actus autem est notior Potentia: & sub hac consideratione vnum Relatū ponitur in Diffinitione alterius. Quo fit, vt simpliciter concedendum sit vnum relatum quando definitur per aliud, definiri per notius. Secundò, Illud Relatum potest considerari, non vt terminat relationem alterius ad se, sed vt ipsum quoque refertur ad id quod definitur: & sic non est notius, nec ponitur in Definitione sui correlati. Hæc solutio est Auicennæ, nec reprehendit eam Caietanus, loco citato. Nihilominus si expendemus, quæ ipse docet 1. part. quæst. 13. articul. 7. agnoscamus, hanc solutionem non posse defendi. Docet enim ibi Caietanus, vnum Relatorum non terminare relationem alterius ad se, nisi quatenus est correlatum. Vana ergo est hæc Auicennæ distinctio, aut consideratur Relatum vt terminans, aut vt correlatū, si non alia ratione terminat nisi vt correlatū. Tertia solutio est, Argumentum non infringere nostram regulam. Nos siquidem minime diximus, omnia quæ ponuntur in Definitione, debere esse notiora definito; sed diximus, Definitionem debere tradi per notiora. Diffinitiones autem Relatorum etsi quatenus includunt suum Correlatum, non tradantur per notiora, sed per æquè nota: tamen quatenus includunt genus ipsius Relati, traduntur per notiora. Exemplum. Pater ita definitur, Pater est, Relatum ad filium, & licet fi-

lius

Ius non sit notior patre, tamen esse Relatum notius est, quàm esse patrem: vniuersalia enim sunt notiora ex 1. Physicor. Cæterum cui nulla harum solutionum placuerit, poterit respondere, Definitionem debere tradi per notiora, si res illa habeat notiora. Deniq; melior solutio, ac planior his omnibus est, ab hac regula, de qua nunc est disputatio, excepisse Arist. Relata 6. lib. Top. loco 10. in Boetij versione.

Sextò. Quæritur, an leges traditæ, sufficiant ad bonam Definitionem constituendam. *Ano-
mnes De-
finitionis
partes la-
tius pate-
ant re de-
finita.* Videtur enim non sufficere: nam hæc Definitio, Animal rationale, seruat omnes leges à nobis traditas; & alioquin non est bona. Ergo leges traditæ ad bonam Definitionem non sufficiunt. Propositio patet. Assumptio probatur. Ex Arist. 2. Posterior. c. 14. omnia membra Definitionis simul sumpta reciprocantur cum re diffinita, at verò quodlibet eorum per se est eò latius, & superius; sed hoc non competit huic Definitioni, cum Rationale conuertatur cum homine; Ergo non est bona. Et quidem huius secundi argumenti assumptio est manifestissima. Propositio verò probatur exemplo Arist. Ternarius sic definitur. Numerus impar utroque modo primus: & certe Numerus latius patet, quàm ternarius: impar aliis competit à ternario: deniq; utroq; modo primus conuenit etiam binario. Duo-
bus namq; modis vocatur aliquis numerus primus, vno, quia non habet intra se numerum, quo aliquoties sumpto mensuretur: & hoc quadrat in Binarium, Quinarium, Septenarium, &c. non tamè in Nouenarium, quia noue-

transantem, deinde verò quum nititur quid-
piam demonstrare, potiùs aliquando conie-
ctari, quàm demonstrationes inuenisse, vide-
tur. Lege quæ de mundi æternitate docet, quæ
de immensitate primi Motoris, quæ de vnico
Mundo, quæ de numero Intelligentiarum, quæ de
motu ad Categoriã Qualitatis: & vide, sus-
picarine, an scire videatur. Scientia autem
effectus Demonstrationis est, suspicio conie-
cturæ, & quidem leuissimæ. Certè hæc nõ eo
animo dixerim, vt Principi detrahã Philo-
sophorum; sed vt tacitè respondeam impor-
tunissimis arg. quæ ex 6 lib. Topic. contra Diffi-
nitiones; & ex libris Posteriorum contra De-
monstrationes, & Diffinitiones solent addu-
ci. Respondendum est enim, requiri omnia
illa ad accuratissimas Definitiones, aut De-
monstrationes; verùm pauciora ad bonas, &
fatis probatas Definitiones, Demonstratio-
ne suæ efficere.

Septima obiectio contra artem inuestigan-
di Diffinitionem. Si illa Methodus bona esset,
sequeretur hac ratione posse Definitionem pro-
bãri: Homo est animal, & non est irrationale,
ergo est animal rationale: sed Arist. 2. Post. c.
5. docet per syllogismum diuisorium nõ pos-
se demonstrari Definitionem: Ergo metho-
dus illa reiicienda est. Respondetur, Aristote-
lem loco citato tantum velle ostendere, non
posse fieri Demonstrationem potissimam, ad
probandum Definitionem alicuius de ipso:
non tamen negat, posse fieri Syllogismum,
qui id ostendat.

De Diuisione altero differendi Instrumento. Cap. 9.

Diuisio

*Totū in-
tegrum,
& vni-
uersum.*

Diuisio alterum est Dialecticorum Instru-
mentum. De qua tractaturi, primū ea,
quæ de ipsa populariter afferuntur dicemus;
explicātes quid, & quotuplex sit, & quæ præ-
cepta debeat obseruare: deinde verò inter
dubitandum quædam reiijciemus. Diuisio est
communioris in minus communia distribu-
tio: vt animal aliud homo, aliud brutum. Di-
uisio autem est duplex, alia Nominis, alia Rei.
Nominis est, quæ alicuius nominis significa-
tiones enumerat, vt Canis, alius cœlestis, a-
lius terrestris, alius tandem marinus. Quod
diuidendi genus ad manum habere oportet,
ad ambigua, & Homonyma explicanda. Di-
uisio Rei est, rei communioris in minus com-
munes diductio; vt animal, aliud homo, aliud
brutum. Cæterū Diuisio Rei duplex est.
Nam Totum est duplex; aliud Integrum, a-
liud Vniuersum. Totum Integrum est, quod
suis partibus neq; nomen tribuit, nec ratio-
nem; vt domus, quæ in fundamento parietib-
us, & tecto consistit; cū fundamentum nō
sit domus, nec tectum domus appelletur. To-
tum Vniuersum est, quod tribuit suis parti-
bus nomen, & rationem; vt homo, & brutū
animalia sunt. Diuisio ergo Rei est gemina,
quædam totius Integri in suas partes, vt do-
mus, alia pars est tectum, alia fundamentum,
alia parietes: quædam totius Vniuersi in par-
tes sibi subiectas, vt animal, aliud homo, a-
liud brutum. Dimissa autem Diuisione to-
tius Integri, quæ Partitio nuncupatur, aga-
mus de Diuisione totius Vniuersi: hæc du-
plex est, quædam per se, quædam per Acci-
dens; aut (vt quidam loquuntur) alia est Es-
sentia-

ſentialis, alia Accidentia. Diuiſio Per ſe eſt, cuius partes neceſſariò connectuntur cū diuiſo; vt animal, aliud homo, aliud brutum: & hæc aut eſt Generis in Species, cuius ſcilicet diuiſum eſt Genus, & membra diuidentia ſunt Species; vt in exemplo ſuperiori liquet; aut Generis in Differentias, cuius diuiſum eſt Genus, & membra diuidentia ſunt differentiæ; vt animal aliud rationis particeps, aliud expers. Præterea Diuiſio per Accidens eſt, cuius membra diuidentia ex Accidenti, & non per ſe connectuntur cū diuiſo; vt animalium aliud album, aliud nigrum, aliud medio calore affectum. Rurſum Diuiſio per Accidens triplex eſt Subiecti in accidentia, vt ſuperior: Accidens in ſubiecta, vt album, aliud homo, aliud nix, aliud papyrus; ac denique Accidētis in accidentia, vt Muſicus, alius albus, alius Aethiops, & alius medio colore affectus.

Præcepta bona Diuiſionis.

HI autem ſunt canones, quos diuidendo ſeruare debemus. Primus. Oportet partes Diuiſionis exhaurire totum diuiſum, eo pacto atque lege, vt nihil ſub diuiſo contineatur, quin etiam ponatur ſub aliqua Diuiſionis parte: ſicut nihil poni debet ſub partibus diuidentibus, quod ſub diuiſo minimè contineatur. Quare hæc eſt mala diuiſio, Animalium aliud piſcis, aliud auis. Secundus canon. In Diuiſione nihil contineri debet ſuperuacaneum. Quo fit, vt hæc ſit mala diuiſio, Animalium aliud homo, aliud brutum, aliud album.

Hinc sequitur tertius canon, scilicet membra diuidentia debent esse opposita. Opposita, inquam, aut re, aut sola ratione. In hac enim Diuisione, quam diuus Ambrosius primo officiorum tradit; Bonum, aliud honestum, aliud detrectabile, aliud vtile, membra non semper re opponuntur, sed ratione sola. Medicina quippe dulcis, est de lacte bilis, & vtilis, & honesta etiam erit, si alicuius virtutis gratia sanari homo velit. Sed Plato quartum præceptum addere voluit in Politico & Sophista, vt diuisio sit bimembris. Quod præceptum reprehenditur ab Arist. primo de part. animalium, capit. 2. Quia cum virtus Cardinalis possit vnica diuisione in prudentiam; iustitiã, temperantiam, & fortitudinem diuidi; quare diuidetur in prudentiã & nõ prudentiã, & deinde non prudentiã in temperantiam; & non temperantiam: atque ita deinceps. Solent quidam hoc loco de methodo argumentandi ex Diuisione agere, sed id opportunè fiet cap. 5. lib. 7.

*Platonis
præcepta.*

Huius capituli difficultas.

*Totū Ho-
mogeneū,
& Hetero-
geneum.*

Prima. Quomodo dictum est nomen totius Integri non competere eius partibus? Duplex namque totum Integrum à Philosophis ponitur, aliud Homogeneum, aliud Heterogeneum: Homogeneum est, cuius partes eiusdem rationis sunt cum ipso; vt quælibet pars aquæ, est aqua: diciturque à Latinis totū Similare. Heterogeneum est, cuius partes sunt diuersæ rationis à toto; vt domus: vo-

catur.

catrque totum Dissimilare . Ergo saltem
sententia nostra erit falsa in toto Homo-
geneo. Respondetur , negando consequen-
tiam . Nam totum Integrum , etiam Ho-
mogeneum , duobus modis potest conside-
rari ; primò , ut totum Integrum est : se-
cundò , ut participat nomen totius Vni-
uersi . Verbi gratia ; Aqua paludis potest
considerari , ut totum Integrum est : sci-
licet , ut implet totum lacum : & tunc no-
men eius est hoc, Aqua implēs totum lacum :
& breuitatis causa vocetur aqua B, vel aqua
C. Secundò potest considerari , quia tenus cō-
petit ei nomen aquæ , quæ est totum Vniuer-
sum ad omnem aquam in orbe existentem ; &
hac ratione nomen eius est simpliciter Aqua.
Licet ergo hæc enuntiatio vera sit hæc parti-
cula aquæ huius paludis est aqua ; tamen hæc
est falsa , hæc particula aquæ huius paludis
est aqua : B, vel C ; quia significat , hanc particu-
lam aquæ esse illam aquā , quæ implet totum
lacum : quod quidem est falsum . Perspicuum
est igitur , totum Integrum , quamuis sit Ho-
mogeneum , non prædicari de suis partibus ,
quā totum Integrum est . Non prædicari in-
quam in recto ; nam in casu obliquo bene po-
test prædicari , sicut & totum Heterogeneum .
Hæc enim enuntiatio vera est , Brachium est
hominis . Respondetur secundò prædictū ar-
gumentum ; si quid probat , probare etiā partē
Integram prædicari de toto Integro . Sicut
enim nomen totius aquæ paludis competit e-
ius parti , non tamē loquēdo de aqua paludis ,
ut totū Integrū est ; ita nomen patris integrā-
tis conuenit toto Integro ; nam tam hæc par-

ticula aquæ, quàm tota aqua paludis, est aqua.

*Diuisio
totius in
partes es-
sentialiter.*

Secunda occurrit difficultas contra id quod diximus, diuisionē Rei esse duplicē, aliam totius Integri in suas partes, aliam verò totius Vniuersi in partes ei subiectas. Etenim hæc diuisio, Hominis alia pars est corpus, alia anima; nec est totius Vniuersi in suas partes, vt cōstat; nec totius Integri in suas: ergo sūt plura genera Diuisionis. Antecedēs quoad secundā partē probatur; quia cum anima & corpus nō distent situ & loco, nō possunt partes integrantes vocari. Respondetur, argumentū concludere: & ita Diuisionem Rei hac ratione esse diuidendam. Diuisio rei alia totius integri in suas partes, alia totius essentialis in suas partes essentielles Physicas; vt hæc modò adducta: alia verò totius vniuersi in suas partes. Qua autē ratione partes essentielles Physicæ ab integrantibus distinguātur, lege in Magistro Soto 1. Phy. quæst. 3.

*Analogi
in eis in-
feriora
Diuisio.*

Tertia difficultas. Dictum est, Diuisionem Per se esse duplicē, aliam Generis in species, aliam Generis in differentias. Hæc Diuisio, Ens aliud substantia, aliud accidens, est Diuisio rei vniuersæ; quoniam ens quod diuiditur in decem Categorias, est ens rei; & præterea est vniuersum: vt libro sequenti, capite vndecimo ostendemus: & est Diuisio per se, quia per se substantia est ens, & accidens quoque. Ac præterea nō est Diuisio Generis in species, aut differentias: quoniam ens non est genus, teste Aristotele 4. Metaphys. text. 2. & Porphyrio in Isagoge, cap. de Specie. Ergo datur alius modus Diuisionis Per se. Respondetur li-

libentissime concedendo, non tantum esse duas species Diuisionis Per se totius vniuersi; sed addendam esse tertiam, scilicet Analogi in Analogata: qualis est Diuisio Entis.

*Generis in
proprias
affectiones
Diuisio.*

Quarta. Hæc diuisio, Animal aliud quod ridere potest; aliud quod mugire; &c. est Diuisio rei vniuersæ: & est Per se: quoniam. Ari. 1. Poster. c. 4. genus per se cōnectitur proprietatibus suarum specierum, vt necessum est lineam aut rectam esse, aut curuā: & numerū, aut parē aut imparē: atqui illa diuisio non est Generis in species, aut in differētiās; vt constat: ergo datur aliud Diuisionis genus. Dices, Continetur sub Diuisione Generis in differētiās, quia homo nō modo differt à be-lua, quoniā est animal rationale, sed etiā quia potest ridere. Verūm hac solutione nō euer-titur argumentum. Nam quum supra nume-rata est Diuisio Generis in differētiās inter Diuisiones Per se, aut differētiā sumebatur pro differētiā essentiali tantūm, aut vt com-prehendit etiā differētiās accidentarias. Si priori modo, risibile non est differētiā, sed proprietas: si posteriori, certē sub diuisione generis in differētiās claudetur diuisio subie-cti in accidentia: qualis est hæc, Animal aliud album, aliud nigrum, aliud medio colore af-fectum; nā hæc etiā sunt accidentariæ differen-tiæ: teste Porphyrio, cap. de differētiā. Respō-detur, propter hoc argumentū esse defenden-dum, illis diuisionibus, quæ enumeratz sunt, posse addi quartū genus diuisionis Per se, nempe generis in proprietates.

Sunt tamen qui arbitrantur, huic, præce-dētīq; difficultati posse aliter respōderi di-

cendo; Diuisionem Analogi in Analogata referri ad Diuisionem Generis in species, ac Diuisionem Generis in proprietates ad diuisionem Generis in differentias. Sed nō placet solutio. Etenim si Diuisio Analogi in analogata refertur ad Diuisionem generis in species; quare ergo Diuisio generis in differentias non refertur ad Diuisionem generis in species; præsertim cū magis differant Analogum & Analogatum à Genere & Specie, quàm Genus & Differentia à Genere & Specie? Itē plūs differt proprietas à differentia, quàm differentia à specie: nam differentia & species ad eādem semper attinent Categoriā; proprietas autem & differentia non item: Ergo multò magis referri debet Diuisio generis in differentias ad Diuisionem generis in species, quàm Diuisio generis in proprietates ad Diuisionem generis in differentias. At quoniam 2. Topicorum monet Aristoteles, sæpe loqui vt plures loquuntur, & ego nominum quæstiones suscipere nolo, appellentur hæ diuisiones vt libuerit, referantur vt placuerit: dūmodo intelligatur, dari aliquas Diuisiones Per se, quæ sunt Analogi in Analogata, & alias generis in proprietates. Scio enim morem Doctorum in diuidendo, de quo dixi supra, cap. 7. obiectione vltima.

Quinta difficultas. Quare non est facta mētio Diuisionis speciei in indiuidua? Respondetur: Quia magister Plato (vt Porphyrius ait) iubebat, species in scientijs non diuidi in singularia, quòd sint ferè infinita.

Sexta. Quomodo Diuisio accidentis in accidentia vocatur per accidens, cū hæc diuisio

fit,color alius candor, alius atrox, alius medius, si accidentis in accidentia, & non sit accidentaria? Albedo enim per se colori est connexa. Respondetur, Diuisionem hanc esse accidentis in accidentia, sumendo accidens, ut significat quidquid continetur in nouem Categorijs; qua ratione non sumitur nunc: sed accipitur nunc, ut significat illud quod alteri accidentario, contingenterque conuenit. Et quia diuisum huius Diuisionis non conuenit contingenter membris diuidētibz, ideo non est accidentis in accidentia, sed generis in species. Color enim respectu corporum, accidens est: respectu albedinis, genus.

Septima difficultas contra primum bonę Diuisionis præceptum. Hęc Diuisio est bona, Animal aliud album, aliud nigrum, aliud medio colore affectu: & nihilominus aliquid continetur sub membris diuidētibz: quod minime continetur sub diuiso. Nix scilicet, quę alba est, & animal non est. Respondetur, album duobus: modis posse considerari, aut secundum se tantum, & hac ratione continet sub se ninem, aut ut pertinet ad hęc Diuisionem, & hoc pacto non eam continet. Nam, ut pertinet ad hanc Diuisionē, debet vnā cum eo subintelligi animal; ita ut sensus Diuisionis sit iste; Animal, aliud est animal album, aliud est animal nigrum, aliud est animal medio colore affectu: & ita nix nō continetur sub albo. Ceterū contra hanc receptissimam solutionem est argumentū; Si Diuisio supraposita ita esset explicanda, sequeretur eā non esse per Accidens, sed per se. Probat. Nā quodlibet

membrorum diuidentium habet necessariam connexionem cum diuiso. Siquidem animal album necessariò est animal, & oppositum inuoluit repugnantiam: vt lib. 4. cap. 13. ostendimus. Respondetur. Ad hoc vt aliquod membrum dicatur habere necessariam connexionem cum diuiso, non esse considerandum quatenus claudit in se diuisum: alioquin omnis Diuisio esset Per se; & omnia membra haberent necessariam connexionem cù diuiso: sed ratione eius quod includit præter ipsum diuisum: ita vt si illud additum diuiso habeat necessariam connexionem cum ipso, Diuisio sit Per se; sin minus, Accidentaria. Et quia id quod addit animal album ad animal, est tantum album, & album non habet necessariam connexionem cum animal: ideo hæc Diuisio, Animalium aliud album, aliud nigrum, &c. est per Accidens. Possunt tamen (vt videtur) duo hinc incommoda sequi alterum est, hanc Diuisionem, Hominum alij sunt Grammatici, alij Rhetores, alij Physici, &c. alij nihil horum sunt, esse tamen possunt, esse per se; quod profectò nemo concedet. Probatur complexio: Nam Grammaticus habet necessariam connexionem cum homine, cum nemo possit habere scientiam Grammaticæ, id est, habitum rerum Grammaticarum demonstratione acquisitum, nisi fuerit homo; & idem dico de Rhetore. Alterum incommodum: Sequeretur hanc diuisionem, Animalium aliud præditum est voluntate, aliud caret illa: vel aliud intellectu constat, aliud eò destituitur; non esse Per se. Patet, quia habēs voluntatē, non habet necessariā connexionem

nem

nem cum animali; cùm Angeli sunt præditi voluntate, & non sint animalia. Quòd si dicas, illud membrum, habens voluntatem, habere necessariam connexionem cum animali, quia debet ibi subintelligi diuifum, nèpe animal; iam hæc solutio est explòsa. Hæc argumenta petunt à nobis, quid intelligamus, quum dicimus, aliquod membrum habere necessariam connexionem cum diuifo. Respondetur in primis, ad hoc non sufficere, si ipsum membrum diuidens non possit vlla ratione intelligi sine diuifo; alias argumentum illud de Grammatico & Rhetore firmum permaneret. Sed tunc membrum diuidens iudicandum est, habere necessariam, & Per se connexionem cum diuifo, quando vel directè continetur sub diuifo, sicut homo sub animali, & substantia sub ente; vel quando ita connectitur inferioribus illius diuifi, vt talium inferiorum naturæ non possint sine ipso reperiri: sed quædam inferiora ipsius diuifi habeant necessariam connexionem cum altero membro diuidente, & quædam cum opposito. Quia ergo habens voluntatem, ita competit quibusdam inferioribus animalis, vt necessariò debeat esse coniunctum essentijs eorum animalium, idèò illud membrum dicitur necessariò & per se connecti cum animali. Verbi gratia, Intellectus necessariò coniunctus est cuidam animali, nempe homini; & ab alio animali necessariò separatur, id est, à bruto: ideo habens intellectum necessariam connexionem habet cum animali. Quò fit, vt ex duabus nunc propositis diuisionibus, prior sit accidentaria, posterior necessaria.

*De Argumentatione, tertio Dialecticorum
Instrumento. Cap. 10.*

Tertium Instrumentum Dialecticum est Argumentatio, de qua non prius differemus, quam explicauerimus quid sit Enuntiatio: ex Enuntiationibus namque ipsa Argumentatio coalescit. Enuntiatio est oratio verum, aut falsum significans, vt homo est animal. Et quidem Enuntiatio tribus partibus sepius constat, Subiecto, Attributo, & nexu vtriusque. Subiectum est prior Enuntiationis pars, cui tribuitur altera; vt illa vox, homo, in superiori Enuntiatione. Attributum, vel Prædicatum est posterior Enuntiationis pars, quæ tribuitur alteri, vel illa vox animal. Nexus autem, siue Copula est verbum Sum, es, fui, quo Prædicatum Subiecto connectitur. Dixi, Enuntiationem sæpe his partibus constare: tum propter Enuntiationes secundi Adiacentis; quæ non constant Prædicato, licet reduci possint ad Enuntiationes Prædicato constantes: vt patet in hac Enuntiatione, Homo est. Tum propter Hypotheticas, quæ non constantur ex Subiecto, & Prædicato: sed ex duabus Enuntiationibus: vt hæc Enuntiatio, Si Sol lucet, dies est. Et quidem Enuntiatio (vt Cicero docet) Græcè dicitur *Axioma*, Latine verò appellatur etiam Enuntiatum, *Eisatum*, siue Pronuntiatum. Argumentatio autem est oratio ex antecedente, & consequente; veluti suis partibus constituta, quas con-

iun-

Enuntiatio

Argumentatio

iunctio aliqua inferendi connectit: vt homo est animal, ergo homo est substantia. Antecedens est prior Argumentationis pars, ex qua altera sequitur, vt illa Enuntiatio, homo est animal, in superiori Argumentatione. Consequens autem est posterior pars, quæ ex alia inferitur, vt illa enuntiatio, Homo est substantia, in superiori Argumentatione. At coniunctio inferendi est, Ergo, vel Igitur. Requiritur tamen coniunctio inferendi, quia hæc oratio, Si Sol lucet, dies est, constat antecedente, & cōsequente, nec tamen est Argumētatio: quia illud antecedens non iungitur consequenti, media inferendi coniunctione. Antecedēs in super Argumētationis est geminum, simplex scilicet, & compositum. Simplex est, quod vnicā enuntiatione constat, vt in Argumentatione superiori liquet: compositū verò, quod pluribus; vt in hoc syllogismo; Omne animal est substantia, omnis homo est animal, ergo omnis homo est substantia. Antecedens est cōpositum ex duabus Enuntiationibus, quarum prior vocatur Maior, vel Propositio: Posterior autem Minor, vel Assumptio.

Quotuplex sit Argumentatio.

Argumentatio est duplex, alia bona, alia mala; bona est, in qua ex antecedente sequitur consequens; vt homo est animal; ergo homo est substantia: mala autē in qua ex antecedente nō sequitur consequens; vt Plato vixit, ergo Aristoteles vigilat. Sed mala argumentatio

*De mala ar-
gumēta-
tio. an sit
Argumenta-
tio.*

tatio reuera Argumentatio non est, non enim constat antecedente & consequente. Consequens siquidem est, quod sequitur ex antecedente; at in mala Argumentatione id, quod appellatur Consequens non sequitur ex antecedente. Et quidem in statua non est verè caput, aut cor, sed Analogicè; quia tamen si aliqua pars statuæ locum eum occupet, quem in nobis caput iure sibi vendicat, non est caput; sicut nec verè influit in membra. Idem omnino de priori & posteriori malæ Argumentationis parte iudicium est. Quamobrem nō est vocanda omnino Argumentatio, sed cum adiectione Argumentatio mala: quemadmodū Aris. 1. Top. c. 1. non vult omnem captiosam ratiocinationē appellari ratiocinationem, sed malam ratiocinationem. Bona Argumentatio est duplex, alia ratione formæ, alia ratione materiæ. Bona Argumentatio ratione formæ est, in qua ita consequens ex antecedente infertur, vt in quibuscunque vocabulis, seruata simili methodo argumentandi, nunquam possit dari antecedens verum, & consequens falsum: vt patet in hoc Syllogismo, qui est in Barbara; Omne animal est substantia, omnis homo est animal; ergo omnis homo est substantia. Argumentatio bona ratione materiæ est, in qua ex antecedente sequitur consequens, in illis vocabulis, aut similibus, in alijs tamen poterit dari antecedens verum, & consequens falsum: vt omnis homo est risibilis, ergo omne risibile est homo. Non enim hæc argumentandi formula in omnibus vocabulis firma apparet, vt non sequitur, Omnis homo est animal, ergo omne animal est homo.

homo, Efficax tamen erit quotiescunque argumentabimur in terminis, quicquidissimamente: ut homo, & risus particeps; animal, & sensus compos. Argumentatio autem bona siue ratione formæ, siue ratione materiæ, in quatuor species diuiditur; in Syllogismum, Inductionem, Enthymema, & Exemplum. Syllogismus, aut Ratiocinatio est oratio, in qua quibuldam positis, aliud quidpiam ab his quæ posita sunt necessario colligitur: Id est, quædam Argumentatio, in qua positis duabus enuntiationibus, sequitur necessario alia distincta à præcedentibus; ut omne animal est substantia, omnis homo est animal, ergo omnis homo est substantia. Hic obseruandum est consequens Syllogismi contingens esse nonnunquam, & aliquando etiam impossibile: tamen semper necessario sequi ex concessis præmissis, id est, duabus enuntiationibus antecedentis. Inductio est Argumentatio, in qua à singulis probè numeratis ad vniuersa progredimur; ut iste homo potest ridere, & ille; ac cæterorum eadem est ratio: ergo omnis homo potest ridere. Quod genus Argumentationis maximè est in vñ apud Arist. in Physica. Enthymema est Syllogismus truncatus, id est, cui vna enuntiationum deest; ut homo est animal; ergo homo est substantia. Exemplum est Argumentatio, in qua ex vno singulari aliud infertur, ob mutuam similitudinem, quæ inter ipsa reperitur: ut Hebræi contemnentes Prophetas, non euasere omnipotentis vindictam: ergo nec tu eris à supplicijs liber, si verbi Dei præcones irriseris; quia ut illi, ita & isti sunt Dei nuntij. Alia quæ de formis

Quatuor
præcipue
Argumentationis
Species,
aut forma.

Ar.

Argumentationis dici hoc loco poterant, in quantum librum reiecimus.

Præcepta bonæ Argumentationis.

Prima lex bonæ Argumentationis. Sicut ex Antecedente sequitur Consequens, ita sequi debet ex opposito Consequentis oppositū Antecedentis; vt quia bene sequitur . Homo est animal, ergo homo est substantia: sequetur quoque, Homo non est substantia, ergo homo non est animal. Verū nō oportet ex opposito antecedentis sequi oppositum consequentis. Licet enim homo non esset animal, posset esse substantia, si esset lapis. Secunda lex. Quicquid sequitur ad consequens bonæ consequentiæ, sequitur etiam ad antecedens, vt homo est animal, ergo homo est substantia: sed ad esse substantiam, sequitur esse ens: ergo etiam ad esse animal sequetur esse ens. Tertia lex. Ex vero antecedente, perpetuū sequitur consequens verum: ex falso autem quandoque verum, quandoque falsum. Ex falso verum, vt homo est Leo, ergo homo est animal: ex falso falsum, vt homo est Leo, ergo homo est irrationalis. Ex hac vltima lege nonnulla confectaria colliguntur. Nam cū Argumentatio possit confici ex enuntiationibus necessarijs, quæ semper debent esse veræ, vt homo est animal: & ex repugnantibus, vel impossibilibus, quæ semper debent esse falsæ, vt homo est lapis: & ex contingentibus, quæ aliquando sunt veræ, aliquando falsæ, vt homo est albus: sequi-

quitur primò, antecedens. Necessarium nunquam posse inferre consequens, Contingens, aut Impossibile. Cùm enim Necessariũ semper sit verum, & Impossibile semper sit falsum, & Cõtingens aliquando à veritate aberret, profectò ex vero aliquando sequeretur falsum. Secundò, antecedens Contingens nũquam posse inferre consequens impossibile, quia aliquando ex vero sequeretur falsũ. Tertiò, antecedens Impossibile posse inferre cõsequens Necessarium, vt homo est Leo, ergo homo est animal: item, consequens Contingens, vt homo est Cygnus, ergo homo est albus: & denique Impossibile, vt homo est Leo, ergo homo non est rationis particeps. His affinia sunt tria alia consecutaria; primum est, consequens Necessarium posse inferri ex antecedente necessario, vt homo est animal, ergo homo est substantia: insuper ex Contingenti; vt homo ambulat; ergo homo est animal: denique ex Impossibili, vt homo est lapis, ergo homo est substantia. Alterum est, cõsequens Contingens posse inferri ex antecedente Contingenti, Impossibiliq̃ue, haud tamen ex Necessario, vt patet ex primo consecutario. Tertium est, consequens Impossibile posse inferri ex antecedente Impossibili: non ex Contingenti, Necessariove, alioquin ex vero sequeretur falsum.

Vt autem finem his imponamus, duo adnotare libet. Vnum est, quomodo Argumentum & argumentatio differant. Argumentatio est tota illa connexio antecedentis & consequentis, vt tota hæc oratio; Plato est animal rationale, ergo Plato est ris⁹ particeps: at Argumētum

tum est illud, vnde tota Argumentatio robur habet, vt ista definitio, Animal rationale, in superiori Argumentatione. Secundum est, quænam sint numerata eius qui disputat, & respondentis. Is qui disputat, Argumenta excogitare debet, ac illa recto ordine proponere. Respondentis autem munus his partibus cõstat: Primùm enim oportet, vt bis Argumentum summa fidelitate repetat, cùm vt faciliùs occurrat solutio: tum, vt prima repetitione conueniat inter ipsum & eum qui disputat, quænam sit proposita Argumentatio: in secunda autem, cuique parti Argumentationis respondeat; ita vt enuntiationes positas in antecedente, veras concedat, falsas neget, distinguat verò ambiguas. Quod si aliqua ex propositis enuntiationibus parum ad rem pertineat, nec concedi debet, nec distingui, aut negari; sed sufficit dicere, Sit ita, Esto, Transeat, &c. Iam consequentiam, si bona fuerit, concedat; si mala neget: non tamen distinguat; quia consequentia non est ambigua. Vltimo, si consequens fuerit anceps, vel ambiguum, apertè distinguat; nunquam tamen neget, vel concedat; quia concessis præmissis, & consequentia, iam intelligitur consequens concessum. Negata verò consequentia, non oportet negare consequens.

Argumenta in superiora.

Primum contra diuisionem Argumentationis in bonam ex forma, & bonã ex materia

teria, probateam, quæ dicitur bona ratione
materiæ, non esse bonam. In bonæ Argumen-
tatione consequens debet necessario sequi ex
antecedente; at in tali Argumentatione non
necessario sequitur, ergo non est bonæ. Pro-
batur assumptio. Quod necessario est, semper
ita est; ergo si in Argumentatione, quæ dici-
tur bona ratione materiæ, consequens neces-
sario sequitur ex antecedente, semper ita se-
quetur. Semper igitur licebit ita argumētari;
nec differet Argumentatio bona ex materia
ab Argumentatione bona ex forma. Respon-
detur, discrimen esse, quod in Argumentatio-
ne bona ex materia semper sequitur conse-
quens ex antecedente, sed in talibus rebus, aut
similibus: at in Argumentatione bona ex for-
ma semper, & in omnibus rebus sequitur.

Secundum contra definitionem Syllogis-
mi. Etenim etiam Inductio est oratio, in qua,
quibusdam positis, aliud quiddam ab his quæ
posita sunt, necessario colligitur: nam alio-
quin Inductio non esset bona Argumentatio.
Respondent quidam huic argumento, Indu-
ctionis conclusionem colligi necessario ex
præmissis: necessario (inquiunt) secundum
se non, tamen respectu nostri; quia eius ne-
cessitas non apparet nobis, nisi ad Syllogis-
mum reducatur: ideoque Inductioni minime
conuenit Syllogismi definitio. Verum hæc so-
lutio nullius est ponderis. Eadem enim ratio-
ne Syllogismi Secundæ & Tertiæ figuræ non
esset Syllogismi, cum non appareat nobis eorū
necessaria consecutio: nisi reducantur ad Syl-
logismos Primæ figuræ. Quare respondemus,
Inductionem excludi per illam particulā, po-

B

sitis;

fitis; id est, dispositis certa methodo & forma; quam statim Arist. in libris Priorum erat explicaturus: nam l. cap. i. lib. hanc tradit definitionem. Præmissæ autem Inductionis non disponuntur illa methodo, qua ipsius Syllogismi: quia in Inductione nihil refert, qua ratione collocentur enuntiationes, dummodo omnia inferiora numerentur: at in Syllogismo non parum refert, quæ enuntiatio cui præponatur, ut conclusio directa, aut indirecta, vniuersa, aut particularis colligi possit. Sed de his lege librum de Argumentatione ad finem, ubi de Inductione agitur.

Tertiò quæritur, an in diffinitione Syllogismi necessum sit addere illam particulam, & concessis, ut non solum dicamus, quibusdā positis, sed etiam addamus, & concessis. Respondetur, illam particulam non esse Aristot. in lib. i. Topic. cap. i. Quod si l. Prior. cap. i. habetur, Boethius eam textui inseruit. Quare non est ponenda necessario.

Quartum argumentum. Hæc est bona Argumentatio, Omnis homo est animal, ergo aliquod animal est homo; nec ex opposito Consequentis sequitur oppositum Antecedentis: non enim valet, aliquod animal non est homo, ergo non omnis homo est animal. Ergo prima bonæ Argumentationis lex merito est cōtemnenda. Respondetur, non bene sumptum esse oppositum Consequentis, nomine siquidē oppositi intelligimus contradictoriam enuntiationem, & non tantum subcontrariam. Contradicens verò illius antecedentis vniuersa enuntiatio est, non particularis. Quid autem sit Enuntiatio Contradicens, & quid Sub-

Subcontraria, aut Subaduersa, dicemus lib.4. cap.6.

Quintò contra illud præceptum bonæ Argumentationis, ex opposito consequentis debet sequi oppositum antecedentis; ita quispiam disputabit. Hæc est bona argumentatio, animal est substantia: ergo homo est substantia: at qui non sequitur ex opposito consequentis oppositum antecedentis: Ergo regula nulla, Probatur assumptio. Quia non sequitur; nullus homo est substantia, ergo nullum animal est substantia: nec bene colligitur, homo non est substantia, ergo animal non est substantia: nam licet ex impossibili homo non esset substantia, posset animal esse substantia: quia remanerent Leones. Respondetur, distinguendam esse Maiorem. Quum ais, animal est substantia, ergo homo est substantia: vel sumis antecedens in sensu vniuersali, scilicet, omne animal est substantia; & tunc est bona argumentatio; recteque sequitur ex opposito consequentis oppositum antecedentis: vt aliquis homo non est substantia, ergo aliquod animal non est substantia; vel accipis illud in sensu particulari, vt aliquod animal est substantia, ergo homo est substantia. Quòd si ita res se habeat, nego esse bonam argumentationem: quia in simili forma dabitur antecedens verum, & consequens falsum; vt quoddam animal est bos, ergo quidam homo est bos.

Vltimum argumentum, Petrus est homo, ergo Petrus est animal: est bona argumentatio. At non quicquid sequitur ad consequens, sequitur ad antecedens. Nam bene sequitur, Animal est, ergo genus est, cum alioquin

non ritè colligatur: homo est, ergo genus est. Respondetur, regulam esse intelligendam, quando illud quod sequitur, non est secunda notio; vel pertinens ad nomina secundæ impositionis. Genus autem notio est. Item dico, illud non sequi ad consequens, sed ad partem consequentis; nam esse animal, non est esse genus, licet animal sit genus. Denique assero, genus non sequi ad animal necessariò, sed accidentariò: ex mentis scilicet functione. Nos verò loquimur in regula de his, quæ necessariò ex consequente sequuntur.

De partibus Dialecticæ. Cap. II.

Absoluta tractatione Instrumentorum, de partibus Dialecticæ disputemus. Sunt autem Inuentio, & Iudicium. Nam cùm præcipuum munus Dialectici sit argumentari in omni materia, & hoc fieri nequeat sine Inuentione & iudicio, non immeritò istæ ponuntur Dialecticæ partes. Nisi enim rationes inueniamus, & earum vim iudicemus, expendamusque an tractandæ quæstioni conueniant, & deinde eas recto ordine collochemus, quomodo poterimus disputare? Tamen alia ratione sunt partes Dialecticæ Docentis, & alia Vtentis. Docentis siquidem partes, quatenus, partim de ista, partim de illa tractat: Vtentis verò, quia sunt partes muneris eius, atque officij: quia is qui utitur Dialectica, oportet ut inueniat argumenta, ac indicet. Quod autem de Argumentatione dictum est, de Definitione etiam dictum puta. Aliam Dialecticæ

ctica diuisionem capit. 2. libri sequentis proponemus.

Quæsitæ.

Primùm interrogabit aliquis, Quomodo istæ ponantur partes Dialecticæ, si sunt etiã partes Rhetoricæ; & Rhetorica est alia scientia à Dialectica. Respondetur, aliam esse Inventionem Rhetoris, aliam Dialectici. Ille inuenit, & iudicat necessaria ad mouendum, & delectandum; iste, vt definiat, diuidat, & argumentetur: quæ certè non præstat Rhetor nisi Dialectico munere.

Secundò percontabitur quisquam, Quare inter libros Aristotelis, in quibus de Argumentatione agit, quidam vocentur Dispositionis, alii verò Iudicij, cum in omnibus illis permixtim de istis agatur. Nam in libris Topicorum, quos inventionis appellant, etiam de Dispositione, & Iudicio disputatur, vt in Lib. 8. Topicorum. In Prioribus quoque Analyticis, quibus Iudicium (omnium consensu) tribuitur, agit Aristoteles de Medij Inventionem; sicut in Posterioribus Analyticis de Inuentione Definitionis differitur. Respondetur. Quia in libris Topicorum potissimùm de Inuentione tractatur, in Analyticis verò præcipuè agitur de Iudicio. Est præterea alia eiusdem appellationis causa, quam diuus Thom. 1. Poster. lect. 1. assignat. Nam Iudicium videtur quandam certitudinem præ se ferre, ideoque libri Priorum, in quibus de certissima forma argumentandi, & libris Posteriorum,

in quibus de certissimis ex parte materiae syllogismis differitur, appellantur libri Iudicii atque Dispositionis. At Inuentio etiam rerum incertarum est. Equidem si inuenta omnia certa essent, nequaquam postea Iudicium exigeretur. Quare Libri qui de probabilibus disputant Inuentionis, titulum habent.

Denique postulas. Quare Arist. solam artē Inueniendi, quæ docetur in Topicis, appellauit Dialecticum? Respondetur. Quia ibi agitur de Syllogismis probabilibus; ad Dialecticum verò pertinet, proprio munere in omnibus scientiis probabiliter, & in vtraque parte disputare. Vnde in Metaphysica, & Physica si aliquando Aristoteles rationibus probabilibus agit, statim adnotat se Dialecticè agere. At non est Dialectici muneris, necessaria argumenta, de quibus agitur in libris Posterioris Analyti, in omnibus scientiis inuenire; sed de inuentis iudicare, an rectam formam obseruent. Ideoque ars Demonstrandi non appellatur ab Aristotele Dialectica, quanquam reuera Dialectica sit. Relege quæ diximus c. 6. dubio 3.

ENtibi humanissime lector prima Dialecticæ elementa, quibus, si mox ea iungamus, quæ Porphyrius & Aristoteles tradiderunt, negotium Dialecticum vndique absolutum erit. Vt enim optimus quisque Pictor, quantum sit Appelles, rudissima prius gypso, aut carbone lineamenta ducit, ac postea viuos addit colores; ita nobis hæc prius crassa Minerva tractanda fuerunt, ut statim accuratius explicentur.

COM-

COMMENTA- RIORVM IN VNIVER-

sam Logicam.

LIBER SECVNDVS.

IN QVO DE QVINQVE VOCE-
bus agitur.

De Subiecto Dialectica. Cap. 1.

Quoniam diuifio scientiæ ex diuifione
eius rei, quæ in scientia tractatur peten-
da est; antequam totius Dialecticæ diui-
sionem aggrediamur, atque ad singularum
eius partium tractationem veniamus, expli-
candum est, quodnam sit Dialecticæ Subiectus;
illudque in partes diuidendum est. Et qui-
dem hæc iam in superioribus conati sumus
exponere, sed nunc acuratius tractare opor-
tet. Quidam Philosophi censent, in Dialecti-
ca de solis Vocibus disputari: quam senten-
tiam hoc probant argumento; Dialectica po-
tissimum inuenta est ad disputationes, sed in
disputatiouibus solæ voces reperiuntur; igitur
Dialectica de solis vocibus tractat. Alij verò
contra sentiunt, tantum de rebus agi, quæ res
quædam sunt. Nam idem est Subiectum scien-
tiæ, & partis scientiæ, saltem loquendo de
obiecto pro formali ratione tractandi, vel (vt
alij dicunt) de Subiecto formali; sed in qua-
dam Dialecticæ parte (nempe in libro Cate-
goriarum) agitur de rebus vt res sunt; id est,

B 4

pro-

proprietates, quæ ipsis, vt res quædam sunt competunt, explicantur: Ergo in Dialectica agitur de rebus vt res sunt. Propositionem illi vt manifestam relinquunt. Assumptione verò probant; quia substantia, vt res quædam est, conuenit accidentia contraria vicissim recipere: quantitati similiter, & qualitati, vt res quædam sunt, conuenit; illi quidem vt res æquales, aut inæquales constituat; huic similes, aut dissimiles. Hæ autem sunt propriæ affectiones, quæ de ipsis in Categoriarum libro traduntur.

Sed diu Thomæ discipuli mediam viam teneant. Dicunt enim primum, in Dialectica non agi de solis Vocibus, quia si id in aliquius scientiæ munere ponendum esset, ad Grammaticam potius, in qua de solis illis entibus rationis disputatur, quæ ad voces pertinent, referri oporteret. Deinde, quoniam Aristoteles Elenchorum ait, quia in disputationem res adducere non possumus, vt imur vocibus loco rerum: disputatur igitur in Dialectica de vocibus, propter res quas significant. Denique in Dialectica longissima est tractatio Enuntiationis necessariæ, vel contingentis. Enuntiationo tamen necessaria, aut contingens dicitur, quia res significatæ; contingentem habent, vel necessariam connexionem: non ergo est præcipua. Vocum tractatio in hac arte. Dicunt secundò, in Dialectica non agi de rebus quatenus res sunt; alioquin Dialectica esset scientia Rei, aut Realis, contra Aristotelis sententiam; qui 6. Metaphysicorum, text. 2. solum tres scientias speculatrices Rei agnoscit. Dicunt tertio, in

Subiectū
Dialecticæ.
¶ 1.

in Dialectica potissimum de secundis Notionibus disputari. Si enim agitur de vocibus, agitur de eis ut res significant: si de rebus disputatur in libro Categoriarum, earumque proprietates assignantur, id certe fit; quatenus res illæ aut genera sunt, aut species, aut denique Enuntiationibus, aut Syllogismis inferuire possunt: quæ omnia ad secundas pertinent notiones; ut dicemus. Sed, teste Aristotele; libro 1. Posterior cap. 2. propter quod unumquodque est tale, illud est magis tale: Ergo magis, vel potissimum in Dialectica agitur de secundis Notionibus. Explicandum est igitur quid sit Notio secunda, quæ à diuo Thoma Intentio secunda appellatur.

Intentio aliter accipitur à Philosopho Morali, aliter à Dialectico. Philosophus Moralis, teste diuo Thom. 2. 2. q. 12. ar. 1. vocat Intentionem actum quandam voluntatis nostræ ergo finem acquirendum per media; ut quum appetimus beatitudinem, & ob eam causam ieiunamus. Sed hæc significatio parum ad præsens institutum spectat. Dialecticus verò vocat Intentionem notionem, cognitionem, vel considerationem, qua intellectus quidpiam considerat. Ut illa consideratio, qua ego considero lapidem, vocatur intentio lapidis. Vnde prima Intentio apud Dialecticum, id est quòd prima consideratio: & secunda intentio, secunda consideratio.

Cæterum, ut intelligatur, quænam sit prima consideratio, quænam secunda, aliqua sūt prænotanda. Primum est, intellectum nostrum esse quandam vim, & facultatem animæ, non affixam alicui organo, & instrumento cor-

E 3 porco;

*Prima,
& secunda
Notio
aut In-
tentio.*

Phantasmata.

poreo; non enim est in Pupilla, vt visus; neque in Meminge, aut membranula, vt auditus: & cum oporteat obiectum potentie & facultatis animæ, ipsi facultati, & potetie proportionari (ideò siquidem visus non percipit sonos, quia sibi minimè proportionatur) necesse est, obiectum intellectus fieri, immateriale. Secundum est, in imaginatione nostra remanere phantasmata rerum, quas sensu externo percipimus. Quæ phantasmata appellantur simulacra, idola, idæ, atque imagines, vel similitudines rerum sensatarum. Sed per hæc phantasmata non potest intellectus adhuc res externas percipere, quia sunt materialia, & corporea: præsentantque res cum affectionibus, aut (vt alij dicunt) conditionibus suis corporeis, & materialibus. Verbi gratia: Phantasma Leonis repræsentat hunc leonem cum suo calore, magnitudine, macie, vel pinguedine: & aliud Phantasma repræsentabit alium Leonem cum alijs qualitatibus. Tunc aduenit quædam alia potentia animi nostri, quæ intellectus Agens appellatur, efficitque, vt ex illis phantasmatibus corporeis eliciatur, & confurgat quædam species ac similitudo immaterialis, repræsentans Leonem sine conditionibus specialibus & determinatis, quæ similitudo simulatq; producta est, transmittitur in intellectum Patibilem. Id si minus intelligitur, hoc exemplo forsitan percipietur. Cum pomum est in tenebris, confusa sunt quodammodo eius color, sapor, odor, pondus, & alia accidentia sed adueniente luce, producit quædam imago pomi, quæ

*Specie intellectus
beneficio
Agentis
intellectus
produca.*

quæ solùm illius colorem refert, non saporem, non odorem; illa quæ specie in oculo posita videmus poni calorem. Eodem pacto in phantasmatibus confusa sunt omnia; nam non modò huius, aut illius hominis, vel Leonis naturam repræsentant, sed etiam accidentia: at luce intellectus agentis postquam sunt illustrata, consurgit in intellectu patibili species, quæ solam naturam refert, aut repræsentat. Quum ergo ratione illius similitudinis Leo absque singularibus, & peculiaribus Materiæ conditionibus repræsentetur, iam censetur ita immaterialis, ut possit ab intellectu considerari. Et illius similitudinis productio appellatur à Philosophis Abstractio; & intellectus Agens, qui eam produxit, vocatur Intellectus Abstrahens. Insuper Similitudo illa vocatur Abstracta; denique res per talem similitudinem repræsentata, ut Leo, vocatur quoque Abstracta.

Postquam igitur producta est hæc Species, *Gemina* vel Similitudo, duas considerationes, vel *considera-* cognitiones potest intellectus habere, respec- *tio mentis.* tu illius rei, cuius similitudo abstracta est. *nostra.* Primum enim potest considerare, ea quæ cõpetunt illi, quatenus est in rerum natura: Verbigratia: Simul ac intellectus Patiens recipit speciem leonis, potest principio considerare, Leonem esse animal, esse corpus, esse substantiam, esse ens. Et hæc consideratio vocatur prima Intentio, prima Notio; ; prima Notitia, aut Consideratio. Secundò potest considerare, ea quæ competunt rei, aut (verbigratia) leoni, quatenus habet speciem, & similitudinem suam in intellectu nostro. Sed quæ

quæ tandem ista sunt? Quid leoni competit, eo quod eius similitudo in intellectu reperitur? Conuenit ei esse rem intellectam, rem abstractam, rem vniuersam, speciem denique. Quin etiam, si intellectus formet aliquam enuntiationem de leone, dicendo, leonem esse animal, competit leoni esse subiectum Enuntiationis. Hæc igitur secunda Consideratio, vocatur secunda Notio, Intetio, vel Notitia. Præterea, quando laboramus penuria vocabulorū, fit, vt obiecta actū, & operationū nostrarū nominibus ipsarū operationū appellemus; vt diuus Ignatius vocauit Christum Amore suū; quia ipsum valde amabat: & Hispanē rem quam videmus pulchram, appellamus *Buena vosta*. Quare id quod per primam intentionem consideratur, primam intentionem nominamus: & quod per secundam consideramus, dicemus quoque secundam Notionem. Vt Animal Corpus, Substantiam, & Ens dicimus primas intentiones: at Abstractum, Intellectum, Vniuersale, & Subiectum enuntiationis, dicimus secundas intentiones. Denique nomina, quæ significant ea, quæ pertinent ad primam considerationem, vel intensionem: dicuntur nomina primæ Intentionis, primæ Impositionis, primæ Notionis: & nomina quæ significant, ea quæ per secundam notionē intelliguntur, appellātur nomina secundæ Notionis, vel Impositionis. Quū ergo dicimus, subiectum Dialecticæ, vel materiam, de qua Dialectica agit, esse secundas intentiones, aut notiones, non loquimur de Intentione vt Philosophus Moralis, nec de actu

*Quarta
tione secū-
da Notio
sis mate-
ries Dia-
lectica.*

actu intellectus, sed de secunda notione pro
 obiecto, vel pro re, quæ consideratur per actû
 secundæ intentionis, vel notionis: quomodo
 tractat Dialectica de Genere, Specie, Prædi-
 cato, Subiecto, Maiori extremitate, Minori,
 & alijs multis, quæ solum pertinent ad secun- *Enstat.*
 dam considerationem intellectus nostri. Hæc *onis qua-*
 autem secunda Intentio, de qua Logica tractat, *driparti-*
 ut de materia vocatur ab alijs Ens rationis; ab *tum.*
 Aris. 6. Metaph. text. 8. appellatur Ens verum;
 & à nonnullis Ens in anima. Explicandum est
 tamē quomodo ens rationis cū secūda notio-
 ne reciproceatur; ne ambiguitate nominis cō-
 fundamur. Ens rationis quatuor modis dici-
 tur, primo, quod est ratione, tanquā à causa ef-
 ficiente; ut arca, quæ ab artifice fit medio in-
 tellectu, & ratione. Huiusmodi autem ens
 rationis non pertinet ad secundas notiones
 Logicas, cū sit merū ens rei in Categorijs
 collocatum. Secūdo, quod est in intellectu, &
 ratione tanquam in subiecto: quemadmodum
 scientia, & operatio mentis, speciesq; intel-
 lectilis, & conceptus, quem Theologi Verbum
 appellant. Verum nec ista sunt secundæ no-
 tiones Logicæ, sed vera entia rei; cū in Ca-
 tegorijs quoque reponantur. Tertiō, quod
 pertinet ad rationem, ut eius obiectum; quia
 videlicet est ens ab intellectu considera-
 tum. Tamen istud ens rationis sæpissimè
 est ens rei, in Categorijs repositum, ut quan-
 do consideramus hominem, Leonem, albe-
 dinem: licet interdum sit secunda notio Lo-
 gica, ut quando consideramus definitionem
 generis, speciei subiecti, prædicati, &c. Quar-
 tō, dicitur ens rationis, quia consurgit ex
 opere

*Propria
 Rationis
 entia.*

opere rationis; id est, est modus quidam, vel conditio, ob eam causam consurgens, quod intellectus aliquid operatus est. Vt quum intellectus meus considerat hominem, ex tali consideratione resultat in homine quædam conditio, vel denominatio, ratione cuius dicitur Consideratus: & quando intellectus definit lapidem, resultat in lapide quædam relatio, ob quam dicitur Res finita. Et hoc ens rationis vocatur secunda notio Logica; nec ullam causam efficientem habet, licet consurgat ex opere intellectus: neque est in aliquo ente reali, tanquam in subiecto.

Entia rationis interdum vocibus, nonnunquam rebus applicantur.

Cæterum, huiusmodi secundæ notiones aliquando consurgunt in rebus, aliquando in vocibus, vt esse Nomen aut Verbum est secunda notio; atque ens rationis, & consurgit in vocibus, eo quod variè ab intellectu sumitur. Vt vox latro, quâdo sumitur ab intellectu nostro ad significandum cû tempore, est verbum significans latrare; quando sumitur ad significandum sine tempore, est nomen significans furem. At verò esse genus, vel speciem est relatio, aut denominatio consurgens aliquando in rebus, & nonnunquam in vocibus. Sed quiduis horum accadat, si Notiones pertineant ad orationem congruam, & consentaneam conficiendam, vt nomen, verbum, & Syntaxis, de ipsis agit Grammatica: si ad ornatam & suaseriam, vt Tropus, Genus causæ, Exordium, & Epilogus: de ipsis agit Rhetorica: si denique pertineant ad verum à falso discernendum in omni scientia, vt Definitio, Syllogismus, Inductio, & Diuisio, de ipsis Sagit Dialectica. Quare (vt vno verbo dicam)

ca) Dialectica agit de Vocibus, quatenus significant res; de rebus, vt secundis subiacet notionibus, quæ ad verum à falso discernendum ordinantur.

Observatio.

DVbia huius capituli in aliud tempus reijciuntur. Interim legantur autor opusculi 48. (quod sub Diui Thomæ nomine circumfertur) tractatu 1. c. 2. & trac. 2. c. 1. & magister Hericus quolibeto 1. quæst. 1. & 3. Cardinalis quoque Caietanus de Ente, & entia, cap. 4. & in Isagogem Porphyrij, cap. de Genere, in quæstione qua tractat, quid definiatur in Definitione Generis, natura ne, an notio ipsa: Insuper Iauellus tract. 2. Logicæ, diuisione 4. & in tract. de transcendentibus ante Metaphysicam, cap. 1. diuis. 1. & 6. libro Metaph. quæst. vltima, & 3. de Animo, quæst. 2. de Conceptu. Denique Pater, ac magister eruditissimus Soto in Logica sua, in vltima quæstione Proæmij. Nam quoniam in his locis multa ingeniosè, multa grauiter, omnia præclarè dicuntur, inde assumi poterunt, quæ ad hunc locum pertinebunt.

De Dialectica Diuisione. Cap. 2.

TOta Dialectica in tres partes diuiditur. In prima agitur de Vocibus simplicibus; quæ pars absoluitur in Isagoge Porphyrij, & libro Categoriarum: in secunda de Enuntiatione.

tionē in libris Perihermenias: in tertiā de Argumentatione; quæ pars reliquæ Dialecticæ libros complectitur. Potest autem hæc Diuisio ex operibus mentis nostræ comprobari. Etenim Dialectica inuenta est ad dirigendas mentis functiones; Sed triplex est mentis functio, prima dicitur simplicium apprehensio, qua simplici intuitu alicuius rei natura consideratur: secunda Compositio, & Diuisio, qua enuntiationes aientes, vel negantes conficiuntur; nam affirmatio dicitur Compositio; quia prædicatum subiecto coniungit: & negatio vocatur Diuisio; quia separat prædicatum à tali subiecto: tertiā Discursus, idest, progressus quidam mentis ab vna enuntiatione cognita ad aliam cognoscendam. Ergo tres debent esse partes Dialecticæ, quæ illis respondeant. Item eadem sententia alia ratione ostenditur. Siquidem Dialectica agit de secundis Notionibus, sed ex secundis notionibus, quædam consurgunt ex prima operatione, vt Genus, & Definitum; quædam ex secunda, vt Subiectum, Prædicatum, Enuntiatio, Contradictio: & quædam ex tertiā, vt Maior, & Minor extremitas, Propositio, Assumptio, Prima, Secunda figura, & Tertia: Ergo tres partes habeat Dialectica est necesse. Et quidem hæc tripartita Diuisio ex Arist. tractatione colligitur: nam quæ lib. superiore c. vltimo traditur, Ciceroniana potius est iudicanda.

Dubia huius capituli.

Primum

Primum. Aristoteles 3. de animo, text. 21. dicit, *Quot sint mentis operationes.* tantum esse duas mentis operationes, videlicet Simplicium apprehensionem, & Compositionem, ac Diuisionem: malè ergo nos addimus Discursum. Respondetur ex diuo Tho. 1. Perihier. cap. 1. mentem nostram posse considerari, vt intellectus est, & vt ratio est. Si consideretur vt intellectus est, habet duas operationes; vna intelligit simplicia, altera ea, quæ compositionem nominis, & verbi admittunt; scilicet Enuntiationes. Si verò consideretur vt Ratio est, ex vna enuntiatione cognita ad aliam cognoscendam progreditur: quæ est tertia operatio. Argumentari enim opus est Rationis.

Alterum dubium. Videtur esse plures operationes his tribus: nã in primis datur abstractio, & deinde diuus Thom. 1. 2. q. 17. ar. 1. dicit, imperium esse actum intellectus: at imperium non est simplex apprehensio, neque compositio, & diuisio; cum non sit enuntiatio, sed oratio imperantis modis: nec est discursus (vt liquet) Ergo dantur aliæ intellectus operationes ab his tribus distinctæ. Respondetur, in nobis esse duplicem intellectum, alium Agentem, cuius munus est, abstrahere speciem à phantasmatibus; alium verò Patientem, ad quem pertinet intelligere, & discurrere. Vnde quum dicimus nos, tria esse opera mentis, loquimur de intellectu Patientis; qui dicitur ab alijs Possibilis, vel Præterea intellectus Patiens diuiditur in Speculatiuum, ac Practicum. Quæ diuisio differt à superiori; nam illa erat in duos intellectus reipsa distinctos, hæc verò tantum est in duo eiusdem intellectus munera. Quatenus enim intellectus Patiens tantum intelligit vt

Abstractio, & imperium cuius sint actiones.

Intellectus Speculatiuum, & Practicum.

F cognos.

cognoscat, vocatur Speculatinus; quatenus verò intelligit, vt operetur, dicitur Practicus. Quò igitur dicimus tantum esse tria opera mentis, loquimur de intellectu, vt est Speculatiuus; nam quaternus practicus, habet alia opera; scilicet imperium, respectu inferiorum & orationem respectu superiorum.

Dubium tertium. Cùm non solum ex tribus operationibus intellectus Patientis, sed etiam ex abstractione agentis consurgant secundæ notiones, videtur præter illas Dialecticæ partes, quæ tribus respondent operationibus, dandam esse aliam, quæ explicet secundas notiones ex abstractione consurgentes: scilicet, esse abstractum, & esse vniuersale. Respondetur, quia abstractio intellectus agentis semper est coniuncta simplicium apprehensioni (nam simulatque intellectus speciem abstractam in Patibili intellectu producit, patiens quoque intellectus intelligit: sicut eodem momento, quo producit in ciculo species visibilis, visus potest videre) ideo simul, & in eadem parte agi de secundis notionibus, quæ consurgunt ex abstractione; & de illis, quæ consurgunt ex simplicium apprehensione. Accedit huc, abstractionem intellectus agentis perfici per abstractionem intellectus patibilis; cū species, vel similitudo expressa, quam producit intellectus patiens (quæ à Theologis dicitur Verbum) perfectior sit specie impressa, quam intellectus agens producit in patibili intellectu: & ideo simul agitur de Simplicium apprehensione; & de abstractione intellectus Agētis.

Quartum dubium. In primo capite dictum est, duplicem esse intentionem, vel cognitionem intellectus nostri, primam, & secundam: quomodo

modo nunc dicimus tres esse operationes intellectus? Respondetur, has Diuisiones non sibi inuicem aduersari, sed aliquantulum esse diuersas. Nam cognitio intellectus potest bifariam diuidi, primum ex parte eorum, quæ cognoscimus, in primam intentionem, & secundam. Etenim si cognoscimus ea quæ rebus, quatenus sunt in rerum natura, conueniunt, talis cognitio vocatur prima intentio: si verò quæ ex opere mentis, secunda. Deinde potest diuidi ex parte modi cognoscendi in primam, & secundam, & tertiam operationem; quia vnammet rem possumus cognoscere, vel simpliciter apprehendendo, vel enuntiationes de illa formando, denique circa ipsam discurrendo. Vnde quælibet trium operationum potest diuidi in primam, & secundam intentionem. Enimuerò si hominem simpliciter apprehendam, menteq; concipiam, est simplex apprehensio primæ intentionis: si de ipso enuntiationes formem, est compositio primæ intentionis: si de eodem argumeter, est discursus primæ intentionis. Si tamen Genus, Speciem, Prædicatum, vel aliam secundam notionem simpliciter apprehendam, est simplex apprehensio secundæ intentionis: si de eis enuntiationes formem, est compositio secundæ intentionis: si de ipsis disputem, erit discursus secundæ intentionis.

Quintò dubium videtur, an per libros Dialecticæ ab Aristotele, & Porph. datos, hæ operationes copiose, abundeq; dirigantur: Respondet Caietanus initio Categoriarum, non satis id præstari; quoniam ad primam operationem dirigendam, necessarium erat, aliquem conscribi librum de Definitione; quia hæc ad primam mētis

*Quomodo
tres opera-
tiones &
duæ notio-
nes con-
ueniant.*

*An prætor
ea quæ A-
ristot. in li-
bris suis
docet, ali-
quid am-
plius desi-
deretur.*

functionem, in qua rerum essentia consideratur, pertinet. Quod si dicas, iam Aristotelem in libris Topicorum de Definitione tractasse, acutè (vt solet) hanc defensionem refellit. Siquidem liber Topicorum agit quidem de Definitione, non tamen vt ad primam operationem pertinet: sed vt refertur ad tertiã, quatenus. s. Definitio nobis argumentorum copiam suppeditare potest. Si verò id in libris quinque Vorum, & Categoriarum fieri autumes, facile solutio explodetur. Docetur. n. in Isagoge Porphyrij, quid sit Genus, quid species, & alia huiusmodi: in Categorijs præterea rerum suprema genera numerantur, & nonnullæ eorum species recensentur ab Aristotele; hinc autem haberi perfectam Definitionis comprehensionem, quam Græci Catalepsim dicunt, nemo in arte definiendi mediocre exercitatus affirmabit. Sed alia multa restabant docenda; nempe quid Definitio esset, & quotuplex, quæ bonæ Definitionis præcepta, quæ methodus inuestigandi Definitiones: de quibus in libro quinque Vorum, aut Categoriarum nec verbum vllum reperies. Quò fit, vt quinque Vorum tractatio (nam de Categorijs suo loco dicemus) ad primam operationem mentis necessaria sit; non tamen sufficiat, nisi postea de Definitione agatur.

Argumentum autem eorum, qui quamprimum aliquid ab Aristotele prætermisum asseritur, commouentur; scilicet: Ergo Aristoteles diminutus fuit: ergo non omnia tradidit, quæ ad hanc artem erant necessaria: ergo non fuit supremus docendi magister: nihil nos terret. Primum enim; si Aristoteles omnia accuratè, omnia, vt nihil supra addi possit, tractauit; qua-

re diuus Thomas inter Latinos interpretes, omnium iudicio Princeps, tot in eum commentaria edidit? Cur legimus Theophrastum, Porphyrium, Alexandrum, & alios tum Græcos, tum etiam & Latinos? Mihi obsecro crede. Homines sumus, nec omnia possumus omnes, & quandoque bonus dormitat Homerus, oportetque veterum omiſſa recentiorum diligentia cōpensari. Quis enim dubitet, multa in Aristotelis Metaphysica, multa in Ethicis, atque Rethoricis desiderari? Certè liber Categoriarum absque quinque Vocibus intelligi minimè poterat; & nihilominus de ipsis librum ante suas Categorias non edidit Aristoteles: sed (vt fertur) viua voce discipulos ista docebat: & ita multis seculis res vsque ad Porphyrium est tractata. Iā verò (vt probè Caietanus de Phorphyrio dixit) si Aristoteles pollicitus esset, se omnes libros ad Dialecticam pertinentes scripturum, & id postea aut ignauia, aut alia de causa prætermisisset, diminutus fuisset; nunquam tamen id pollicitus est. Denique dicimus, fortè Aristotelem de his, ac de alijs multa scripsisse, quæ posteriorum incuria perire. Vt de multis Analyticorum voluminibus ab Aristotele vulgatis asseritur.

Vltimum dubium. Cū Diuisio tantopere *Diuisio* sit à nobis in superioribus commendata, cuiam *cui opera* inseruit operationi mentis? Respondetur. Om- *tioni de-* nibus. De prima enim constat, cū Diuisio ad *seruiat.* inuestigandas Definitiones sit quàm idonea. De tertia quoq; manifestū est: cū ex Diuisione varia argumēta petantur. De media tandem operatione probatur, quia si quis percunctetur, an omnis Canis latret: optimè respondebo, Canem

coelestem non latrare, neque marinum, terrestrem verò passim. Et hinc factum est, vt Aristoteles multis in locis de Diuisione tractauerit.

De ordine librorum Dialecticæ. Cap. 3.

IN explicandis libris Dialecticæ, quorum facta est mentio initio capitis superioris, hic ordo seruari debet. Primò exponendus est liber quinque Vocum, vel Prædicabilium: secundò Categoriarum, aut Prædicamentorum: tertio Enuntiationis, vel Interpretationis tractatio sequitur: quartò Syllogismi in Vniuersum: quintò Syllogismi Demonstratorij: sextò Probabilis: septimo Captiosi, vel Sophistici. Et quidem optima ratione hi libri disponuntur; quoniam (vt docuit Porphyrius) sine quinque Vocibus Categorix intelligi nequeunt. Ex his verò quæ in Categorijs collocantur, componuntur Enuntiationes: ex Enuntiationibus Syllogismi constantur. Porro explicare oportet naturam Syllogismi in communi, antequam ad singulas Syllogismorum species descendamus: inter quas Demonstratio, quæ ex necessarijs constat Enuntiationibus, cum sit nobilior, primum locum obtinet: deinde sequitur Syllogismus ex probabilibus: Syllogismus denique fallax vltimo explicatur.

Sed videamus quæ methodus in his libris seruetur. Duplex etenim Methodus est, alia Diuisionis, qua progredimur à compositis, qua ad simplicia; Alia Compositionis, qua ex simplicibus tendimus ad composita. Quod tribus modis fieri consuevit: primus, quando explicatis singulis partibus integris, de toto integro dispu-

disputatur; alter quando explicatis singulis partibus, quæ in definitione ponendæ sunt, tota ipsa Definitio traditur: vltimus, quum prius explanantur omnes causæ quæ ad aliquem effectum producendum exiguntur, vt postremo totius effectus natura explicetur. Similiter methodus Diuisionis (quæ dicitur Resolutionis, Dissolutionis, & Analytica) tribus modis oppositis seruari potest. Explicandum est igitur, quis ordo inter hos libros retineatur, Compositionisne, an Diuisionis. Certissima res est, inter quatuor libros priores seruari methodum Compositionis. Enimvero ex his quæ tractantur in Isagoge, & Categoriis, componuntur Enuntiationes; ex Enuntiationibus Syllogismi fiunt.

Cæterum videtur nonnullis, inter librum de *Ordo in* Syllogismo in Vniuersum & tres sequentes *ter librum* seruari methodum Diuisionis, cum fiat progressio *de Syllo-* à toto vniuerso ad singulas partes ei subie- *gismo. &* ctas. Syllogismus namque habet se vt genus ad *sequentes.* Demonstratorium, Probabilem, & Sophisticum; quanquam reuera non sit genus. Nobis tamen videtur quodammodo, seruari methodum Diuisionis potiùs tamen methodum Compositionis, quia progredimur à parte ad totum. Syllogismus enim est pars definitionis Syllogismi Demonstratorij. Et veriùs Syllogismus in Vniuersum est pars Syllogismi Demonstratorij, quam Demonstratio sit pars Syllogismi. Sit quidem genus totum ad suam speciem, tamen species est etiam totum ad genus. Genus est totum in potentia ad suas species: quia (vt ait Porphyrius cap. de Differentia), Genus non continet actu differentias,

per quas species constituuntur: ac proinde nec ipsas species continet actu. Vnde ortū est illud Porphyrij; Differentia est, qua species superat genus. Tamen species est totum actu, respectu generis; cum species habeat actu quidquid actu habet genus: in superque suam vltimam differentiam, quam genus sola potestate continet. Lege Caiet. in num. cap. de Specie ad finem. Quare cum actus præstet potentie, perfectius, & veriùs progredimur à parte ad totum, quando à genere ad speciem tendimus; quàm quum à specie ad genus.

Ex hoc autem loco quiuis deprehendere poterit, quàm bene à nobis libro superiore, quum numerum Instrumentorum, quibus Dialectici vtuntur, iuxta communem scholæ sententiam stabiliremus; dictum sit, Methodum non esse inter artificis instrumenta connumerandam. Habes enim, Methodum nihil esse aliud quàm ordinem instrumenta ipsa tractandi: vt quo ordine diffinire, quo diuidere, quo debeas argumentari: id est, quando tibi priùs superiora definienda, diuidenda, rationibus etiam colligenda sint, quàm inferiora: & quando secus agendum sit. Item quando tribus instrumentis primum circa totum integrum vti debeas: quando primum circa partes. Sed hæc hætenus. Nunc iam (more nostro) obiectiones dissoluamus.

Obiectiones.

*Galen
sententia.*

Prima. Galenus addidit methodum Definitionis, quando à tota Definitione progredimur
ad

ad singulas eius partes: ergo malè nos ponimus duas tantùm methodos. Respondetur, methodû Definitionis contineri sub methodo Analytica; vt patet ex superioribus.

Secunda. Quenam methodus seruatur in tribus vltimis Dialecticæ libris, Compositionisne, an Diuisionis? Nec enim Demonstratio est pars Syllogismi probabilis, nec probabilis Syllogismus Demonstrationis. Respondetur, seruari methodum perfectionis. Nos enim quum supra duas tantùm methodos adduximus, Compositionis & Diuisionis, loquebamur de ordine totius subiecti alicuius scientiæ ad eius partes, vel causas: tamen partes subiecti inter se non oportet, vt seruent methodum Compositionis, vel Diuisionis: sat enim fuerit, si inter eas seruetur methodus Perfectionis, quæ à perfectioribus ad imperfectiora descendit: vel methodus Generationis, quæ more naturalis generationis tendit ab imperfectioribus ad perfectiora. Immò aliquando nulla istarum methodorum seruatur, sed Doctor arbitraria methodo vsus de illis primò tractat, de quibus sibi auditorum ratione habita tractandum videtur. Hinc colligendum est, methodum hac ratione esse diuidendam. Methodus, alia ex vi rationis, alia arbitraria. Ea quæ est ex vi rationis, si sit inter totum subiectum, & eius partes, vel causas, erit Compositionis, vel Diuisionis; si verò sit inter partes subiecti inter se, vel est Perfectionis, vel Generationis: quamquam etiam inter Subiectum, & eius partes necessariò seruetur methodus Generationis, vel Perfectionis.

Tres vltimi libri, quem ordinem seruant.

De subiecto & necessitate libri quinque.

Vocum. Cap. 4.

*Vniuersa-
le quatuor
modis.*

IN hoc libro quinque Vocum agitur de Vniuerso, aut Vniuersali. Vniuersale autem quatuor modis dicitur. Est vniuersum in existendo, vt Deus ipse, in quo rerum omnes perfectiones existunt: tota etiam hæc mundi machina vocatur Vniuersum in existendo; quia in ea sunt quæcunque existunt. Secundò, vniuersum in efficiendo, vt Deus, qui omnia condidit; & Sol qui generat omnia inferiora. dicente Aristotele: Sol & homo generant hominem. Tertiò, Vniuersum in repræsentando, vt species, vel imago Leonis; quam elicit intellectus agens ex phantasmatibus, vocatur Vniuersa; quia repræsentat non hunc leonem, vel illum, sed omnem leonem. Quartò dicitur, Vniuersum in prædicando, quod de multis prædicatur, vt animal, quod de multis verè dicitur: homo enim est animal, & brutum est Animal. Alij dicunt. Vniuersum quatuor modis dici; primum, existentia; deinde virtute agentis, mox repræsentatione, aut similitudine, denique attributione. Sed Vniuersum id prædicando, oportet de multis prædicari in recto: nam in obliquo etiam potest indiuiduum de multis efferri, & dici: vt si Plato habeat mille argenteos, de quolibet eorum vere dicitur, hic argenteus est Platonis: non tamen est Plato.

*Quot sint
Vniuersa-
lia.*

Subiectum huius libri est Vniuersum quarto modo, quod diuiditur in Genus, Speciem, Differentiam, Proprium, & Accidens. Si quidem omne

omne Vniuersum vel prædicatur in quid, vel in quale. Illud Vniuersum prædicatur in quid, per quod aptè respondemus ad quæstionem, qua quæritur, Quid res sit: Vt quid est homo? Animal. Illud dicitur in Quale, per quod aptè respondemus ad quæstionem, qua inuestigatur, Qualis res sit; vt quale animal est homo? Respondetur: Rationale. Porro si effertur in quid, vel dicitur de differentibus numero tantum, & est Species, vel de differentibus specie; & est Genus; vt animal. Si verò prædicatur in Quale, vel est de rei essentia; & tunc Differentia est; vt rationale; vel non est de rei essentia, & tunc aut fluit ab essentia, & est Proprium, vt risibile; aut est essentiæ aduentitium, & est Accidens. Prædicari in Quid, ab alijs dicitur, in quæstione naturæ efferri: & prædicari in Quale, dici, in quæstione qualitatis. Et quidem hæc tractatio est ap-primè necessaria ad librum Categoriarum: cum Categoria sit eorum quæ prædicari possunt series quædam, & ordo. Iam ad definitiones, quæ ex genere & differentia componentur, vix potest dici, quàm sit accommodata. Denique ad Demonstrationes, in quibus propriæ passionis de subiectis, media definitione, probantur, magnas affert vtilitates.

Obiectio aduersus superiora.

CVM in hoc libro de Indiuiduo disputetur, eiusque assignentur proprietates, quomodo Vniuersum eius Subiectum dicitur? Respon-
detur;

detur; Quia si agitur de Indiuiduo, id non fit ratione sui, sed quatenus eius tractatio ad vniuersi explicationem cōducit. Posset hoc loco tractari quæstio de numero vniuersalium, sed melius explicabitur in hoc eodem tractatu post quinque Vocum disputationem. Solet præterea agi de Indiuiduo ante voces communes; quem morem secuti fuissetus, si possent omnia, quæ de illo dicturi sumus, ignorata vniuersorum natura, intelligi. Quamobrem finitis quinquè Vocibus, Indiuidui tractatio subsequetur.

De Genere, & Specie. Cap. 5.

Quoniam Genus prædicatur in quid, eius tractatio præcedit tractationem differentię Proprij & Accidentis, quæ prædicantur in quale. *Quid Genus.* Quia verò dicitur de pluribus differentibus specie, anteponendum est Speciei, quæ solum dicitur de numero differentibus. Est autem Genus, quod dicitur de multis differentibus specie, in quæstione qua rei natura inuestigatur; vt animal, Quærenti enim quid sit homo, aut brutum, aptè respondemus, Animal. Qua definitione Genus separatur à reliquis omnibus. Etenim si Genus de pluribus dicitur, non est indiuiduum; si de specie differentibus non est species Atoma; si in quæstione, qua quæritur quid res sit, non est Differentia, Proprium, vel Accidens. Ita quidem accipitur Genus à Dialecticis. Nam Genus, vt sumitur pro generationis principio, aut pro collectione multorum, qui ab vno originem ducunt, vt genus Romanorum ad populares pertinet.

Tractationi Generis coniuncta est Speciei disputatione,

putatio, cū sint correlata. Species autem accipitur pro rei pulchritudine, sicut dictum est, Species Priami, vel Prima digna est imperio. Sed à Logico illud Species vocatur, quod subiicitur generi, & de quo genus dicitur in quæstione, quæ ipsius natura inuestigatur: vt homo sub animali continetur, & de eo interroganti quid sit, egregiè respondebimus, si dicamus esse animal. A Porphyrio autem ita Species definitur: Species est, quæ de pluribus numero differentiibus dicitur, in quæstione qua quid res sit quaeritur, vt homo de Socrate & Platone. Tribus enim modis aliqua differunt ex Arist. cap. 6. 1. Top. scilicet Numero, Specie, & Genere. Numero differunt diuersa indiuidua, vt Petrus & Paulus: Specie differunt, quæ vel sunt diuersæ species, vel sub diuersis speciebus (formis alij dicerent) continentur; vt homo & leo, Petrus & hic leo: Genere differunt, quæ sunt diuersa genera, vt Substantia & Quantitas: vel sub diuersis generibus continentur, vt homo & cador. Totidem modis aliquid dicitur idem. Genere, idem sunt, quæ sub eodem genere continentur, vt homo & leo: Specie, quæ sub eadem specie collocantur, vt Socrates & Plato. Idem verò numero est, quodlibet indiuiduum sibi ipsi collatum, vt Marcus Tullius. Alia quæ dici possent de modis eiusdē & diuersi scribemus (si vita suppetet) quum Porphyrium exponemus. Hæc enim sufficiunt ad Generis, & Speciei diffinitiones intelligendas.

Quid Species.

Tribus modis ali-qua differunt.

Genus diuiditur in Supremum & Intermedium. Supremum est, quod cū sit genus, species esse nequit, vt substantia, & alia nouem genera. Interiectum, vel Intermedium est; quod cum

Quomplex sit Genus, item quæ Species.

cùm sit genus, est etiam species; vt animal. Rẽ tam genus supremum, quàm intermedium, pertinent ad primum prædicabile, vel ad primam vocem. Species quoque duplex est, alia Infima, quæ cùm sit species, genus esse non potest; vt homo; qui sub se non habet plures species: quamobrem Atoma dicitur; id est, indiuisibilis in alias species. Alia autem dicitur Interiecta, quia cùm sit species, est genus quoque, si ad diuersa comparatur, vt animal genus est hominis; species verò substantiæ. Cæterum ad secundum vniuersale, aut ad secundam vocem, vel notionem sola species infima pertinet. Si enim Interiecta referatur ad Inferiora, est genus; & spectat ad primum prædicabile: si ad superiora, non se habet vt prædicabile, aut prædicatum, sed potius vt subiectum.

Quia Species ad secundam vocem pertinet.

Argumenta aduersus superiora.

Primum. Corpus dicitur de differentibus specie, nempe de cœlo & niue, in quæstione qua rei natura inuestigatur; at corpus non est genus ad cœlum & niuem: ergo definitio generis non est bona. Probatur assumptio, Nam omne Genus debet esse vniuocum, vel Synonymum: sed, teste Aristot. 10. Metaphysic. text. 26. rei corruptibili, & ei quæ non potest corrumpi (cælum verò incorruptibile est, nix facillè perit) nihil potest esse commune vniuocum. Ergo Corpus non est genus. Infra in Categorijs capite de Homonymis, & Synonymis respondimus.

Secundum argumentum. Phoenix est Species, & non habet sub se plura indiuidua, de quibus dicā-

dicā-

dicatur. Præterea apud diuum Thomam 1. par. quæst. 50. art. 4. quilibet Angelus est suæ speciei ergo istæ species non possunt prædicari de pluribus differentibus numero. Respondetur, in qualibet specie duo esse consideranda, alterum est natura, alterum verò talem naturam esse abstractam. Si natura solùm consideretur, dantur plures naturæ, quibus repugnat de pluribus indiuiduis dici: at verò si consideretur natura, vt abstracta est: non datur species, cui repugnet dici de pluribus; quia natura quatenus abstracta est, indifferens est ad hoc indiuiduum, aut illud. Quò fit, vt de multis dici possit.

Tertium argumentum. Animal est genus, atqui prædicatur de pluribus differentibus numero; scilicet de Petro, & Paulo; ergo Definitio Speciei vltimæ in alia, quàm in rem definitam quadrat. Respondetur, non dici de eis animal immediatè, sed mediante nomine. Species verò infima prædicatur de multis differentibus numero immediatè. Cardinali Caietano non placet hæc solutio capite de Specie & iure displicet. Etenim animal dicitur de hoc animali, & illo (quæ differunt numero, quatenus animalia sunt) immediatè, cùm hæc propositio sit immediata, hoc animal est animal. Quare facillima responsio est, in Definitione speciei subintelligendam esse particulam Tantùm; vt sit sensus. Species infima est, quæ tantùm prædicari potest de his, quæ differunt numero. Licet enim Animal prædicetur de his, quæ differunt numero tantùm: prædicatur namque de Petro & Paulo, qui differunt numero tantùm; non tamen prædicatur tantùm de his,

his, quæ differunt solo numero, sed de alijs etiam quæ specie differunt.

De Differentia. Cap. 6.

Differentia cum sit de rei essentia, ante Proprium & Accidens collocatur. Triplex autem est differentia, Communis, Propria, & Maximè propria. Communis Differentia est aliquod Accidens separabile, quo vna res differt ab alia, vt situ corporis, stantes ab his qui sedent distinguimur. Propria est Accidens inseparabile: vt cicatrix, quæ iam in callum obduruit. Maximè Propria est, quæ addita generi, constituit speciem, vt rationale additum animali, constituit hominem. Vt enim sigillum ceræ impressum constituit certam figuram, atque imaginem, ita rationale, additum animali, constituit hominem. Ex his differentijs sola Maximè propria ad tertium prædicabile spectat, Communis ad quintum, Propria verò partim ad quartum, vt risibilitas, partim ad quintum, vt cicatrix. Differentia Maximè propria sic à Porphyrio definitur: Quæ prædicatur de pluribus specie differentibus, in quale quid; id est, in quale secundum essentiam vt sensibile, quod de homine & leone dicitur in quale essenziale.

*Quid sit
Differentia*

*Quomodo
plax sit
differentia.*

Diuiditur autem hæc Differentia in Genericam, & Specificam; vel in Interiectam & Infimam. Generica est, quæ reciprocatur cum aliqua specie interiecta, vt sensibile cum animali. Specifica est, quæ vicissim cum aliqua specie infima com meat, vt rationale cum homine. Angeli siquidem, quos Platonici Deos vocant, non sunt rationales, sed intellectuales. Item alia diuisio

Dis-

Differentiæ assignatur in Constituentem & Diuidentem. Constituens est, quæ addita generi, speciem constituit: Diuidens est, quæ genus aliquod diuidit. Non tamen hæc diuisio secunda est in diuersas omnino differentias, sed in diuersa munera & officia eiusdemmet differentiæ. Rationale enim simul constituit hominem; & vnâ cum irrationali diuidit animal.

Controuersia circa diffinitionem Differentiæ.

QUæstio est, an definitio Differentiæ Maxime Propriæ sit bona. Non enim competit omni differentiæ. Nam differentia quæ cum specie infima reciprocatur, non potest de pluribus specie differentibus dici; vt in ipso rationali perspicuè constat. Cardinalis Caietanus capite de Differentia, duo dicit: primum est, omnem differentiam hac definitione à Porphyrio esse definitam; Alterum est, hanc definitionem competere etiam differentiæ vltimæ, per non repugnantiam: quia scilicet si differentia vltima consideretur, non quâ vltima est, sed quâ differentia tantum est, non repugnat ei prædicari de pluribus differentibus specie. Si enim id repugnaret Differentiæ vltimæ quâ differentia est, profectò omni differentiæ etiam Genericæ repugnaret: quia quod alicui repugnat quâ tale est, repugnat omni tali. Sed primum eius dictum impugnatur. Si Porphyrius voluit, omnem Differentiam definire, superuacaneè posuit illam particulam, de differentibus specie; illa enim sublata, planior restabat om-

Quid sentit dum sit de modo diffiniendi per nō repugnantiā.

nis differentiarum diffinitio: dicendo; Differentiam esse, quæ de pluribus dicitur in quale quid. Secundum quoque dictum sic impugnatur. Etenim modus hic exponendi diffinitiones per non repugnantiam, definiendi artem peruertit. Poterit nanque quispiam sic definire Animal: Substantia corporea, animata, sensus rationique particeps. Quod si quispiam eum reprehendere velit, quia illa definitio non conuenit omnibus animalibus, brutis videlicet; respondebit facile, brutum esse rationis particeps per non repugnantiam: quoniam bruto, quatenus animal, non repugnat esse rationale: alioquin omni animali, etiam homini id repugnaret. Item est aliud argumentum. Nam eodem pacto potuisset Porphyrius dicere, Differentiam esse quæ tantum prædicari potest de numero differentibus in quale; & postea dicemur nos, illam definitionem competere etiam differentiarum interiectarum per non repugnantiam; quatenus differentia est. Si enim differentia interiectarum, quatenus differentia est, repugnaret tantum prædicari de multis differentibus numero, profecto id omni differentiarum, etiam vltimarum, repugnaret. Exemplum verò, quo hunc definiendi modum eruditissimus Caietanus nititur confirmare, quum grauiores in Porphyrij Isagogem quæstiones vulgabimus, refellemus: quia non poterunt modò solutionem intelligere omnes, quos nunc institui-
mus.

Alij dicunt, & quidem verè, Porphyrium noluisse, illa definitione omnem differentiam comprehendere. Quorum sententiam nos duobus Porphyrij testimonijs confirmamus.

Pri,

Primum: In Categorijs capite 38. postquam hanc eandem definitionem proposuisset, percunctatur ipse se. Nunquid ita semper se res habet? Et respondet. Non ita planè, sed vt in plurimū fieri consuevit. Porro in Isagoge capite de Communitatibus Proprij & Differentiæ ait, sæpe differentiam dici de pluribus differentibus specie. Dicunt tamen quidam auctores, Porphyrium solam differentiam interiectam definire voluisse, quoniam illam solam putabat esse cognitam. Horum licet opinio vera sit, ratio tamen displicet. Porphyrius nanque eodem capite 38. post recitata verba, sic ait; Dantur enim quædam differentiæ, quæ cum specie infima reciprocantur. Et subdit exempla; Vt grauitas terræ, & leuitas ignis. An autem exempla ab eo prolata idonea sint, aliorum esto iudicium. Nos id tantum agimus, vt quæ eius fuerit mens, ostendamus. Itaque dicendum est ad propositam quæstionem, illa definitione non omnem differentiam explicari, sed interiectam; non quia eam solam dari Porphyrius existimauerit, sed quia illæ, quas agnoscebat, vt plurimum interiectæ erant. Quod si volueris, differentiam omnem explicare, dicito, Differentiam esse, quæ prædicatur de pluribus in quale essentiale.

De Proprio. Caput 7.

PRius est nobis agendum de Proprio, quod à rei natura dimanat, quàm de Accidente. Sed quatuor modis aliquid dicitur Proprium; primo, quia conuenit soli; non tamen omni: vt esse Philosophum, est Proprium hominis. Se-

cundo, quia conuenit omni, non tamen soli; vt habere cor, respectu hominis. Tercio, quia conuenit omni, & soli; non tamen semper: vt omnes homines, si ad senectutem perueniant, canescunt. Quarto, quia conuenit omni, soli, & semper; quæ sola acceptio Proprij ad quartam vocem vniuersam pertinet: cùm reliquæ ad quintam referantur.

*Proprij de-
finitio.*

Proprium quarto modo sic definitur. Quod conuenit omni soli, & semper, & à rei natura dimanat; vt omnis & solus homo semper ridere potest. In qua definitione additur, & à rei natura dimanat, vt Proprium distinguatur à Differentia. Differentia enim essentialis, vt rationale, competit omni, soli, & semper: non tamen est Proprium quarto modo: quia non fluit ab essentia, sed est pars essentia, & definitionis. Nec diximus (vt quidam) Proprium fluere à principijs internis, id est, à genere, & differentia, quoniam multa sunt quæ habent proprietates, & tamen eorum natura, & essentia non componitur ex genere & differentia, vt Deus, qui non ponitur in Categoria. Ens etiam habet multas proprietates, & affectiones, de quibus disputat Metaphysica: cùm alioqui non habet genus, & differentiam, aut vlla interna principia: quoniam res simplicissima est. Denique decem supremæ genera carent genere, & proprietates habent. Dicit enim Aristoteles, maximè proprium esse substantia, vt quum vna, & eadem numero sit contraria, per sui mutationem suscipere possit. Hinc colligendum est, Proprium aliud esse Infimum, quod cum cum specie Infima recipiatur; vt facultas ridendi cum homine, aliud Genericum, vt sensibile cum animali: aliud Supremum,

num, quod à generis supremi natura fluit: aliud verò Transcendens, vt Entis affectiones; scilicet Verum, Bonum, Aliquid, Res, & Vnum.

Questiuncula aduersus superiora.

TActus conuenit omni animali, & soli, & semper; fluitque à natura animalis; vt constat: sed tactus non est proprietas, cùm sit accidens positum in secunda specie qualitatís: Ergo definitio Proprij conuenit alijs à definito. Respondetur sensum tactus esse proprietatem animalis, & accidens nihilominus esse; nō tamen ad quintum prædicabile pertinere: vt sequenti capite exponetur.

De Accidente. Cap. 3.

Accidens, quintum prædicabile, ita definitur à recentioribus Dialecticis. Accidens est, quod de multis dicitur contingenter; vt albedo dicitur de hominibus contingenter; potest enim illis minimè conuenire. Alia definitio. Accidens est, quod potest adesse & abesse; præter eius cui inest interitum: vt si albedo à me separatur, non continuò ergo peribo. Licet autem Accidens diuidatur in illud, quod reuera separari potest, vt candor à manu; & illud quod reuera separari non potest, vt nigredo à coruo:

*Duplex est
Accidens.*

omne tamen accidens abesse, & adesse potest, saltem cogitatione & mentis opera; nam potest coruus intelligi absque nigredine. Tertia definitio. Accidentis per negationes traditur, tum quia descriptio est: & per negationes dari potest, tum quia ea quæ negantur, iam sunt explicata. Ipsa verò talis est. Accidens est, quod neque est Genus, nec Differentia, Species, aut Proprium, semper tamen subiecto inhæret. Albedo enim si cum homine conferatur, nec est genus eius, nec species, aut differentia, vel proprietas; tamen quandiu est, in homine esse debet. Si enim accidens, quod in aliquo subiecto existit, ab illo separetur, continuò esse desinet: quamuis superna virtute efficiatur, ut in sacrosancto Eucharistiæ Sacramento maneant accidentia panis & vini; cum huiusmodi substantiæ ibi minimè reperiuntur.

*Accidentis
significa-
tiones.*

Sed, ut plenè intelligantur ea, quæ ad hanc quintam vocem pertinent, expetenda sunt, quæ diuus Tom. 1. parte. quæst. 77. art. 1. ad quintum, & in quæstio. de Spiritualibus creaturis. art. 2. docet. Ait namque, Accidens duobus modis sumi; primò, ut dicitur rei in aliquo subiecto existens, quo pacto diuiditur in nouem Categorias accidentium; & distinguitur contra substantiam; nec pertinet ad quintam vocem prædicabilem: quia quintum prædicabile est secunda notio; at tale accidens est ens rei. Immo sub accidente, hoc modo sumpto continentur multa genera, ut Quantitas & Qualitas; multæ species, ut candor & atrox; multæ differentiæ, ut disgregare visum: continentur etiam proprietates entium rei, præsertim

tim

tim quæ ab illis entibus reuera distinguuntur, ac separantur ; vt tactus & facultas ridendi sunt proprietates; illa quidem animalis: ista verò hominis, & vtræque collocatur in secunda specie qualitatis. Secundo sumitur Accidens, vt significat aliquod prædicatum contingens. Differt autem hæc significatio à superiore, quòd accidens primo modo possit esse genus, & species, &c. Accidens tamen secundo modo nequaquam. Vnde albedo si referatur ad hanc, aut illam albedinem, est species & accidens primo modo; si verò referatur ad papyrum, non est species, sed accidens secundo modo. Et ita sumptum accidens, non tantum multa eorum, quæ collocantur in nouem Categorijs, si ad suum subiectum referantur, continet, sed etiam multas substantias. Nam hæc prædicatio: Triangulus est ligneus, est quinti prædicabilis, quia accidit triangulo fieri ex ligno. Et certè lignum substantia est. Insuper sub hoc quinto prædicabili continentur omnia, quotquot sunt entia rationis; si cum entibus rei conferantur. Accidit enim animali, esse subiectum, esse prædicatum, esse maiorem, aut minorem extremitatem. Denique sub hoc quinto prædicabili continentur ipsamet entia rationis; si cum alijs entibus rationis, quibus non necessario competunt, conferantur. Vnde si fiat hæc enuntiatio, Demonstratio non est Syllogismus probabilis, Demonstratio est subiectum, & Syllogismus probabilis est prædicatum; & accidit demonstrationi esse subiectum, & Syllogismo probabilis esse prædicatum. Quò fit, vt hæc enuntiatio, Demonstratio est subiectum, sit quinti prædicabilis. Dominicus

à Soto 1. Poster. quæst. 3. Accidens primo modo sumptum appellat Accidens Nominaliter; accidens secundo modo sumptum vocat, Accidens Participialiter; quia accidens primo modo sumptum est res, quæ reuera est accidens: accidens verò secundo modo sumptum; licet reuera non semper sit res, quæ est accidens: tamen semper alteri est accidens, id est alteri accidit; quia hoc modo sumptum, accidens est participium verbi accido, accidis. Quæ non, vt ita loquamur, dixerim, sed vt intelligamus similes voces, quando in grauissimis authoribus reperientur.

Quæ in hoc capite dubia videntur.

*Mors, &
Cōbustio.*

Primùm. In secunda diffinitione accidentis dictum est, accidens posse adesse, & abesse, non percunte subiecto. Mors & Combustio sunt accidentia, atqui mors non potest adesse præter subiecti corruptionem; ergo definitio mala. Probatur Maior. Quia hæc prædicatio, Socrates est mortuus, non est primi, secundi, tertij, vel quarti prædicabilis, ergo est quinti; & ita mors est accidens. Respondetur, negando mortem esse accidens, negando etiam illam prædicationem esse quinti prædicabilis. Aut enim intelligitur de Socrate, qui olim fuit, & modò non est, & ita est prædicatio tertij, vel quarti prædicabilis; necessarium enim est, vt homo qui fuit, & nunc non est, mortuus sit. Si verò intelligatur de homine qui est, non modò est falsa, sed prædicatum repugnat subiecto; ac subinde

inde est enuntiatio in materia repugnanti, aut impossibili. Omnes autem propositiones quinque prædicabilium aut sunt necessariae, aut contingentes; alioquin nunquam essent veræ.

Cæterum percunctabitur aliquis. Cùm hæc vox Mortuus possit accipi ut nomen, & ut participium, an ea quæ dicta sunt, sint vera, sumendo eam ut participium. Duobus siquidem modis potest accipi hæc vox Mortuus, primo ut nomē, & significat idem quod res mortua: secundo ut participium verbi morior, moreris. Inter quas acceptiones est discrimen vel maximum. Nam si quis diceret, Christus est mortuus, & acciperet Mortuus, ut nomē, esset hæretic⁹, nūc enim Christus nō est res mortua, sed res viua; dicēte Paulo. Christ⁹ resurgēs ex mortuis, iā nō moritur: mors illi ultra non dominabitur. Si verò acciperet Mortuus ut participium, catholicè loqueretur. Dicimus siquidem in Symbolo Apostolorum, Passus sub Pontio Pilato: crucifixus: mortuus; & sepultus est. Et significat tunc illa vox Mortuus, aliquandō perdidisse hominis vitam: quod verū fuit in triduo, licet modò iam viuat etiam quatenus homo.

Dubium ergo est, si loquamur de homine, qui est modò, & sumamus Mortuum ut participium, cuius prædicabilis est illa enuntiatio. Verbi gratia. Mortuus est aliquis homo, & postmodum per miraculum resurrexit. Si quis dicat, Iste homo est mortuus, verum dicit, sumendo Mortuum ut participium. Percunctor ergo, cuius prædicabilis sit illa enuntiatio? Respondetur, esse quinti prædicabilis: accidit enim homini qui nunc est, esse mortuum. Sed mors sumpta hoc pacto, id est, secundum hunc modum prædicādi,

vt participium, potest adesse absque subiecti corruptione. Nec quisquam miretur, quod exemplis vtamur Theologicis; id enim facimus, quia Dialecticæ interest omnibus scientijs methodum explicandi enuntiationes, & tollendi Homonymiam indicare. Quid? quod eis potissimum Dialecticam tradimus, qui postmodum Theologiæ sunt initiandi.

*Accidētis
esse est in-
esse.*

Secundo potest obijci in superiora. Nam dictum est, accideus separabile, posse à subiecto reuera separari. Et deinde in tertia definitione accidentis dictum est, accidens semper subiecto inhærere. Inhæret subiecto semper? ergo ab illo separari non potest. Respondetur, accidens separabile quamdiu existit, semper subiecto inhærere; veruntamen potest à subiecto separari: sed tunc tale accidens iam non existet. Peribit enim albedo manus, si ab ea separetur. Quare vera est illa sententia vulgatissima, accidentis Esse est inesse. Quæ si de Esse existentia intelligatur, significat accidens non existere in rerum natura, nisi actu insit alicui subiecto. Quod de viribus naturæ accipiendum est. Nam Dei virtute potest accidens sine subiecto vlllo existere, vt quantitas Eucharistiæ: quæ non modò caret subiecto, sed ipsa est veluti subiectum aliorum accidentium. Si verò intelligenda sit illa sententia de esse Essentia, tunc Accidentis esse non est inesse actu, sed aptitudine: in cuiuslibet enim Accidentis definitione clauditur ordo ad subiectum: id est, propensio & inclinatio ad illud.

Tertio obiicitur aduersus id quod diximus, accidens inseparabile, quamuis reuera separari non possit, cogitatione tamen separari posse.

Pri-

Primum namque ita impugnatur. Quum dicitur, nigredinem posse à coruo separari opere intellectus, vel intelligitur de vero iudicio intellectus, vel de falso. De vero intelligi non potest. Etenim si reuera coruus est niger, quomodo intellectus verè iudicare poterit, coruum non esse nigrum? Si autem intelligatur de falso iudicio, nihil ad rem, quia falsè etiam potest intellectus iudicare, hominem non esse animal: at non proinde asserimus, animal posse ab homine separari. Respondetur, intelligi de vero iudicio. Vnde siquidem intellectus dicere potest, coruum non esse nigrum, quod in sequenti obiectione explicabitur.

Secundò potest impugnari eadem sententia alio argumento, & sit quarta obiectione. Eodem enim pacto dicere possemus, proprietatem posse à subiecto separari; quoniam sicut verè intellectus intelligit coruum sine nigredine, ita verè potest intelligere hominem sine risibilitate. Nā quid obsecro vetat hominem intelligi, & nihil de risibilitate cogitari? Si ergo illa separatio accidentis per intellectum sufficit ut dicamus accidens inseparabile à esse à subiecto; sufficit quoque ut dicamus, proprietatem posse à subiecto separari. Quare nullum erit discrimen inter proprium & accidens inseparabile. Ad hoc dubium respondet diuus Thomas, aut quiuis ille fuerit, qui opusculum quadragesimum octauum, quod sub eius nomine circumfertur, edidit, tractatu i. cap. vltimo, præmissa distinctione. Duplex namque esse potest separatio munere intellectus, alia per primam eius operationem; quando vnam rem sine alia intelligimus: ut quando mente apprehendimus

An proprium, & Accidens Inseparabile differant.

natu-

naturam hominis, non intelligendo ea, quæ sunt extra eius essentiam. Alia per secundam operationem, quum vnā rem ab alia separamus enuntiatione negante, vt quum dicimus, homo non est albus. De separatione per tertiam operationem non oportet loqui; quia eodem modo res separantur per tertiam & secundam operationem.

His positis, sit primum pronuntiatum . Nec proprium, nec accidēs inseparabile possunt reuera à subiecto separari; saltem viribus naturæ. Secundum . Tam proprium, quàm accidens inseparabile possunt separari à subiecto per primam operationem, absque errore . Sicut enim possum intelligere coruum, nihil de eius nigredine curans; sic possum hominis naturam intelligere, non intellecta risibilitate . Respondendum est tamen cuidam argumento , quod aduersus hoc pronuntiatum fieri potest : estque huiusmodi . Quicumque intelligit rem aliter quam sit, fallitur; sed intellectus intelligens hominem sine risibilitate , intelligit eum aliter quàm sit : homo enim non est sine risibilitate , ergo fallitur . Sed respondetur, posita distinctione diui Thomæ 1. parte quæst. 13. art. vltimo ad vltimum . Illa nanque propositio intellectus intelligens rem aliter quàm sit, fallitur: duplicem habet sensum , prior est, vt dictio Aliter significet alium modum in obiecto, quod intelligimus; & tunc est vera: nam intellectus intelligens , & cogitans rem aliter esse, quàm sit, fallitur: Vt si ego cogitarem, hominem in rerum natura sine facultate ridendi existere. Posterior sensus est , vt vocabulum Aliter significet alium modum ex parte

An sit error intelligere rem aliter quam sit.

te nostri intellectus ; & tunc illa propositio est falsa. Nos siquidem alio modo intelligimus res, quàm illæ sint, licet non intelligamus alium modum conuenire rebus, quàm illis conueniat. Modus quippe, quo nos intelligimus res externas, est modus immaterialis, & abstractus; licet non intelligamus, res esse immateriales. Quare intellectus intelligens hominem siue risibilitate, non fallitur: quia non intelligit, hominem sine risibilitate esse; sed intelligit eam, nihil risibilitate curans.

Tertium pronuntiatum. Proprium non potest separari à subiecto per secundam operationem. Probatur. Hæc propositio, homo est risus particeps, est necessaria, & semper vera: ergo hæc alia, homo non est risibilis, semper est falsa. Quartum accidens inseparabile potest separari à subiecto per secundam operationem mentis: non quidem simpliciter dicendo, coruum non esse nigrum; sed cum addito, coruus non est niger, salua natura speciei, id est, quamuis coruus non esset niger, natura specifica corui integrapermaneret. Etenim discrimen est inter Proprium & Accidens; quia proprium, ut risibile, consequitur naturam speciei, & primo ipsi competit, ac propter speciem indiuiduis. Ideo Socrates est risibilis, quia homo est risibilis. Risibilitas enim conuenit homini, quatenus homo: Socrati verò, non qua Socrates, sed quia homo. Accidens verò primò competit alicui indiuiduo, & illius causa conuenit etiam Speciei. Ideo homo sedet, quia hic, aut ille sedet: ut docent Porphyrius & Arist. hic capite de Substantia in Categorijs, ille capite de

*Proprium
fluit à na-
tura co-
muni, Ac-
cidens In-
separabile
à singu-
lari.*

commutationibus Generis & Accidentis in Isa-
goge. Quoniam igitur accidens inseparabile,
vt nigredo corui, non conuenit coruo, ob spe-
ciei naturam; ideo verè dici potest, coruum,
salua natura specifica, non esse nigrum, non ta-
men absque errore dici potest, hunc coruū non
esse nigrum; salua natura numerica & individu-
ali. Consequitur enim nigredo huius corui pe-
culiarē eius complexionem necessariò. Hæc di-
cta sunt ad huius obiectionis veram solutionē.

Alij tamen facilius hæc putant ex-
camus, inter proprium, & accidens insepara-
bile nullum esse discrimen quantum ad separati-
onem à subiecto, etiā per intellectū: sed esse ali-
ud discrimen, quia videlicet proprium tantum
illi naturæ competit, cuius est proprium; vt risi-
bilitas tantum homini: Accidens tamen insepa-
rabile multis naturis, vt nigredo coruo, Aethi-
opi, & Ebena. Quod discrimen assignatur à
Porphyrio capite vltimo Communitatū & Dif-
ferentiarum. Nihilominus (vt verum fatear)
hæc solutio clarior est, quàm verior. Primo e-
nim Porphyrius illo loco nihil dicit de separa-
tione per intellectum. Quare nihil contra
nos loquitur. Deinde hoc discrimen non suf-
ficit inter Proprium, & Accidentis Insepara-
bile, si quoad separationem nullum est inter
ea discrimen. Definitio enim prima & secunda,
quas tradit Porphyrius, Accidentis non satis
quintum prædicabile à quarto distinguerent;
quia illæ per solam separationem definiunt ac-
cidens. Et Arist. præterea 1. Topicorum cap. 4.
præfert definitionem: quam secundo Porphyri-
us tradit, illique tertio loco per negationes
procedit.

Quinta obiectio est contra illud quod dictum est, entia rationis contineri sub quinto prædicabili, quatenus dicuntur de entibus rei. Nam entibus rationis non bene accommodatur definitio quinti prædicabilis, quam Porphyrius tradit. Accidens (inquit) est, quod neque est genus, nec species, nec differentia, vel proprium, semper tamen subiecto inhæret: nos autem supra cap. 1. docuimus, entia rationis in nullo rei esse tanquam in subiecto. Respondetur primò; Porphyrium illa definitione ea sola accidentia definire voluisse, quæ sunt prædicata accidentalia, & præterea, sunt entia rei: ut albedo respectu manus. Hinc tamen minimè sequitur, accidentia secundum rationem, vel secundas notiones non pertinere ad quintum prædicabile, quia Porphyrius sola accidentia nobis notiora voluit definire: sicut in definitione differentia, quam supra tradidimus, solas interiectas definire voluit, cum infimæ etiam pertineant ad tertium prædicabile. Respondetur secundò, entia rationis in nullo esse tanquam in subiecto reali; esse tamen in aliquo subiecto prædicationis, quia dicuntur accidentario de entibus rei, tanquam de subiecto.

De Indiuiduo Cap. 9.

SAepe quum Voces vniuersas explicaremus, Indiuidui facta est mentio: quare dicendum est quid sit, & quotuplex sit, dummodo prius quædam nomina interpretemur, quæ eadem re diuersa ratione significant. Sunt autem hæc, prima Substantia Suppositum, Hypostasis, Res naturæ, atque persona. Omnis enim res mundi,

*Indiuidui
nomina.*

mundi, quæ non est vniuersa, appellatur Indiuidua; quia inferiora diuidi nequit: appellatur Singularis, vt distinguatur ab vniuersali; & hoc, siue illa res sit accidens; vt hæc albedo: siue pars substantiæ, vt hæc manus, vel anima: siue substantia integra & completa vt Socrates. Si autem sit res pertinet ad Categoriā substantiæ, & sit completa, vocatur prima Substantia; sicut Substantiæ vniuersales appellantur Secundæ. Dicitur etiam Suppositum; & apud Græcos Hypostasis, quia ponitur sub accidentibus, & substantijs Secundis; tamen aliter, atque aliter. Nominatur quoque res Naturæ, vt Petrus est res naturæ humanæ; id est res habens naturam humanam, aut ad naturam humanam pertinet. Denique si non solum fuerit substantia cōpleta, sed præterea fuerit rationalis, vt intellectualis naturæ, dicetur Persona, Persona, inquit Seuerin⁹ Boethi⁹, est rationalis naturæ indiuidua substantia. Quare illa sola quæ habet naturam humanam, Angelicam, vel Diuinam, dicuntur personæ. Hæc omnia docet diuus Thomas 1. parte, quæst. 29. art. 2.

Iam ad indiuidi Logicam tractationem veniamus. Indiuiduum est, quod de vno solo prædicatur, vt Petrus de se ipso; vera enim est hæc enuntiatio, Petrus est Petrus. Porphyrius verò capite de Specie, definit Indiuiduum hac ratione; Indiuiduum est, quod quibusdam proprietatibus constat, quæ simul in alio inueniri non possunt; vt esse natum Valentis, hac die, hoc anno, his parentibus, hac facie præditum esse, &c. Est autem quadruplex Indiuiduum, scilicet Certum, & Determinatum, vt Petrus: ex Demonstratione, vt hic homo: ex Hypothesi, vt Ferdinandi

nandi filius, tantum dicitur de Principe Ioanne; si solum illum habuit filium; & Vagum, quod habet rationem indeterminatam; ut aliquis homo, quia eius significatum per multa vagari potest.

De hoc autem indiuiduo existit controuer-
sia inter auctores, an de vno tantum dicatur. Vi-
detur enim dici de pluribus; nam Petrus est ali-
quis homo, & Paulus similiter. Dicunt ergo qui-
dam; Indiuiduum Vagum dici de vno tantum,
secundum rem, vel secundum rationem; dici
tamen de multis secundum nomen, sicut etiam
patet in Indiuiduo certo, & determinato. Pe-
trus namque de multis dicitur secundum no-
men. Est siquidem Petrus Apostolus, & Petrus
Martyr; non tamen de eis dicitur secundum e-
andem definitionem, & rationem. Definitio-
nem inquam rei, nam definitio nominis Petri
cuiuscunque, eadem est; scilicet Petrus est, qui
vocatur hoc homine Petrus. At definitio Rei
diuersa est. Si enim definire velis Petrum
Apostolum, non solum quia homo, sed quia
Petrus est, dices, Petrum esse quendam homi-
nem Christi domini primum Vicarium, &c. Si
autem velis definire diuum Petrum Martyrem,
quia Petrus est dices, esse hominem duodecim
ferè annorum Centurijs post Christum, ex pa-
rentib. hæreticis natum; sed hæreticorum acer-
rimum expugnatorem; qui pro sanctæ Inqui-
sitionis officio sanguinem dedit, &c. Non ali-
ter sentiunt hi auctores de Indiuiduo Vago, sci-
licet illud dici de multis solo nomine. Cæte-
rùm diuus Thomas de Potentia quæst. 9. art. 2.
ad primum asserit; Indiuiduum Vagum dici de
multis eodem nomine, & eadem ratione, ac

*Vagū In-
diuiduū.*

*Sententia
diui Tho.
de Indiui-
duo vago.*

definitione. Quæ sententia ita ab eo exponitur. In quolibet Indiuiduo Determinato, & certo duo inueniuntur; est enim natura, & peculiaris modus existendi naturæ in illo: Verbi gratia: In Petro, & Paulo est natura humana, & præterea naturæ humanæ in Petro connexæ sunt quædam affectiones indiuiduantes, diuersæ ab illis quæ sunt in Paulo. Quemadmodum ergo ex functione intellectus considerantis naturam humanam, non considerata hac natura Petri, vel Pauli, confurgit in natura humana notio speciei, aut saltem vniuersi: sic intellectu considerante naturam humanam existentem sub aliquo modo particulari non curando quis sit ille modus particularis, vtrum ille qui est in Petro, an ille qui in Paulo, aut in alio quouis homine; confurgit in natura humana notio Indiuidui Vagi, & dicitur tunc: Aliquis homo. Quæ sententia his argumentis probatur. Primum. Apud Aristotelem, qui (vt Ethnicus) dixit, mundum ab æterno fuisse, & in perpetuum duraturum; hæc propositio necessaria, Leo est. Hoc posito, ita argumentamur. Leo est ergo aliquis Leo est: nam si nullus Leo est, quomodo aliquis leo est? Antecedens est necessarium apud Aristotelem; ergo & consequens debet esse necessarium. Quare hæc propositio erit necessaria, aliquis leo est. At aliquis leo nõ est indiuiduum certum quia de nullo peculiari, & certo leone verè dicitur, hic leo necessariò est: ergo indiuiduum Vagum habet rationem incertam, & indeterminatam; & multis communem apud Aristotelem. Secundum argumentum est Theologicum. Persona dicitur de tribus, suppositis

positis Diuinæ naturæ secundum idem nomen:
& secundum eandem rationem; alioquin diceretur de ipsis Homonymos, id est, Equiuocè, quod est contra fidem: sed persona dicitur de tribus illis suppositis, ut indiuiduum Vagum: Ergo Indiuiduum Vagum de multis dicitur, eodem nomine & ratione. Probatur assumptio, & auctoritate sacrorum Theologorum 1. parte quæst. 30. art. 4. & ratione. Nam genus, & Species significant solam naturam; et persona non solum significat naturam, sed præterea peculiarem modum existendi naturæ: non tamen determinando quis sit ille peculiaris modus. Vnde in definitione Personæ non modò dicitur, personam ad rationalem naturam pertinere, sed additur personam esse indiuiduam substantiam; id est, particularem. Tertium argum. quod est fortius omnibus, proponetur libro 4. cap. 6. difficultate 6.

Ad controuersiam ergo propositam dicendum est, Indiuiduum Vagum dici de multis eodem nomine, & eadem ratione: & non competere ei definitionem indiuidui, supra positam. Vnde Porphyrius capite de Specie, adducens exemplum illius definitionis, tantum illa adducit, quæ pertinent ad Indiuiduum certum, ex Démonstratione, & ex Hypothesi. Quare Indiuiduum Vagum improprie dicitur Indiuiduum, cum reuera sit Vniuersum; ut capite sequenti dicemus. Et obseruandum est hoc loco, Indiuiduum Vagum non solum dici de pluribus differentibus numero, sed interdum de differentibus specie; & nonnunquam de differentibus genere supremo: nam homo est aliquod animal, & brutum est aliquod animal: ac præterea

Accidens est aliquod ens, & Substantia quoque est aliquod ens: nam cū sit ens, non potest nullum, omne (puto legendum) ens esse; sed oportet, ipsam esse aliquod ens.

Argumenta in hoc caput.

Primū. Indiuidui non est scientia, nec definitio, vt docet Porphyrius cap. de Specie, & Arist. lib. 7. Metaphy. text. 53. Ergo malè nos docemus, quid sit Indiuiduum. Respondetur, Indiuiduum posse duobus modis considerari: primum, vt est in rerum natura, priuatis, ac proprijs notis, accidentibusque affectum: & ita nec scitur, nec definitur. Secundo, sub ratione communi Indiuidui, quatenus scilicet, omni indiuiduo competit esse Indiuiduum; & ita de eo scientia, & definitio haberi potest.

Secundum. Prima substantia est Indiuiduum (vt diximus) sed prima substantia de nullo penitus dicitur, vt docet Arist. cap. de Substantia in Categorijs: Ergo malè nos diximus, Indiuiduum de se ipso prædicari. Respondetur, ex Cardinali Caietano cap. de Specie, Prædicationem esse duplicem, aliam naturalem, id est, quæ naturaliter est vera; aliam artificiosā, quæ aliquid nobis sit notum. Prima substantia de nullo prædicatur prædicatione artificiosa. Quid enim mihi innotescit, quum audio, Petrum esse Petrum? Prædicatur nihilominus prædicatione naturali. Nihil siquidem est magis consentaneum naturæ, quàm Petrum esse Petrum. Vocantur autem hæ naturales prædicationes Idèticæ, vt homo

mo est homo. De quibus vide diuum Augustinū Tom. i. libro de Magistro, cap. octauo.

Tertium probat Indiuiduum Vagum, non prædicari de multis. Nulla prima substantia prædicatur de multis, vt docet Aristoteles: sed Indiuiduum Vagum est prima substantia, cum Aristoteles dicat, capite de Substantia, primam Substantiam esse, vt aliquis homo: Ergo Indiuiduum Vagum non prædicatur de multis. Respondetur, sæpe hanc vocem, aliquis homo, poni non quidem vt Indiuiduum Vagum, sed loco alicuius Indiuidui Certi. Quare illa verba ita accipienda sunt, ac si Aristoteles dixisset, Prima Substantia est, vt Socrates, vel Plato.

Quartum. Si Indiuiduum Vagum improprie est Indiuiduum, quare à nobis supra diuisum est Indiuiduum in Certum: Ex Demonstratione, Ex Hypothesi, atque vagum? Huiusmodi sunt argumenta nouorum hominum in diuum Thomam. Sed respondeant ipsi, quare cum differentia communis improprie sit differentia, Porphyrius diuidat differentiam in communem, propriam, & maxime propriam. Item cum Syllogismus Litigiosus, apud Aristotelem i. Topicorum cap. i. improprie sit Syllogismus, quare ab omnibus diuiditur Syllogismus in Demonstratorium, Dialecticum & Litigiosum? Solent ergo viri graues, partes improprias aliquando in Diuisionib. ponere.

De numero Vniuersalium. Cap. 10.

Hanc quaestionem in hunc locum distulimus, quia ea quæ dicenda sunt, vix intelligi

H 3 natu-

poterant, nisi explicata prius cuiusq; Vniuersi natura. Sententia autem, quæ dicit, tantum esse quinque Vniuersa, duobus modis impugnari potest; aut ostendendo esse pauciora, aut demonstrando esse plura. Primum ita probatur; Species non est vniuersum, ergo non sunt quinque vniuersa. Probatur antecedens. Nam alioqui falsa esset Aristotelis sententia, 1. Topicorum capite 2. dicentis, Omnem quæstionem aut esse generis, vt est ne animal hominis genus? aut Proprij, vt facultas ridendi estne hominis propria affectio? aut accidens, vt album estne accidens hominis? Quod si Species esset Vniuersum, profectò dari posset quæstio Speciei. Idem argumentum fieri potuisset de Differentia; nisi Arist. eodem loco quæstionem differentia ad quæstionem generis retulisset. Secundò. Differentia Generica, & Specifica (vt diximus) vnum tantum Vniuersum constituunt, id est, vnam vocem prædicabilem, Ergo genus & species tantum vnum prædicabile constituent; Et ita erunt tantum quatuor Vniuersa. Consequentia probatur. Nam tam differunt inter se differentia Generica & Specifica, quàm genus, & species. Etenim sicut genus, & species conueniunt, quia vtrunque dicitur in quid de suis inferioribus; differunt autem, quia genus de pluribus speciebus, aut formis; species verò minimè: ita differentia Generica & Specifica, licet ambæ prædicentur in quale differunt; quia Generica de pluribus differentibus specie dicitur, Specifica verò nequaquam. Idem argumentum probat dari plura vniuersa, quàm quinque; si contraria methodo proponantur; dicendo; Genus & species constituunt diuersa prædicabilia. Ergo differentia

ferentia Generica, & Specifica constituent alia duo.

Iam ostenditur, esse plura. Ens est vniuersum, sed ens non est genus, vel species, &c. ergo sunt plura quàm quinque. Propositio probatur. Scientia est vniuersalium, at Metaphysica habet pro obiecto ens; dicente Aristotele 4. Metaphys. text. 1. est quædam scientia. quæ speculatur ens vt ens; ergo propositio est vera. Probatur assumptio. Ens non est genus, ex. Aristotele 3. Metaphys. tex. 10. & 10. Metaph. text. 6. & ex Porphyrio capite de Specie, & ex diuo Thoma multis in locis. Porro non est species: haberet namque supra se genus. Quo pacto licebit etiam, per reliquas voces communes progredi. Secundum argumentum. Deus est vniuersum. cum de eo disputent sacratissima Theologia, & Metaphysica, & tamen non est genus, qui non sunt Deorum species; nec species: vt probat diuus Thomas 1. parte quæst. 2. art. 5. Demumque non est Differentia Proprium, aut Accidens; Ergo sunt plura vniuersa. Tertium argumentum Individuum Vagum est vniuersum, atqui non est genus, vel species, &c. vt constat ex capite superioris; ergo sunt plura vniuersa quàm quinque. Propositio probatur ex Aristotele 1. de partibus Animalium, cap. 4. Illud (inquit) est Vniuersum, quod multis conuenit: sed Individuum Vagum dicitur de multis secundum nomen, & rationem: vniuersum igitur erit. Quartum. Decem sunt Categorix, aut Prædicamenta, ergo decem sunt Prædicabilia: vel assignetur causa, quare sunt decem prædicamenta, & quinque prædicabilia. Vltimo dantur aliquæ prædicationes, quæ non pertinent ad aliquod

ex quinque prædicabilibus : ergo erunt plura prædicabilia, vel vniuersa. Probatur Antecedens. Nam hæc enuntiatio indefinita est vera, album est animal, & animal non prædicatur in ea ad modum generis, aliàs animal prædicaretur de accidente, vt genus. Multæ aliæ prædicationes adduci poterant, sed hæc nunc sufficiant; reliquæ infra adducentur. Consequutio verò ostenditur, quia numerus prædicabilium ex varijs generibus prædicationum est colligendus.

*Varia
Prædicationum,
seu Attributionū
genera.*

Oppositum autem Porphyrij, & omnium eius interpretum testimonio suadetur. In huius quæstionis explicatione nonnulla iacienda sunt fundamenta. Primum est, numerum prædicabilium sumendum esse ex numero, & diuersitate modorum prædicandi; quia cum prædicabile à prædicatione dicatur, quot modis aliquod vniuersum prædicari poterit, tot erunt vniuersa, & prædicabilia. Alterum fundamentum. Vniuersale potest prædicari de quibus enuntiatione aiente, vt homo est animal, vel negante, vt homo non est leo. Et cum modi enuntiationis negantis reducuntur ad modos aientis, vel affirmantis; quemadmodum priuatio reducit ad genus sui habitus, vel formæ, & cæcitas ad visum; profecto ad numerum prædicabilium inuestigandū, tantum erunt nobis numerandi modi, quibus aliqua vox vniuersa dicitur de aliquo, prædicatione aiente. Tertium fundamentum. Triplex est prædicatio aientis, quædam Idemprica, in qua idem de se ipso dicitur vt animal est animal: alia Disparata, in qua prædicatum omnino diuersum est à subiecto; vt homo est lapis, alia verò Media, cuius prædicatum nec omnino idem

idem est cum subiecto , nec omnino diuersum; vt homo est albus; Mox prædicatio Media est triplex, alia cuius prædicatum diuersa penitus ratione de suis inferioribus dicitur, vt Canis terrestribus est canis; & vocatur Homonyma, vel Aequiuoca prædicatio: alia, cuius prædicatum eadem ratione de suis inferioribus dicitur, vt homo est animal; appellaturque Synonyma, vel Vniuoca: est tertia, quæ Analoga dicitur, cuius prædicatum , aut attributum nec omnino eadem, nec penitus diuersa ratione de suis inferioribus dicitur; vt homo est ens . Numerus prædicabilium sumendus est ex numero prædicationum Mediarum; non quidem omnium, sed Synonymarum. Porro prædicatio Synonyma est duplex, vnius prædicatum est simplex , vt homo est animal; alterius verò compositum, vt homo est animal rationale. Ad nostrum autem negotium solæ prædicationes simplices exponendæ sunt. Præterea prædicatio simplex aut est directa , vt homo est animal; aut indirecta , vt animal est homo: ex quibus solas directas considerare oportet. Cæterum explicare quænam enuntiatio sit directa, opus, hic labor est . Sed nihil est tam difficile, quod dicendo non fiat perspicuum; nihil tam horridum , tam incultum , quod non splendescat oratione , & tanquam excolatur.

*Directa
Attributio.*

Igitur prædicatio simplex, de qua nunc agimus , interdum pertinet ad materiam necessariam, vt hæc, homo est animal, interdum ad contingentem, & fortuitam, vt hæc, homo est candidus. Quare ad explicandum quænam enuntiatio sit directa, sit prima regula . In enuntiationibus necessarijs quotiescunque prædicatum est

superius in recta linea ad subiectum, prædicatio est directa; vt homo est animal; sicut quæ opposito modo se habet est indirecta: vt animal est homo. Secunda Regula: In enuntiationibus necessarijs quotiescunque prædicatum se habet, vt forma ad subiectum, prædicatio est directa: idque verum est, siue talis prædicatio sit paris de pari, vt hæc enuntiatio, homo est risibilis, est directa, quia risibilitas se habet vt forma hominis: hæc autem risibile est homo, est indirecta, quia homo non se habet vt forma risibilitatis: siue superioris de inferiori, vt homo est sensibilis; siue etiam inferioris de superiori: vt expressè docet Caietanus 1. Poster. c. 4. de hac enuntiatione, animal est rationale; quia animal se habet vt materia, & rationale vt forma. Tertia regula. De enuntiationibus accidentarijs non potest certum quid definiiri, cum hæc prædicatio, album est musicum, sit directa; ac porro hæc alia, musicum est album, non sit indirecta. Ergo omnis propositio accidentaria, siue sit superioris de inferiori, siue inferioris de superiori, siue accidentis de substantia, vt homo est albus, siue substantiæ de accidente, vt triangulus est ligneus, est directa. Omnis (inquam) aut ferè omnis, scio enim hanc esse indirectam album est homo, quia prædicatum non se habet vt forma obiecti. Fortè tamè dici poterit, omnes illas, in quibus accidens de accidente dicitur, esse directas; pariterq; eas in quibus accidens de substantia prædicatur: sed illas esse indirectas, in quibus substantia de accidente dicitur; nisi substantia accipiatur ad modum nominis adiectiui; vt triangulus est ligneus, hoc album est humanum: &c. Quum itaq; dici

dicimus, tantum esse quinque prædicabilia, loquimur de illis, quæ dicuntur de aliquo prædicatione non Idemptica, sed Media Synonyma, Simplici, & quidem Directa. Non ergo negamus dari plura Vniuersa, sed dicimus, non dari plura, quæ habeant prædictas conditiones. Porphyrius namq; de his tantum agere instituit, quoniam facilia sunt: quippe cum in Prologo difficiliore quæstiones se minimè tractaturum polliceatur. Et hæc quidem dicta sunt, ad ostendendum non esse plura vniuersa his quinque in sensu exposito. Nam non esse pauciora, supra ostendimus illo argumento, omne quod prædicatur (intellige si sit prædicatum simplex, Synonymum, & directum) vel prædicatur in Quid, vel in Quale, &c. Ut supra habes cap. 4. huius libri.

Sunt tamen nonnulli auctores, qui numerum *Analogia* quinque Vocum explicari putant *Analogia* *satis recepta.* ex rebus Physicis, & naturalibus. Quemadmodum enim in rebus naturalibus datur compositum constans materia, & forma, ita datur species in istis prædicabilibus, quæ ex genere, & differentia consurgit. Genus habet se ut eius materia, differentia verò ut forma. Addunt præterea. Quemadmodum in composito Physico datur accidens consequens materiam, ut quantitas; & consequens formam, ut qualitas: ita in his quinque Vocibus dari Proprium, quod formam consequitur, & Accidens quantum prædicabile, quod pertinet ad conditiones indiuiduantes, quæ quidem ex materia oriuntur; ut esse album, esse Aethiopem. Hæc maiori consensu dicuntur, quam oporteat. Etenim falsum est accidens commune

mune, quod est quintum prædicabile semper materiam consequi: nam actu intelligere hanc rem, vel illam, est accidens; quod potest adesse, & abesse: at non consequitur materiam, cum reperiatur etiam in Angelis, & animabus separatis, quæ omni carent materia. Insuper quod dicunt, proprietatem consequi formam, falsum est. Quid enim? Nonne esse mortale, est proprietas omnis substantiæ corporeæ, ac viuentis? Nihilominus homo non est mortalis propter formam: id est, animum rationalem, sed propter materiam; nempe quia eius corpus ex quatuor elementis est compactum. Quia prior explicatio, ex varijs modis prædicandi sumpta, sanior multò est. Nec me latet, exempla non omnino debere esse similia. Quòd circa hæc à me dicuntur, vt intelligatur, quo in pretio habenda sit illa Analogia, probabilem enim coniecturam præstat, non necessarium argumentum.

Respondeamus iam obiectionibus. Ad primam dico. Aristotelem solas illas quæstiones enumerasse, quæ à Dialectico in scientijs tractandæ sunt; vel quæ in disputationem veniunt, at quæstio speciei non indiget tractatione, sed poena, vel sensu. Qui enim negat, hoc quod habet ante oculos esse ignem, aut Petrum esse hominem, aut eger visu, aut dignus est, qui in ignem proijciatur. Quòd si oporteat aliquando, huiusmodi quæstiones tractari, Per loca generis id fieri poterit. Quare breuiter soluitur argumentum, dicendo, illas tantùm quæstiones esse numeratas, in quibus agitur de aliquo vniuersali, quod de alio etiam vniuersali dici potest: vt an hominis genus sit animal. Species autem
solum

folùm dicitur de indiuiduis. Ad fecundam refpondetur, aliquod effe difcrimen inter genus & fpeciem, quod minimè reperitur inter genericam differentiam & fpecificam: & ideo genus & fpeciem conftituere duo prædicabilia; non autem differentiam genericam & fpecificam. Genus fiquidem non dicit totam effentiam fpeciei: fpecies dicit totam effentiam indiuidui, non (inquam) dicit totam genus actu. Vt exempli gratia, Animal nõ dicit actu rationalitatem, fed potentia; ideoque totam effentiam hominis non actu, fed potentia dicit. Homo verò dicit humanitatem: Petrus autem & Paulus nihil in effentia fua, præter humanitatem, continent. Quamobrem homo dicit totam effentiam Petri. Porro hoc difcrimen non reperitur inter differentiam genericam & fpecificam; quarum vtramvis fumpferis, totam effentiam dicit eius, de quo primò & per fe prædicatur: vt fenfibile, totam effentiam animalis; rationale, hominis. Quod vt perfpicuum fiat, illud folertè confiderandum eft, inter genus, differentiam, ac definitionem, refpectu alicuius fpeciei, vt hominis, effe difcrimen, quodd genus, vt animal, dicit totam effentiam hominis in potentia: differentia verò, vt rationale, dicit totam eius effentiam actu; & definitio quoque, vt animal rationale dicit etiam totam effentiam illius actu. Verùm definitio dicit actu totam effentiam explicitè; id eft, clarè & apertè: differentia verò dicit totam actu, implicitè tamen & occultè; nam rationale includit in fe animal (vt dicunt Philofophi) per additamentum. Ita enim definitur rationale, animal habens rationem. Dixi autem, inter differentiam Genericam, & Specificam nul-

*Differentia
Generica
& Specifica
quare
ad unam
vocem per-
tineant.*

*Genus,
differentia
& definitio
quo-
modo dif-
ferant.*

nullum esse discrimen, si comparentur ad ea, de quibus primò & per se prædicantur, vt sensibile ad animal, rationale ad hominem. Enimuero si comparentur ad ea, de quibus primo & per se prædicantur, profectò idem discrimen reperietur: atque inter genus & speciem. Siquidem rationale dicit totam essentiam hominis actu, sensibile in potentia; quia sensibile non primò, & per se de homine dicitur, sed de animali. Hęc solutio, quamuis multos defensores habeat, potest tamen magnas pati calumnias, de quibus alio loco dicemus. Quare facillima solutio est, inter genus & speciem esse discrimen, quod non est inter genericam & specificam differentiam; quod genus possit prædicari de aliquo vniuersali, primò, & per se, species minimè, cùm sit proxima singularibus. At verò tam differentia generica, quàm specifica primò & per se de aliquo vniuersali prædicantur; illa quidem de genere, hæc verò de specie. Quòd si instes, etiam speciem posse prædicari de aliquo vniuersali; nempe de Individuo Vago, quia hæc enuntiatio est vera, aliquis homo est homo; facilis est responsio, si dicamus, discrimen esse inter genus & speciem, quia genus potest prædicari de aliquo vniuersali simplici, species autem de nullo vniuersali simplici prædicari potest prædicatione directà. Individuum autem Vagum vniuersale compositum est ex natura & modo particulari existendi; vt statim dicemus. Item genus primò & per se prædicatur de aliquo vniuersali sibi inferiori, id est de specie. At species id non habet: nam individuum vagum tam latè patet, sicut species: omnis enim homo est aliquis homo. Iam ad primam earum obiectionum, quæ
secun-

secundo loco propositæ sunt, respondemus cum nostro Cardinali Caietano in opusculo de Nominum analogia capite sexto, ens esse vniuersum; sed quia est Analogum, non pertinere ad nostrum institutum. Ad aliam respondetur. Deum, quoniam dicit naturam infinitam, quæ omnium rerum perfectiones complectitur, non computari inter ista vniuersa, de quibus nunc agitur, quanquam sit vniuersale; saltem quatenus à nobis in hac vita intelligitur. Equidem: ut aliquid sit vniuersale, non oportet actu esse multis commune; sed sufficit, si quatenus beneficio intellectus abstrahitur, non repugnet, esse multis commune: ut diximus supra cap. 5. Certè diuus Thomas 1. p. q. 23. art. 9. ait, impossibile quidem esse, ut reuera sint plures Dij, tamen hoc nomen Deus quantum est ex modo significandi, posse esse multis commune; ut hoc nomen Sol. Ad tertiam dico, Individuum Vagum esse vniuersale compositum, cum dicat naturam, & peculiarem modum existendi. Quod si mihi adducas diuum Thom. 1. p. q. 30. ar. 4. ad vltimum, vbi postquam concesserat, personam in diuinis esse indiuiduum vagum: negat personam esse vniuersale: Respondetur primùm, diuum Thom. non negare, saltem personam humanam esse vniuersale. Itaque defendere, aliquod indiuiduum vagum esse vniuersale, non repugnat doctrinæ eius. Respondetur secundò, sanctum Thomam eo in loco tantum negare, personam diuinam esse vniuersale, eo modo, quo vniuersalia apud nos reperiuntur; scilicet cum diuersitate naturæ in quolibet indiuiduo. Similiter respondendum est ad argumentum, quod de Diffinitione fieri

*De Indi-
uiduo Va-
go.*

fieri solet; quæ apud Arist. 1. Top. cap. 4. & 1. libi Post. cap. 11. est prædicatum vniuersale. Dicendum est enim, nunc non agi de vniuersalibus compositis, Definitio autem est quid compositum ex genere & differentia. Sed nonne species (nam & hoc dicet aliquis) ex genere quoque & differentia est composita? Non eo inficias. Verum qui ita vrget, legat cap. 6. libri sequentis, quæf. 2. Ad quartam respondetur, prædicamenta, vel Categorias sumi ex varijs modis existendi substantiæ, & accidentis in substantia, qui cum sint decem, decem sunt prædicamenta. At numerus prædicabilium sumitur ex varijs modis prædicandi in quid, vel in quale; & hi tantum sunt quinque: & idem quinque erunt prædicabilia. Ad vltimam dico, tales prædicationes esse indirectas.

*Alii gene-
ra attri-
butionis.*

Quæret tamen fortasse aliquis huiusmodi enuntiationes, hoc rationale, est rationale, hoc risibile est risibile, ad quod prædicabile ex his quinque pertineat, cum sint directæ. Respondemus, ad secundam vocem vniuersam eas pertinere. Nam licet rationale, sit respectu hominis, differentia; tamen respectu huius & illius, rationalis species est. Visne id probem? Certè hoc rationale, & illud solo numero differunt, ac porro quærenti de hoc rationali, quid sit, aptè respondebis; Rationale: non aliter quàm quærenti de hoc leone, quid sit; aptè respondebis, Leo: Ergo rationale prædicatur de pluribus numero differentibus, in quæstione qua quæritur quid res sit. Quod si hoc non est, quid obsecro erit, speciem esse? Eodem penitus modo facultas ridendi, hominis proprietas est; atque dicitur, sed respectu huius, ac illius risibilitatis

ve-

Verius species iudicabitur. Vide Caietanum capite de differentia, ubi apertè docet, rationale dici ut speciem de hoc & illo rationali. Demum illud explicandum superest, quænam sit hæc prædicatio, Avis est alata, homo est capitatus. Nec quæquam ex delicatioribus vocabula ista deterreant; nam in Categoria relatorum Aristoteles docet, fingenda esse interdum nomina, ut res possit commodè explicari: sed ad rem. Non est facile explicare, ad quam ex quinque vocibus illæ pertineant prædicationes. Non sunt generis, non speciei, aut differentię; non etiam proprię, quia non manat caput à rei natura. Denique non sunt accidentijs, quia caput & alia partes substantię sunt. Intelligendum est igitur ex diuo Tho. 3. parte quæst. 2. art. 6. inter essentiam & accidens (sumit autem accidentis nomen, ut sub eo quarta, ac quinta vox uniuersa continentur) dari medium, ut pote substantiam. Verbi gratia. Manus non est de essentia mea, alioquin sine manu nulla ratione possem existere: neque accidens meum est, quia est pars suppositi, & substantię humanę, pertinetq; ad naturę integritatem. Ex quo fit perspicuum, manum non esse de essentia suppositi humani, nec eius accidens; sed de eius substantia, id est Hypostasi. Quę omnia usq; adeo vera sunt, ut per ea D. Tho. loco citato explicet, quomodo hæc enuntiatio, Verbum Dei est homo, licet non concedatur essentialis; non proinde à Catholicis sit accipienda ut accidentaria, sed ut substantialis. Hęc inquit verè dicuntur; sed potius quæstionem propositam augent, quàm dirimant. Respondeo igitur, illam enuntiationē. Homo est capitatus, quamuis non sit essentialis, sed substantialis, referri tamen ad essentialem,

I quia

quia pars refertur ad totum. Quò circa illa enūtiatio refertur ad hanc, homo est animal, ac proinde pertinet ad generis prædicationem; tametsi nonnihil ab ea differat. Atque hæc de ista enuntiatione, eiusq; similibus accipiantur. Nam de illa alia, Verbum Dei est homo, quid sentiendum sit, Theologi, quum eum, quem citauimus, diui Thomæ articulum interpretantur, cumulatissimè tractant. Ego id tantum Dialecticos nunc admonere volo, ne suspicentur, illam esse accidentariam prædicationem; quoniam accidens dicitur in Quale, homo autem non prædicatur de Verbo Dei in Quale: vt ex decreto Alexandri Pontificis maximi colligit D. Thomas. De numero igitur Vniuersalium hæctenus.

Quomodo natura fiat vniuersa. Cap. XI.

CAETERUM explicandum est nobis, quomodo istæ notiones generis & speciei, &c. de quibus tractatum est, conueniant naturis rerum. Quomodo scilicet animal genus sit, & homo species. Diuus Thomas de Ente & entia respondet huic dubio tribus assertionibus, quarum prior est. Natura ex se nec vniuersa est, nec particularis, vt animal ex se nec est genus, nec indiuiduum: si enim natura animalis ex se esset vniuersa, vbique vniuersa esset: Nam quod alicui ex se conuenit, semper ei conuenit. Inde igitur fieret, naturam animalis etiam in aliquo indiuiduo existentem esse vniuersam, multisq; communem. Porro si natura ex se esset particularis, per & vbique esset particularis; itaque intellectu esset particularis: quod est absurdum vel maximum: cum intellectus vniuersalium sit,

fit, quemadmodum & sensus singularium. Secunda assertio. Naturæ ex se tantum illa conueniunt, quæ per eius prædicata essentialia significantur. Verbi gratia. Homini ex se conuenit esse substantiam corpoream, animatam, sensus rationis-que competentem; quia hoc significatur per eius prædicata essentialia, id est, per animal & rationale. Tertia assertio. Natura sit particularis, quia sibi proprietates indiuidui effectrices iunguntur. Vt quia homo habet non modò carnes & ossa, sed has carnes & hæc ossa; est non solum homo, sed hic homo. Fit autem vniuersalis, quia intellectus à singularibus affectionibus eam abstrahit. Quod qua ratione fiat, capite primo diximus.

Huius capituli dubia.

CONTRA primam assertionem est argumentum. Natura Angelica ex se est singularis, vt docet diuus Thom. 1. parte quæst. 3. art. 3. Ex quo (quanquam videbitur hoc fortasse cuiquam durius) colligit, non posse plures Angelos eiusdem speciei atomæ inueniri. Perperam igitur in opusculo de Ente, & essentia negat, naturam per se indiuiduam esse. Respondetur, Diuum Thomam in illo opusculo agere de naturis tantum corporeis. Verum admissa hac solutione, offert se argumentum contra rationem diui Thomæ, etiam si ad res corporeas applicetur: nam in simili forma datur antecedens verum, & consequens falsum. Enimvero Angeli natura ex se est particularis; & in intellectu

speciem, aut vniuersale (hæc nanque sunt quæ conueniunt homini, quatenus est in intellectu) sed dico, esse substantiam corpoream, animatû, sentiëntem, rationalem denique . Secundû autem est conditio; sine qua homo de suis inferioribus prædicari non posset; & hoc est esse vniuersale, aut esse speciem . Homo siquidem nisi esset vniuersale, nõ posset prædicari de suis inferioribus; quia non haberet inferiora de quibus diceretur. Diuus ergo Thomas in loco dudum citato loquitur de prædicatione, quantum attinet ad id, quod per eam subiecto tribuitur, non quantum ad conditionem necessariò requisitam, quæ non conuenit naturæ nisi ex munere intellectus , & accidentario.

Iam ita contra tertiam assertionem disputatione. Obiectum potentiæ præcedit potentiam, ac facultatem animæ, vt color visum: sed Vniuersale est obiectum intellectus, ergo præcedit intellectum, & non fit ab illo . Respondetur negando propositionem, si in vniuersum accipiatur. Datur enim potentiæ, quarum obiecta nec temporis, nec naturæ ordine eas præcedunt, sed potiùs consequuntur, cum ab eis producantur; vt vis generandi in patre existens, non sequitur filium, sed præcedit, tametsi filius sit eius obiectum. Quamobrem assero, intellectum agentem facere vniuersale; & ideò non esse priùs vniuersum, quàm sit operatio intellectus agentis. Cæterùm intellectus patiens percipit vniuersale, & ideò, vniuersale præcedit actum eius.

De quibusdam Axiomatibus. Cap. 12.

ANtequam finem huic libro imponamus, quædam theoremata, atque sententias, quæ de

nullum esse discrimen, si comparentur ad ea, de
 quibus primò & per se prædicantur, vt sensibile
 ad animal, rationale ad hominem. Enimvero si
 comparentur ad ea, de quibus primo & per se
 prædicantur, profectò idem discrimen reperie-
 tur: atque inter genus & speciem. Siquidem ra-
 tionale dicit totam essentiam hominis actu,
 sensibile in potentia; quia sensibile non primò,
 & per se de homine dicitur, sed de animali. Hæc
 solutio, quamuis multos defensores habeat, po-
 test tamen magnas pati calumnias, de quibus alio
 loco dicemus. Quare facillima solutio est,
 inter genus & speciem esse discrimen, quod non
 est inter genericam & specificam differentiam;
 quod genus possit prædicari de aliquo vniuersa-
 li; primò, & per se; species minimè, cùm sit pro-
 xima singularibus. At verò tam differentia ge-
 nérica, quàm specifica primò & per se de aliquo
 vniuersali prædicantur; illa quidem de gene-
 re, hæc verò de specie. Quòd si instes, etiam
 speciem posse prædicari de aliquo vniuersali;
 nempe de Individuo Vago, quia hæc enuntiatio
 est vera, aliquis homo est homo; facilis est res-
 ponsio, si dicamus, discrimen esse inter genus &
 speciem, quia genus potest prædicari de ali-
 quo vniuersali simplici, species autem de nul-
 lo vniuersali simplici prædicari potest prædica-
 tione directa. Individuum autem Vagum vni-
 uersale compositum est ex natura & modo par-
 ticulari existendi; vt statim dicemus. Item ge-
 nus primò & per se prædicatur de aliquo vniuer-
 sali sibi inferiori, id est de specie. At species id
 non habet: nam individuum vagum tam latè pa-
 tet, sicut species: omnis enim homo est aliquis
 homo. Iam ad primam earum obiectionum, quæ
 secun-

secundo loco propositæ sunt, respondemus cum nostro Cardinali Caietano in opusculo de Nominum analogia capite sexto, ens esse vniuersum; sed quia est Analogum, non pertinere ad nostrum institutum. Ad aliam respondetur. Deum, quoniam dicit naturam infinitam, quæ omnium rerum perfectiones complectitur, non computari inter ista vniuersa, de quibus nunc agitur, quanquam sit vniuersale; saltem quatenus à nobis in hac vita intelligitur. Equidem: ut aliquid sit vniuersale, non oportet actu esse multis commune; sed sufficit, si quatenus beneficio intellectus abstrahitur, non repugnet, esse multis commune: ut diximus supra cap. 5. Certè diuus Thomas 1. p. q. 23. art. 9. ait, impossibile quidem esse, ut reuera sint plures Dij, tamen hoc nomen Deus quantum est ex modo significandi, posse esse multis commune; ut hoc nomen Sol. Ad tertiam dico, Individuum Vagum esse vniuersale compositum, cum dicat naturam, & peculiarem modum existendi. Quod si mihi adducas diuum Thom. 1. p. q. 30. ar. 4. ad vltimum, vbi postquam concesserat, personam in diuinis esse indiuiduum vagum: negat personam esse vniuersale: Respondetur primum, diuum Thom. non negare, altem personam humanam esse vniuersale. Itaque defendere, aliquod indiuiduum vagum esse vniuersale, non repugnat doctrinæ eius. Respondetur secundò, sanctum Thomam eo in locutionem negare, personam diuinam esse vniuersale, eo modo, quo vniuersalia apud nos reperiuntur; scilicet cum diuersitate naturæ in quolibet indiuiduo. Similiter respondendum est ad argumentum, quod de Diffinitione fieri

*De Indi-
uiduo Va-
go.*

fieri solet; quæ apud Arist. 1. Top. cap. 4. & 1. libi Post. cap. 11. est prædicatum vniuersale. Dicendum est enim, nunc non agi de vniuersalibus compositis, Definitio autem est quid compositum ex genere & differentia. Sed nonne species (nam & hoc dicet aliquis) ex genere quoque & differentia est composita? Non eo inficias, Verum qui ita vrget, legat cap. 6. libri sequentis, quæst. 2. Ad quartam respondetur, prædicamenta, vel Categorias sumi ex varijs modis existendi substantiæ, & accidentis in substantia, qui cum sint decem, decem sunt prædicamenta. At numerus prædicabilium sumitur ex varijs modis prædicandi in quid, vel in quale; & hi tantum sunt quinque: & idè quinque erunt prædicabilia. Ad vltimam dico, tales prædicationes esse indirectas.

*Alii generis
ra attributionis.*

Quæret tamen fortasse aliquis huiusmodi enuntiationes, hoc rationale, est rationale, hoc risibile est risibile, ad quod prædicabile ex his quinque pertineat, cum sint directæ. Respondemus, ad secundam vocem vniuersam eas pertinere. Nam licet rationale, sit respectu hominis, differentia; tamen respectu huius & illius, rationalis species est. Visne id probem? Certè hoc rationale, & illud solo numero differunt, ac porro quærenti de hoc rationali, quid sit, aptè respondebis; Rationale: non aliter quàm quærenti de hoc leone, quid sit; aptè respondebis, Leo: Ergo rationale prædicatur de pluribus numero differentibus, in quæstione qua quæritur quid res sit. Quòd si hoc non est, quid obsecro erit, speciem esse? Eodem penitus modo facultas ridendi, hominis proprietas est, atque dicitur, sed respectu huius, ac illius risibi

Verius species iudicabitur. Vide Caietanum capite de differentia, ubi apertè docet, rationale dici ut speciem de hoc & illò rationali. Demum illud explicandum superest, quænam sit hæc prædicatio, Avis est alata, homo est capitatus. Nec quæquam ex delicatioribus vocabula ista deterreant; nam in Categoria relatorum Aristoteles docet, fingenda esse interdum nomina, ut res possit commodè explicari: sed ad rem. Non est facile explicare, ad quam ex quinque vocibus illæ pertineant prædicationes. Non sunt generis, non speciei, aut differentię; non etiam propriæ, quia non manat caput à rei natura. Denique non sunt accidentijs, quia caput & alia partes substantię sunt. Intelligendum est igitur ex diuo Tho. 3. parte quæst. 2. art. 6. inter essentiam & accidens (sumit autem accidentis nomen, ut sub eo quarta, ac quinta vox uniuersa continentur) dari medium, ut pote substantiam. Verbi gratia. Manus non est de essentia mea, alioquin sine manu nulla ratione possem existere: neque accidens meum est, quia est pars suppositi, & substantię humanæ, pertinetq; ad naturæ integritatem. Ex hoc fit perspicuum, manum non esse de essentia suppositi humani, nec eius accidens; sed de eius substantia, id est Hypostasi. Quæ omnia usq; adeo vera sunt, ut per ea D. Tho. loco citato explicet, modo hæc enuntiatio, Verbum Dei est homo, licet non concedatur essentialis; non proinde à Catholicis sit accipienda ut accidentaria, sed ut substantialis. Hæc inquit verè dicuntur; sed potius quæstionem propositam augment, quam rimant. Respondeo igitur, illam enuntiationem. Homo est capitatus, quamuis non sit essentialis, sed substantialis, referri tamen ad essentialem,

I quia

quia pars refertur ad totum. Quò circa illa enūtiatio refertur ad hanc, homo est animal, ac proinde pertinet ad generis prædicationem; tamen si non nihil ab ea differat. Atque hæc de ista enuntiatione, eiusq; similibus accipiuntur. Nam de illa alia, Verbum Dei est homo, quid sentiendum sit, Theologi, quum eum, quem citauimus, diui Thomæ articulum interpretantur, cumulatissimè tractant. Ego id tantum Dialecticos nunc admonere volo, ne suspicentur, illam esse accidentariam prædicationem; quoniam accidens dicitur in Quale, homo autem non prædicatur de Verbo Dei in Quale: vt ex decreto Alexandri Pontificis maximi colligit D. Thomas. De numero igitur Vniuersalium hæcenus.

Quomodo natura fiat vniuersa. Cap. II.

CAETERUM explicandum est nobis, quomodo istæ notiones generis & speciei, &c. de quibus tractatum est, conueniant naturis rerum. Quomodo scilicet animal genus sit, & homo species. Diuus Thomas de Ente & entia respondet huic dubio tribus assertionibus, quarum prior est. Natura ex se nec vniuersa est, nec particularis, vt animal ex se nec est genus, nec indiuiduum: si enim natura animalis ex se esset vniuersa, vbique vniuersa esset: Nam quod alicui ex se conuenit, semper ei conuenit. Inde igitur fieret, naturam animalis etiam in aliquo indiuiduo existentem esse vniuersam, multisque communem. Porro si natura ex se esset particularis, & vbique esset particularis; itaque intellectu esset particularis: quod est absurdum vel maximum: cum intellectus vniuersalium sit,

quemadmodum & sensus singularium. *Secunda*
assertio. Naturæ ex se tantum illa conueniunt,
per eius prædicata essentialia significantur.
bi gratia. Homini ex se conuenit esse sub-
stantiam corpoream, animatam, sensus rationis-
comptorem; quia hoc significatur per eius
dicata essentialia, id est, per animal & ra-
tionale. *Tertia assertio*. Natura fit particula-
ria sibi proprietates indiuidui effectrices
naturæ. Vt quia homo habet non modò car-
nosa, sed has carnes & hæc ossa; est non
homo, sed hic homo. Fit autem vni-
uersalis, quia intellectus à singularibus affectio-
nem abstrahit. Quod quæ ratione fiat, capi-
tulo diximus.

Huius capituli dubia.

Præmissa primam assertionem est argumentum.
Naturæ Angelica ex se est singularis, ut do-
ctum Thom. 1. parte quæst. 3. art. 3. Ex quo
facile videbitur hoc fortasse cuiquam
manifestum colligit, non posse plures Angelos e-
ssentie atomæ inueniri. Perperam igitur
opusculo de Ente, & essentia negat, na-
turam esse indiuiduam esse. Respondetur,
opusculum in illo opusculo agere de natu-
ra corporeis. Verum admissa hac so-
lutione fertur se argumentum contra rationem
naturæ, etiam si ad res corporeas appli-
catur in simili forma datur antecedens ve-
rum consequens falsum. Enimvero Angeli
sunt particularis; & in intellectu

speciem, aut vniuersale (hæc nanque sunt quæ conueniunt homini, quatenus est in intellectu) sed dico, esse substantiam corpoream, animatû, sentiëntem, rationalem denique. Secundû autem est conditio; sine qua homo de suis inferioribus prædicari non posset; & hoc est esse vniuersale, aut esse speciem. Homo siquidem nisi esset vniuersale, nõ posset prædicari de suis inferioribus; quia non haberet inferiora de quibus diceretur. Diuus ergo Thomas in loco dudum citato loquitur de prædicatione, quantum attinet ad id, quod per eam subiecto tribuitur, non quantum ad conditionem necessariò requisitam, quæ non conuenit naturæ nisi ex munere intellectus, & accidentario.

Iam ita contra tertiam assertionem disputo. Obiectum potentix præcedit potentiam, ac facultatem animæ, vt color visum: sed Vniuersale est obiectum intellectus, ergo præcedit intellectum, & non fit ab illo. Respondetur negando propositionem, si in vniuersum accipiatur. Dantur enim potentix, quarum obiecta nec temporis, nec naturæ ordine eas præcedunt, sed potiùs consequuntur, cùm ab eis producantur; vt vis generandi in patre existens, non sequitur filium, sed præcedit, tametsi filius sit eius obiectum. Quamobrem assero, intellectum agentem facere vniuersale; & ided non esse priùs vniuersum, quàm sit operatio intellectus agentis. Cæterùm intellectus patiens percipit vniuersale, & ided, vniuersale præcedit actum eius.

De quibusdam Axiomatibus. Cap. 12.

ANtequam finem huic libro imponamus, quædam theorematà, atque sententias, quæ de

vniuersis circumferuntur, explicare oportet. Primum theorema. Vniuersum aut nihil est, aut posterius est. Hæc sententia prolata est 1. de Anima cap. 1. ab Aristotele contra Ideas Platonicas, quæ (vt Aristoteles narrat) ab eo ante singularia fingeantur: ideo ait Aristoteles, aut nihil esse vniuersale, aut si aliquod est, illud esse posterius singularibus; ab ipsisque educi, medio intellectu. Secundum theorema. Vniuersum est semper, & vbique. Equidem hoc axioma non est intelligendum in sensu aiente, quasi oporteat quodlibet vniuersale habere vbique, & omni tempore individua; sed in sensu negante: quia profecto vniuersum ex vi sue abstractionis, non magis sibi postulat, atque præstituit hunc locum, quam illum: hoc tempus quam illud. Intelligendum est igitur, eadem ratione, qua solet explicari à Philosophis, & iurisprudentibus illud vulgatissimum dictum; Iure naturæ omnia sunt communia. Exponitur enim in sensu negante; id est, natura non statuit hunc agrum, seu hoc iumentum aut pecus esse Platonis; illa autem Ciceronis, aut Cæsaris; sed iure gentium facta est rerum diuisio, ita vt illa sit priuata cuiusque possessio, quæ, si aut prima occupatione (si in rem, quæ nullius esset propria, incidit) aut iusti belli præda, aut lege, pactione, conditione, sorte, aut recto alio titulo obtigit.

Tertium axioma. Sensus est singularium, intellectus vniuersalium; id est, sensus cognoscit singularia, intellectus autem vniuersalia. Ceterum obseruandum est, in re vniuersali esse duo, naturam, & notionem, Verbi gratia. In homine, qui est species, duo inueniuntur, natura nempe humana, & notio speciei. Quum autem dicimus;

intel-

lectum non intelligere nisi vniuersalia, non est sensus de vniuersali pronotione: non enim semper intellectus considerat has notiones, sed pro natura, vel notione: id est, quicquid intellectus intelligit, est aliquid, cui tribuitur notio vniuersitatis; aut est aliqua notio vniuersa. In scientijs quidem alijs, naturæ considerantur: in hoc verò libro, motiones ipsæ, potiùs quàm naturæ, notionibus subiectæ attenduntur. Nec proinde negamus, intellectum quadam ratione versari circa singularia; de qua re in libris de animo disputatur.

Quartum axioma. Vniuersale non est nisi quando est obiectum intellectus. Quæ sententia in primis non est intelligenda de naturis ipsis: miserrimæ enim essent rerum naturæ, si ab intellectu nostro penderent; sed de notione vniuersitatis accipienda est. Verùm hoc loco est obseruandum, duobus modis aliquid esse obiectum intellectus, altero vt res cognita, altero vt repræsentata. Quando res aliqua ab intellectu cognoscitur, est eius obiectum, vt cognita; at, quum actu non cognoscitur, sed tantùm apud se intellectus eius speciẽ & imaginẽ retinet, tunc solùm obijcitur intellectui, vt repræsentata. Vt autem alicui naturæ notio vniuersalitatis conueniat, haud oportet, actu eam ab intellectu cognosci, considerari quæ: quin potius illud erit satis, si repræsentetur absq; conditionibus indiuiduacibus per aliquam speciem, vel imaginem in intellectu patibili existentem. Itaque omnibus dormientibus adhuc naturæ sunt vniuersæ, quia manent in mentibus hominum species repræsentantes naturas sine conditionibus indiuiduantibus, quas quidem species vigilantes receperant.

Ac de notionibus quidem, de genere, specie, de differentia, proprio, & accidente, de vniuersis denique, ac indiuiduis satis hoc loco dictum sit. Et mihi ipsi profectò nimium ieiunè res graues tractasse viderer, nisi sperarem, aliquando fore, vt ad proprium hæc tractandi locum veniamus. Nam cum sit tam latè patens campus, in quo possint effundi calamus, cur ipsum in harum institutionum angustias compellamus? Etenim scio, quosdam ex diui Thomæ recentioribus aduersarijs, iam ante prælium exultare, gloriariq; vehementer quòd eum penè è Philosophorum choro substulerint, & Caietanum Cardinalem virum literis, morumque honestate insignem, à scholis exterminarint; ob eam scilicet causam, quòd vniuersa beneficio intellectus fieri, perpetuò, constanterque defendant. Beatissimi igitur Aquinatis, multorumque eius discipulorum, qui iam in coelis felicissimè regnant præsidio nixi, peculiarem de vninerfis librum scripturi sumus; in quo satis omnibus aduersarijs faciemus, ac diui Thomæ celeberrimum nomen ab eorum calumnijs defendemus. Sub tanto enim patrono, nihil est quod timeamus, nihil quod pertimescamus, diuinam nobis ad repugnandum gratiam defuturam.

COM-

COMMENTA.
RIORVM IN VNIVER-
sam Logicam.

LIBER TERTIVS.

IN QVO DE CATEGORIIS
agitur.

De Subiecto, & vtilitate ac diuisione libri. Cap. i.

Inscribitur hic, quem in manibus habemus, de *Ca. gorijs*, aut *Prædicamentis*. Et licet apud veteres, quodlibet prædicatum appellaretur *Prædicamentum*: vt in hac enuntiatione, *Homo est animal*, *animal* erat prædicamentum; tamen apud iuniores *Dialecticos* prædicamenti nomen, duobus modis accipitur, aut pro genere supremo, vt *substantia*, vel *quantitate*, &c. aut pro tota serie complectente, & ipsum genus supremum, & omnia genera ac species, & indiuidua quæ sub illo continentur. In qua significatione loquebatur *Porphyrus* de *Prædicamento* in *Isagoge*, quum iuxta *Boethij* translationem dixit, in quolibet prædicamento esse vnum genus supremum. Iuxta vtranque autem significationem, decem sunt prædicamenta, aut (vt *Philogræci* loquuntur) *Categoriæ* de quibus præsens liber instituitur. Potissimum vero in Ipso de *Prædicamentis* in secundo sensu disputatur.

Harum autem Categoriarum tractatio ad Logicum spectat, quamuis etiam Metaphysicus de eis in 5. libro disputet, sed Metaphysicus de illis, ut res quædam sunt, agit; scilicet de substantia, ut est ens per se subsistens: de Accidente, ut alteri inhaeret: Logicus verò de ipsis, non ut res sunt, sed ut ad secundas pertinent notiones, disputat: nempe ut genera, & species, ac rerum omnium differentia in ipsis continentur; atquo, ut ex eis enuntiationum extrema, sumuntur.

Quò fit, ut magna sit libri huius utilitas. Præcipue tamen ad definitiones componendas est accommodatus, quippe cum rerum omnia genera & differentias indicet. Quamobrem dicitur à Dialecticis, in eo primæ scientiæ functionem, in qua definitiones componuntur, dirigi.

In tres autem partes diuiditur, scilicet, in Prædicamenta, Antepredicamenta, & Postpredicamenta. Et quidem Prædicamenta, seu Categoriæ, sunt illæ decem series & coordinationes, de quibus in hoc libro potissimum disputatur. Antepredicamenta sunt, quæ explicari oportet, priusquam ad Categorias veniamus. Adduntur tertio loco Postpredicamenta, ut explicentur nonnulla, quorum facta est mentio in Categoriarum tractatione.

Ad antepredicamenta pertinent tres definitiones, duæ diuisiones, ac duæ regulæ; de quibus sigillatim tractandum est.

Argumenta in hoc caput.

Pri-

Primum contra illud quod dictum est, Logi- cum de Categorijs agere, non vt res sunt. In hoc libro assignantur proprietates, quæ gene- ribus competunt, vt res sunt; scilicet, suscipe- re contraria, proprium dicitur substantiæ; quan- titatis verò, vt secundum eam res æquales, aut inæquales dicantur: &c. Ergo de substantia & quantitate, vt res quædam sunt, agitur. Respon- detur, has proprietates non tradi in hoc libro, vt rerum naturæ, quæ res sunt, cognoscantur, & ibi sistamus; sed vt cognitis rebus facilius se- cundas notiones intelligamus. Quemadmodum in Metaphysica agitur de rebus, vt res sunt, & nonnunquam etiam de secundis notionibus a- gitur, vt 5. Metaphy. de Genere, & 7. Metaph. tex. 11. antequam de Quod quid est, id est, essentia disputetur, agitur de Diffinitione modo Logico: quia secundarum notionum tractatio confert nonnihil ad plenam earum rerum cognitionem, de quibus ibi differitur.

Secundum contra illud quod dictum est, hunc librum inseruire, ad primam mentis functio- nem dirigendam. In prima operatione nullus potest esse error: ergo nullo eget dirigente. An- tecedens est Aristotelis 3. libro de Animo cap. 6. vbi dicit, intellectum in prima operatione sem- per esse verum. Respondetur primo, ex diuo Thom. 1. p. q. 17. art. 3. in prima operatione intel- lectus posse esse errorem accidentariò, sicut ac- cidentariò admiscetur in ea quædam composi- tio. Etenim si intellectus noster semper rerum essentias simplici intuitu, aut (vt dicitur) vno conceptu perciperet, non egeret dirigente: sæ- pe tamen illas cognoscit duplici cõceptu infor- matus; scilicet generis & differetij; ex quib⁹ defi- niti.

*In secunda
mentis ope-
ratione
non potest
esse error*

nitio componitur. Quò fit, vt duplex ibi admiscetur compositio: nam partes definitionis inter se componuntur, & præterea definitio applicatur; licet hæ compositiones fiant absque verbo Sum, es, est; quoniam verbi compositio ad secundam operationem pertinet. Quare duplici ex capite potest admisceri error in prima operatione, nempe quia aut partes definitionis inter se repugnant, vt si te hominem nominante, ego mente concipiam animal insensibile; aut quia licet inter se non discrepent; repugnant tamen definito: vt si dum quis de Leone tecum loquitur, concipiam ego mente animal rationale. Ne igitur huiusmodi errores contingant, utilis est hic liber, in quo rerum genera & differentiæ ostenduntur. Respondetur secundo: quamuis intellectus in prima operatione non posset errare, hunc librum esse utilem, non certè ne erraret, sed vt citiùs ad definitionem perueniret. Passim namque in hac nostra ciuitate offendimus cæcos; qui ita omnia eius itinera tenent, vt solo scipione freti totam perambulent; & hi nihilominus non rarò puerum ductorem quærunt: non quidem ne aberrant, sed vt citiùs quò tendunt perueniant. In hoc similiter opere via compendiaria ad rerum genera, & differentias inueniendas ostenditur; vt quauis re proposita facile admodum sit eius genus supremum cognoscere; ac ad illius differentiam, seu affectiones proprias penetrare.

Nec deerit forte aliquis, cui ista non placeant: Nam Arist. 6. Metaph. text. 8. docet, in prima operatione nusquam inueniri veritatem; hic igitur liber non est utilis, vt in prima operatione citius intellectus ad veritatem perueniat.

Respon-

Respondetur, veritatem posse in aliquo inueniri, primum, vt in dicente; secundò, vt in repræsentate: vt si ego dicerem, Petrû esse album, qui re ipsa est albus, in me est veritas, vt in dicente; Si autê speculum repræsentet eundem Petrû cû albedine, in speculo est veritas, vt in repræsentante: sicut si repræsentet eum nigrû, erit in eo falsitas, vt in repræsentante. Dicit itaq; Aristoteles, in prima operatione non esse veritatem, vt in dicente; hoc enim pertinet ad secundam operationem, non tamen negat, in illa veritate sepe, vt in repræsentante, inueniri.

De Homonymis seu Acquiuocis. Cap. 2.

EXtribus definitionibus ad Antepredicamentis pertinentibus, prima est Homonymorum, altera Synonymorum, postrema tandem Paronymorum. Homonyma autem sunt, quorum nomen est commune, ratio verò substantiæ, nomini accommodata diuersa. Dicuntur autem Homonyma à Latinis Aequiuoca. Ac profectò Aequiuocum duplex est, aliud Aequiuocum æquiucans, aliud Aequiuocum æquiucatum. Aequiuocum æquiucans est vox multis, quæ non habent vnâ definitionem, communis: vt hæc vox Taurus est communis animali quadrupedi, & cuidam monti: quæ tamen habent diuersas definitiones. Alia siquidem est definitio Tauri montis, alia Tauri animalis. Aequiuoca æquiucata sunt res, quibus nomen diuersis rationibus est commune, vt animal illud, & mons. Atq; de his (meo iudicio) intelligitur definitio Homonymorum, quam tradit Arist. Nam animal illud & mons habent commune nomen
Tauri

Tauri, cùm alioquin, quâ tauri sunt, non habeant vnâ definitionem. Verùm aduertendum est, Aequiuoca definiri in plurali, quia nulla res potest esse æquiuoca, nisi aliam eiusdem nominis consortem habeat. Nominis, inquam, non curando, an sit verbum, an nomen, dum tamen sit vox ad aliquid nominandum imposita. Quò fit, vt æquiuocatio etiam in verbis reperiatur, vt agricultura & honoratio significantur æquiuocè hoc verbo colo. Ratio substantiæ idem est quod essentiæ ratio, aut definitio; si res illa definitionis sit compos; Aequiuocata enim diuersam definitionem habent. Nec ab re quidem additur nomini accommodata. Etenim ea quæ reuera sunt æquiuoca sub aliquo nomine, quatenus in eo conueniunt, diuersas habent definitiones; possunt tamen eandem habere definitionem, si considerentur, quatenus sub alio nomine continentur. Equidem Canis terrestris, ac marinus, vt canes sunt, varie definiuntur; at quatenus animalia, eandem omninò definitionem habent.

*Quomplex sit
Aequiuocum*

Duplicia autem sunt Aequiuoca, alia quæ penitus diuersis definitionibus explicantur; vt mons & animal Tauri dicuntur: alia quæ non omninò diuersam definitionem habent: vt Animal, Medicina, & Vrina, quatenus sana. Et illa quidem simpliciter nominantur, Aequiuoca, seu Homonyma; hæc autem mitiori nomine Analoga appellantur. Soletq; inter hæc duo genera latum discrimen à nostris obseruari, quòd nulla scientia inueniatur, cuius obiectum, vel materia sit aliquod æquiuocum simpliciter; at facillè detur scientia, cuius obiectum adæquatū est Analogum. Vt obiectum Metaphysicæ est Ens. Ens autem Analogum est, vt Arist. 4. Metaphysicorum

eorum, tex. 2. ait.

Secunda diuifio æquiucorum eft huiusmodi. Aequiuocum aliud casu, aliud confilio æquiuocationem fortitur. Casu æquiucum eft, quando casu & fortuito accidit, vt vnum nomen diuerfis rebus tribueretur; ſicut fortè accidit in hoc nomine Taurus. A confilio æquiucum dicitur, quum data opera, imponimus alicui rei nomen alterius; vt factum eft de ſano reſpectu vrinæ, medicinæ, & animalis. Verùm hæc ſecunda diuifio differt à priori, quia etſi omne analogum fit æquiucum à confilio, non tamen omne æquiucum à confilio eft analogum: ſed datur quædam æquiuoca à confilio, quæ ſimpliciter ſunt æquiuoca. Vt ſi quis in gratiam patris Caroli, filium etiam Carolum nominaret, hoc nomen Carolus de patre & filio diceretur æquiucum à confilio; & eſſet merum æquiucum: quia haberet diuerſas penitus definitiones. Nec arbitretur quiſpiam, illud eſſe analogum, quia diceretur de eis ordine quodam prioris & poſterioris: non enim omnis ordo prioris & poſterioris conſtituit Analogiam. Namq; prius, ſecundum tempus, non efficit nomen Analogum, alioquin homo Analogicè diceretur de me & patre meo. Solus autem hic ordo temporis reperiretur in nomine Caroli.

Quæ in hoc capite dubia videntur.

Pincipio incertum videtur quod aſſeruimus, Aequiuoca non conſtare vna definitione. Enimvero corpus eſt æquiucum ad corpus coele-

*Genus pro
Materia*

cœleste, ac terrestre, atqui eadem ratione dicitur de vtraque: ergo æquiuoca non semper habent diuersam definitionem. Propositio probatur. Quia si corpus non esset æquiuocum, esset genus ad hæc corpora, cum de ipsis prædicetur in Quid, & ipsa differant specie; at non est verisimile corpus esse genus: nam Aristotel. 10. Metaph. tex. 26. dicit, caduca & æterna corpora non conuenire genere. Et certè constat cœlum corrumpi non posse, sicuti manifestum est, hæc inferiora ortui & interitui esse obnoxia. Respondetur ex diuo Thoma 10. Metaphysicorum lectio. 12. Aristotelem eo in loco sumere genus pro materia; & quia materia cœlestium & terrestrium est ita diuersa, vt ea quæ est corporis terrestris, non possit esse cœlestium orbium. ideo scripsit Aristoteles, ea differre genere; id est materia. Nec mirum videatur, materiam appellatam esse genus, postquam genus omnium rerum sumitur ab eo, quod habet locum, vicemque materię. Denique Aristoteles ipse 5. Metaphysicorum text. 33. id est, capite de Genere, nonnunquam generis nomen pro materia & subiecto formarum vsurpari, docet. Ac ibidem etiam tradit, illa esse diuersa genere, quæ nec materia conueniunt, nec possunt inuicem transmutari. Respondetur secundo, duplicem esse Aequiuocationem, vnā Logicā, alterā Physicā. Ad æquiuationem Physicā sufficit aliqua differentia essentialis. Cumque omne genus dicatur de suis formis, aut speciebus, secundum diuersas differentias essentielles, cuncta genera apud Physicum sunt æquiuoca. Hæc porrò à plerisque solet assignari ratio, quare Aristoteles 7. Physic. c. 4. dixit sub genere latere æquiuationes

*Logica, ac
Physica
Homonyma.*

Et quamuis (vt probè annotauit sapientissimus Doctor Frater Dominicus Soto) Aristoteles eo in loco non dixerit, sub genere latere equiuocationes, sed latere multa; tamen si expendantur antecedentia & consequentia, in idem recidunt verba ista, ac superiora. Ad æquiuocationem verò Logicam amplius aliquid exigitur. Quantum enim duæ species inter se essentialibus differentijs distinguantur, dicit Logicus, eas non esse æquiuocas, respectu sui generis, postquam nomen & definitio generis ex æquo ipsis conuenit. Sed dices: Ergo Aristoteli in Metaphysica nõ erat confugiendum ad res corruptibiles & incorruptibiles, sed ad quasuis species. Potuisset itaque dicere, nullis speciebus esse commune quidpiam vniuocum, apud Physicum. Sciendum est tamen, etiam apud Physicum maiorem æquiuocationem esse inter cælum & leonem, seu aliud corpus mixtum, quàm inter leonem & hominem: nam inter leonem & hominem solum reperitur æquiuocatio Physica ratione formæ. Materia siquidem ipsorum non differt essentialiter, cum eademmet quæ modo est in homine, postea in leone esse possit. At cælum & leo, præter essentialem differentiam, quam habet ratione formæ, differunt quoque essentialiter ratione materiæ; quia materia leonis nec potest, nec potuit vnquam esse sub forma cæli, aut contra. Hoc igitur consilio actum est, vt Aristoteles supremum gradum æquiuocationis inter res Physicas inuentum expositurus, ad res omni corruptione vacuas, & eas quæ interire, ac corrumpi possunt, confugerit.

K

De Syno-

*Discrimē
inter Vni-
uocorū &
Æquiuo-
corū defi-
nitiones.*

SECUNDA definitio est Synonymorum. Synonyma sunt; quorum nomen est commune, & ratio substantiæ nomini accommodata est eadem. Vt homo & brutum quæ animalia sunt, idem nomen, eandemque definitionem habēt. Enimuerò quatenus animalia, nihil aliud sunt, quam substantiæ corporeæ, animatæ, sensus particeps. Synonyma à Latinis Vniuoca dicuntur. Cumq; Vniuocum diuidatur in vniuocum vniuocans, & vniuocatum, hac definitione vniuoca vniuocata definiuntur. Ex quo intelligitur, eam non aliter explicandam, quàm superior Homonymorum definitio exposita est. Nichilominus vt tota quanta est fiat perspicua, tribuit obseruare. Primum est, discrimen esse inter Homonymorum & Synonymorum definitiones, quòd Homonyma dicantur si diuersam omnino, aut quadam ex parte definitionem habeant, at Synonyma necesse sit eandem penitus definitionem habere. Huius discriminis hæc est ratio; Synonymum habetur in bonis, Homonymum autem in malis; Bonum verò (teste diuo Dionysio Areopagita) ex integra causa confurget, Malum autem ex singulis defectibus: atque vt Arist. ait: Bonum contingit vno modo, malum omnifariam. Quoduis ergo illud sit, quod definitionem aliqua ratione distinguat, ad æquiuocationem sufficiet. Ad Vniuocationem autem, plenè, ac integrè oportebit, eandem esse definitionem quod attinet ad illud, ratione cuius Vniuoca appellantur. Secundum est: Synonyma aliter accipi ab Arist. in Categoriis, aliter verò à Latinis. Latini enim (vt in primis grauis & doctus Pater ac Magister Ferrariensis i. Contra gé-

tes cap. 35. annotauit) Synonyma appellant plura nomina eandem rem penitus significantia, ut *caſis* & *gladius*, *Marcus* & *Tullius*. Quo pacto loquitur diuus Thomas 1. parte quaestio. 13. artic. 4. & 1. lib. Contra gent. loco dudum citato. Aristoteles verò appellat Synonyma ea, quæ vnunomen, vnâque definitionem nomini accommodatam fortiuntur. Nam quæ Latini appellant Synonyma, meliùs Polyonima dicerent. Tertium est. Aequiuocum æquiuocans si omninò sit æquiuocum, & non solùm analogum, tantùm esse nomen; at vniuocum vniuocans non modò esse nomen, sed rem quandam, aut ens aliquod, tali nomine præditum, quod de vniuocis vniuocatis nomine & ratione dicitur.

Obiectio in Synonymorum definitionem.

Album dicitur de papyro & niue eodem nomine, & eadem omnino definitione, quia vtraque est res colorata disgregans visum; & non dicitur de eis Synonymos, cùm nullum accidens etiã in concreto sumptum dicatur de substantia: Synonymòs, seu vniuocè apud Aristotelem in Categorijs capite de Substantia: ergo definitio Synonymorum data est nullã. Respondetur. Synonymum duobus modis dici; strictè, & latè. Vt aliquid sit Synonymum strictè, debet idem nomen, & eandem definitionem tribuere vniuocis; eo pacto, atque lege, ut ipsis vniuocatis eius definitio essentialiter accommodetur. Qua ratione animal eo Synonymum ad hominem & brutum. Ad hunc modum in-

*Duobus
modis vniuocum
dici.*

telligendus est Aristoteles, quando in Categorijs scribit, nullum accidens etiam in concreto prædicari Synonimòs de Substantia. Vt autem aliquid dicatur latè Synonimum, sufficit, si nomen & rationem tribuat vniuocatis; quamuis non illis conueniat eius definitio secundum eorum essentiam. Qua significatione Album est Synonimum ad papyrum, & niuem. Et hac ratione nos loquebamur supra, quum diximus lib. 2. quinque prædicabilia esse prædicata vniuocata.

De Paronymis. Cap. 4.

SEquitur vt de vna reliqua definitione dicamus, qua exposita, ad diuisiones accedemus. Paronyma (quæ à nonnullis denominatiua; à Cicerone Coniugata dicuntur) ita Aristoteles voluit definire: Paronyma sunt quæ ab aliquo appellantur, à quo secundum nomen, solo casu & terminatione differunt. Iustis & Fortis Paronyma sunt à iustitia & fortitudine: quia à iustitia iustus appellatur, & iusti nomen à iustitiæ vocabulo solo casu differt. Vtrque hæc definitio explicata maneat, sciendum est, ad Denominationem tria requiri, vnum est forma denominans, vt candor; alterum res denominata, vt Paulus; tertium est nomen ipsum Paronymum, vt hoc nomen albus. Hac itaque definitione res denominatæ, quatenus eis nomen denominatiuum competit, definiuntur. Paulus enim, vt nominatur albus, est res quæ appellationem, aut nominationem, seu nomenclaturam ab ipsa albedine sortitur: ac iuxta nomen albi sola terminatione differt ab albedine. Definiuntur-
que

que hoc loco ea quæ sunt Paronyma & voce, & significatione simul, vt albus, & albedo: non illa quæ sola significatione Paronyma iudicantur, vt virtus, & studiosus (qualia Paronyma arbitratur esse Boethius mulierem Grammaticam, & Grammaticam scientiam, quia secundum vocem non sunt Paronyma, cum non differant casu, sed potius Homonyma & ambigua) neque illa quæ sunt Paronyma voce tantum, vt virtus, & (vt ita dixerim) virtuosus. Non enim apud Latinos vox Virtuosus significat eum, qui virtutibus præditus est.

Impugnantur superiora.

Disputationis gratia impugnemus quædam *Analio*
ex superioribus. Album & albedo sunt Paro- *praterquã*
nyma, & non differunt solo casu quoad nomen, *in nomine*
ergo definitio nulla. Huius syllogismi propositio *Domina-*
receptissima est. Assumptio ita probatur. *tium, &*
Nam quoad nomen, differunt etiam prædicatione *eius formæ*
& attributione, cum teste Aristotele in Ca- *differant.*
tegoria Substantiæ, albor non prædicetur de substantia etiam nomine, album verò prædicetur nomine. Respondetur ex Caietano, hoc loco negando consequentiam. Nam dictio Solum non excludit concomitantia, vt qui dicit, solum hominem posse ridere, haud negat animal posse ridere. Quare quum Aristoteles dixit, denominatiua differre solo casu à forma denominante, ne excludit differentiam secundum modum prædicandi, quæ ex vario modo nominandi album, & albedinem sequitur.

Experiar, & dicam hæc (si potero) planius. Accidens duobus modis potest nominari, in Abstracto scilicet, & Concreto. Tunc nominatur in Abstracto, quum ita appellatur, ac si esset res per se existens; vt in his vocibus; candor & iustitia liquet: tunc verò in Concreto, quoniam significatur vt alteri conueniens & inhærens; vt his vocibus albus ac iustus. Nam quamuis album solum albedinem significet apud Arif. cap. de Substantia, tamen hoc intelligendū est primariò, & (vt aiunt) formaliter: secundariò. n. & (vt dicūt) materialiter, etiam significat rem illā, cui albedo inhæret. Ex hoc discrimine sequitur aliud; nam accidens in abstracto non potest prædicari de re, quia non significatur vt alteri conueniens; sed vt forma quædam, ac res per se subsistens: quanquam reuerà non per se subsistat. Accidens verò in concreto potest prædicari de substantia, vt quum dicimus, Petrus est albus. Et ratio est, quia accidens in concreto significatur; vt alteri conueniens, & inhærens. Ceterum aduertendum est, accidens in concreto quando ponitur in enuntiatione, non accipi pro suo primario, & formali significato, sed pro secundariò, etenim hæc propositio, Petrus est albus, non significat Petrum esse albedinem inhærentem subiecto, sed esse rem, cui albedo inhæret.

Homo, & humanitas an sint denominatiua.

Postquam ita placet, alio ariete Paronymorum definitionem concutiamus. Homo non dicitur Paronymòs ab humanitate, at in hominem & humanitatem definitio Paronymorum facile quadrat: nō igitur bene tradita est. Probatur propositio. Si homo diceretur Paronymòs ab humanitate, homo diceretur denominatiuè; ac

Paro-

Paronymòs de illis, quibus humanitas conuenit; scilicet de Petro & Paulo: sicut album, quia est Paronymum ab albedine, dicitur denominatiuè de illis, quibus albedo tribuitur. Homo uero qui poterit de Petro & Paulo dici Paronymòs, si de ipsis effertur Synonymòs, atque vni uocè? Iam probatur assumptio: quia homo appellatur quis ab humanitate, à qua secundum nomen, solo casu differt. Respondetur, hominem non esse Paronymum ab humanitate. Sed quum plerique arbitrentur esse Paronymum, minuenda est hæc opinio. Etenim diuus Thomas 7. Metaph. lectio 2. asserit, formam quam nomen Paronymum significat, non posse illis essentialiter conuenire, de quibus nomen Paronymum dicitur: sed humanitas conuenit essentialiter illis de quibus homo dicitur: Ergo homo non est Paronymum ab humanitate. Tradit hæc eadem Cardinalis Caietanus in Categoriis, quum in hanc definitionem scribit. Nec porro ab his alienus est Albertus Magnus Ratisbonensis quondam Episcopus. Hanc uero sententiam non vanè, inaniterque hi patres commenti sunt, sed cum omnia ratione, animoque lustrassent, ita senserunt. Nam causam eis præbuit Aristoteles 7. Metaphysicorum tex. 8. suffragante vniuerso bonorum Dialecticorum cœtu. Omnes enim enuntiationem essentialē à denominatiua distinguunt. Quia in rectiam ipsum Aristotelem in Categorijs capite de Substantia autorem habent, ubi distinguit, dici Paronymòs, & dici nomine & ratione essentiali. Sed rogas, quare Aristoteles hanc particulam non apposuit in definitione? Respondeo, reliquisse eam ut manifestam; tum 27.

Metaphysicorum loco citato , tum etiam quia denominatiua dicuntur,quòd nomen dent, non essentiam & naturam . Respondetur secundò, non admodum sollicitos fuisse antiquos Philosophos in tradendis acuratissimis definitionibus . Tantùm n. ea tradebant, quæ apud homines erant in promptu ; obscuriora autem suis interpretibus addenda relinquebant. Vnus Porphyrius in exemplum sufficiet, qui eam Proprii definitionē tradidit, quæ cōpeteret etiā differentie vltimæ, nisi à nobis additum aliquid fuisset.

Verùm contra, ea quæ dicta sunt in huius quæsitæ explicatione, nonum se offert argumentum. Nam hoc nomen adiectiuum *Quantus*, quanta, quantum, est denominatiuum , & prædicatur Paronymòs; vt quum dicimus, hominem esse quantum : dicitur autem de aliquo, cui ex sua essentia conuenit definitio Quantitatis : Ergo falsa sunt quæ ex Diuo Thoma, & Caietano diximus . Propositio nota est. Probat-
 tur assumptio. Linea ex sua essentia est quantitat-
 is sicut corpus & numerus , atque oratio ; sed Aristoteles capite de Quantitate in hoc libro dicit, lineam esse quantam, ergo assumptio vera , Diuus Præterea Augustinus 5. de Trinitate cap. 10. ait ; Magnitudinem esse magnam , cùm alioquin magnum sit paronymum, & magnitudo sit de essentia cuiusque magnitudinis. Respondetur , quædam nomina respectu vnius esse Synonima, & respectu aliorum Paronyma, In Theologia conceditur hoc nomen Homo prædicari de nobis , & Christo Synonymòs & essentialiter, at verò de filio Dei quasi Paronymòs , & denominatiuè effer-
 tur. Quanquam enim vnusmet sit Christus & fi-
 lius.

*Quantus
 & mag-
 nis*

lius Dei, tamen quatenus Christus, est homo essentialiter, & necessario: quò fit, vt homo secundum essentiam de ipso prædicetur. Contra vero si tantum vt filius Dei consideretur, non ei tribuitur necessario essentia hominis, quare de ipso prædicabitur homo, quasi Paronymos. Dixi quasi Paronymos, vt integrum iudicium relinquatur Theologis. Hi enim iudicabunt, an omnino dicatur Paronymos homo de filio Dei. Sic etiam si Quantum referatur ad ea quæ suapte essentia quanta sunt, vt linea, superficies, & corpus, non est Paronymum, aut denominatiuum: si verò ad ea quæ ex accidenti eorum essentia superaddito quanta dicuntur, vt homo & lapis, Paronymum erit. Nec aliud de hoc nomine Magnum sentiendum est. Quare quæ nos diximus ex diuo Thoma & Caietano de nomine Paronymo, intelligenda sunt respectu eorum ad quæ est Paronymum. Data profectò opera, vtor nonnunquam exemplis Theologicis ad diui Thomæ & Caietani Dialectica dogmata corroboranda, vt qui hos grauissimos patres inter discipulorum cateruas accusare solent, erubescant. Illud enim certum est, quo aliquid Theolog. est proximius, eò veriùs esse; & quãtò ampliùs ab ea recedit, atq; dissetit, tãtò maiores in errore progressus facere.

Ad extremum impugnatur superior definitio alia ratione. Etenim Cæsaris & Cæsari non sunt Paronyma ad hac voce Cæsar, vt omnes concedunt; atqui eis competit definitio Paronymorum, ergo quadrat in alia à re definita. Probatur assumptio. Nam ab hac voce Cæsar deriuantur, & ab ea solo casu & terminatione differunt. Potissimumque eis conuenit definitio Paronymorum, quam Perionius ex Cicerone potiùs, quàm

ex Aristotele tradit. Paronyma sunt, quæ ab vno orta, variè commutantur. Respondetur; non esse Paronyma, quia Paronyma sunt varia nomina; hæc verò quæ subiecta sunt, vnum nomen & diuersos casus appellare oportet.

Responsio pro Aristotele. Cap. 5.

Sed quoniam omnia persequimur, nec illa quidem à nostro instituto erunt aliena, principio quidem docere, quænam Aristotelem impulerint causæ, vt de Homonymis, & Synonymis, & Paronymis disputaret: mox quare non egerit de Polyonymis, & Hæteronymis, ac demum quàm inter se differant Homonyma, Synonyma, & Paronyma, vtrum re, an sola ratione. Egit Aristoteles de Homonymis, vt illa quæ ex parte Homonyma sunt, à Categorijs excludi intelligamus. De Synonymis, quia tamen non omnia Synonyma in Categorijs collocantur, quippe cum multa entia rationis ad sua inferiora Synonyma sint; nec proinde in Categorijs ponantur: tamen quicquid in Categorijs ponitur, Synonymum esse oportet. De Paronymis verò disputauit, vt sciamus Paronyma ad eandem Categoriã referenda esse, ad quam pertinent formæ, quæ per ipsa significatur: vt album ad Categoriã Qualitatis; sicut albedo ipsa. Porro autem alia solet eiusdem tractationis ratio assignari. Etenim suprema genera ad tria possunt referri, primum ad Ens, tum ad sua quæque inferiora, denique inter se: vt qualitas cum substantia. Ratione primi ordinis genera suprema sunt æquiuoca, saltem analogã, seu verius analogata:

ratione secundi, Synonyma tandem ratione tertij, verè Paronyma. De his itaque Aristoteli erat disputandum:

Sed de Polyonymis & Heteronymis minimè egit, quia Polyonyma sunt diuersa nomina, eandem penitus rem significantia, vt Marcus Tullius Cicero. Heteronyma autem vt sunt diuersa nomina, ita quoque res diuersas significant, vt Ensis, & India. Polyonyma igitur è diametro pugnant cum Homonymis, quæ sub vno nomine res omninò diuersas includunt: Heteronyma verò Synonymis opponuntur, quæ & vnum nomen, & vnam rationem habent. Quum itaque vnum contrariorum facilè intelligatur ex alio, agens Arist. de Homonymis & Synonymis, reliquis Polyonyma, & Heteronyma. Iam verò cùm hic liber ad Enuntiationis tractationem dirigatur, potest alia ratione Aristoteles excusari. Equidem ex Polyonymis non fiunt enuntiationes, quæ admodum ad Disciplinas pertineant, vt an ensis sit gladius; esset enim, quaestio de nomine; ex Heteronymis etiam non possunt fieri enuntiationes verè aientès, quarum potissima est cura, sed omnes erant falsæ; vt ista, homo est Leo: at propositiones Synonymæ & Paronymæ, vt homo est animal, homo est albus, longam exigunt tractationem; immò etiam prædicationes Homonymæ, saltem Analogæ valde ad scientias pertinent. Idèò igitur actum est de his tribus.

Hinc perspicuum fit, Homonyma, Synonyma, & Paronyma ratione quidem semper distingui; re autem vera interdum in vnum conuenire. Nam (vt diximus) qualitas si conferatur cum ente, Homonymiam Analogiæ sortitur; si cum

cum albedo, & nigro, Synonymum est ; si cum homine colorato, fit Paronymum.

De prima diuisione. Cap. 6.

POST definitiones sequuntur duæ diuisiones, quarum prior huiusmodi est. Eorum quæ sunt, quædam sunt composita, vt homo albus; quædam simplicia, vt homo. Ex his composita à Categorijs excluduntur, simplicia ad Categorias pertinent. Sed tribus modis potest aliquid esse compositum. Aut enim voce tantum compositum est, vt Marcus Tullius, aut significatione sola, vt omnia Hæmonyma: quemadmodum nomen Canis, & omnia verba, vt curro, quod significat ego curro; aut denique voce & significatione simul, vt homo albus. A Categorijs igitur excluduntur sola composita, quoad significationem, siue quod ad vocem attinet simplicia sint, siue complexa. Quamobrem homo albus in nulla Categoria ponitur, sed homo deponitur in Categoria Substantiæ, albus in Categoria Qualitatis. Eodem pacto animal rationale in nulla Categoria ponitur in recta linea: sed animal in recta linea, rationale ad latus. Illa verò quæ tantum voce composita sunt, nequaquam à Categorijs reijci debent: vocum enim compositio non raro ob vocabulorum penuriam accidit; vt patet in hac voce Corpus animatum apud Porphyrium capit de Specie; & in hac alia Intellectus agens, cum alioquin intellectus agens sit quoddam simplex accidens, ad secundam speciem Qualitatis pertinens.

Huius capitis quæstiones.

Vellem hoc loco obseruari, de verborum significatione satis importunam quæstionem existere, an significatione simplici constent, an verò complexa. Nam qui putant, verba simpliciter significationem præ se ferre, & Arist. testimonio nituntur in hoc capite, in exemplum eorum quæ sine complexione dicuntur verba adducuntis: & porro experientia ipsa eorum opinatio roboratur. Quia quum audimus, pluit, tonat, nō curamus mente concipere, naturam esse quæ pluit, aut tonat. Qui verò contra sentiunt, id probant, quia in omni ferè verbo subintelligitur aut persona certa, aut vero incerta. Quodd si in aliquibus persona minimè intelligatur, vt in his quæ nuper sunt prolata, dicendum est, nihilominus compositam eā habere significationem: vt apertissimè id libro sequenti cap. 5. obiectione 2. ostendetur. Et quidem ad Aristotelis testimonium sufficit respondere, eum exempli tantum gratia verba adduxisse; in exemplis verò sæpè ipsum vulgares opiniones sequi, vt 2. Sent. dist. 13. artic. 3. ad 3. docet diuus Thomas; & in Topicis est manifestum. Et probatur solutio. Nam sub finem Antepredicamentorum ait Arist. ea quæ sine complexione dicuntur, verum aut falsum minimè significare cum tamen verba verum, aut falsum significare, etiam si sola proferantur libro sequenti, loco citato demonstratur.

*An sine
plex sit
verborum
significa-
tio.*

Alia etiam existit quæstio circa illud quod dictum est, animal rationale non poni in Categorijs. Homo ponitur in Categoria in recta linea, ergo

*Quæ cõpo-
sita à Ca-
tegorijs
exulent.*

ergo & animal rationale; cum sint idem penitus, Respondetur, negandam esse consequentiam, nam adhuc vt aliquid collocetur in Categoria, consideranda est eius significatio: homo autem & animal rationale differunt significatione. Sed pergis adhuc. Eadem res penitus significatur per hanc vocem homo, & per hanc animal rationale: vana igitur est solutio. Respondetur, negandum esse antecedens, si loquamur de significatione immediata: Nam duplicem habent nomina significationem: significant enim res, quibus sunt imposita, vt hoc nomen lapis significat rem quæ est lapis; ac præterea, vt expressè docet diuus Thomas 1. parte, quæst. 13. artic. 1. & in 2. 2. quæst. 110. articul. 3. significant conceptus in mente nostra existentes. Quod circa Aristoteles 1. lib. Periherm. capit. 1. dixit voces esse signa earum quæ sunt in anima passionum, id est, conceptuum, vel affectionum. Quum enim profæro hanc vocem Lapis; significo me habere in mentē conceptum, vel imaginem lapidis, & hæc vox lapis exprimit auditoribus conceptum, quem ego in mente retinebam: ac proinde voces appellantur mentis interpretes. Denique ob eam causam in voce ipsa duplex veritas reperiri dicitur, vna quidem respectu rerū, alia ratione conceptuum. Vt si hæreticus timore percitus diceret; Romanam Ecclesiam à fide aberrare non posse, diceremus continuò, illum verè profectò loqui, si eius oratio cum re de qua tractat conferatur; falso tamen si cum propria eius mente, ac deprauato animo. Ex his duobus significatis, proximum est conceptus mentis, remotum verò res ipsa, ad quam significandam nomen fuit impositum. Vulgus enim Metaphys. dicit,

Duplex
nominū
significa-
tio.

dicat, voces significare res medijs conceptibus. Quare hoc nomen Antropos apud Latinos nullam rem significat, quoniam is qui tantum Latinus est, illam vocem audiens, nullum conceptum mente format: contra verò apud Græcos aliquid significat; quia quum Græcus illam audit, aliquod conceptum mente effingit. Sed ut ab omnibus hæc percipi queant, libuit hoc loco annotare, conceptus mentis à nobis vocari, quæ Cicero, ac Quintilianus animi sensa dixerunt. Ad argumentum igitur respondetur, Hominem significare quidem aliquid compositum, tanquam significatum remotum, cum rem ex animo & corpore constantem significet: at eius significatum proximum esse conceptum simplicem quo homo repræsentatur. Hæc autem vera sunt, si expendatur vis impositionis huius nominis homo. Nam sæpè accidit, ut audita illa voce, formemus conceptum hominis compositum, id est conceptum definitionis homini. Id tamen non habet vox Homo ex sua impositione, sed ex bonitate, aut defectu intellectus audientis. Hæc autem oratio, animal rationale, longè aliter se habet; nam significationem compositam, non modò secundariam & mediatam; si immediatam etiam recipit. Ut verò res aliqua in Categorijs collocetur, non tam ipsa consideranda est, quàm modus quo mente concipitur. Quamvis enim Angelus res simplicissima, ut non ponitur in recta linea Categoriæ, quum duplici conceptu apprehenditur. Et quamvis homo re ipsa compositus sit, absque dubio in Categoria ponitur, quando apprehenditur non duplicato definitionis conceptu, sed simplici, qui ei, ut species quædam, respondet

det. Denique vt aliquod nomen excludatur, à Categorijs consideranda est eius significationis compositio, non quoad secundarium significatū, sed quoad primarium. Quò sit, vt homo possit in recta serie prædicamenti reponi; non autem animal rationale.

De secunda Diuisione. Cap. 7.

Altera diuissio in hunc modum proponitur. Eorum quæ sunt, quædam non sunt in subiecto & dicuntur de subiecto; nonnulla sunt in subiecto, & dicuntur de subiecto; alia nec sunt in subiecto, nec dicuntur de subiecto; tandem alia sunt quidem in subiecto, at de subiecto minimè dicuntur. Qua in re sciendum est primò, sola Synonymos simplicia, quæ in recta Categoriarum linea collocantur, hoc loco diuidi. Iam autem & illud intelligendum est, hanc diuisionem quatuor partes sortiri: quia ens potest diuidi in substantiam & accidens, substantia vero in vniuersam & particularem: sicut etiam accidens. Vnde quatuor sunt genera entium, substantia, nempe vniuersa, & singularis, accidens vniuersum, & singulare. Nec illud præterea ignorari debet, propriam notam accidentis esse, existere in subiecto. Esse autem in subiecto, illud dicitur, quod est in aliquo, non tanquam pars; & impossibile est, esse sine eo in quo est: vt albedo manus, est in ea tanquam in subiecto, quia est in illa non quasi pars; & si à manu separetur, certè peribit. Propria verò nota substantiæ est, non esse in subiecto, quia substantia per se subsistit. Mox indicium vniuersalis est, dici de subiecto; id est; dici de aliquo nomine & ratione secundum essentiam.

*Dici de
Subiecto.*

essentiam; vt homo dicitur de Petro & Paulo secundum nomen & definitionem: ita vt definitio hominis tribuatur eis secundum essentiam. Quod fit, vt nullum Homonymum de suis inferioribus, tanquam de subiecto dicatur: Homonyma siquidem non habent vnā rationem. Verum est tamen ea quæ non penitus, sed partim Homonyma sunt, id est analogæ, dici nonnunquam de suis inferioribus, vt de subiecto. Quare in Categorijs cap. 4. quæst. 1. docet Pater Soto, hoc nomen Res, quod est vnum & transcendentibus, dici de substantia, & accidente secundum essentiam. Et idē ego arbitror de Ente, vt significat habens essentiam, non vt significat habens existentiam. Sed hæc aliquando commodiùs exponuntur. Fit etiā consequens ex eadem definitione, nullum Paronymum dici tanquam de subiecto de illis, quibus Paronymos attribuitur; quia etsi possit de eis nomine & ratione efferri, non tamen secundum essentiam. Sequitur tertio, inter ea quæ ponuntur in recta linea Categoriæ sola genera & species dici de subiecto, cum ea sola habeant inferiora, de quibus secundum essentiam efferantur. Tandem proprium Symbolum atque nota singularium est, non dici de subiecto; singularia enim non habent inferiora, de quibus nomine & ratione dicantur.

Quæ cum ita sint, liquet primam diuisionis partem significare substantiam vniuersam, quæ quia substantia est, non est in subiecto; quia vniuersa est, dicitur de subiecto: Secundam, accidens vniuersale; quod quia accidens, in subiecto est; quia vniuersale, de subiecto dicitur: Tertiam, substantiam singularem: Quartam denique, accidens singulare; quæ partes vt superiores

riores explicandæ sunt. Sed vt exemplis res fiat illustrior, substantia vniuersalis est, vt homo, animal; accidēs vniuersale, vt albedo, color; substantia singularis, vt Petrus, Paulus; accidens singulare, vt hic candor. Ac meritò quidem annotarunt viri docti, non vno modo accipi nomen subiecti in hac diuisione. Etenim in illa particula, Dici de subiecto, subiectum accipitur pro subiecto prædicationis essentialis; quale est homo respectu animalis. In particula verò esse in subiecto, sumitur pro subiecto inhærendi; cuiusmodi est homo respectu candoris.

Argumenta aduersus superiora.

An anima sit in materia, ut in subiecto.

CONtra diffinitionem Esse in subiecto est argumentum, quia alteri, quàm re diffinitè potest accommodari. Nam anima leonis est in materia, & non tanquam pars materiæ, ac impossibile est; vt sine illa materia in rerum natura perstet: at anima leonis cùm accidens non sit, non est in materia tãquam in subiecto: ergo alicui definitio conuenit, quod sub re definita minimè continetur. Sed quatuor modis responderi solet. Primùm dicitur, animam leonis non esse in eius materia quasi in subiecto; quia quod est in materia, non est in aliquo. Siquidem materia non est aliquid actû, dicente Aristotele 7. Metaphysicorum text. 8. materiam nec esse *Quid*, nec *Quantum*, nec *Quale*. Secundò respondetur, formam leonis esse in materia leonis tanquam partem; non quidem ipsius materiæ, sed totius leonis. Præterea dicitur à qui-

quibusdam, animam leonis posse esse sine materia leonis, non quatenus anima leonis est, sed quatenus est forma substantialis. Nam ut est forma substantialis, non repugnat ei existere absque materia: alioqui id omni formæ substantiali repugnaret, at non repugnat animali rationali. Nulli igitur formæ substantiali, qualis est, repugnat à materia auulsam permanere. Memini libro superiore cap. 6. exposuisse, quid de toto hoc genere interpretandi definitiones ex non repugnantia, sentiendum sit. Ad alia igitur veniamus. Quartò respondent alij, animam leonis non esse in materia tanquam in subiecto, quia materia non est Aliquid; non quidem ob causam à nobis ex Aristotele traditam in prima solutione, sed quia in definitione *Esse in subiecto*, illud vocatur Aliquid, quod est compositum ex materia & forma. Quo pacto haud dubium est, materiam non esse aliquid. Non placet. Quid ita? Quia actus intelligendi est in substantijs separatis tanquam in subiecto; cum illæ minimè computantur ex materia & forma. Itaque prima & secunda solutio Arist. mentem asseruntur.

Secundò offert se gravius argumentum. Arif. 4. Phys. cap. 3. enumerat octo modos, quibus aliquid est in aliquo; primum tanquam partem in toto, ut brachium in homine: secundum tanquam totum in partibus, ut totum ædificium in fundamento, parietibus, & tecto consistit: tertium quasi genus in specie; ut animal in homine: quartum tanquam speciem in genere, ut homo comprehenditur sub animali: quintum veluti formam in materia, ut albedo in manu, & anima

Esse in subiecto quomodo ab alijs modis essendi separatur.

in corpore; sextum quemadmodum Rex in regno esse dicitur: septimum vt rem in fine, vbi enim est thesaurus tuus, ibi est cor tuum: octauum denique sicut in vase, aut loco, vt homo in domo sua. Cùm igitur octo sint modi Existendi in aliquo, quomodo hac diffinitione distinguitur Esse in subiecto ab ipsis? Respondetur, illa particula, Non tanquam pars, excludi, repudiarique omnes hos modos, scilicet tanquam pars in toto, & vt genus est in specie; quia genus est veluti pars essentiae speciei, & vt species in genere: quoniam species est pars generi subiecta. Denique reiicitur modus, quo totum integrum est in suis partibus. Si enim quod est in subiecto adeò imperfectum est, vt non possit esse pars subiecti: quomodo erit totum respectu subiecti? Illa verò particula; Et impossibile est esse sine eo in quo est, excluditur modus quos Rex est in regno. Nanque potest existere Rex, etsi regno priuetur. Quò fit vt modus etiam, quo aliquid est in loco alienus sit valde, atque diuersus à modo existendi in subiecto. Etenim res quum loco dimouetur, non continuo perit. Tàdem modus quo res in fine esse dicitur, etiam à modo quem nunc persequimur, eadem particula separatur; quippe cum permaneat res, quamuis suo fine frustrètur. Qui enim in inferno sunt optato fine priuantur, & certè existunt quamuis infelicissimè. Cæterum modus quo forma est in materia, non debuit omninò ab hac diffinitione excludi, quia accidens habet se quoque, vt forma, ad subiectum. Reiicitur tamen quantum attinet ad formam substantialem in materia existentem: vt patuit in prioris argumenti solutione.

Tertium argumentum. Res creatæ sunt in Deo, *Res creatæ sunt in Deo.* in ipso enim viuimus, mouemur, & sumus, & non sunt in eo tanquam pars eius, & impossibile est, vt sine eo existant: atqui non sunt in ipso vt in subiecto; alioqui essent accidentia; & in Deo esset accidens: Ergo definitio Esse in subiecto conuenit alijs à re definita. Respondetur (ac meo quidem iudicio facilè) res creatas non posse esse quin Deus efficienter, aut (vt aiunt) effectiue eis tribuat esse; at illud esse conuenit eis sine ipso formaliter, qui habent propriam existentiam substantialem formaliter; & sunt supposita distincta à Deo: quod certè non conuenit accidentibus, nec his quæ sunt in subiecto. Quanquam autem concedant grauiores Theologi, dari quandam naturam creatam, quæ non habet aliam existentiam, præter existentiam Dei: non proinde concedunt talem naturam esse in Deo, vt in subiecto; quia sufficit illam naturam, quoad eius attinet posse formaliter propria existentia subsistere; nisi altioris naturæ existentiam substantialiter participaret.

Quartum argumentum cōtra diuisionem hoc capite explanatam. Non enim pertinere videtur ad aliquod genus diuisionum, ex his quæ lib. 1. cap. 9. enumerauimus. Ad quod enim? Respondetur, non esse vnius generis diuisionem, cum multas diuisiones contineat. Prima. Ens aliud substantia, aliud accidens. Hæc est diuisio per se Analogi in analogata. Secunda. Substantia alia vniuersa, alia particularis. Hæc est per accidens, & subiecti in accidentia, accidit enim substantiæ esse vniuersam: vt expositum est supra. Tertia superiori simillima. Accidens

aliud vniuersum , aliud particulare . Quarta. Vniuersum aliud Categoriz substantiz , aliud Categoriz accidentis. Non autem desunt , qui huiusmodi diuisionem asserant, esse Generis in species, quia vniuersum essentialiter dicitur de vniuerso Categoriz substantiz, & vniuerso Categoriz accidentis . Sed nobis potius videtur. Accidentis in subiecta; sicuti hac , album aliud nix, aliud papyrus. Quinta. Singulare aliud est Categoriz substantiz , aliud Categoriz accidentis . Hæc est Analogi in Analogata , quia in definitione singularis accidentis , quatenus singulare est, ponitur singulare Categoriz substantiz . Ille enim candor dicitur singularis, qui est in substantia singulari . De qua re vide diuum Thom. 1. parte quæst. 29. art. 1. Nec mihi obijcias , illam diuisionem esse accidentis in subiecta; hoc enim non tollit, quin possit esse Analogi in analogata , quemadmodum hæc diuisio , Ridens aliud homo , aliud pratum, est Analogi in analogata , cum sit accidentis in subiecta: risus enim & analogum est , & homini , prateque accidit. Quare quod diximus lib. 1. cap. 9. diuisionem Analogi esse diuisionem. Per se, non ita accipiendum est , quasi arbitremur, omnem diuisionem analogi in analogata esse Per se; sed vt innuamus, dari aliquas diuisiones Per se, quæ non sunt generis in species, aut differentias, vel proprietates; sed analogi in analogata. Quando autem sint Per se, ex legionibus diuisionis Per se cognoscetur.

Sed vt finis huic disputationi imponatur, dubitationem quandam leuiorem expediri oportet. Queritur, ad quam partem propositæ diuisionis referri debeant Differentiæ? Responde-

tur

tur primùm, differentias substantiarum inter substantias vniuersas numerari; sicut & differentię accidentium sub accidentibus vniuersis intelliguntur. Respondetur secundò, sub nulla illarum partium eas contineri. In illa enim diuisione tantùm diuiditur id, quod in recta serie Categoriarum collocatur: totum autem diuisum in membris diuidentibus intelligi debet. Cùm igitur Differentię (vt cap. 10. dicemus) minimè collocentur in recta serie, nequaquam hac diuisione eas comprehendi oportuit.

De prima Regula Antepredicamentali. Cap. 8.

Igitur explosis à Categoriarum ambitu, & Homonymis, & Complexis, & in quatuor capitula relatis omnibus; quę in his ordinibus collocantur, proponit Aristoteles duas regulas, ex quarum vna colligitur id, quod etiam 4. lib. Top. c. 1. habes, quamlibet speciem in ea Categoria reponi, in qua & suum genus: ex altera verò facilè deprehenditur, quàm differant inter se res diuersarum Categoriarum, & quonam pacto res eiusdem Categorię conuenire queant. Prior itaque regula est. Quum aliquid de aliquo dicitur vt de subiecto, quicquid dicitur de prædicato, dicitur etiam de subiecto. Vt animal dicitur de homine tanquam de subiecto, cùm dicatur de eo nomine & ratione secundùm essentiam, sed substantia dicitur de animali: ergo dicetur etiam de homine.

Quæ ex superioribus dubia videri possunt.

NON desunt, qui propositam regulam eo nomine impugnent, quòd Animal dicatur de homine, vt de subiecto; & non quicquid dicitur de animali, possit de homine dici; nam animal est genus, homo nequaquam. Respondetur, regulam esse veram primùm in hoc sensu, Quicquid dicitur de prædicato in recta linea, ac serie Categoriæ, dicitur etiam de subiecto: vt substantia quæ dicitur de animali, tanquàm superius, in recta linea prædicamenti, dicitur etiam de homine. Rursus alia solet afferri non mala interpretatio. Quum aliquid de alio dicitur, vt de subiecto, quicquid dicitur de prædicato secundum essentiam, tamen si non dicatur de eo in recta linea, dicitur etiam de subiecto. Vt Petrus est homo, homo est rationalis, ergo Petrus est rationalis. Hos autem duos sensus potissimum Aristoteles exigit, vt ex his, quæ capite de Substantia scribit, manifestè colligitur. Sed tertiam præterea habet hæc præceptio intelligentiam. Quum aliquid dicitur de quopiam vt de subiecto, quicquid dicitur de prædicato per se & necessariò, quamuis nec in recta linea, nec essentialiter de ipso efferatur, dicitur etiam de subiecto. Occurritur autem nobis, & quidem à doctis & eruditis, quærentibus, satisne hic sensus in Aristotelis Philosophia possit defendi. Nam homo dicitur de Petro vt de subiecto, & certè aliquid apud ipsum dicitur de homine per se & necessariò; quòd non dicitur de Petro. Etenim apud Aristotelem, qui in eo
fuit

fuit errore, ut Mundum ab æterno fuisse existimari, homo necessario existit, Petrus autem non existit necessario; unde non sequitur. Petrus est homo, homo necessario existit, ergo Petrus necessario existit. Quare hic tertius sensus, falsus ab Aristotele iudicari debet. Sed respondetur, ipsum etiam esse verum, quando id quod necessario tribuitur prædicato, potest de eo cum hac nota Omnis efferri. Et quia non potest dici; omnem hominem necessario existere, ideo nihil mirum est, ut necessario existere competat homini apud Arist. & non Petro. Denique posset aliquis arbitrari quantum huic regulæ adhiberi posse intellectum. Quum quidpiam de quopiam dicitur ut de subiecto, quicquid de superiori dicitur accidentario, efferri quoque de subiecto debet. Verum hæc interpretatio non modò falsa est, sed fundamentum etiam est, quo omnes captiones, atque fallaciæ accidentis nituntur. Argumentum igitur in huius disputationis exordio propositum nihil attingit solvere, quia in hanc regulam iuxta quartam expositionem acceptam procedit.

Cæterum quia multis ea placet opinio, quæ *Quarta figura fundamenti* Syllogismorum quartam figuram recipit, & oportet in qualibet figura posse fieri syllogismos in materia tum necessaria, tum etiam contingenti, opere prætium erit, hanc regulam, quæ illius figuræ basis est, ac firmamentum, sic adornare, ut ex ea firmissima argumenta sumantur in quavis materia. Igitur quoties unum ens altero, ut de subiecto, prædicatur, quicquid in universam prædicato dicitur, dicetur etiam de subiecto; ut Petrus est homo, omnis homo sedet, ergo Petrus sedet. Nec vero nos ij sumus, quorum

ita cæcutiat animus, vt dicamus, quartum hunc intellectum ad Arist. institutum pertinere : sed illud modò asserimus, si ita regula proposita exponatur, quæ ea nitentur ratiocinationes non modò bonas, ac tolerabiles, sed optimas etiam quoad formam esse iudicandas; nec posse vnquam in simili collocatione dari antecedens verum, & consequens falsum.

Iam autem arbitrabitur quispiam, hunc canonem posse impugnari altero argumento. Arist. cap. de Qualitate in hoc libro concedit, Scientiam esse quid relatum, & negat Grammaticam, aut aliam quamuis peculiarem scientiam esse ex genere relatorum : ergo etiam aliquod prædicatum dicatur de aliquo vt de subiecto, non est necesse, vt quicquid dicitur de prædicato, dicatur etiam de subiecto. Respondetur ipsummet Arist. sub finem prædicti capitis soluere hoc argumentum. Etenim concedit etiam, Grammaticam, vt scientia est, dicere relationem. Sed alio præterea modo, quem in Cardinali Caietano eodem loco cernere licet, poteris nodum hunc soluere.

De altera regula Antepredicamentali . Cap. 9.

Posterior autem præceptio hæc est. Diuersorum generum, & non subalternatim positorum, diuersæ sunt speciei, differentiæ, at subalternatim positorum nihil prohibet esse eandem. Ad eam verò intelligendam, tria sunt obseruanda. Vnum, illa genera appellari subalternatim posita, quæ ita se habent, vt vnum sub altero contineatur, vel vtraq; sub tertio genere. Exempla prioris modi, Animal, & Corpus viuens; posterioris, animal & lapis. Contra autem

tem illa dicuntur, nec non subalternatim posita, quorum vnum minime sub reliquo ponitur, nec ambo sub vno tertio; vt animal color. Alterum præterea obseruatione dignum accipito: differentias esse duplices, quasdam accidentarias, de quibus nunc curandum non est, quasdam autem essentialès: rursusque essentialium alias esse constituentes genus, alias diuidentes illud vt corporeum, animatum & sentiens constituent animal; rationale verò & irrationale diuidunt ipsum. Tertium est, illas differentias, quæ essentialiter sunt diuersæ, vt rationale & irrationale, appellari hoc loco Specie diuersas.

Sed iam ad instituta pergamus. Sit prima assertio in explicationem regulæ. Genera non subalternatim posita diuersas habent differentias constituentes, pariter ac diuidentes. Quod certè in animali & colore perspicuum est. Secunda assertio. Quum duo genera ita subalternatim ponuntur, vt vnum sub altero contineatur, differentiæ constituentes superius, constituunt etiam inferius; & diuidentes inferius, superius quoque diuidunt. Sume in exemplum Animal & Viuens. Omnes differentiæ quæ constituunt Viuens, constituunt Animal, quanquam eius essentiam minimè compleant; ac diuidentes Animal, diuidunt quodammodo Viuens. Corpus enim viuens, aliud est rationale, aliud irrationale, aliud sensus expers. Tertia assertio. Quum duo genera ita solùm subalterna esse dicuntur, vt ambo sub tertio genere contineantur: differentiæ diuidentes vtriusque diuersæ sunt; vt liquet: cōstituentes verò parim eodē, partim diuersæ erunt; vt in animali & planta

vide,

*Caietani
sententia.*

videlicet. Differentia enim, quæ essentiam animalis complet, vt sensibile, non conuenit plantæ; attamen differentiæ superiores, quæ ad animalis constitutionem exiguntur, quamuis non sufficiant, vt corporeum & viuens etiam in plantam cadunt. Quare egregie (vt eum decebat) docuit Arist. 1. Poste. cap. 11. prædicamenta esse impermissa. Oportet enim ea quæ ad diuersas pertinent Categorias essentialibus differentiis inter se discrepare. Nemo tamen hinc colligat, fieri non posse, vt vna res ad diuersas Categorias pertineat, si diuersis rationibus consideretur. Nam Arist. 3. Physic. cap. 3. docet, eundem motum ad Categoriam Actionis & Passionis esse referendum: Sed de his suum cuique iudicium esto; nos enim cum non ex professo hanc quæstionem tractemus, nil certò defluire de actione & passione volumus.

*Magistri
Soto opinio.*

Vsq̃ue in hunc locum sequuti sumus Thomæ à Vio Caietani sententiam. Sed nobilis profectò auctor Dominicus Soto longè aliter sentit circa definitionem generum subalternatorum. Equidem apud ipsum ea tantum genera subalternatim ponuntur, quorum vnum sub altero continetur: illa verò non subalternatim posita, iudicari oportet, quorum vnum sub altero minimè contipetur. Nec quicquam ad hanc regulam pertinere censent, vtrum sub alio genere continentur, necne. Quò fit, vt (ipso auctore) animal & lapis genera sint haud subalternatim posita. Quare si Dominico Soto fides est habenda, omnia genera subalternatim posita, habent easdem differentias constituentes & diuidentes. Easdem (inquam) iuxta sensum iam expositum in secunda assertione. Omnia verò genera non subalter-

ternatim posita, habent differentias diuidentes & constituētes sibi adæquatas omninò diuersas; tametsi constituentes inadæquatas possint interdū habere easdem, si illa genera ad eandem pertineant Categoriā. Est autem (vt summarim dicam) differentia Adæquata, ea quæ rei essentiam complet, vt sensus compos animalis; Inadæquata verò, quæ licet ad rei essentiam desideretur, non tamen vicissim cum re, cuius est differentia, com meat; vt corporeum cum animali. Ex his autem clarissimorum Patrum opinionibus neutrum existimo repudiandam, sed utranque posse facillimo negotio, literæ Aristotelis accommodari. Quamquam Dominici interpretatio certior videtur, si ad Perionij translationem confugiamus; sin autem res ipsa per se expeditur, Caietani sententia magnum ingenij acumen ostendit; præsertim si eius Commentaria attentissimè considerentur. Itaque de rebus ipsis eruditus lector pro suo arbitrio iudicabit; ego enim cū nihil absurdi ex alterutra parte oriri videam, nihil impedio.

Impugnatur ex dictis nonnulla.

QVod dictum est, genera non subalternatim posita habere diuersas differentias constituentes, ita refellitur. Substantia & Quantitas sunt genera non subalternatim posita, & non habent diuersas differentias constituentes; cū genera suprema non constituentur differentijs, sed modis internis, vt patet ex Metaphysica; ergo regula omninò euertitur. Sed communis responsio est, genera suprema propriè non habere differentias constituentes;

entes ; nihilominus modos internos esse differentias;saltem impropriè.Ita soluitur à ple-
risque argumentum:nam quid nos sentiamus de
his Modis internis, dabitur forsan commodior
explicandi locus.Interim relege quæ li.i. ca. 7.
diximus,& vt ere ea solutione, quam statim ad
tertiam impugnationem scribemus.

Deinceps impugnatur id quod dictum est,
genera non subalternatim posita habere diuer-
sas differentias diuidentes. Animal & Scientia
sunt genera non subalternatim posita, sed rati-
onale est differentia animalis, & dantur etiam
quædam scientiæ, quæ appellantur Rationales;
ergo diuersa penitus genera,nec vlllo modo sub-
alternatim posita eisdem differentiis diuidi pos-
sunt.Respondetur, genera non subalternatim
posita interdum habere differentiam eandem
diuidentem, sed nomine,non significatione.Et
ita in animali & scientia vsu venit.Nam ratio-
nale, yt est differentia animalis,significat natu-
ram,quæ eo lumine prædita est; vt ratiocinari,
antecedentibus consequentianectere, causaf-
que rerum videre possit:vt verò dicitur de sciē-
tia, significat habitum, cuius obiectum est se-
cunda notio,aut intentio.

Postremò illud refelli potest, quod scripsi-
mus,ea genera quibus aliud superius genus im-
minet,conuenire inter se aliqua differentia cō-
stituente;communi tamen.Certè corporea sub-
stantia, & ea quæ, quia corporis expers est,
Spiritus dicitur,sub genere substantiæ conti-
nentur; & proculdubio in nulla differentia
constituente conueniunt. Non enim conue-
niunt differentiis adæquatis constituentibus,
nec porrò aliqua differentia communi; quoni-

2^a in solùm conueniunt in genere substantiæ. Substantia verò, cùm supremum sit genus, non habet aliquam differentiam constituentem : ergo falsa videntur quæ scripsimus. Respondetur, habere nihilominus substantiam modum quendam internum, qui improprie Differentia appellatur. Caietani autem solutio alia est. Ait enim, Aristotelem non dicere, genera non subalternatim posita habere semper eandem differentias; sed nihil impedire, quominus eisdem possit constare differentiis. Sicut nihil prohibet, hominem esse Regem, non tamen omnis homo est Rex. Quare etiam obiectioni primæ poterit responderi: quum Aristoteles ait, genera diuersa non subalternatim posita constare differentiis specie, id est, essentia diuersis; id sub Hypothesi accipiendum esse, si differentiis cōstent. Quid? Quod satis probabiliter à quibusdam dicitur, etiam genera suprema proprijs differentiis à seiphs separari. Nam diuus Thomas 3^o Metaph. lect. 12. non obcurè docet, non modò ea inter se proprie differre, quæ genere conueniunt, sed ea etiam quæ Analogia, seu proportionem, vt Substantia & Quantitas. Licet ibi dicat, propriissimè ea solum differre, quæ genere conueniunt. Quò fit, vt quum Porphyrius ait, differentiam esse qua species superat genus, aut quæ diuidit ea, quæ sub eodem genere continentur; non de quauis differentia etiam essentiali id accipi debeat, sed de perfectissimo differentiarum genere, quod ad solas species aut infimas, aut inieriectas pertinet: vel certè quum Genus nominat, non proprie ipsum intelligit, sed quoduis superius eo nomine cōprehēdit. Itaq; in differentiis essentialibus si quæ dixi-

*Modus In-
ternus
proprie
dicitur
Differen-
tia.*

diximus vera sunt, multi, ijque admoudm varij gradus inueniuntur. Sed longiores hoc loco fuimus, quam institueramus: Igitur de Antepredicamentis hæc dicta sint.

SECUNDA PARS LIBRI.

Quæ sint ea quæ in Categoriis ponuntur, & quot modis id accadat, de numeroquæ ipsarum Categoriarum. Cap. 10.

ANtequam ad singulas Categorias veniamus, inuestigandum est, quot sint Categoriæ: si primum explicauerimus, quæ excludantur, & quæ ponantur in Categoriis. Principiò statuendum est, à Categorijs excludi omnia Homonyma, etiam illa quæ appellantur Analogæ; vt Ens. Neq; verò omnia Synonyma in ipsis ponuntur; nam Ens duplex est, aliud rei vt homo; aliud rationis, vt notio speciei. Et quidem à Categoriis excluduntur omnia entia rationis, vt colligunt Metaphysici ex Aristotele lib. 5. Metaphy. tex. 14. Præterea ens rei, aliud per se, vt homo; aliud per accidens, quod componitur ex substantia & accidente, vt homo albus: vel ex duobus accidentibus, vt musicus albus. Sed ex his entia per accidens omnino à Categoriis exulant. Quin nec entia per se, quauis ratione sumpta, in recta serie Categoriæ ponuntur: nam ens per se potest intelligi & conceptu simplici, vt homo sub conceptu hominis; aut conceptu composito, vt ipsemet homo sub conceptu animalis rationalis. Et quidem hoc secundo modo non ponitur in Categoria, nisi fortè, vt expositum est supra in prima diuisione Antepredicamentorum. Colligimus ergo, in Categoria

ria solùm ponentia rei, Synonyma, & quidem per se, ac simplici conceptui subordinata. Nec tamen ista sufficiunt, sed oportet insuper, vt naturam finitam habeant. Quare Deus Categori-
am minimè ingreditur, quia angusta est domus, quæ tantum hospitem capiat. Habet enim infinitam naturam, quæ cùm rerum omnium perfectiones complectatur, non potest genere, aut differentia circumscribi. At verò Christus dominus in Categoria ponitur, quia quatenus homo naturam habet finitam & limitatam; estque vnivocè nobiscum homo.

Cæterùm non vna ratione ponuntur omnia in Categorijs, alia enim directè, alia indirectè, seu reductiue collocantur. Directè, ac per se ponuntur omnia & genera, & species, quæ dicuntur naturam completam, vt homo & animal; insuper indiuidua quæ sub his generibus & speciebus continentur, vt hic homo. Dixi, species quæ dicuntur naturam completam, id est, quæ non sunt patres Physicæ, alicuius naturæ; quoniam Anima etiam si sit species, vel genus ad hanc & illam animam, quia tamen dicit naturam incompletam, & partem alicuius naturæ, nempe viuentis, non ponitur in recta linea. Illa præterea quæ ponuntur reductiue, aut per aliud, multa sunt. Nam differentia essentialis ponitur illius Categoriæ, in qua ponitur sua species; vt rationale in Categoria hominis. Proximè, & secundum hanc ponuntur reductiue partes in Categoria sui totius; vt anima & corpus in Categoria, in qua & animal: & semicirculus in Categoria circuli. Tertiò, principia peculiaria cuiuslibet rei ponuntur in categoria illius, vt punctus in categoria lineæ, & vnitas in categoria

ria numeri, & instans in categoria temporis. Nec immeritò dixi peculiaria, quoniam principium vniuersale omnium rerum, nempe Deus, non ponitur in vlla Categoria etiam reductiue, vt notat diuus Thomas 1. parte quæst. 3. art. 5. Deinceps etiam reductiue ponuntur in categoria motus, ad res, vel à rebus illius Categorie, vt Ortus & Interitus hominis reducuntur ad ipsius spæciem; Augmentum ad genus Quantitatis: sicut loci mutatio ad Categoriā Vbi. Quintò, priuationes & negationes reducuntur ad categoriam sui habitus, vt cœcitas ad Categoriā visus. Denique omne ens in potentia refertur ad categoriam suimet actu existentis, vt lapis in potentia ad categoriam lapidis. Atque hac præsertim ratione intelligitur Arist. 9. Metaph. text. 13. & lib. 12. tex. 26. quum ait, actum & potentiam ad eandem pertinere categoriam. Loquitur enim de potentia, quam nonnulli vocant Obiectiua: quicquid alij sentiant. Diciturque potentia Obiectiua, quia licet non sit potentia efficiendi actum, habet tamen actum vt obiectum suum. Quemadmodum lapis in potentia non efficit lapidem actu, sed obiectum quod respicit tanquam perfectionem suam lapis in potentia sumptus, est lapis actu. Hæc scio non placere omnibus, sed ita vsus habet, vt nos aliena reprobemus, alijs displiceant nostra.

Decem autem esse Categorias docet Aristoteles hoc loco, & 1. Topic. cap 7. & diuus Augustinus lib. 5. de Trinit. cap. 7. scilicet, Substantiam, Quantitatem, Qualitatem, Relationem, Actionem, Passionem, Vbi, Quando, Situm esse, & Habere. De quibus Ens dicitur non quidem vt
genus

genus, sed vt Analogum: docente id Arist. 5. Metaph. text. 14. ac diuo Thoma vbique consentiente. Igitur de his Categorijs disputandum est modò.

Quaestio.

Sed cum in initio capitis dictum sit, entia rationis à Categorijs excludi, quomodo in progressu conceditur, Priuationes, ac negationes in illis poni? Nam diuus Thomas, quem nostra schola tanquam Principem sequitur, apertissime docet quæst. 21. de Verit. ar. 1. & lib. 4. Metaph. lect. 1. negationes ac priuationes esse entia rationis. Huius quæstionis hæc mihi se offert solutio: Fateor quidem, ens rationis comprehendere suo ambitu negationes & priuationes. Scio enim illud diuidi in Relationes, vt sunt genus & species, subiectum & prædicatum, maior & minor extremitas; in Priuationes, vt cæcitas, atque surditas; & in Negationes, vt non homo, non lapis, non album. Verùm in hac entium Rationis vastitate alia sunt, quæ in sua ratione ac definitione non includunt entia Rei; vt notio generis per notionem speciei definitur, non per hominem, non per leonem, aut aliud ens rei: alia quæ includunt entia rei necessariò. In diffinitione enim cæcitas necessariò ponitur visus, & in definitione non hominis homo; & non albi, album ipsum. Igitur illius generis entia rationis non reducuntur ad Categorias entium rei; huius autem posterioris omnino reducuntur ad eas Categorias, ad quas illa entia rei pertinent. Hinc igitur primum constat, priuationes poni in Categoria formæ,

M 2

quam

quam tollunt, vt tenebras in Categoria lucis, id est, qualitatis; cæcitatem in Categoria visus, &c. Præterea illud etiam sequitur, negationes entium rei in eorundem entium prædicamento poni. Possem huius veritatis plures testes proferre, sed vnus nobis sufficiet beatus Pater, ac Doctor Aurelius Augustinus; ipse enim cum sit vnus, instar Regis Dauid, pro decem millibus computatur. Hic igitur lib. 5. de Trinitate cap. 7. docet, negationes ad eandem Categoriam esse referendas, ad quam pertinet illa quæ negant: vt non sedentem, ad Categoriam situs; non filium, ad prædicamentum relationis. Sic persequitur singula. At consultò dixi, negationes entium rei, quoniam negationes entium rationis, vt non genus, non species, &c. ad nullam pertinent Categoriam; sicut neque illa quæ negant. Denique ex superioribus colligi posse videtur, quasdam relationes rationis pertinere ad Categoriam entium rei. Quas tandem? Relationem scibilis ad scientiam, & alias quæ sunt extrema relationum Realium (sic enim à Doctoribus appellatur) tertii ordinis, de quibus agitur li. 5. Metap. c. de Ad aliquid. Sed hoc vltimum consecrarium non est ita receptum vt duo superiora, non tamen omnino est improbabile, quia etiam tales relationes rationis includunt quædam entia rei in sua definitione illa; scilicet entia, quæ ad eas referuntur. Perspicuum igitur est, nihil in superiori capite repugnans contineri.

Hæc videntur facillima, sed quid si facile etiam impugnentur? Ecce argumentum. Analogia ita se habent, vt posteriora ad priora necessarîo ordinem dicant, ac illa in sua definitione inclu-

includant; sed ens quod suo ambitu ens rei & rationis continet, est analogum, cuius præcipua pars est ens rei: ergo ens rationis necessario dicit ordinem ad ens rei. Maior quidem est diui Thomæ 1. parte quæst. 13. ar. 6. & exemplo declaratur in sano, quod cum respectu animalis, vrinæ, ac medicinæ analogicè dicatur, necesse est animal poni in aliorum diffinitione, quatenus sana sunt. At de minore est controuersia; nam Chrysostomus Iauellus libro 1. Metaph. quæstio. prima, defendit, Ens vt dicitur de substantia & accidente, esse analogum: sed vt dicitur de ente rei & rationis; esse æquiuocum. Sed meo iudicio quum hæc asserit, non modò eum Arist. ac diuo Thoma, verùm & secum ipse pugnat. Etenim Arist. 4. Metaph. tex. 2. tradit, ens analogum esse ad substantiam, & accidens, priuationes & negationes: quod etiam diuus Thomas eodem lib. lec. 1. confirmat. Hos mitto, ad ipsummet Chrysostomum venio. Tertio lib. de Animo tractat. 2. cap. 2. apertissimè docet, obiectum adæquatum intellectus esse ens, vt suo ambitu entia rei, rationisque comprehendit. Quo semel constituto, nullus est negotij, eius opinionem euertere. Equidem obiectum adæquatum alicuius potentie, aut facultatis debet habere vnā rationem aut vniuocam, seu Synonymam, aut certè Analogicam: alioqui vna facultas nō esset vnius obiecti, sed vnius nominis; quia æquiuoca solum nomen habet nomē habēt cōmune; Ergo ens illud de quo disputamus, nō est Aequiuocum: vt existimauit Iauellus. Quā dō præclariùs Cuietanus sensit, qui opusculo de Nominū analogia cap. 8. docuit, tale ens analogum esse non quidē proportionali-

tatis, sed attributionis. Quomodo autem entia rei in cuiusque entis rationis definitione claudantur, altioris est profectò negotij, sed nouis Dialecticis eadem ratione poterit explicari, quæ nos in sequenti cap. exponemus, substantiam in cuiusque accidentis definitione claudi. Cum igitur propositio & assumptio veræ sint, quid de conclusione sentiemus? Respondendum est certe, vt aliquod ens rationis reducatur ad Categoriam, non satis esse, si quauis ratione ordinem habeat ad entia rei. Etenim si nihil præterea desideretur, etiam negationes accidentium ad Categoriā substantiæ reducendæ essent, cum saltem remotè, aut potius remotissimè ad substantiam omnia entia rei & rationis ordinem habeant: & tamen diuus Augustinus loco paulò ante citato, negationes accidentium non ad aliam Categoriā vult referri, quàm ad eam, in qua ea accidentia collocantur. Quare vt aliquod ens rationis ad Categoriā referatur, oportet vt propriè & immediatè ad aliquod certum genus entis pertineat; ac illud in sua diffinitione claudat: vt non homo, hominem; non album, albedinem; non filius, filium. Cumque dentur multa entia rationis, quæ non immediate, ac propriè certam aliquam Categoriā respiciunt, ad nullam erunt reducenda. Exempli gratia, notio generis & speciei, notio subiecti & prædicati: nam & substantiæ genera sunt: & accidentia: immò & ipsa entia rationis, respectu aliorum entium, nonnunquam sunt genera. Porro ita sunt subiecta & attributa enūtiationum substantiæ, vt accidentia; & vt ipsam eē entia rationis: nam hæc Oratio, Chimæra est chimæra, enūtiatio est. Quamobrem his prætermis-

missis, ad singulas veniamus Categorías, in quibus omnia quæ directè ponuntur, entia rei sunt; itemque ea quæ primo, secundo, tertio, aut quarto modo indirectè ponuntur; non quæ quinto, & sexto.

De Substantia. Cap. II.

Substantia, ut docet Aristoteles 7. Metaphy. text. 4. est prior accidente definitione, cognitione, natura, & tempore. Itaque prius de ipsa disputandum est. Sed Substantiæ nomen varias habet significantias: accipitur, enim primò pro essentia. Qua ratione dici solet, etiam accidentia habere substantiam; id est, essentiam. Atque ita sumitur Substantiæ nomen in definitione Homonymorum & Synonymorum; non tamen accipitur ita quum dicimus, Substantiam esse primam Categoriam. Rursus significat ens per se existens; id est, non in alio tâquam in subiecto. Qua significatione partes quoque substantiæ sunt substantiæ: ut digitus est substantia. Sed neque ita sumitur hoc loco. Tertiò accipitur, ut significat ens per se subsistens; positum in recta linea huius Categoriarum; & ita nec partes Physicæ, nec differentiæ appellantur Substantiæ. Sed neque illud prætereundum est, Substantiam etiam in hac tertia significatione posse accipi aut pro genere supremo huius Categoriarum, & ita diuiditur in substantiam corpoream, & spirituales, aut pro tota coordinatione omnium quæ in recta serie huius Categoriarum ponuntur. Tumque diuiditur in hunc modum. Substantia alia Prima, ut Petrus; alia Secunda; ut homo: Secundarum, alia species; ut homo; alia genus, ut animal: denique Generum aliud supremum,

M 4 ut sub-

vt substantia in communi; aliud interiectum vt animal.

Prima Substantia sic ab Aristotele definitur. Prima Substantia est, quæ nec subiecto inest, nec dicitur de subiecto, vt Petrus qui quoniam substantia est, non est in subiecto; quoniam singularis est, non dicitur de subiecto. In qua definitione, ne quadret in partes substantiæ; vt hanc manum, hoc caput; vel in differentias singulares, vt hoc rationale; subintelligendum est genus hoc modo: Prima substantia est substantia posita in recta linea, quæ nec dicitur de subiecto, nec est in subiecto. At nemini mirum videatur, hanc definitionem per negationes tradi, quoniam est descriptio: Aristoteles verò priusquam Primæ substantiæ definitionem tradat, hac periphrasi utitur. Ait enim, Primam Substantiam eam esse, quæ propriè, præcipuè & maximè Substantia dicitur. Ait propriè, vt ostendat, Primam Substantiam nõ appellari Substantiam ea solùm causa, quia habet essentiam; hoc enim pacto etiam accidentia possunt nuncupari Substantiæ; sed quia subsistat accidentibus. Vt Petrus est subiectum albedinis. Ait præcipuè, quia licet Secundæ Substantiæ accidentibus subsistent, id tamè habent ratione Primarum. Siquidem homo albus est, quia Petrus, vel Paulus est albus. Ad extremum ait, maximè, quia Primæ Substantiæ nõ modò accidentibus subsistuntur, sed etiam Secundis Substantijs, vt Petrus sub nomine collocatur. Secundæ verò Substantiæ sunt species, in quibus Primæ continentur; & hæc quidem, & harum specierum, vel formarum genera. Verbi gratia. Homo, & leo sunt Secundæ Substantiæ, quia in ipsa continen-

tur

*Prima
substantia
epitheta.*

tur Petrus & hic leo; Animal quoque est Secunda Substantia, quoniam est genus ad hominem.

Vt autem facile possit Substantiarum ordo, & *Substantiarum comparationes* dignitas, ac inter eas habitudo percipi, adducit Aristoteles quatuor egregias ipsarum comparationes. Docet enim principio, ex Substantijs Primam esse magis substantiam, quam Secundam: namque prima substantia substat immediatè accidentibus; secunda verò ratione primæ. Rursus prima substantia secundis subiicitur, secundæ verò nequaquam primis. Altera collatio. Inter secundas substantias magis substantiæ sunt species, quam genera: nam species substanti generibus, non contra. Tertia comparatio. Omnibus primis substantijs ex æquo nomen Substantiæ tribuitur. Quemadmodum enim Plato substat immediatè suis accidentibus, ita Socrates suis. Ultima collatio. Inter species infimas vna non est magis substantia, quam alia. Nam sicut homo se habet ad sua individua, & ad suum genus, ita quoque Leo se habet ad sua individua, & ita substat suo generi; nempe animali. Quibus autem proprietatibus substantiæ sint affectæ, dicemus, neque ita multò post; sed obiectionibus quæ in ea, quæ diximus, adduci possent, antea est occurrendum. Quatuor enim priora genera, quò distinctiora appareant, ita libuit pertractare, vt cuilibet duo respondeant capita: quorum prius definitionem, & diuisionem eius contineat, posterius affectiones.

In superiora obiectiones.

*Quomodo
accidens
per substantiam
definitur.*

DIxit Arist. Substantiam esse priorem accidente definitione, quia accidens definitur per substantiam. Aut ergo loquitur Arist. de definitione essentiali accidentis, aut de descriptiua. Si de descriptione, certè sicut accidens per substantiam describitur, ita etiam substantia per accidens: sin autem de definitione essentiali accidentis agat, omninò fallitur. Accidens namque, ut color, aut iustitia, habet suum genus & suam differentiam, per quæ potest absque substantia, essentiali definitione explicari. Inde autem obscurior, ac difficilior obiectio redditur, quòd Mathematicus definiat triangulum absque substantia. Dicit enim, triangulum esse figuram planam, tribus lineis contentam. Respondetur, substantiam esse priorem accidente, etiam definitione essentiali. Nam quamuis triangulus definiatur per figuram, necessariò in ipsa figura debet intelligi substantia; quoniam figura essentialiter est qualitas, qualitas verò essentialiter est accidens, accidentis autem esse essentialis, est saltem aptitudine, inesse substantiæ. Vnde quemadmodum in definitione hominis necessariò subintelligitur corpus animatum, quod in animali includitur; sic in definitione figuræ necessariò clauditur substantia; saltem ut additum, quia in definitione figuræ ponitur qualitas. Sed duo sunt genera accidentium, aliud commune & aduentitium, ut candor & atrox, respectu hominis; aliud proprium, ut facultas ridendi, respectu eiusdem. Itaque in definitione accidentium communium poni debet implicitè, vel explicitè

plicitè substantia in communi: at in diffinitione accidentis proprii, necessum est poni substantiam in particulari; eam nempe quæ est eius subiectum. Id ita probatur. Nam ex Arist. 1. Poster. cap. 4. hæc enuntiatio. Homo est risibilis, & omnes aliæ, in quibus proprietas de subiecto dicitur, sunt attributiones secundi modi Dicendi per se; sed enuntiationes illius modi ita se habent, vt subiectum ponatur in definitione prædicati; teste ibidem Aristotele: Ergo homo ponitur in definitione risibilis. Ponitur, inquam, tam si definiatur in concreto, quàm si in abstracto, Risibile enim est homo potens ridere; Risibilitas verò est potentia hominis ad ridendum. Reuoca obsecro in mentem quæ libro 1. capite 8. habes.

Secunda obiectio. Ait Arist. substantiam esse *Quid pri-*
 priorem Cognitione accidente. Sic obijcio. *us cog-*
 Omnis nostra cognitio, ortum habet à sensu, *noscatu-*
 sed sensus habet tanquam obiecta accidentia, vt *accidens,*
 visus colorem, seu lucem; auditus sonum, ergo *an Sub-*
 accidens prius est substantia cognitione. Rur- *stantia.*
 sus ex Arist. 1. de Animo cap. 1. Accidentia ad
 intelligendum rei naturam maximum affe-
 runt adiumentum, ergo prius est cognoscere ac-
 cidentia hominis, quàm substantiam hominis.
 Respondetur, Arist. 7. Metaph. loqui de priori-
 tate cognitionis quoad perfectionem, non quo-
 ad temporis antiquitatem. Id est, cognitio acci-
 dentis potest equidem esse prior tempore
 cognitione substantiæ; at perfectiùs leonem co-
 gnoscimus, quum eum secundum substan-
 tiam & naturam intelligimus, quàm si so-
 lum ratione accidentium cognoscamus. Nec

nostrum est hoc scholium, quin potius ipsiusmet Aristotelis eodem loco . De quo lege diuum Thomam ibidem. Respondetur secundò, cognitionem nostram esse duplicem, vnam sensus, alteram intellectus. Cognitione sensus prius cognoscimus accidentia, quam substantias; sed contrarius est ordo intellectus. Quod vt planius fiat, sciendum est, cognitionem aliam esse confusam, aliam verò distinctam: quarum prior est imperfecta, posterior autem perfectior: prior obscura, ac tenebrosa est; posterior perspicua, lucisque plena. Intellectus igitur noster prius cognoscit substantiam cognitione confusa, deinde accidens cognitione confusa; tum substantiam cognitione distincta, postremò accidens cognitione distincta. Quod exemplo & ratione ostenditur. Quamprimum à longe aliquid vides, statim intellectu cognoscis, substantiam esse, aut corpus: deinde eam moueri, aut quiescere; tertio, iam perspicue esse animal; & denique esse atram, aut candidam, magnam, aut parvam. Ratio autem est huiusmodi. Apud omnes Interpretes Arist. 1. Poster. cap. 1. prius cognoscitur diffinitio essentialis subiecti, quàm diffinitio essentialis proprietatis; ergo clara cognitio accidentium sequitur substantiæ perspicuam cognitionem. Sed commodior hæc tractandi locus est in libris Posterioris Analysis.

Tertia obiectio. Cùm ab Aristotele sæpè disputatum sit (malè, inaniterque profectò, sed vt ipse putabat benè) Mundum perpetuò fuisse; quomodo ab eo potest defendi accidens, Tempore posterius esse Substantia? Si enim semper fuit cælum, perpetuò fuit & motus & lux. Respon-

pondetur, Christianos facillimo negotio expedire se ab hoc dubio. Etenim nos qui nullis nostris meritis, sed Dei beneficio, Fidei Catholicæ lumen accipimus, dicimus, ante mundi constitutionem fuisse Dei substantiam, cum alioquin nullum esset accidens. Et licet, tunc nullum re vera esset tempus; erat tamen æternitas, quæ cum sit diuturnitas quædam, solet nonnunquam dici tempus: quamvis improprie. Cæterum Aristoteles, qui posuit Mundum ab æterno, difficile emerget. Quare sunt tres modi respondendi pro Aristotele, quibus liberetur, non quidem ab errore, sed à manifesta contradictione & inconstantia. Primus est Commentatoris 7. *Metaphy. text. 4.* Censet autem Aristotelem tantum loqui de accidentibus, quæ conveniunt substantijs constitutis. Nam accidentia quæ in rebus inveniuntur duplicia sunt, alia quæ aduenerunt eis iam existentibus, ut deambulatio; & his certum est, priorem esse substantiam cui accidunt: alia quæ aduenerunt in ipso momento constitutionis rerum, ut color. Et his accidentibus prior est substantia, non secundum se totam, sed ratione materiæ primæ, quam Arist. finxit æternam. Verum eximit ab hac regula Commentator alio in loco quantitatem; quia in eo fuit errore, ut quantitatem ipsi materiæ coæternam esse putaret. Secundus modus respondendi est diui Thomæ eodem in loco. Dicit enim, substantiam esse priorem tempore accidente, quia datur quædam substantia, nempe Deus, quæ est in æternitate, in qua proprie nullum accidens inuenitur; quoniam in Deo etiam (secundum Philosophum naturalem) nullum est accidens. Quò si dicas, iuxta hunc modum

dum respondendi non ostendi substantiam prædicamentalem, esse priorem tempore accidente, cum Deus non ponatur in prædicamento: Respondetur ex Ferrariensi Theologo magno & copioso. 2. contra Gent. cap. 91. exemplo diui Thomæ probari etiam, substantiam prædicamentalem; quatenus substantia est, esse priorem tempore accidente. Iam nec illud ab eruditis ignorari potest. Deum non pertinere ad Categoriā Substantiæ, vt in ea contentum; sed vt eius peculiare continens. Non quodq̃ aliarum Categoriarum res minimè complectatur, sed quia substantiam priuata quadam ratione continet. Denique etsi Deus non pertineat ad Categoriā Substantiæ, quia tamen substantia prædicamentalis propiùs accedit ad Deum, quàm accidens, meritò ex perfectionibus Dei etiam substantia, quæ in prædicamentis ponitur, in eminentiorem gradum extolli videtur. De his lege Chrysostomum Iauel. 7. Metaphys. quæst. 3. Extant enim iam omnia eius opera beatissimo Pontifici Pio quinto dicata. Ac duobus his scholijs tertium addi potest; nec alienum quidem ab Aris. mente. Substantia est prior tempore accidente, quia nullum datur accidens, quod eam substantiam, in qua est, antecedit; cum tamen vix possit dari substantia, quæ non sit antiquior multis accidentibus, ipsi inhærentibus. Vt Socrates prior est suæ deambulatione, & Angelus etiam, plerosque suæ voluntatis actus præcedit.

*Substantia
quare di-
catur prior
natura
accidente.*

Quarta obiectio. Cur obsecro addidit Aristoteles, substantiam esse priorem natura accidente? Nam si est prior definitione essentiali & cognitione, certè est prior natura. Vanè igitur addi-

additur illa particula . Respondetur primò, Aristotelem nunquam eam posuisse , vt diuus Thomas eodem loco testis est locupletissimus, sed iuniores eam addidisse . Quod ex eo etiam probatur, quia apud translationem ipsorum iuniorum Aristoteles exponit tres priores particulas; hanc verò sine explicatione relinquit: expositurus certè , si eam ipse in textu posuisset. Respondetur secundò, illam additam esse maioris explicationis gratia.

Quinta obiectio. Docet Aristoteles, Indiu- *An gene-*
dua esse Primas substantias . Qua in re nec sibi *ra, & spe-*
quidem satis constare videtur. Nam ipsemet *cies sint;*
in Postprædicamentis ea tradit esse priora , à *potius vo-*
quibus hand recipiatur existendi consecutio; *cãde Pri-*
sed ab homine ad Petrum non conuertitur exi- *ma sub-*
stendi consecutio : ergo homo debet vocari *stantia.*
Prima substantia, & non Petrus . Probatur Mi-
nor . Nam licet bene argumentemur , Petrus
est, ergo homo est; non tamen sequitur , homo
est, ergo Petrus est. Petrum, hominemque in
exemplum sumpsi, cùm idem de quauis alia pri-
ma & secunda substantia facere potuissem. Res-
pondetur , Secundam substantiam esse; quidem
priorem indiuiduis consecutione , non tamen
efficientia; & (vt ita dixerim) causalitate,
quoad existentiam , & receptionem accidenti-
um. Causa enim ob quam homo existit, est, quia
Petrus, vel Paulus existit : & causa quare homo
est albus, est, quia Petrus , vel Paulus est al-
bus. Nunc autem prioritatem causalitatis con-
siderat Aristoteles . Respondetur secun-
dò . Licet à secunda substantia ad indiu-
dua sumpta determinatè non vicissim com-
meet

meat existendi consecutio; tamen ad indiuidua sumpta in communi haud dubiè licet reciprocè argumentari. Nam vt sequitur, indiuiduum hominis est, ergo homo est: ita quoque sequitur, homo existit, ergo aliquod indiuiduum hominis existit. Nunc autem Aristoteles non agit de prima substantia determinatè, id est, solùm pro Socrate, aut Platone, sed indeterminatè & communiter pro quauis prima substantia.

*An species
& genera
sint magis
substantia
quàm in-
diuidua.*

Sexta obiectio in illud, quod asserit Aristoteles, indiuidua esse magis substantias, quàm genera, vel species. Nec vana est obiectio; tum quia in sequenti capite eius doctrinam sequentes, dicemus, substantiam non suscipere magis & minùs; tum quia 8. Metaph. text. 2. ipsemet tradit genera & species esse magis substantias. Ad primam dubitationis causam cap. sequenti dicemus. Ad secundam respondetur, illud non dixisse Aristotelem ex propria sententia, sicut nec multa alia in eodem capite. Huic solutioni ansam præbet diui Thomæ interpretatio. Respondetur secundò, substantiam posse accipi duobus modis, primò, vt dicit essentiam; secundò, vt dicit existere & substare accidentibus. Si de essentia sit controuersia, magis substantia est species, quàm indiuiduum; cùm essentia competat indiuiduo, ratione speciei. Sin autem de existentia & receptione accidentium disputemus, magis substantiæ sunt indiuidua, quàm species, quia ratione indiuiduorum & existunt, & accidentibus substant species, atque genera.

Extrema obiectio in illud, quod dicit Aristoteles, vnam speciem infimam nō esse magis substantiam

stantiam alia. Substantia dicitur à substando, sed homo substât accidentibus corporeis, vt longitudini, candori, ponderique; & incorporeis, vt quibusdam vitijs & virtutibus: Leo autem substât solùm accidentibus corporeis: ergo magis substât homo, quàm leo. Responderetur. Magis, id est, pluribus concedo; Magis, id est, immediatiùs nego; quoniàm sicut homo substât mediâtè suis accidentibus, ita & leo suis accidentibus per sua indiuidua substât. Nunc autem quum dicimus, vnâ speciem non esse magis substantiam alia, solùm intelligimus, vnâ non subiijci accidentibus immediatiùs alia. Similis est adhibenda responsio illi argumento, quod fieri solet de duabus primis substantijs, quarum vna pluribus accidētibus substât, quàm alia. Igitur hæc se obtulerunt quæstiones circa ea, quæ de Substantia dixeramus. Iam reliqua persequamur.

De affectionibus substantia. Cap. 12.

Bene se habebit nunc, si qualdam substantiæ affectiones tradamus, quibus & ipsis natura meliùs intelligatur, & cognoscâmus etiam quàm sit à Categorijs accidentium separata. Prima affectio est. Conuenit substantiæ non esse in subiecto. Constat ex antepredicamentis. Secunda, Conuenit generibus & speciebus Categoriæ substantiæ, & eorum quoque differentijs prædicari Synonymòs de primis substantijs. De Petro enim & Paulo dicuntur Synonymòs, & quidem strictè, homo, & animal, sensibile, & rationale. Sed de his vide quæ diximus supra cap. de Synonymis. Tertia. Substantia non habet contrarium; vt homo non repugnat plantæ.

N

Quarta.

Quarta. Substantia non suscipit magis, & minus. Nam Petrus non est magis homo, quàm Paulus. Hæc tamen affectio & superior conueniunt etiam quantitati, vt in Categoria Qualitatis melius explicabitur: Quinta, & maximè propria affectio est, vt cum vna & eadem substantia sit, contraria cum sui mutatione recipere possit, vt tu vnus manens, nunc stas, nunc verò sedes. Dixi cum sui mutatione, quoniam etiam hæc oratio scripta, Petrus sedet, suscipit contraria, & modò est vera, modò falsa, non tamen ex seipsa, sed ex mutatione Petri, qui interdum sedet, & quandoque ambulat. Cæterum vt in solam substantiam hæc affectio quadret, intelligenda est de receptione, quæ primò & per se rei conueniat. Etenim superficiès manus recipit vicissim calorem & frigus, non quidem vi sua, sed ratione substantiæ; in qua superficiès ipsa existit. Quenam autem sint; quæ in hac Categoria continentur, explicabimus in Tabulis, quas (Deo fauente) daturi sumus.

Dubitationes.

An homo sit in loco, vt in subiecto. **P**rima. Homo est in loco, non tanquam pars loci; & impossibile est vt sit sine loco (dico autem facultate naturæ, sicut nec eadem facultate potest accidens extra subiectum inueniri) Ergo est in loco tanquam in subiecto. Respondetur, hominem non posse esse sine loco, sumendo locum in communi; posse tamen esse sine loco in particulari. Potest siquidem ab vno in alium transmigrare. Nec velim, hinc colligas, hominem esse saltem in loco in communi, vt in subiecto. Etenim vt aliquid sit in aliquo tanquam

quam in subiecto, non sufficit, illud non posse existere sine eo in communi; sed etiam requiritur, ut non possit esse sine eo, in quo est in particulari, ut albedo, quæ est in manu, non solum nequit esse extra hominem totum, sed nec etiam à manu recedens, in aliam eius partem migrare potest.

Altera dubitatio. Dictum est, substantiam non suscipere magis, aut minùs. Quod proculdubio falsum est, si ut superiori capite scripsimus, prima substantia est magis substantia, quam secunda. Huic dubitationi ita à plerisque solet responderi. Aiunt substantiam aut dici à subsistendo & existendo per se: qua significatione, etiam Deus appellatur substantia: aut à substando accidentibus, ut quum albedinis subiectum substantiam dicimus. Quo vocabuli usu, omnia quæ ponuntur in prima Categoria, substantiæ appellantur. Deus verò, qui nullum recipit in seipso accidens, non vocatur Substantia. Egregia hæc significationum substantiæ enumeratio quòd serpat, videamus. Itaque asserunt, si substantia dicatur à subsistendo per se, non recipere eam illud magis, ac minùs; si autem à substando accidentibus, omninò recipere; quia secundæ substantiæ substant accidentibus ratione primarum: atq; ideò magis substantiæ sunt primæ, quàm secundæ. Tamen aut ego fallor, aut vana est solutio. Nam etiam considerando substantiam, ut dicitur ab existendo per se, suscipit magis & minùs. Nisi enim velimus Ideas Platonicas ab Orco suscitare, secundæ substantiæ non existunt, nisi quia primæ existunt. Ideò namque dixit Aristoteles, interemptis primis substantijs, reliqua interire.

Quamobrem aliter respondetur, substantiam quidem sub ratione communi substantiæ recipere magis & minùs: at sub ratione particulari hominis, aut alterius speciei, seu generis, non recipere magis, aut minùs. Videlicet Petrus non est magis homo, quàm Paulus; nec vnus Leo, alio Leone. Omnino autem hanc solutionem recipi decet; quia ab ipsomet Aristotele hoc loco traditur; nec vllus eius mentem poterit meliùs explicare. Denique respondetur, substantiam non suscipere magis, aut minùs, si primæ substantiæ inter se conferantur, aut species infimæ inter se; aut genera, quæ ex æquo à speciebus infimis distant. Nam si aliter substantias conferas, proculdubio magis & minùs inter ipsas, inuenietur.

An ultima affectio sit substantiæ proprietatis.

Tertia dubitatio. Dictum est, maximè proprium esse substantiæ, vt contraria suscipere possit. Equidem, vt libr. 2. capit. 8. dub. 4. pronun. 3. scripsimus, inter Proprium & Accidens quantum prædicabile maximum est discrimen: quòd Proprium priùs natura conueniât speciei, postea verò indiuiduis; at accidens priùs indiuiduis, quàm speciebus. Sed recipere contraria accidentia, priùs conuenit indiuiduis, quàm speciei, nam priùs natura aliquis singularis homo ambulat, quàm homini ambulatio tribui possit. Ergo recipere contraria, non est maximè proprium substantiæ. Respondetur. Quemadmodum risibilitas, aut ridendi facultas priùs conuenit homini, quàm Petro, cum de homine primò & per se enuntietur: at ridere actu priùs conuenit Petro, aut alteri indiuiduo, quàm homini; ita recipere quidem contraria accidentia, priùs indiuiduis, quàm homini, vel alijs

Vni-

vniuersalibus Categoriæ Substantiæ dicendum est conuenire: at posse recipere prius vniuersis, quam indiuiduis. Nisi enim natura humana esset indifferens ad ambulandum, aut sedendum, non possent Petrus, ac Paulus sine discrimine aut ambulare, aut sedere. Idq; ex eo facile cõprobat, quod si natura specifica certè, ac definitè sibi postulet aliquod accidens, ea quæ sub illa specie continentur indiuidua, non possunt recipere accidens contrarium. Quia natura ignis necessariò exigit calorem, non potest dari aliquis particularis ignis frigidus; & quia natura aquæ necessariò exigit frigiditatem, ideo non potest dari aliqua pars aquæ sic calida, quin tanta frigiditate constet, vt si ab igne remoueat, possit eum qui subintrauerat, calorem restinguere.

Postrema dubitatio. Quomodo dictum est, orationem non recipere accidentia contraria cum sui mutatione? An sicuti homo recipit calorem & frigus, quia Sol in eum radios mittit, & postea contrahit, non eadem ratione hæc oratio, Petrus sedet, recipit veritatem & falsitatem, quia Petrus stat. & postea sedet? Respondetur, hominem recipere calorem & frigus cum sui mutatione reali. Rem enim quandam recipit Petrus, & quandam amittit, quum sit ex calido frigidus. At Oratio recipit veritatem & falsitatem absque sui mutatione reali, quippe cum esse veram, aut falsam, nihil reale dicat in Oratione, sed tantum relationem rationis; veluti dextrum & sinistrum in columna. Hactenus de Substantia.

Num Oratio contraria recipiat.

De Quantitate. Cap. 13.

Quare **præus de** **Quantitate** **disputetur.** **I**am de Quantitate prius quàm de reliquis accidentibus disputemus: non certè quòd ipsam illis omnibus perfectiorem iudicemus: nobilior enim est Qualitas: quæ non modò in rebus corporeis inuenitur, sed etiam in seiunctis à materia: neque porro quòd nullum accidens possit inhærere substantiæ, nisi media Quantitate; cùm accidentia Animæ rationalis & Angelorum eis insint non media Quantitate: sed quia inter omnia accidentia notiora sunt ea, quæ sensibus percipi possunt; vt albedo, sonus, calor, & alia eiusdem generis: quorum prima radix & fundamentum est Quantitas. Iam verò cùm inter omnes Categorias Quantitas substantiæ similior videatur; ita vt possit in locum substantiæ aliquando subrogari, vt docent Theologi de sacrosanctæ Eucharistiæ sacramento: iure post substantiâ Quantitatis sequitur disputatio.

Quid sit **Quantitas.** Quantitas est, qua dicimur esse quanti, vt à magnitudine magni, multiq; à multitudine. Si enim licuit Aristoteli, Quantitatem eam dicere, qua dicimur quales; quid impedit, ne Quantitas similiter definiri possit? Teneamus igitur hanc esse Quantitatis definitionem, aut certè descriptionem; nam mihi verumuis est satis. Duplex autem est Quantitas, alia Continua, alia Discreta; aut alia Coniuncta, alia Deiu-

Species **Quantitatis.** Coniuncta est, cuius partes termino communi iunguntur. Terminum communem appello quidpiam indiuisibile, quod est vnus partis finis, alterius verò principium; vt punctus, qui est in medio lineæ. Deiuincta est, cuius partes nullo communi termino iunguntur; vt de-

narius.

narius. De hoc genere Quantitatis , non multò post differemus, sed priùs de Coniuncta agamus. Ea quidem in quinque species diuidi solet , in Lineam dico, ac Superficiem, Corpns, Locum, & Tempus. Vulgus autem Philolophorum, lineam esse ait longitudinem sine latitudine: Superficiẽ (quẽ à nonnullis Extremitas: aut Planum dicitur) esse longitudinem & latitudinem, absque profunditate: Corpus verò longitudinem, latitudinem, & profunditatem. Eodem omnino sensu licet alijs verbis definit hæc Aristot. 5. Metaph. text. 18. dicens, lineam esse continuum in vnum, cum solum ratione longitudinis sit continua, & ratione latitudinis indiuisibilis: superficiẽ verò esse quid continuũ in duo: Corpus deniq; continuũ in tria. Locus autem ita definitur. Immobilis superficies corporis ambientis, vt superficies aeris continentis me, est locus meus. Quare tamen superficies immobilis dicatur, cū reuerà moueatur, magnam, nec perspicuã certè habet Philosophiam. Atque hoc loco fortè non deerunt Philosophi minimè mali, sed non satis acuti, quibus videatur, hanc rem non fuisse. tanquam difficilem ab hac disputatione remouendam; cū facilè dici possit, superficiem aeris ambientis columnam: si, quatenus superficies quædam est, consideretur, proculdubio posse moueri; nec solum posse, sed re ipsa moueri: at si expendatur, ratione distantia, à Solis & Centro mundi nequaquam moueri, sicut nec puncta ista fixa quæ nominauimus. Quocirca tamen si superficies concaua aeris, quæ mane ambiebat columnam, ad vesperum iam mutata sit; quia tamen alia ei succedit in eadem penitus distantia à Polis & Centro: idèò & columna in eodem loco,

Nota de loci immobilitate.

in quo erat, dicitur permanere, & locus ipse immobilis perseverare. Hæc quum dicunt, totam, quanta est, arbitrantur se dissoluisse questionem. Quam acutè, nihil dico; certè non ad eò perspicuè, vt existimant. Etenim cum illa etiam distantia accidens sit in corpore ambiente existens, moto eo corpore, sicut necesse fuit, aliam superficiem succedere, ita & aliam reuera distantiam; alioquin accidens ab vno subiecto migraret in aliud. Non equidem vt falsam reprehendo solutionem, sed talem arbitror, vt si aliquis vrgerè velit, vt nos fecimus, non possit absque summa Philosophiæ comprehensione defendi. A Philosophis igitur ista erunt petenda, nos verò ad propositum reuertamur. Tempus est motus primi coeli, quatenus in illo motu apprehenditur prius ac posterius, vt constat ex 4. Physicorum. Has quinque species esse quantitates continuas, probatur; nam partes lineæ coniunguntur in quodam puncto, qui est in medio lineæ; qui cum sit res penitus indiuisibilis, est finis vnius partis lineæ; alterius verò principium. Quare puncta quæ in linea sunt extrema, non sunt termini communes; nam cum vnâ partem finiant, alteram non inchoant. Partes autem superficiæ habent tanquam terminum communem lineam in medio superficiæ, quæ etiam est quid indiuisibile secundum latitudinem. Partes corporis habent terminum communem superficiem, quæ in medio corporis intelligitur, estque indiuisibilis quoad profunditatem. Insuper temporis partes coniunguntur ad instans, vel momentum, aut Nunc, quod est in medio temporis. Denique partes loci coniunguntur

aliqua linea, quæ respondet alteri lineæ existenti in superficie corporis locati.

Veruntamen circa has dimensiones, scilicet longitudinem, latitudinem, ac profunditatem, seu crassitiem, observandum est primò: omnem terminum communem esse vna dimensione minorem illa quantitate, cuius est terminus. Superficies est terminus corporis: corpus autem tribus dimensionibus constat, superficies tantum duabus. Præterea linea cuius vna est dimensio terminus ponitur superficiei, quæ habet duas. Punctus denique cum omni dimensione careat, est terminus communis lineæ: quia id quod minus vno est, nihil est.

Qualis sit terminus communis.

Observandum est secundò: Quantitates non componi ex suis terminis communibus. Linea non componitur ex punctis, nec superficies ex lineis, nec corpus ex superficiebus, aut tempus ex instantibus, vel momentis. Horum autem vna est ratio. Nam mille puncta non faciunt lineam, nec mille lineæ tantillam superficiem, nec mille superficies corpus etiam exiguum, vel denique infinita instantia breve tempus. Etenim si vno puncto velis addere alium, aut tanget priorem, aut secus. Si non tangit, non faciet quantitatem continuam, vel attiguum; si tangit, vel se toto tangit, vel aliqua sui parte attingit; & alia est extra priorem punctum. Si detur primum, ergo duo puncta non occupant maiorem locum, quam vnum solum; ac proinde non faciunt lineam. Secundum verò dici non potest; ait enim Arist. 5. Metaph. tex. 12. Punctum esse quid indivisibile, ergo non habet partes. Nec aliter sentiendum est de linea respectu superficiei, cum eadem sit ratio

Num quæ sitas coniuncta ex terminis communibus componatur.

lineæ ad superficiem, & superficiem ad corpus, quæ puncti ad lineam.

De numero dimensionum.

Denique obseruandum est, non esse plures dimensiones tribus: quoniam numerus dimensionum debet sumi ex numero linearum, quæ possunt ita se interfecare, ut angulos rectos constituent (& vocamus angulum rectum, quem efficit linea recta, cadens super lineam rectam perpendiculariter, ut patet in illo schemate) sed tantum possunt esse tres lineæ, quæ ita se inuicem diuidant: Ergo tres sunt dimensiones, nec plures dari possunt. Probatur propositio. Nam mensura, cum nos de rerum quantitate certiores faciat, debet esse certa, ac definita; non varia, & fluctuaga: sed solus angulus rectus est certus, ita ut non possit vnus rectus esse maior altero: contra autem anguli acuti, vel obtusi sunt incerti; danturque obtusus & obtusior, acutior & acutus: Ergo numerus dimensionum ex numero tantum earum linearum sumendus est; quæ modo iam exposito se interfecant. Probatur assumptio. Siquidem illis duabus lineis superius expressis ad crucis formam, posset alia superaddi, quæ per medium illarum feratur, sed eam nequimus depingere. Posset tamen sumi acus, & in papyro transfigi, ac tum fierent omnes anguli recti. Porro cæteræ lineæ, quæ his addi possunt, iam non efficiunt angulos rectos, sed acutos; ut experientia comprobare licet.

De Quantitate Deumina.

Quantitas verò Deumina, diuiditur in numerum & Orationem. Numerus est multitudo consurgens ex vnitatibus, ut denarius. Numerus autem est quantitas Discreta, quia eius partes nullo termino communi vinciuntur.

Et

Et quidem de numero pari manifestum est. De impari sic ostenditur. Septenarius diuiditur in quatuor & tria, & quædam vnitas quaternarij poterit esse eiusdem quaternarij finis, ac certè non erit ternarij sequentis principium. Quare non cõueniet illi vnitati definitio termini communis: ergo nec impares numeri Quantitates *Orationis nomen.* Continũ appellari debent. Oratio autẽ hoc loco *quid hoc loco signi-* non sumitur pro ea, quæ ore profertur; cum hæc vt sonus quidam est ad tertiam qualitatis *ficit.* speciem pertineat: vt verò est significans, ad Relationem. Nec quidem pro Oratione quæ scribitur est accipienda, illi enim characteres spectant ad quartam speciem qualitatis: nec denique pro ea quæ mente retinetur cõstat. Quidnã igitur significat nunc Oratio? Vt existimo, mensuram vocum, sonorum, & motuum, quatenus in se ordinem quendam habent. Vt quum profero hanc vocem Dominus, illa mensura qua dimetior quãtũ spatij, aut (si placeat) durationis consumptum fuerit in eius prolatione, est quæ hoc loco vocatur Oratio: ea loquendi formula qua mensuram pedis, nominamus pedem. Quocirca subiectum cuiuslibet scientiæ Musicæ pertinent ad hanc speciem, etiam loquendo de scientia Irah, cuius meminit Commentator 7. Metaph. tex. 19. agit enim illa scientia de Musica in saltu. Et illa mensura qua mensuramus varios motus tripudiantium in choreis, sub nomine quoque Orationis intelligitur. Sed enim quãtũ intelligo, Oratio non differt re à tempore, sed idemmet cœli motus, qui quatenus est mēsura rerum continuarũ, vocatur Tempus: quatenus ex ipso sumimus varias partes

partes ad mensurandas voces, sonos, & motus diuerfos, appellatur Oratio.

Ac ne aliquid intactum relinquamus, illud oportet intelligi, à quantitate Discreta appellari res multas, aut paucas; vt mille Pomiliones dicimus multos, non magnos; duos autem Gigātes, paucos dicimus: sed absque controuersia magnos: quamuis nonnunquam huiusmodi nomina confundantur. Sed tamen in magni nomine quædam latet amphibolia. Magnitudo quippe alia perfectionis est, alia Molis. Perfectionis magnitudo est, cuiusque rei in genere suo præstantia, excellentia. Qua significatione, Deum etiam magnum vocamus. Tritum enim illud est, & omnium ore vulgatum, in his quæ mole magna non sunt, magnum idem esse, atque perfectum. Molis vero magnitudo est, quæ ex rerum corporearum longitudine, latitudine, profunditate, aut diuturnitate sumitur. Quorsum hæc inquires? Vt intelligatur, magnitudinem Perfectionis in rebus etiam corporeæ Quantitate carentibus inueniri; nec pertinere ad hanc Categoriā, potiùs quàm ad alias: at magnitudinem molis tantùm in rebus corporeis cerni, & ex hac Categoria desumi.

Quæstiones.

*Tempus
an sit quã-
titas per
se.*

Prima est de numero specierum Quantitatis. Nam Aristoteles 5. Metaph. text. 18. enumerat Tempus inter Quantitates per accidens, nos verò inter quantitates per se. Respondent, de Quãtitate duobus modis tractari posse, scilicet sub ratione diuisionis, & sub ratione mensuræ. Nam Quantitas duo habet. Constituit enim rem

rem diuisibilem, ac est mensura qua res metimur. In *Metaphysica* egit Arist. de *Quantitate* potissimum sub ratione diuisionis, ac proinde ita definiuit *Quantum*. *Quantum* est, quod natum est diuidi in ea quæ insunt, quorum vnumquodque natum est, hoc quiddam esse. Hic verò agit de *Quantitate* potius, vt est mensura. Vnde ortum est, vt quum assignant Doctores, causam numeri specierum *Quantitatis*, quæ ab Aristotele hoc loco adducuntur, confugiant ad varias formas mensuræ. Dicunt enim, res quas metimur aut esse coniunctas, aut deiunctas. Porro si coniunctæ sint, aut esse positas in successione, tumque mensurari *Tempore*; aut permanere. Harum præterea mensuram aut fieri internè, aut externè; si externè, ad *Locum* pertinet; si internè, vel solum ratione longitudinis, idque per *Lineam* exerceri, vel ratione longitudinis, & latitudinis, per *superficiem*; vel denique ratione profunditatis, per *Corpus*. Sin autem res disiunctas metiamur, & illæ res sint voces, soni, aut motus, pertinere ad *Orationem*: alia verò deiuncta, ac permanentia numero mensurari. Cum itaque *Tempus* per se mensura sit, numeratur hoc loco inter species per se *Quantitatis* ab Aristotele. Cum autem non competat ei diuisio per se (licet non conueniat ei penitus accidentariò, sed ratione motus, & magnitudinis, vt dicitur 6. *Physicorum* capit. 4.) ideo, in *Metaphysica* inter species per se *Quantitatis* non computatur. Facillimum est hinc colligere solutiones aliorum argumentorum; quæ contra numerum specierum *Quantitatis* fieri consueuerunt. Quare non numerasti *Motum* speciem *quantitatis*? Quia agitur hic de
 quæ-

quantitate sub ratione mensuræ, motus autem non habet aliam rationem mensuræ, quam Tempus. Cur Aristoteles in Metaphysico reliquit locum? Quia in ratione diuisionis non differt locus à superficie; quanquam differat in ratione mensuræ. Quæ causa fuit ob quam in Metaphysica non meminit Aristoteles Orationis? Quia in ratione diuisionis nō differt oratio à numero, & motu. Nihil enim aliud est Oratio, quàm motus quidam diuisi, & inter se compositi, sicut numerus nihil est aliud quàm rerū permanentium, ac diuersarum multitudo.

Alteræ quæstio. Corpus est species Categoriz Substantiæ, ergo non potest esse species Categoriz Quantitatis: diuersorum enim generum, & non subalternatim positorum, sicut diuersæ sunt differentiæ, ita & species. Respondetur, Corpus sumi aut pro ipsa trina dimensione, & esse speciem quantitatis Continuz, aut pro natura substantiæ, ex qua fluit trina dimensio, vt proprietas à subiecto; quemadmodum ab homine risibilitas: & hoc pacto esse speciem substantiæ.

Tertiæ quæstio. Corpus non potest inueniri absque superficie, vel linea; nec linea absque superficie, vel corpore; quomodo ergo sunt tres species distinctæ? Respondetur; id nihil ad rem pertinere, nam etiam actio non potest inueniri absque passione, nec passio absque actione; & nihilominus sunt non duæ species tantum, sed duo suprema genera.

Vltimæ quæstio in hoc capite agitari solet, an omnis numerus ad hanc Categoriam pertineat. An sicut decem homines, quā decem sunt, ad genus Quantitatis disiunctæ referuntur, ita & decem

cem Angeli. Sed in hac quæstione apud probatos autores duplex genus numeri solet annotari, aliud Transcendens, aliud Quantitativum. Numerus .n. conflatur ex unitatibus: Unitas autem alia est Transcendens, alia Prædicamentalis, vel Quantitativa: Ergo duo erunt numerorum genera. Unitas quidem transcendens, vagatur per omnia genera, estque ex numero transcendentium. Hæc enim sunt præcipua Transcendentia ens, Vnum, Verum, Bonum, Aliquid, & Res. Iam verò Vnum transcendens nihil est aliud, quàm quævis res, ut essentiam & existentiam indivisam fortitur. Exempli gratia. Angelus Raphael dicitur unus, qui eius essentia, aut existentia non est diuisa in plures essentias, vel existentias. Quò fit, ut quævis substantia, & quodvis accidēs hac unitate dicatur Vnum, cum non detur aliqua res, quæ non habeat vnam existentiam, à qua vna vocetur. Unitas autem Quantitativa, vel prædicamentalis, est illud esse continuum indivisum actū, quod in qualibet re, affecta quantitate continua, inuenitur. Petrus enim præter esse essentia, vel existentia, habet quoddam esse accidentale, ratione cuius est vnum corpus continuum. Igitur ex unitatibus transcendentibus, constituitur numerus transcendens, ut decem Angeli, quia habent decem essentias, vel existentias, sunt decem. Ex unitatibus prædicamentaliibus constituitur numerus Quantitativus, ut decem homines non solum sunt decem, quia decem essentijs, vel essentijs, constant, sed etiam quia habent decem quantitates. Nec debet à novis Philosophis hæc distinctio vana & commentitia iudicari: innitur enim duobus testimonijs Aristotelis, quorum

*De numero
ro Trans-
cendente.
& ad
Quanti-
tis Cate-
goriam co-
arctato.*

rum vnum habetur 10. Metaph. tex. 21. vbi ait Philosophus, multitudinem esse veluti genus numeri. Quod si loqueretur de numero transcendente, falsa esset eius sententia, cum omnis multitudo sit numerus transcendens, & omnis numerus transcendens, sit multitudo. Quare sententia Aristotelis est vera, non de numero transcendente, sed de quantitatio. Alterum inuenietur 3. Physic. cap. 7. Tradit enim eo in loco, numerum consurgere ex diuisione continui: quod de numero transcendente falsum equidem est, cum duo Angeli non sint duo continua diuisa. Contra autem de numero rerum corporearum est certissimum. Nam duo fragmenta ligni ex diuisione ligni, quod in ea diuisum est facta sunt duo. Hic itaque numerus est numerus quantitatus, qui fit ex diuisione continui. Sed inquires: Nonne in coelis est numerus quantitatus & Physicus? at numerus illorum non producit ex diuisione vlla continui; quia nullum coelum diuisum est aliquando in plures coelos: si vt philosophia docet, coelum diuidi nequit. Ergo numerus quantitatus non efficitur ex diuisione continui. Verum qui ita vrgent, nec probabilem, nec satis idoneam causam afferunt. Neque enim adeo rustice Aristoteles intelligendus est, quasi doceat, omnem numerum rerum corporearum ita constitutum fuisse, vt oportuerit aliquod continuum corpus in duas, aut eo plures partes secari, ac tum numerum factum esse. Nam quis ita poterit existimare? Quare Aristoteles id tantum docere voluit, numerum Quantitatum ex eo effici, quod duo corpora, quorum vnumquodque continuum est, à se inuicem distincta sunt, atque diuisa;

vel

*Quomodo
numerus
ex conti-
nui diuisi-
one effici
deatur.*

vel seorsum, ac diuifim exiftūt. Id autem in cæ-
lis manifefte reperitur. Hinc primò collige,
numerum Angelorum non pertinere ad prædi-
camentum; item nec numerum rerum corpore-
arum, qui fumitur ex varijs effentijs & exiften-
tijs; fed eum qui fumitur ex variis earum quan-
titatibus continuis. Nam res corporeæ, ficut ha-
bent effentiam & quantitatem, ita duplicem
vnitatem habent; aliam transcendentem
aliam quantitatis: ac fubinde duplicem nu-
merum conftituere poffunt. Collige fecundò,
omnem numerum prædicamentalem effe tran-
fcendentalem; non tamen omnem numerum
transcendentalem effe prædicamentalem, vel
quantitatiuum: ficut omne quantitatiuum effe v-
num transcendens, non è diuerfo; & omnis
quantitas effe ens, non tamen omne ens effe quan-
titas. Ex his liquet folutio quæftionis. Numerus
enim qui in Angelis inuenitur, effe transcen-
dens, & non pertinet ad hoc prædicamentum.
Quamuis (vt verum fatear) numerus trans-
cendens à plerifque non appellatur numerus,
fed multitudo; & numerus prædicamentalis, aut
quantitatiuus fimpliciter vocetur Numerus.
De his confule diuum Thomam 1. parte quæft.
11. ar. 1. Lege præterea opusculum 48. tract. 3. de
Quantitate cap. 1. & Chryfoftomum Iauellum
in tractatu de Transcendentibus capit. de Vno:
& libro 4. Metaphyfic. quæft. 7. & libro 8. quæft. 11.
& denique libro 10. quæft. 15.

De affectionibus Quantitatis. Cap. 14.

PRima affectio Quantitatis hæc effe. Quantita-
ti nil effe contrarium: linea enim non repug-
nat

gnat lineæ, nec superficies superficiei. Secunda. Quantitas non suscipit magis aut minus. Potest enim vna linea esse maior altera, sed non magis linea. De his copiosior erit disputatio, quum in qualitatis affectiones inciderimus. Tertia. Quantitas est, cuius causa æquales, aut inæquales dicimur. Est enim Quantitas mensura: ea autem dicuntur paria, aut æqualia, quæ eadem mensura possunt mensurari.

Dubitationes.

PRima. Locus est quantitas, sed locus sursum loco deorsum aduersatur, ergo quantitas contrarium habet. Probatur assumptio. Motus contrarij sunt ad extrema contraria, vt ex 5. Physicorum capite 5. constat: sed motus sursum & motus deorsum inter se pugnant: ergo sursum & deorsum sunt contraria. Respondetur primò. Si sursum & deorsum considerentur solum, vt loca quædam sunt, id est, vt superficies rem continentes, non sibi inuicem aduersari: si verò quatenus in loco superiori, qui est sphaera ignis, est summus calor siccitati coniunctus, & in loco inferiori humiditas, atque frigus sursum & deorsum esse contraria; ratione harum qualitatum. Sicut Substantia non est per se aduersa substantiæ, ac nihilominus ratione caloris & frigoris, aqua & ignis inuicem aduersantur. Respondetur secundò, motum sursum non esse ad locum supernum, nec motum deorsum ad inferiorem; sed motum sursum esse ad vbi superius, motum deorsum ad vbi inferius. Quocirca Aristoteles 5. Physicor. cap. 1. docet, motum secundum locum esse ad Categoriā Vbi. Cateria autem Vbi recipit contrarium. Sed hæc à
Phyfi-

Physicis requirantur. Lege tamen obiectionem primam cap. 16.

Altera dubitatio. Pondus non est quantitas, *Non pondus quantitas sit.* sed ratione ponderis res dicuntur æquales, aut inæquales: ergo nõ est proprium quantitati, ut secundum eam res æquales, aut inæquales vocentur. Propositio ita probatur. Quia alioquin mancam, & quasi inchoatam quantitatis notionem nobis Aristoteles tradidisset. Probatur assumptio. Quia plaustrum fœni & moles plumbea dicuntur æqualia ratione ponderis, non ratione magnitudinis, nec etiam ratione multitudinis; cum in plastro sint infinitæ herbæ, & moles plumbea sit vna. Ad hoc argumentum quidam respondent negando propositionem. Sentiant enim, pondus esse quantitatem. Cæterum Aristoteles 5. Metaphysicorum tex. 19. docet, pondus & leuitatem esse qualitates: & tex. 18. non numerat pondus inter species quantitatis; sed cum affectionibus illud recenset. Iam diuus Augustinus 10. lib. Confess. capi. 8. granitatem inter qualitates enumerat. Quod etiam facit 5. Metaph. lec. 18. Diuus Thom. eius in hac vita discipulus, ac interpres, & in cœlesti præmio æqualis, ac socius. Respondendum est igitur, æquale, aut inæquale duobus modis accipi, propriè, & impropriè. Aequalitas propriè attenditur ex quantitate, æqualitas autem impropriè potest ex alijs rebus considerari. Ut quum volumus agnoscere, utrû duæ imagines sint æqualiter veræ, comparamus eas cum exemplari, ac prototypo, & eam dicimus, veriorẽ, quæ proximè accedit ad archetypum. Similiter ut de colorum

O 2

æqua-

æqualitate, aut inæqualitate; tractemus, conferimus eos cum perfecto colore. Eadem est ratio æqualitatis, aut inæqualitatis in pondere. At quantitati proprium est, vt secundum eam res propriè æquales, aut inæquales dicantur.

*Quomodo
æqualitas
et inæqualitas
sint
quæritur
proprie-
tates.*

Postrema dubitatio. Si in mundo non esset nisi vna res quanta, illa haberet quantitatem, & non esset propriè æqualis, aut inæqualis. Cui enim esset æqualis? Ergo non est proprium quantitati, vt ex ipsa res propriè dicantur æquales, aut inæquales. Facilis est responsio. Proprium est quantitati, vt secundum eam, res propriè dicantur æquales, aut inæquales; non actu, sed potentia. Vt ridere actu, non est proprietas hominis, sed ridere potestate. Alia profectò sunt verba, sed non est diuersa eorum intelligentia: qui aiunt, proprium esse quantitati, vt ipsa media, res sint fundamentaliter æquales, non formaliter; quia scilicet id quod fundamentum, ac causa est, quare possint res propriè vocari æquales, est quantitas ipsa.

De Qualitate. Cap. 15.

POST Quantitatem, agendum est de Qualitate, quæ inter accidentia non relata computatur; licet Aristoteles arbitrariam methodum sequens, post Quantitatem disputet de Relatione; cuius mentionem fecerat cap. de Quantitate. Est autem Qualitas, qua dicimur esse quales, vt ab albedine dicimur albi. Alij definiunt Qualitatem esse formam accidentariam, secundum quam propriè dicimur esse quales. Formam accidentariam dicunt, vt excludant ab hac Categoria differentias essentielles substantiæ, quæ licet

et prædicentur in quale Apud Aristotelem 5. Metaph. text. 19. & Porphyrium cap. de Differentia in Isagoge, non tamen pertinet ad hanc Categoriā nec directē, nec ad latus; cū non sint formæ accidentariæ. Addunt, secundum quam propriè dicimur, esse quales, quia licet omnia accidentia prædicentur in quale de substantia, vt ex libro quinque Vocum manifestum relinquitur: at propriè dicuntur quales ab huius Categoriz accidentibus. Habet autem hoc genus quatuor species, earum princeps est *Habitus & Dispositio*, altera *Naturalis vis & Imbecillitas*, tertia *Passio & Patibilis qualitas*, extrema denique *Forma & Figura*.

Habitus & Dispositio.
Habitus est qualitas disponens subiectum ad bonè, vel malè operandum; ab eoque difficilè separabilis. *Dispositio* verò qualitas est disponens subiectum ad bonè, vel malè operandum; quæ tamen facilè à subiecto dimoueri potest: vt sanitas & ægrotudo. Quare in hac specie sunt omnes virtutes & vitia, omnes scientiæ, quin etiam omnes habitus supernaturales, Fides, Spes, Charitas; immo & gratia ipsa, quæ licet per se non operetur; operatur tamen medijs illis tribus virtutibus. Denique (vt multi existimant) ad hanc speciem pertinent Lumen gloriæ, idest, quædam diuina; sed creata qualitas, existens in intellectu cuiuscunque beati. De qua diuus Thomas 1. parte quæst. 12. ar. 5. sine controuersia accuratissimè disputauit. Itaque miror, quid in mentem venerit illis, qui *Habitus* esse definiunt qualitatem acquisitam, vel exercitio comparatam. Quod non modò falsum est in habitibus supernatu-
 O 3 rali-

ralibus, sed etiam in quibusdam habitibus naturalibus; scilicet in Synderesi, & in habitu primorum principiorum ad speculationem pertinentium: de quibus lege diuum Thomam 1. parte quæst. 79. ar. 12. hi enim habitus natura potius, quàm exercitiò obtinentur. Reprehendenda est quoque eorum sententia, qui dicunt, omnem habitum ex frequentatis actibus gigni: nam præter habitus supernaturales etiam scientia vnicà demonstratione gignitur: vt libro 6. cap. 1. dicemus.

*Naturalis
vis & Im-
becillitas.*

Naturalis vis & Imbecillitas constituunt secundam speciem. Est autem naturalis vis facultas nobis data à natura aliquid agendum, vel ad alicui resistendum; vt corporis robur. Naturalis verò Imbecillitas est qualitas à natura insita, qua subiectum redditur impotens ad aliquid agendum, vel ad alicui resistendum; vt debilitas corporis. In hac specie collocantur omnes potentix animæ intelligentis; omnes sensus externi, omnes interni, omnes potentix animæ vegetantis, multæque alix proprietates substantiarum; vt risibile. Denique apud Theologos grauiores Character Sacramentalis ad eam reducitur. Quò fit, hanc speciem non esse appellandam à Theologis, præsertim qui diui Thomæ doctrinam profitentur, Naturalem potentiam; aut impotentiam; sed potentiam & impotentiam; aut (vt loquuntur alij) vim & imbecillitatem; vt comprehendantur sub hac specie vires naturales & supernaturales, vt character. Logicis tamen retinenda est phrasis loquendi. Hæc autem species natura quidem prior est habitu & dispositione, sed dignitate posterior.

Tertia est Patibilis qualitas & Perturbatio. *Patibilis qualitas & perturbatio.*
 Patibilis qualitas est qualitas, difficile mobilis, inferens passionem sensibilibus: ut rubor quem aliqui à natura habent, difficile ab eis separari potest: & illemet quum ab alijs videtur, infert passionem in oculos; non modò quia sentire est quoddam pati, sed quia ex quolibet obiecto sensus potest nasci aut delectatio, aut tristitia: hæ autem sunt passiones, vel commotiones appetitus sensitivi. Lege Caietanum hoc loco. Perturbatio est qualitas facilè mobilis, inferens passionem sensui; ut rubor, quem ex labore contrahimus. Fatendum est tamen cum Aristotele, aliquas huius speciei qualitates, ut sunt colores, alio etiam titulo appellari patibiles, quando scilicet ex aliqua passione generantur; ut quum rubor ex verecundia generatur. Verecundia autem ad passiones (Cicero affectus vocat) appetitus sensitivi est referenda. Ad hanc speciem pertinent colores, sapes, odores, soni, & qualitates, quas tactu percipimus. Quinimo undecim illæ passiones animæ sensitivæ, de quibus disputat diuus Thomas 1.2. quando inhærent ferè semper, ut in cholericis, sunt patibiles qualitates; quum facilè transeunt, sunt perturbationes.

Quarta species est Forma, vel Figura. Vocatur autem Figura, quæ termino, vel terminis clauditur, vel circulus, triângulus, & aliæ omnes figuræ Mathematicæ. Forma verò appellatur figura, iam applicata ad res naturales, vel artificiales. Quo fit, ut sella, clypeus, & huius generis alia, ad artis formam constructa, in hanc sint speciem referenda.

Hæc autè digna visa sunt observatione, ut superiora

tem quatuor modis substantia modificari potest. Primo, quoad bonam, vel malam operationem, in ordine ad propriam naturam; quod fit per habitum & dispositionem. Secundò, quoad principium operationis, ut visus est quidam modus hominis; quia est principium cuiusdam operationis; id est, actus videndi: & hoc per naturalem vim & imbecillatem efficitur. Tertiò, quantum ad terminum operationis substantiæ; exempli gratia. Actus videndi modificatur per colorem, qui est eius terminus, vel obiectum; id autem per tertiam speciem exercetur. Quarto, quantum ad quantitatem. Figura enim nihil aliud est, quam modus quantitatis substantiæ. Figura autem est quarta species. Quatuor igitur sunt Qualitatis species.

Tertium est, has species non semper re differre, vna enim res potest ad diuersas species pertinere. Calor & frigus si considerentur ut variè afficiunt sensum tactus, pertinent ad tertiam speciem, si quatenus calor est vis naturalis ignis ad comburendum, & frigiditas aquæ ad frigefaciendum ad secundam speciem referuntur. Immo, ut cap. de Qualitate in Categorijs Aristoteles innuit, etiam pertinent ad primam: si considerentur ut eis adiuta natura, bene exercet suas actiones. Exempli gratia. Si brachia frigore rigeant, non potest vis naturalis bene exercere opera sua: at si ad mediocritatem sint calida, præclarè suo munere fungetur.

Quæstiones.

Prima est. Num Habitus & Dispositio sint duæ species, an vna tantum, habens diuersos gradus; sicut homo perfectus & puer sunt eiusdem

dem speciei ; licet vnus alterum perfectione superet. Si enim sunt vna solùm species interiecta , profectò omnis species habitus erit etiam dispositionis , rursusq; omnis species dispositionis sub habitu continebitur. Si verò sunt duæ species interiectæ , aliæ erunt species habitus , & aliæ dispositionis. Diuus Albert. Mag. & Seuer. Boeth. viri ad virtutem, dignitatem, & gloriam nati, arbitrantur, habitum & dispositionem esse vnã speciem. Eorum autem sententia sic stabiliri posse videtur. Primùm Aristoteles in hoc capite ait, *Habitus esse Dispositiones*, ergo non differunt. Deinde 5. Metaph. text. 25. ait, *sanitatem & ægritudinem esse habitus*, hic verò docet esse dispositiones , ergo pro eodem sumuntur habitus & dispositiones ab ipso. Iam verò accidentariæ differentiæ non constituunt discrimen specierum ; at facilè & difficile mobile sunt accidentariæ differentiæ : ergo non possunt habitum & dispositionem diuersas species constituere. Probatur assumptio. Quia moueri , aut non moueri non pertinet per se ad qualitatem. Accedit huc , *Patibilem qualitatem & Perturbationem esse vnã & eandem speciem essentialiter* , alioqui candor haberet duas species , vnã quæ esset Patibilis qualitas , aliam quæ foret Perturbatio : vnã permanentem, atque diuturnam ; aliam subitam , & tanquam momentaneam : & tamen differunt penès facilè, & difficilè mobile : ergo eadem est ratio *Habitus & Dispositionis*. Quare videtur, habitum & dispositionem esse vnã speciem interiectam. Videtur dico ? Immo est clara Aristotelis sententia in hoc capite, nullis ambagibus , nullo verborum furo ;

fcd

sed apertissime asserentis, habitum & dispositionem esse unicam speciem.

Contrariam autem sententiam defendit Angelicus Doctor 1. 2. quæst. 40. art. 2. ad 3. Itaque licet, per habitum & dispositionem circumloquatur Aristoteles vnam speciem immediate contentam sub genere supremo qualitatis: tamen habitus & dispositio secundum essentiam differunt, sicut etiam patet in secunda specie, quæ est Naturalis vis & Imbecillitas: & certe naturalis vis & Imbecillitas secundum essentiam distinguuntur. Qua autem ratione habitus & dispositio essentia differant, si explicat diuus Thomas. Facile & difficile à subiecto separari posse, bifariam accidit: primum ex parte subiecti, vel ex alia causa externa, ut quum duæ tabulæ bitumine, aliave tenaciore materia coniunguntur: secundò ex propria natura, quia scilicet res illa ex sua natura vindicat fibritales causas propter quas difficile possit moueri. Mobile & immobile priore ratione non possunt distinguere duas species, posteriore omninò possunt. Nam si duæ res ita se habeant, ut ex sua natura postulent causas repugnantes, profectò illarum rerum essentias oportet esse diuersas. Et ita est in proposito. Nam habitus ex sua natura vindicat sibi causas difficilis auulsionis. Exemplis abundare possemus, sed hoc erimus contenti, vno. Scientia habitus est, & quia ex sua natura generatur, media demonstratione conuincente, penitus intellectum, idè difficile ab eo potest separari. At dispositio è diuerso se habet, ut constat in opinione. Etenim Opinio cum ex probabilibus rationibus conficiatur, ex sua natura est facili-

*Sententia
diui Tho-
ma.*

lè mobilis ab intellectu. Sed interdum accidit ex praua subiecti dispositione, vt id quod ex sua natura est habitus, facilè possit dimoueri: contra autem id quod ex sua essentia est tantùm dispositio, hæreat plusquam habitus; vt in hæreticorum pertinacia cernimus. Videor mihi iecisse fundamenta defensionis diui Thomæ, nunc pergamus ad reliqua.

Sententia diui Thomæ ita probatur. Aristoteles in hoc capite ponens exempla habitus, nunquam profert nisi illa, quæ ex sua natura tales causas exigunt, vt difficilè à subiecto dimoueri possint: proponens verò exempla dispositionis, ea adducit, quæ ex sua natura causas exigunt facilis separationis. Præterea Aristoteles in hoc capite dicit, scientiam mediocriter acquisitam habitum esse; quod intelligendum est ex sua natura; nam ex parte subiecti tam hebes, ac tardus poterit esse quispiam, vt scientia ab eo mediocriter acquisita, facilè euanescat. Tertiò Aristoteles etiam dicit, eos qui non multum disciplinas habent, non dici habere habitum; sed dispositionem. Haud dicit, eos non habere habitum, sed ait, non dici, habere habitum. Et ratio est in promptu. Disciplina mediocriter, acquisita essentiam quidem tenet habitus, sed ex mala qualitate subiecti facilè ab eo dimoueri potest: ideoque non simpliciter appellari solet *Habitus*, sicut postquam infirmitas altas radices misit in homine, tametsi essentialiter dispositio sit; quia tamen habet statum, ac modum habitus, dicitur *Habitus*. Nolumus autem negare, dari aliquas peculiare ægritudines, quæ ex sua natura habitus sint, cum exigant causas difficilis mobilitatis. Sed hæc,
quia

quia Medicorum sunt, Medici tractent. Nos neque id negare volumus, neque docere; sed tantum dicimus, si vendicant sibi ex sua natura causas difficilis separationis, habitus esse; fin autem, non esse habitus. Hæ ferè pro diuo Thoma. Iam grauissimis illis auctoribus respondeamus.

Ad primum igitur, quod pro eis adductum est, *Ad argumenta* argumentum dicimus, Dispositionem interdum *partis aduersa.* accipi, vt dicit qualitatem, quæ ex sua natura exigit causas facilis mobilitatis; & disponit subiectum ad benè, vel malè operandum in ordine ad suam naturam. Et ita habitus non est dispositio. Interdum verò sumitur dispositio pro qualitate afficiente, aut disponente subiectum ad bene, vel malè operandum in ordine ad suam naturam; siue illa qualitas facilè à subiecto dimoueri possit, siue difficilè. Qua ratione si accipiatur, comprehendit suo ambitu & habitum & dispositionem priori modo dictam. Vide Aristot. 5. Metaphysi. tex. 25. cap. de Habitu. Habemus autem exemplum in animali, quod nonnunquam sumitur pro solo bruto (præsertim in lingua Hispana) nonnunquam verò vt comprehendit hominem, atque brutum. Locus itaque in argumento citatus intelligitur de dispositione secundo modo sumpta; nos autem disputamus de dispositione primo modo accepta. Ad secundum respondetur, etiam nomen Habitus improprie acceptum comprehendere sub se dispositiones, sicut nuper de nomine Dispositionis dicebamus. Solent enim quidam auctores, omnes primæ speciei qualitates, habitus dicere. Ad tertium iam explicatum est, quomodo mobile & immobile possint constituere duas species,

species. Ad quartum respondetur; Patibilem qualitatem & Perturbationem non differre specie: quia non differunt nisi penes facile & difficile mobile ex parte subiecti; non ex natura rei. Nam si pallor ex subito casu contrahatur, secundum essentiam est Perturbatio. Quod si idem numero color multo tempore perseuerit, erit iam Patibilis qualitas; sicut idem qui est puer, si in vita perseueret, fiet iuuenis. In habitibus verò & dispositionibus non ita se res habet; nam qualitas quæ secundum essentiam est dispositio, etiam si per totam vitam perseneret, nunquam erit essentialiter habitus: quia ex sua natura est facile mobilis. Rursumq; illud accidens, quod ex sua essentia habitus est, quantumuis tantum inchoatum sit, iam habitus est re vera. Ad extremum autem illud Aristot. testimonium dicimus, habitum & dispositionem esse vnam speciem, per circumloquium non secundum essentiam. Sicut si careremus hoc nomine Animal, diceremus, corpus animatum habere duas species, quarum prima esset homo & brutum; secunda verò planta: & tamen homo & brutum essent duæ species secundum essentiam. Ita fecit Aristoteles in prima specie Qualitatis; immo etiam in secunda.

*De prima
ac secunda
speciei di-
scrimine.*

Alia se offert quæstio circa secundam speciem, quomodo scilicet à prima distinguatur. Etenim intellectus est naturalis potentia, & nihilominus ei competit definitio habitus. Quod ita probatur. Nam intellectus est qualitas difficile mobilis, disponens hominem ad bene operandum, & quidem in ordine ad suam naturam; nanq; intellectio bona operatio est; & nihil

nihil magis secundum hominis naturam est,
 quam intelligere. Huic argumento quidam
 respondent, intellectum non esse difficile mo-
 bile, quia non est facile, aut difficile mobi-
 lis; saltem naturaliter. Sed profectò eadem
 ratione probaretur, synderesim non esse habi-
 tum, quia nulla ratione potest ab homine sepa-
 rari, ut Theologi docent. Alij respondent, in-
 tellectum non esse habitum, quia non datur ad
 bonam operationem, sumendo bonam opera-
 tionem, ut accipit eam Moralis Philosophus.
 Intelligere enim ex suo genere nec officium est,
 nec peccatum. Cæterum eodem pacto esset di-
 cendum, scientiam Physicam non esse habitum,
 quia res Physicas intelligere, non est suapte na-
 tura aut prauum, aut studiosum, sed indifferens:
 ut ex Morali Philosophia constat. Quæ cum
 ita sint, respondendum videtur, secundam spe-
 ciem distingui à prima; quia secunda species
 continet principia operationum, siue turpes
 illæ sint, siue honestæ; perfectæ, aut imperfe-
 ctæ. &c. at prima species continet principia ho-
 nestatis, aut turpitudinis; perfectionis, aut de-
 fectus actionum. Exempli gratia. Ad intelli-
 gendum datus est intellectus, at scientia ad bene
 intelligendum; id est, ad perfectè, promptè,
 faciliter, certè, & perspicuè intelligendum. In-
 super ignorantia pravi dispositionis non est
 principium intellectionis, sed erroris, prauita-
 tisq; intellectionem committentium. Simili-
 ter Voluntas datur ad amandum. Cæterum ad
 bene, promptè, & faciliter amandum id quod
 meriti à viris bonis amandum est, ponuntur
 virtutes in voluntate; sicut vitia ad malè aman-
 dū. Itaq; habitus est qualitas difficile mobilis, di-
 sponens

diostæ; perfectæ, aut imperfectæ principia; sed simpliciter operationis; quia tamen vix quædam sunt ad habitum scientiæ: idè non ponuntur reduktionè in secunda specie, sed in prima. Quod alio manifestiori exemplo confirmari potest. Humanum corpus licet vivere tantùm, & sentire possit, non equidem intelligere, non ad bruti, sed ad hominis speciem est referendû; sic etiam, cum species intellectuales (vt quidam viri excellentes loquuntur) sint partes quasi materiales habitus scientiæ, ad scientiarum numerum sunt referendæ. Cui hæc non placuerit, aliam accipiat solutionem. Concedo libentissimè, species intellectuales ad secundam speciem pertinere, quia sunt instrumenta ipsius mentis non solum ad bene, vel malè intelligendum, sed omninò ad intelligendum. Itaq; non dico, pertinere ad secundam speciem, quia sunt instrumenta intellectus; quoniam eadem ratione diceret quispiam, scientiās ad secundam speciem pertinere; cum sint instrumenta, quibus intellectus utitur ad intelligendum: sed quia sunt talia instrumenta, sine quibus nullo modo posset intellectus quicquam percipere. Quòd si diuus Thomas alicubi species intellectuales vocat Habitum, id facit, quia habent modum quendam habitus; cum sint res permanentes, ac diurnæ, ipsiq; potentiæ, & facultati intelligendi superadditæ, quemadmodum & scientiæ ipsæ. Aut certè innuere voluit, quadam etiam ratione ad primam speciem pertinere, quod ingenuè etiam nos fatemur. Longior fui, quàm institueram, sed prolixitas (si tamen quæ necessaria sunt, prolixiora iudicari possunt) utilitate pensabitur. Hinc enim habes lumen ac-

censum, quo multa diui Thomæ loca intueri ac intelligere possis. Sæpe enim vocat Habitus, non quæ reuera habitus sunt, sed quæ habituum imaginem præ se ferunt. Cæterum quæ in tota hac quæstione à me dicta sunt, de rebus tantum naturalibus accipiantur; de alijs grauiores Theologi consulantur. Non enim omnia, in omnibus sunt dicenda.

*Dum à
perturba-
tione qua-
les dica-
mur.*

Postrema quæstio. Perturbatio, vel passio non denominat nos quales, ut ait Aristoteles hoc loco: ergo non est Qualitas. Respondetur, immò denominare nos quales. A perturbatione enim dicimur perturbati. Arist. autem, qui contra docet, tribus modis exponitur. Vnus est, à perturbatione in communi appellari nos quales, id est, perturbatos: veruntamen à perturbationibus singularibus, ac determinatis; ut à subito pallore non appellari quales. Tamen quia etiam perturbationis species qualitates sunt, ac subinde denominant nos quales, respondendum est alio modo, scilicet Aristot. loqui in Idiomate Græco, in quo non datur vox, quæ propriè significet hominem rubore affectum ex perturbatione. Sed enim apud Latinos aliter se res habet. Nam apud ipsos, homo qui perpetuò ruborem habet, rubicundus appellatur; qui verò ex perturbatione ruborem contrahit, rubeus dicitur. Hæc solutio est Auctoris Opusculi 48. quod nomine Diui Thomæ circumfertur tract. de Qualitate. cap. 4. Respondetur tertio, idè Aristot. dixisse à perturbationibus non appellari nos quales; quia si quis ad momentum ruborem contrahat, non solet à vulgo rubens appellari. Aristot. enim in hoc libro valde se ad popularem sensum accommodat.

De proprietatibus Qualitatis. Cap. 16.

HAec autem est prima Qualitatis proprie-^{Quæ red-}
 tas. Qualitas contrarium suscipit. Circa^{piant con-}
 hanc affectionem observandum est, eam non^{trarieta-}
 competere omni qualitati. Licet enim calor,^{tem.}
 & frigus sint contraria, tamen triangulus, &
 pentagonus non sibi repugnant. Sed contra-
 rietas triplex ab auctoribus assignatur. Vna
 est improprie, aut communiter dicta, qualis re-
 peritur inter quæ suis species cuiuscunque gene-
 ris, siue proximi, siue remoti. Quo pacto do-
 cet Aristoteles, sub quovis genere esse unam
 contrarietatem. Alia est propria, utpote dua-
 rum formarum, quæ ab eodem subiecto mutuò
 se expellunt; repugnantia. Ad quod genus
 contrarietatis exigitur, illas formas sub eo-
 dem genere contineri, aut proximo, ut candor,
 & atrox; aut aliquantulum remoto, ut iustitia,
 & iniustitia: quæ ab Aristotele hoc loco contra-
 riæ formæ dicuntur, quamvis sub eodem ge-
 nere proximo minimè contineantur; sed illa^{Maxima}
 sub virtute, hæc autem sub vitio. Tertium^{contraria-}
 contrarietatis genus, quod maximè proprium,^{tas.}
 aut propriissimum dicitur, est, quod inter eas
 species infimas cernitur, quæ sub eodem genere
 proximo maximè distant, & eidem subiecto vi-
 cissim inesse possunt, à quo mutuò se expellunt,
 nisi altera earum insit à natura. At quantum
 ego coniectura complecti possum in propo-
 sita definitione, quatuor in maxima contrarie-
 tate necessaria indicantur. Principiò quidem,
 ut formæ, inter quas acerbissimum hoc con-
 trarietatis genus datur, sub eodem genere con-
 tineantur; & tali genere, quod in species

infimas diuidatur. Nam si intelligenda esset definitio de genere eminentiori, remotiori; non ita facile esset inuenire maximè contraria; sicut nec maximam distantiam. Mox necessum est, vt sub illo genere maximè distent, sicut albedo & nigredo sub colore; & calor & frigus in genere qualitatum primarum agentium: & siccitas atq; humiditas in genere primarum qualitatum, quas Physici patientes vocant. Tertio oportet, illas eidem subiecto vicissim inesse posse, quemadmodum calor & frigus corpori. Ad extremum, vt ab eodem subiecto se expellant, quia videlicet agunt, & patiuntur inuicem. Quod in calore & frigore passim videmus. Cæterum additur in definitione, Nisi altera earum insit natura, quia ab igne non potest calor expelli, nec omnino extrudi ab aqua frigiditas.

Contrarietas propria non est in substantijs, aut quantitatibus.

Quæ si vera sunt, sequitur primum, in substantijs non dari propriam contrarietatem, ac multò minùs summam illam, & acerbiorē, quippe cum non sint in subiecto, nec inuicem agant; nisi ratione qualitatum. Iam & illud consequens est, inter quantitates non dari propriam, aut grauiorem contrarietatem: quia non datur maxima distantia sub eodem genere. Licet enim linea, quam imaginantur Mathematici, duci à polo Arctico vsq; in Antarcticum per centrum terræ, sit maxima linea, quæ naturaliter dari potest; tamen non datur minima linea: quia quacunque linea data, potest dari minor. Immo quòd ad naturam lineæ attinet, potest dari altera linea maior illa, quam maximam nominauimus. In numeris quoque datur minimus numerus, vt puta binarius; sed nunquam reperi-

ries maximum. Ergo in quantitate non est illa, de qua agimus, contrarietas. Accedit huc alterum caput, ratione cuius quantitas non est quantitati contraria; quia quantitas maior non expellit minorem. Quamquam enim sint, qui afferant, in rarefactione, & condensatione maiorem quantitatem expellere minorem, & contra; tamen id (si verum est) non fit actione quantitatum in se inuicem, sed qualitatum; quæ sunt rarefactionis, & condensationis causæ: vt supra diximus de substantijs. Præterea quod inferre licet ex semel constituta definitione, non in omnibus qualitatis speciebus dari, propriam, aut maximam contrarietatem. Etenim in quarta speciei, Figura non repugnat figuræ. Nec quicquam efficies, si ita argumenteris: Dux figuræ non possunt eidem corpori conuenire, ergo inter se repugnant. Nam etiam dux formæ substantiales non possunt eidem materiæ conuenire, nec cæcitas, & visus eidem oculo, cum alioquin hæc non sint propriæ, aut maximè contraria. Rursum in secunda speciei qualitatis vix maximè propria contraria reperiuntur: siquidem intellectui, aut voluntati, aut sensui nihil contrarium est. Sensus quidem nostri aliquibus accidentibus destruuntur, sed illa accidentia non sunt maximè contraria sensibus, cum non sint eiusdem generis. Visus enim est species sensus, & nimius calor destruens crystallinum humorem in oculo existentem, est sub genere primarum qualitatum. Reperitur tamen in hac specie summa contrarietas aliquando, vt patet in calore, & frigore, quæ non solum ad secundam, sed etiam ad tertiam speciem qualitatis pertinent. Præterea in prima

*An in omnibus
qualitatibus
sit ea,
de qua agimus
contrarietas.*

specie vix, aut ne vix quidem contrarietas reperitur proprijsima. Nam etsi iustitia & iniustitia ab eodem subiecto se expellant, tamen quia iustitia est in genere virtutis, & iniustitia in genere vitij, non sunt maximè propriè contraria. Quòd si quis auaritiam, & prodigalitatem, tanquam duo monstra, producat in medium, quæ maximè à se inuicem distant, & sub eodem genere, id est vitio, continentur: respondebimus, non esse contraria; tum quia eidem subiecto inesse possunt, cum multi sint prodigi ad parasitos, & auari ad pauperes: tum etiam quia prodigalitas est in genere vitij medium prætergradientis, auaritia autem in genere vitij medium minimè assequentis. Concedimus tamen, in hac specie sæpè inueniri propriam contrarietatem, vt inter iustitiam & iniustitiam; scientiam & ignorantiam prauæ dispositionis. Itaque prima affectio qualitatis est, posse suscipere contraria secundo & tertio modo: licet id non omnibus qualitatibus conuenire possit. Nam primo modo recipere contraria, omnibus Categorijs est commune.

Secunda affectio. Qualiter recipit magis & minùs, vt vna res est magis alba, quàm altera. Sed hæc affectio non solum qualitatibus est tribuenda, cum etiam actioni, & passioni conueniat. Vna enim res magis calefit alia. Neq; verò omnibus qualitatibus conuenit. Intellectus siquidem non recipit magis, & minùs. Sed res ipsa nos admonet, vt explicemus, quid sufficiat vt aliquod superius possit dici suscipere magis & minùs; sæpe enim eam disputationem in hunc locum reiecimus. Initio autem

*Quid consideretur,
ut aliquid
recipiat
magis &
minùs.*

tem tanquam postulatum, ac celebris sententia concedendum est, non sufficere, si inferiorum vni perfectiùs, quàm alteri tribuatur: quia omne genus hac ratione susciperet magis & minùs: cùm habeat species, ex quibus vna est perfectior reliqua. Deinde non sufficit, si ex inferioribus vnum sit maius, & alterum minus: nam albedo Gigantis est maior ea, quæ est in Pygmæo; at non proinde Gigas est Pygmæo candidior. Item nec satis illud est, si de suis illud est, si de suis inferioribus ordine prioris & posterioris dicatur. Sanum enim priùs dicitur de animali, quàm de vrina; nec subinde oportet, animal dici magis sanum, quàm vrinam: & priùs in orbe fuerunt homines albi quàm Aethiopes; tamen non statim homines albi sunt magis colorati, quàm nigri. Quare (vt paucis finiam) si aliquid debet recipere magis vt minùs, oportet ipsum magis aut minùs inhærere subiecto: vt quia color potest homini magis & minùs inhærere, ideò homo potest magis & minùs dici calidus. Quò fit, vt quamuis intellectus in vno homine possit perfectior esse, quàm in altero, non recipiat magis & minùs, quia non potest cuiquàm magis inhærere, quàm antea inhærebat. Sequitur etiam hinc, in quarta specie qualitatis non inueniri magis & minùs. Tandem colligendum est, quantitatem non suscipere magis & minùs. Potest equidem vna quantitas esse maior altera, & vna res quanta maior altera; non tamen magis quanta: quia maiùs & minùs consurgunt ex alicuius accidentis extensione; magis autem & minùs ex maiori aut minori inhæensione. Sed vt extremum aliquod habeat hæc disputatio, obseruanda sunt

duo. Primum est, qualitatem in abstracto non recipere magis, & minus, vt vna albedo non est magis albedo, quàm altera; quamuis in concreto illa recipiat, siquidem vnus homo est magis albus alio. Huius discriminis hæc est causa. Accidentia in abstracto significant solam essentiam; essentia autem non recipit magis, aut minus: at verò accidens in concreto significat essentiam in ordine ad subiectum. Quò fit, vt si illud accidens magis & minus possit inhærere, possit quoq; in concreto magis & minus dici. Placuit hac ratione vti, quia à Dialecticis facile percipietur: nam quam Caietanus hoc loco affert, vt vera sit, non est adeò perspicua, & aperta. Secundum est has voces magis & minus interdum æquipollere istis maius & minus, quod oculatè considerandum est, ne decipiamur. Etenim quum dicimus magis aut minus longum, non significamus, longitudinem magis aut minus rei inhærere, sed esse maiorem, aut minorem.

Tertia affectio qualitatis est, vt secundum eam similes dicamur, aut verò dissimiles, vt duo homines albi dicuntur similes propter albedinem. Quamobrem Arist. 5. Metaph. cap. de Relatis, id est, tex. 20. dixit, similitudinem esse rerum diuersarum eandem qualitatem.

In ea qua dicta sunt obiectiones.

Dictum est in primæ affectionis explicatione, Quantitatem non recipere contrarium. Omnis motus est à contrario in contrarium, vt ait Aristoteles 5. Physic. capit. 5. sed à quantitate in quantitatem, est motus augmenti & decrementi: ergo quantitas habet contrari-

um. Respondetur, distinguendam esse propositionem: non enim omnis motus est à contrario in contrarium propriè, aut maximè propriè; sed quidam motus sunt à contrario in contrarium communiter dictum, quum scilicet vnum se habet vt perfectum, alterum vt imperfectum. Quòd genus contrarietatis facilè in quantitate reperitur. Idèò autem hanc obiectionem in hunc locum distuli, quia cap. de Quantitate nondum hos repugnantia gradus explicaueram.

Secunda obiectione contra id quod dictum est, *Quomodo* albedinem & nigredinem maximè propriè re- *ea, qua* pugnare. Vt aliqua sint maximè contraria, de- *propriè cō-* bent se inuicem expellere; idq; ratione sui; sed *traria sūt* albedo, & nigredo non expellunt se inuicem ra- *ab eodem* tione sui, ergo nō sunt huius generis contraria. *subiecto se* Ostenditur propositio. Inter formas substantia- *expellans.* les ea de causa negauimus perfectum oppositio- nis genus, quia non se expellunt ab eadē materia rationis sui, sed caloris & frigoris interuētū; qua etiam ratione vñ sumus quum de quantitate disputarem. Ergo ea quæ maximè contraria sunt se inuicem, & quidem ratione sui expellere debent. Probatur assumptio. Nam candor expellitur per nimiū calorem, & tunc atror succedit. Respondetur, negandā esse assumptionem, & ad eius probationem dicendum est, non esse parem rationem. Cum enim secundæ qualitates, vt albedo, & nigredo, ex caloris & frigoris co- aptione consurgant, & componantur quod per calorem, ad expellendam albedinem fit, tribuitur ipsi nigredini, ac dicitur, ratione nigredinis fieri. Hæc autē minimè quadrāt in substantiā, aut quantitatē, quæ non cōponuntur ex

diostæ; perfectæ, aut imperfectæ principia; sed simpliciter operationis; quia tamen vix quædam sunt ad habitum scientiæ: idèd non ponuntur reductiue in secunda specie, sed in prima. Quod alio manifestiori exemplo confirmari potest. Humanum corpus licet viuere tantum, & sentire possit, non equidem intelligere, non ad bruti, sed ad hominis speciem est referendû; ficetiam, cum species intellectiles (vt quidam viri excellentes loquuntur) sint partes quasi materiales habitus scientiæ, ad scientiarum numerum sunt referendæ. Cui hæc non placuerit, aliam accipiat solutionem. Concedo libentissimè, species intellectiles ad secundam speciem pertinere, quia sunt instrumenta ipsius mentis non solum ad bene, vel malè intelligendum, sed omninò ad intelligendum. Itaq; non dico, pertinere ad secundam speciem, quia sunt instrumenta intellectus; quoniam eadem ratione diceret quispiam, scientiæ ad secundam speciem pertinere; cum sint instrumenta, quibus intellectus vtitur ad intelligendum: sed quia sunt talia instrumenta, sine quibus nullo modo posset intellectus quicquam percipere. Quòd si diuus Thomas alicubi species intellectiles vocat *Habitus*, id facit, quia habent modum quendam habitus; cum sint res permanentes, ac diurnæ, ipsiq; potentiæ, & facultati intelligendi superadditæ, quemadmodum & scientiæ ipsæ. Aut certè innuere voluit, quadam etiã ratione ad primam speciem pertinere, quod ingenuè etiã nos fatemur. Longior fui, quàm institueram; sed prolixitas (si tamen quæ necessaria sunt, prolixiora iudicari possunt) vtilitate pensabitur. Hinc enim habes lumen ac-

ensum, quo multa diui Thomæ loca intueri, ac intelligere possis. Sæpe enim vocat Habitus, non quæ reuera habitus sunt, sed quæ habituum imaginem præ se ferunt. Cæterum quæ in tota hac quæstione à me dicta sunt, de rebus tantum naturalibus accipiantur; de alijs grauiores Theologi consulantur. Non enim omnia, in omnibus sunt dicenda.

*Ad hunc à
perturba-
tione qua-
les dica-
mur.*

Postrema quæstio. Perturbatio, vel passio non denominat nos quales, ut ait Aristoteles hoc loco: ergo non est Qualitas. Respondetur, immò denominare nos quales. A perturbatione enim dicimur perturbati. Arist. autem, qui contra docet, tribus modis exponitur. Vnus est, à perturbatione in communi appellari nos quales, id est, perturbatos: veruntamen à perturbationibus singularibus, ac determinatis; ut à subito pallore non appellari quales. Tamen quia etiam perturbationis species qualitates sunt, ac subinde denominant nos quales, respondendum est alio modo, scilicet Aristot. loqui in Idiomate Græco, in quo non datur vox, quæ propriè significet hominem rubore affectum ex perturbatione. Sed enim apud Latinos aliter se res habet. Nam apud ipsos, homo qui perpetuò ruborem habet, rubicundus appellatur; qui verò ex perturbatione ruborem contrahit, rubeus dicitur. Hæc solutio est Auctoris Opusculi 48. quod nomine Diui Thomæ circumfertur tract. de Qualitate. cap. 4. Respondetur tertiò, ideò Aristot. dixisse à perturbationibus non appellari nos quales; quia si quis ad momentum ruborem contrahat, non solet à vulgo rubeus appellari. Aristot. enim in hoc libro valde se ad popularem sensum accommodat.

De proprietatibus Qualitatis. Cap. 16.

HAec autem est prima Qualitatis proprie-<sup>Qua re-
diant con-
trarieta-
tem.</sup>tas. Qualitas contrarium suscipit. Circa hanc affectionem observandum est, eam non competere omni qualitati. Licet enim calor, & frigus sint contraria, tamen triangulus, & pentagonus non sibi repugnant. Sed contrarietas triplex ab auctoribus assignatur. Vna est improprie, aut communiter dicta, qualis reperitur inter quæ suis species cuiuscunque generis, siue proximi, siue remoti. Quo pacto docet Aristoteles, sub quovis genere esse vnam contrarietatem. Alia est propria, utpote duarum formarum, quæ ab eodem subiecto mutuo se expellunt; repugnantia. Ad quod genus contrarietatis exigitur, illas formas sub eodem genere contineri, aut proximo, ut candor, & atrox; aut aliquantulum remote, ut iustitia, & iniustitia: quæ ab Aristotele hoc loco contrariæ formæ dicuntur, quamvis sub eodem genere proximo minimè contineantur; sed illa ^{Maxima} sub virtute, hæc autem sub vitio. Tertium ^{contraria-}contrarietatis genus, quod maximè proprium, ^{tas.}aut propriissimum dicitur, est, quod inter eas species infimas cernitur, quæ sub eodem genere proximo maximè distant, & eidem subiecto vicissim inesse possunt, à quo mutuo se expellunt, nisi altera earum insit à natura. At quantum ego coniectura complecti possum in proposita definitione, quatuor in maxima contrarietate necessaria indicantur. Principio quidem, ut formæ, inter quas acerbissimum hoc contrarietatis genus datur, sub eodem genere contineantur; & tali genere, quod in species

infimas diuidatur. Nam si intelligenda esset definitio de genere eminentiori, remotiori; non ita facillè esset inuenire maximè contraria; sicut nec maximam distantiam. Mox necessum est, vt sub illo genere maximè distent, sicut albedo & nigredo sub colore; & calor & frigus in genere qualitatum primarum agentium: & siccitas atq; humiditas in genere primarum qualitatum, quas Physici patientes vocant. Tertio oportet, illas eidem subiecto vicissim inesse posse; quemadmodum calor & frigus corpori. Ad extremum, vt ab eodem subiecto se expellant, quia videlicet agunt, & patiuntur inuicem. Quod in calore & frigore passim videmus. Cæterum additur in definitione, Nisi altera earum insit natura, quia ab igne non potest calor expelli, nec omninò extrudi ab aqua frigiditas.

Contrarietas propria non est in substantijs, aut quantitatibus.

Quæ si vera sunt, sequitur primum, in substantijs non dari propriam contrarietatem, ac multò minùs summam illam, & acerbiores, quippe cum non sint in subiecto, nec inuicem agant; nisi ratione qualitatum. Iam & illud consequens est, inter quantitates non dari propriam, aut grauiorem contrarietatem: quia non datur maxima distantia sub eodem genere. Licet enim linea, quam imaginantur Mathematici, duci à polo Arctico vsq; in Antarcicum per centrum terræ, sit maxima linea, quæ naturaliter dari potest; tamen non datur minima linea: quia quacunque linea data, potest dari minor. Immo quòd ad naturam lineæ attinet, potest dari altera linea maior illa, quam maximam nominauimus. In numeris quoque datur minimus numerus, vt puta binarius; sed nunquam reperies

ries maximum. Ergo in quantitate non est illa, de qua agimus, contrarietas. Accedit huc alterum caput, ratione cuius quantitas non est quantitati contraria; quia quantitas maior non expellit minorem. Quamquam enim sint, qui asserant, in rarefactione, & condensatione maiorem quantitatem expellere minorem, & contra; tamen id (si verum est) non fit actione quantitatum in se inuicem, sed qualitatum; quæ sunt rarefactionis, & condensationis causæ: ut supra diximus de substantijs. Præterea quod inferre licet ex semel constituta definitione, non in omnibus qualitatis speciebus dari, propriam, aut maximam contrarietatem. Etenim in quarta speciei, Figura non repugnat figuræ. Nec quicquam efficies, si ita argumenteris: Dux figuræ non possunt eidem corpori conuenire, ergo inter se repugnant. Nam etiam dux formæ substantiales non possunt eidem materiæ conuenire, nec cæcitas, & visus eidem oculo, cum alioquin hæc non sint propriæ, aut maximè contraria. Rursum in secunda speciei qualitatis vix maximè propria contraria reperientur: siquidem intellectui, aut voluntati, aut sensui nihil contrarium est. Sensus quidem nostri aliquibus accidentibus destruuntur, sed illa accidentia non sunt maximè contraria sensibus, cum non sint eiusdem generis. Visus enim est species sensus, & nimius calor destruens crystallinum humorem in oculo existentem, est sub genere primarum qualitatum. Reperitur tamen in hac specie summa contrarietas aliquando, ut patet in calore, & frigore, quæ non solum ad secundam, sed etiam ad tertiam speciem qualitatis pertinent. Præterea in prima

*An in omnibus
qualitatibus
sit ea,
de qua agimus
contrarietas.*

specie vix, aut ne vix quidem contrarietas reperitur proprijsissima. Nam etsi iustitia & iniustitia ab eodem subiecto se expellant, tamen quia iustitia est in genere virtutis, & iniustitia in genere vitij, non sunt maximè propriè contraria. Quòd si quis auaritiam, & prodigalitatem, tanquam duo monstra, producat in medium, quæ maximè à se inuicem distant, & sub eodem genere, id est vitio, continentur: respondebimus, non esse contraria; tum quia eidem subiecto inesse possunt, cum multi sint prodigi ad parafitos, & auari ad pauperes: tum etiam quia prodigalitas est in genere vitij medium prætergredientis, auaritia autem in genere vitij medium minimè assequentis. Concedimus tamen, in hac specie sæpè inueniri propriam contrarietatem, vt inter iustitiam & iniustitiam; scientiam & ignorantiam prauæ dispositionis. Itaque prima affectio qualitatis est, posse suscipere contraria secundo & tercio modo: licet id non omnibus qualitatibus conuenire possit. Nam primo modo recipere contraria, omnibus Categorijs est commune.

*Quid de-
sideretur,
vt aliquid
recipiat
magis &
minùs.*

Secunda affectio. Qualiter recipit magis & minùs, vt vna res est magis alba, quàm altera. Sed hæc affectio non solum qualitatibus est tribuenda, cum etiam actioni, & passioni conueniat. Vna enim res magis calefit alia. Neque verò omnibus qualitatibus conuenit. Intellectus siquidem non recipit magis, & minùs. Sed res ipsa nos admonet, vt explicemus, quid sufficiat vt aliquod superius possit dici suscipere magis & minùs; sæpe enim eam disputationem in hunc locum reiecimus. Initio au-

tem tanquam postulatum, ac celebris sententia concedendum est, non sufficere, si inferiorum vniperfectius, quàm alteri tribuatur: quia omne genus hac ratione susciperet magis & minus: cum habeat species, ex quibus vna est perfectior reliqua. Deinde non sufficit, si ex inferioribus vnum sit maius, & alterum minus: nam albedo Gigantis est maior ea, quæ est in Pygmæo; at non proinde Gigas est Pygmæo candidior. Item nec satis illud est, si de suis illud est, si de suis inferioribus ordine prioris & posterioris dicatur. Sanum enim prius dicitur de animali, quàm de vrina; nec subinde oportet, animal dici magis sanum, quàm vrinam: & prius in orbe fuerunt homines albi quàm Aethiopes; tamen non statim homines albi sunt magis colorati, quàm nigri. Quare (vt paucis finiam) si aliquid debet recipere magis vt minus, oportet ipsum magis aut minus inhærere subiecto: vt quia color potest homini magis & minus inhærere, idèd homo potest magis & minus dici calidus. Quò fit, vt quamuis intellectus in vno homine possit perfectior esse, quàm in altero, non recipiat magis & minus, quia non potest cuiquam magis inhærere, quàm antea inhærebat. Sequitur etiam hinc, in quarta specie qualitatis non inueniri magis & minus. Tandem colligendum est, quantitatem non suscipere magis & minus. Potest equidem vna quantitas esse maior altera, & vna res quanta maior altera; non tamen magis quanta: quia maius & minus consurgunt ex alicuius accidentis extensione; magis autem & minus ex maiori aut minori inhæfione. Sed vt extremum aliquod habeat hæc disputatio, obseruanda sunt

um. Respondetur, distinguendam esse propositionem: non enim omnis motus est à contrario in contrarium propriè, aut maximè propriè; sed quidam motus sunt à contrario in contrarium communiter dictum, quum scilicet vnum se habet vt perfectum, alterum vt imperfectum. Quòd genus contrarietatis facilè in quantitate reperitur. Idèd autem hanc obiectionem in hunc locum distuli, quia cap. de Quantitate nondum hos repugnantia gradus explicaueram.

Secunda obiectione contra id quod dictum est, *Quomodo* albedinem & nigredinem maximè propriè re- *ea, qua* pugnant. Vt aliqua sint maximè contraria, de- *proprie cō-* bent se inuicem expellere; idq; ratione sui; sed *traria sūt* albedo, & nigredo non expellunt se inuicem ra- *ab eodem* tione sui, ergo nō sunt huius generis contraria. *subiecto se* *expellant.* Ostenditur propositio. Inter formas substantiales ea de causa negauimus perfectum oppositionis genus, quia non se expellunt ab eadē materia rationis sui, sed caloris & frigoris interuētū; qua etiam ratione vfi sumus quum de quantitate disputarem: Ergo ea quæ maximè contraria sunt se inuicem, & quidem ratione sui expellere debent. Probatur assumptio. Nam candor expellitur per nimium calorem, & tunc atror succedit. Respondetur, negandā esse assumptionem, & ad eius probationem dicendum est, non esse parem rationem. Cum enim secundæ qualitates, vt albedo, & nigredo, ex caloris & frigoris coactione consurgant, & componantur quod per calorem, ad expellendam albedinem fit, tribuitur ipsi nigredini, ac dicitur, ratione nigredinis fieri. Hæc autē minimè quadrāt in substantiā, aut quantitatē, quæ non cōponuntur ex

primis qualitatibus; sed potiùs qualitates earum naturas consequuntur.

*An substantia in cōmunima-
gis minus-
ue recipi-
at.*

Postrema obiectio. Supra cap. 12. dictum est, substantiam alicui generi applicatam non recipere magis aut minus; sed sumptam in cōmuni: at substantia nec in communi, nec applicata ad certam speciem magis aut minus, non oportet magis aut minus inhærere illis, de quibus dicitur. Respondetur, magis & minus Analogicæ sumi cap. de Substantia, & hoc loco. Ibi enim magis & minus sumuntur, vt significant mediatiùs aut immediatiùs conuenire; hic autem alio modo. Nam apud omnes constat, nec doctos homines solùm, sed etiam indoctos, sermones intelligendos esse iuxta materiam, quam tractamus, ac in qua versamur. Cumque certum sit, accidentia inhærere, substantiam minimè, consequens est, vt illæ voces aliter; atque aliter in tanta rerum diuersitate sumantur. Quorsum hæc inquires? Perspicua enim sunt. Fateor, Sed in meam defensionem vti potero celebri illa Magni Patris Augustini, aliorum tamen prolata sententia: Meliùs supererunt ista eis, quibus nec obfunt, nec prosunt, quàm eis deerunt, quibus prodesse potuerunt.

De Relatis. Cap. 17.

DE Relatione agendum est, postquam de tribus prædicamentis, quibus ipsa tanquam fundamentis innititur, disseruimus. Merito autem Relationis tractatus, sex aliarum Categoriarum disputationem antecedit, cum illæ non possint absque Relatione intelligi. Cate-
rum

rùm Relata duplicia sunt; alia Propria, alia Impropria. Propria sunt, quorum totum esse est, ad aliud se habere, ut totum esse patris, quæ pater est, est habere filium, itemque filiis, habere patrem. Relata Impropria sunt, quæ secundariò tantum dicunt relationem, cum præcipuè aliud sint. Ut scientia, quæ qualitas est animo inhærens, tamen si secundariò dicat relationem ad id, quod sub scientiam cadit. Nos scibile dicimus. Relata Propria vocantur Secundum esse, Impropria Secundum dici. Et quidem varius hic appellationis modus sumptus est ex varia ratione definiendi. Nam Aristoteles definitionem propriè Relatorum assignans, ait, Relata esse, quæ id quod sunt, aliorum sunt. Definitionem autem Platonianam tradens, quæ Relatis etiam Improprijs convenit: Relata, inquit sunt, quæ id quod sunt, aliorum esse dicuntur. Rursum Relata Secundum esse duplicia sunt, alia rei, alia rationis. Rei, ut pater & filius; Rationis ut genus, species, subiectum, attributum, maior & minor extremitas; quæ idèò rationis relata dicuntur, quia ex opera mentis consurgunt. Ad hanc Categoriam pertinent sola relata secundum esse; nam si relata secundum dici ad eam spectarent, omnes Categorix in hanc unam confluerent. Neque porrò omnia relata secundum esse in ipsa ponuntur, sed illa quæ vocantur Realia. Docent enim omnes ferè Metaphysici, in Categorijs non poni entia rationis. Nam quamvis notiones, generis & speciei, necessariò requirantur, ut quædam entia rei in recta linea collocètur, tamè ipsæ notiones

Relatorum
prima
divisio.

Secunda
divisio.

non

non sunt res collocatæ in Categoria. Sicut applicatio ignis requiritur ad combustionem, applicatio tamen non comburit, sed ignis. Relege quæstionem capitis 10. Igitur Relata huius Categoriae ita sunt definienda Entia rei, quorū totum esse est, ad aliud se habere.

*Tria quæ
ad relationem
desiderantur.*

Sed, vt quot sint horum Relatorum genera intelligamus, obseruandum est diligenter, quæ ad relationem rei exigantur. Hæc autem fere sunt Subiectum, Fundamentum, & Correlatum. Verbi gratia. Ad relationem similitudinis inter Petrum & Paulum, in primis desideratur Petrus tanquam subiectum, deinde cador, vel alia qualitas, ratione cuius similis esse queat Paulo: quæ proinde fundamentum similitudinis dicitur. Denique Correlatum, quia si Petrus solus esset in mundo, quamuis esset albus, nemini tamen assimilaretur. Et hoc Correlatum dicitur terminus, aut extremum relationis. Positis his tribus, necessariò confurgit quartum; nempe ordo, habitudo, & respectus similitudinis Petri, & Pauli: in qua habitudine & respectu consistit tota essentia relatorum. Quanquam enim esse relationis, quæ accidens est, sit habitudo ad subiectum, cui inhæret; tamen eius esse, quatenus relatio est, est habitudo ad terminum, vel correlatum. Quod alij dicere solent, relationem, quatenus accidens, solùm dicere In, id est, inhærentiam; quatenus verò est relatio, solùm dicere Ad; id est habitudinem, vel respectum ad Correlatum. Cùmque ad constituendam relationem, tria illa conuenire oporteat, sequitur, relationem diuidi posse aut ex subiecto, aut ex fundamento, aut denique ex parte correlati. Ex subiecto facilis est diuisio. Cùm enim subiectū
rela-

relationis sit substantia, eo modo quo diuiditur substantia, potest & relatio diuidi: ita vt dicamus, relationū alias reperiri in substantia corporea, alias incorporea. Accidit tamen, dari relationē absq; substantia; vt relatio æqualitatis inter duas hostias cōsecratas, quæ nullam habent substantiam tanquam subiectum, sed quantitas ipsa simul est fundamentū æqualitatis; & retinet locum subiecti. Sed hæc cum miraculo fiant, aliena sunt à nostra disputatione. Ex parte autem fundamenti colligitur hæc diuisio, quam tradit Aristot. 5. Metaph. cap. de Ad aliquid. Omnis enim relatio innititur vni ex tribus fundamentis. Primū est, Vnum & multa, vt relatio æqualitatis fundatur in vna quantitate. Illi siquidē sunt æquales, qui habēt vnā quantitātē; non quidem numero; sed vnam magnitudine & extensione. Relatio verò inæqualitas, fundatur in multitudine quantitatum, vel diuersitate. Secundū est Actio & Passio. Vt relatio patris ad filium in generatione. Tertium est Mensura, & id quod mensuratur. Vt relatio quæ est inter scientiam & eius obiectum, quod scibile appellatur; sed melius dicitur scitum. Obiectum enim habet se vt mensura scientiæ, cum veritas scientiæ ex veritate cuiusque rei, quæ scitur, petenda sit. Illud autem silentio prætereundum non est, vix posse dari aliquam relationem, quæ habeat tertiū fundamentum, & pertineat ad hanc Categoriā. Omnes siquidem istæ relationes sunt relationes secundū dici. Hinc collige, nullam relationē rationis, quæ tertij ordinis dicitur, vt scibile, sensibile, &c. poni in hac Categoria etiam reduci; quemadmodum nec in ipsa ponuntur relationes rei, quarū istæ sunt termini. Ex parte de-

*Tertia di-
uisio Re-
lationum.*

*Quarta
diuisio,*

*Quinta
diuisio.*

que

*Quinta
diuisio.*

nique termini ita possunt Relata diuidi . Alia sunt eiusdem rationis in utroq; termino, vt vicinus, amicus, consanguineus, &c. alia diuersæ rationis. Priora appellantur ab auctoribus Relata Aequiparantiæ; posteriora Disquiparantiæ. Rursum diuersæ rationis, alia superiora sunt, vt pater & magister; alia inferiora, vt filius, atq; discipulus. Superiora dicuntur à nonnullis, Suppositionis, inferiora Suppositionis.

Huius capituli difficultas.

*Actio, &
passio.
que modo
sint rela-
tionum
funda-
menta.*

Prima est circa ordinem tractationis. Prius enim tractatum est de Substantia, Quantitate, & Qualitate, quoniam sunt fundamenta Relationum; sed Actio & Passio sunt etiam fundamenta Relationum: ergo prius agendum fuit de Actione & Passione. Respondetur, negari posse assumptionem. Licit enim Actio & Passio appellentur fundamenta: re vera tamen non sunt nisi conditiones fundamentorum. Paternitas siquidem fundatur non in actu generandi, sed in naturali potentia generandi, quam habet pater: hac tamen lege & conditione, vt in actum generationis prodierit, & terminum habeat, ad quæ referatur. Nec qui ita sentiunt, ab Arist. doctrina, superius adducta, recedunt: nam etiam relationem similitudinis dicit fundari in vno, non quasi Vnum sit fundamentum, sed quia est conditio, atque lex fundamenti. Itaque uquum supra diximus, tria præexigi ad relationem, non inficiabamur aliquid amplius interdum requiri, præter fundamentum, etiam in subiecto relationis: scilicet conditionem necessariò requisitam. Respondetur secundo negando consequentiam: non enim sunt cætera paria. Nam actio & Passio in-

ho intelligi nequeunt ignorata natura relationis; quod profectò nemo asserit de Substantia, Quantitate, & Qualitate. Sed nimium multa de re minimè dubia loquor. Quamuis enim non ita debeamus esse Amethodi, ut in rebus pertractandis, nullam adhibeamus diligentiam, nullū delectum, nullum ordinē, veluti si antiquum illud chaos restitueremus; tamen non adedò Methodicos nos esse decet, ut importuna morositate veteres impugnemus, quare hoc priùs, illud posterius tractauerint: præsertim quum de minutissimis rebus agitur. Sagis ergo sit, bonam aliquam ordinis rationē tradidisse, quamuis nō ita sit accurata, ut nullo pacto impugnari queat.

Alia difficultas. Similitudo est relatio, & non ^{Quomo-} habet fundamentum, ergo non omnis relatio ^{do Quan-} postulat fundamentum. Probatur assumptio. ^{itas pri-} Quia si haberet fundamentum, esset qualitas, at ^{mum fun-} qualitas non potest esse fundamentum, si ^{veradamentū} ^{discatur.} sunt, quæ ex Aristotele paulò ante diximus. Nam ipsa non est mensura, aut mensurabile; non est actio, aut passio, non est vnum & multa, quia vnum & multa ad quantitatem pertinent. Respondetur, relationem similitudinis fundari in vno, & relationem dissimilitudinis fundari in multis. Similes enim dicuntur, qui habent vnam qualitatem secundum rationem, ut albedinem, aut atrorem: dissimiles verò, qui habent multas secundum rationem & definitionem qualitates; nempè vnus albedinem, & alter nigredinem. Albedo enim etiam in duobus hominibus est vna, & ipsa nigredo sunt multa. Vnum inquam & multa, non vnitatem quantitatis, sed vnitatem & multitudinem

ne definitionum essentialium, & quia semper vnum & multa videntur habere modum quantitatis, ideo relatio similitudinis & dissimilitudinis dicitur à quibusdam auctoribus fundari in quantitate; non quidem secundum rem: sed quoad modum. Effigiem enim quantitatis habent, non omnino naturam.

Altera difficultas. Dictum est, omnem Relationem exigere correlatum, quod falsum videtur. Nam mihi competit relatio identitatis numerica: sed relatio identitatis numerica non est ad alium hominem, sed ad meipsum: Ergo datur relatio, quæ non est ad aliud correlatum. Respondetur, Relationem hanc esse relationem rationis, non rei; ideoque inter eius extrema non esse distinctionem rei, sed rationis. Correlatum ergo est aliud secundum rationem, quia quum intellectus apprehendit me, vt mihi eundem, accipit me & vt subiectum, & vt correlatum. Lege diuum Thomam 1. parte quæst. 13. ar. 7.

De affectionibus Relatorum. Cap. 18.

INter Relatorum affectiones hæc prima ponitur. Relatis aliquid est contrarium. Quæ nec solis relatis conuenit, sed etiam qualitatibus; nec præterea relatis secundum esse accommodatur, sed relatis secundum dici. Vt scientia repugnat ignorantia præuæ dispositionis, non quidem vt correlato, sed vt qualitati contraria. Secunda. Relata suscipiunt magis, ac minus. Similis est huius, & præcedentis affectionis ratio, quamuis non nihil differant. Hæc quoque nec solis relatis conuenit, vt ex cap. 16. constat, nec omnibus. Aequalitas enim proprie dicta cum consistat in indiuisibili, non suscipit magis, aut minus.

aus. Conuenit tamen multis relatis secundum
esse, nam inæqualitas suscipit magis & minus,
& dissimilitudo etiam. Ceterum relatio quæ
suscipit magis & minus, ratione fundamenti id
habet. Tertia affectio. Relata dicuntur ad con-
uertentiam, vel recipiuntur, ut pater est fi-
lij pater, & filius est patris filius. Fingenda sunt
tamen aliquando vocabula, & volumus bene ex-
planare reciprocationem relatorum. Non e-
nim est dicendum, alia est auis ala, sed ala est rei
alatæ ala. Quarta affectio. Relata sunt simul na-
tura. Nam pater non est prius pater, quam fili-
us sit filius. Quare hæc affectio non est intelli-
genda de Relatis quoad eorum substantiam &
naturam, sed quoad relationem & habitudinem.
Fuit sanè pater homo, antequam essent ei filij;
sed non fuit prius pater, quam filios haberet. Si-
cut apud diuum Thomam 1. parte quæst. 13. ar. 7.
Deus ab æterno est, sed non est ab æterno crea-
tor; quia nō erant ab æterno creaturæ productæ.
Quinta. Relata ita se habent, ut qui vnū definitè
cognoscit, definitè cognoscat & alterum. Ut
qui cognoscit te esse filium, cognoscit te ha-
bere patrem; & si cognoscit cuius sis filius, cog-
noscet patrem tuum. Sed hæc affectio non vide-
tur omninò conuenire relatis secundum dici.
Etenim si quis manum per fenestram extrahat,
cognoscetur quidem illa manus, etiam ut sin-
gularis manus est, & non certò cognoscetur cu-
ius sit manus.

Dubia huius Capituli.

Q

Con

*Quomodo
relatio ra-
tione fun-
damenti
magis, aut
minus
recipias.*

Contra ea quæ dicta sunt in secunda affectio-
ne est argumentum. Inæqualitas suscipit ma-
gis & minus, sed non recipit ea ratione funda-
menti, quia fundamentum inæqualitatis est quæ-
ritas, quæ non suscipit magis, ac minus: ergo Re-
latio suscipit magis & minus, nulla habita rati-
one fundamenti. Respondetur negando assump-
tionem. Et ad eius probationem dico, Relatione
suscipere magis ac minus; ratione fundamenti
recipientis magis, & minus, vel certè maius, aut
minus. Quod mirum in modum quantitati con-
uenit. Itaque ut relatio dicatur, suscipere magis
& minus, sufficit; si fundamentum susci-
pere possit maius aut minus. Sed obijcies.
Ego sum inæqualis infanti, & si me in eadem quæ-
ritate permanente ille crescat, fiet mihi minus,
quàm antea erat, inæqualis. Tum igitur relatio
inæqualitatis illius pueri ad me erit minor, sed
fundamentum illius, nempe quantitas, non fa-
ctum erit minus, ut fingimus: ergo relatio susci-
pit minus, & fundamentum non suscipit minus.
Respondetur, nos haud quaquam dicere, quo-
tiescunque relatio suscipit magis fundamentum
eius, debere suscipere magis, aut fieri ma-
ius; & quum relatio suscipit minus, fundamen-
tū suscipere minus, aut fieri minus; hæc enim fal-
sa sunt: sed tantum dicimus, quum relatio susci-
pit magis, fundamentum suscipere magis, aut
minus, vel fieri maius, aut minus: & quotiescun-
que relatio suscipit minus, fundamentum susci-
pere magis, aut minus; aut fieri maius aut minus.
Hanc autem sententiam ita expositam, non im-
pugnat argumētum propositum, quippe cum re-
latio inæqualitatis illius pueri suscipiat minus,
quia

quia fundamentum suscipit maius . Nihilominus potest in hanc explicationem aliud adduci argumentum. Nam in hypothesis data in superiori argumento, ego sum minùs inæqualis, quàm antea eram respectu infantis; & placè mea quãtitas nec est facta maior, nec minor; ergo relatio suscipit magis aut minùs fundamento penitus immutato. Respondetur, hac vltima obiectione illud extorqueri, posse relationem suscipere magis, aut minùs absque vlla mutatione sui proprii fundamenti, non tamen absque mutatione alicuius fundamenti, nempè fundamenti, quod est in suo correlato. Omnis ergo relatio, vt suscipiat magis ac minùs, exigit, vt vel proprium fundamentum, vel saltem fundamentum sui correlati suscipiat magis aut minùs, aut fiat mai^r vel min^r. Tantù de Relatis dictù sit. Nã alias ^{Multa} maiores difficultates, quæ hoc loco adduci possent vt an ois relatio, quã relatio est, sit ens ratio ^{quæstiones} ^{præter-} ^{missæ.} nis, an oes relationes sint mutuæ, an extremum relationis possit esse non relatum, an relatio à fundamento distinguatur, an relationes primæ causæ ad suos effectus sint reales, an entis rei ad ens rationis possit esse relatio Realis; consultiò prætereo, quia si hoc scribendi genus lectoribus placere videro, in Aristotelis Categorias multarum vigiliarum disputationes propediem vulgare decreui.

De actione & passione. Cap. 19.

Actionum quædam immanentes sunt, quædam porro transeuntes . Immanentes ^{Actio im-} sunt, quæ in ipso agente manent; vt intellectio ^{manens} in intelligente, amor in amante, visio de-

Q 2 nique

nique in vidente: transeuntes autem dicuntur, quæ in aliam rē transeūt. Ex his itaque, iuxta cōmunem auctorum opinionem, solæ transeuntes ad hanc pertinent Categoriam; siue post se relinquant opus, vt ædificatio, quæ finita, domus remanet: siue non relinquant, vt citharizatio. Actio igitur, Quæ hanc constituit Categoriam, sic definitur: Motio secundum quam in id, quod agit agere, dicimur, vt per calefactionē ignis agit in aquam. Agere autem est; vim suā in id, quod eam recipere potest, inducere. Et quidem Actionis sex sunt præcipuæ species, Ortus, Interitus, Augmentum, Decrementum, Loci mutatio, & Commutatio, quam Alterationem vocant.

Actionis autem hæ sunt affectiones. Actio habet contrarium, vt calefactio frigefactioni est contraria. Item suscipit magis & minus. Magis enim vna res calefit, quam altera. Non tamen omnis Actio ea suscipit. Generatio namque substantiæ, cum vnico momento perficiatur, non suscipit magis, aut minus. Deniq; proprium est actionis, passionem inferre. Si quis enim flagellat, aliquis flagellatur.

Passio, quæ sextam constituit Categoriam, est secundum quam id quod patitur, dicitur pati. Pati autem est, recipere aliquid ab agente, vt aqua dum calefit ab igne, aliquid ab eo recipit. Habet hæc Categoria easdem species & affectiones, quas & præcedens; sed maximè proprium est Passioni, inferri ex actione.

Dubia circa superiora.

Præf.

Primum est circa diuersitatem harum Categoriarum, quomodo scilicet distinguantur. Respondetur, non distinguere, sed definitione. Eadem enim calefactio, quæ ut procedit ab igne, vocatur Actio; ut recipitur in aqua, dicitur Passio; sicut eadem est via à Thebis ad Athenas, quæ est ab Athenis ad Thebas. At quum Athenis sumus, dicimus: hæc est via Thebarum; quum verò Thebis, hæc est via Athenarum.

Alterum circa definitionem Actionis. Ignis per calorem quem habet, dicitur agere in aquam, sed ille calor non est actio, ut constat: ergo definitio tribuitur alijs quàm oportet. Respondetur, proinde additam fuisse in definitione hanc vocem Motio. Calor autem existens in igne, non est motio. Respondetur secundo; etiam si non poneretur illa dictio Motio, definitionem non competere colori, qui est in igne. In definitione si quidem Actionis subintelligenda est illa particula Primò & Per se. Ignis autem non dicitur primò & per se agens, quia habet calorem; alioquin cum semper habeat calorem, semper diceretur agēs; sed quum immittit calorem in lignum, aut aquam, tum demum dicitur calefaciens.

De Quatuor vltimis Categorijs. Cap. 20.

Quatuor vltimæ Categoriz sunt Vbi, Quantio, Situm esse, & Habere. Vbi est quod ex adiacentia loci in re locata relinquitur; ut quia hic locus circumdat me, dicor esse in hoc loco. Vbi contrarium habet: non quidem supremo contrarietatis genere, sed vulgari illo, atq; improprio. Esse enim sursum & deorsum, quodammodo aduersantur; alioquin ad hanc Categoriā non posset esse motus. Non tamen suscipit

magis & minus, licet recipiat maius aut minus. Nam vnus homo est in maiori loco, alius in minori: non tamen est magis loco.

Quando.

Quando est quod ex adiacentia temporis in re temporali consurgit. Vt quia mihi hodiernus dies coexistit, dicor esse hodie. Quando, nec contrarium habet, nec magis aut minus, sed bene maius & minus. Vt Coruus maiori tempore viuit, quàm Turtur; non tamen est magis in tempore.

Situs.

Situs est ordo partium in loco, vt sedere, & stare. Alium quippè ordinem retinent partes corporis nostri quum stamus, alium quum sedemus. Non dixi Situm esse ordinem partium tantum, sed addidi in loco; quoniam duplex est ordo partium, alius in toto, vt scilicet caput hæreat collo, & pectori collum. Sed hic situs pertinet ad Categoriā Quantitatis, vt docet Aristoteles in eadem Categoria. Alius est ordo partium in loco. Nam etsi caput semper hæreat collo, & omnia alia membra inter se connectantur, alia tamen ratione affecta sunt in ordine ad locum sedentibus nobis, quàm stantibus. Et hic partium ordo ad hanc pertinet Categoriā. Distinguitur præterea huiusmodi Situs in naturalem, qui nobis quum stamus conuenit, & accidentarium, quo afficimur quum iacemus, aut incuruamur. Huius Categoriæ hæc assignari solent affectiones. Situs habet contrarium, & non recipit magis & minus; sicut de Categoria Vbi dictum est.

Habitus.

Habitus est, quod in substantia, ex his quæ attingunt, aut circundant corpus, relinquitur. Nam eo quod vestis adiacet mihi, dicor vestitus.

tus. *Habitus* nec contrarium habet, nec propriè magis & minùs suscipit. Quamuis populari opinione illi magis vestiti dicantur, qui aut pluribus, aut longioribus indumentis vtuntur. Talarium enim veste indutum, magis vestitum censent, quàm si solo thorace vteretur.

Observatio.

Dubia in hoc capite minimè proponuntur, non quia nulla se offerant, sed quia ita sunt grauiora, vt nullo modo ignaris Metaphysicæ explicare possint. Vt quare *Esse* in loco aliam *Categoriam* constituat ab ea, in qua ponitur locus: & *Esse* tempore, ab ipso tempore, cum longè secus in alijs accidentibus videamus. Non enim ad aliam *Categoriam* pertinent esse album, quàm ipsa albedo. Quale præterea accidens sit, quòd *Categoriam* *Habitus* efficit. Ac vtrum hæ *Categoriz* dicant respectum, necne: Nam si relationem significant, quare in *Categoria* *Relationis* minimè ponuntur? Si autem nullam rationem dicunt, quare communi omnium, & iam diu recepta opinione solæ quantitas & qualitas dicuntur absoluta accidentia? Existunt denique hoc loco plures aliæ & subdifficiles quidem omnium Metaphysicorum iudicio quæstiones, quæ si (vt oportet) tractandæ essent, tempus nos difficeret: si verò summatim & ob iter eas expedire conaremur, possit in nos illud iactari, Dum brevis esse laboro, obscurus fio. Igitur si vita comes fuerit, adsitque gratia Christi domini, quum Aristotelis *Categorias* interpretabi-

re, sicut ipse de illis differuit. Aliam tradit causam grauis auctor Caietanus, ob quam de his quinque agat Aristoteles. Ait enim, Postprædicamenta esse illa, quæ omnia, aut quædam prædicamenta consequuntur. Oppositio, Simul, Prius & Posterius consequuntur omnes Categorias: nam omnes opponuntur inter se, saltem ut perfectum & imperfectum: & omnes sunt simul tempore (licet detur aliqua substantia singularis, quæ tempore præit aliquod accidens particulare) & substantia est prior natura omnibus accidentibus. Item quodlibet genus supremum diuiditur in oppositas differentias. Dixit enim Aristoteles in quolibet genere dari unam contrarietatem. Species verò generum quorumcunque sunt simul diuisione: & quodlibet genus est prius existendi consecutione suis formis diuissim acceptis. Motus verò consequitur res quatuor Categoriarum. Denique Habere consequitur substantiam respectu aliorum.

Oppositio est repugnantia duorum, quorum neutrum cum alio simili modo repugnat. *Quid sit Oppositio.* Ut candor ita cum atrore pugnat, ut cum nullo alio similiter pugnet. Sunt autem quatuor genera oppositorum, scilicet Relata, Contraria, quæ etiam dicuntur Aduersa, Priuantia, & Contradicentia. Relata sunt, quorum totum *Relata.* esse est, ad sua opposita quodammodo se habere: id est, ut se mutuo inferant, & simul natura sint. De quibus satis dictum est in Categoria Relatorum.

Contraria sunt, quæ sub eodem genere posita, maximè distant, & ab eodem subiecto mutuo se expellunt; nisi alterum eorum insit à natura.

Quæ definitio explicata est supra in *Categoria Qualitatis* cap. 16. Sed Contraria alia mediata, alia immediata sunt. Mediata dico, inter quæ datur medium; vt inter album & nigrum datur viride. Immediata voco, inter quæ nullum est medium; vt sanum & ægrum apud Aristotelem. Non autem mediocre est discrimen inter hæc genera contrariorum. Nam ex Mediatis non necessariò alterum inest subiecto; non enim necessariò pannus est albus, aut ater: at Immediatorum necessariò alterum inest subiecto, quod ea recipere potest. Animal necessariò sanum est, aut ægrum; lapis verò nequaquam. Iam verò contraria mediata duplicia sunt, alia quorum medio nomen impositum est; vt quodd inter album & nigrum interiectum est, viride, aut pallidum, &c. dicitur: alia quorum medium nomine caret, vt medium inter actionem prauam & studiosam est Anonymum; id est, absque medio peculiari. Quæ fuit causa, vt huiusmodi medium, proprio nomine carens, à Græcis. communi appellatione *Adiaphoron* diceretur, à Cicerone *Indifferens*. Diximus autem dari actionem, quæ nec praua est, nec studiosa. Quod profectò verum est, si actio in vniuersum & in communi, aut ex genere suo; non in particulari, & cum adiunctis circumstantijs, accipiatur. Vt leuare festucam, aut pectere caput, si in communi sumantur, nec peccata sunt, nec officia: in particulari tamen nullam actionem poterit sciens, ac prudens; id est, ex proposito, & data opera quisquam exercere, quæ non sit aut praua, aut studiosa. Quoties enim festucam quis eleuat, aut bono fine id agit, tum quæ est

est bona actio: dummodo ut par est alia temporis ac loci, ordinis ac personæ, debita circumstantiæ non desiderentur: aut malo, quomobrem actio mala erit: aut denique nullo sibi proposito fine aut bono, aut malo. Quod profectò, si accadat, vitiosum opus erit, ut reliqua otiosa. Præclare igitur diuus Thomas negat, actionem aliquam humanam esse indifferentem.

Priuantia

Priuantia sunt opposita, quæ eidem subiecto vicissim inesse possunt tempore à natura constituto, absque regressu: ut cæcitas & visus. Nam priuantia ita se habent, ut vnum sit forma quædam, aliud verò priuatio. Visus est forma quædam pertinens ad secundam speciem qualitatis: cæcitas verò est illius formæ priuatio. Priuatio autem est carentiæ, vel defectus, & (ut ita dicam) penuria formæ in subiecto ad eam recipiendam idoneo. Quia enim homo aptus est ad visum recipiendum, idè si eo careat, dicetur cæcus. Ac propterea dicitur in definitione, opposita priuantia eidem subiecto inesse posse. Additur Tempore à natura constituto: quoniam etsi ante nonum diem catulus visum non habeat, non dicitur cæcus; quia nondum potest habere visum. Denique additur, Absque regressu: quia à visu ad cæcitatem, à vita ad mortem, homo progredi potest; non regredi non absque miraculo.

Contradictentia.

Contradictentia sunt affirmatio & negatio oppositæ, ut homo, & non homo. Affirmationem vocamus hoc loco quoduis simplex vocabulum, quod Aristoteles i. Perier. cap. i. nomen finitum appellat, ut homo & lapis, &c. Negationem verò dicimus illudmet, præposita negatione, quod Aristoteles eodem loco vocat nomen

nomen infinitum, vt non homo, non lapis, &c. Contradicientium id peculiare est, vt omni penitus medio careant; ita videlicet, vt nulla omnino res dari queat, quæ non sub contradicientium altero contineatur. Lapis nec videns est, neque cæcus; nec sanus, aut æger; nec pater, aut filius: est tamen homo, aut non homo. Rursum chimæra nec creator nec creatura dicitur; nec substantia, aut accidens; est tamen creator, aut non creator; & est creatura, vel non creatura; substantia, vel non substantia; accidens, aut non accidens.

*Primaria
tio inue-
stigandi
numerum
ordinem-
que oppo-
sitionum.*

Nunc ordinem, numerumque harum Oppositionum videamus. Numerus quidem duobus modis colligi potest. Opposita namque aut habent se vt ens & ens, aut tanquam ens & non ens. Si vt ens & ens, vel mutuo se expellunt ab eodem subiecto, sub eodemque genere continentur; & sunt Contraria: vel non se expellunt necessario ab eodem subiecto, ac se mutuo inferunt; & sunt Relata. Si autem inter se comparantur quasi ens & non ens, alia partitione vtemur. Nam vel habent se vt ens & non ens simpliciter, ac subinde Contradientia vocantur, vt lapis & non lapis. Dicitur autem non lapis, non ens simpliciter, quia id quod simpliciter est non ens, vt chimæra, potest appellari non lapis; vel habent se vt ens & non ens, haud equidem simpliciter non ens, sed non ens in tali subiecto, & tunc sunt Priuantia; vt videns & cæcus. Cæcitas enim quamuis dicat non ens, id est, negationem visus, postulat tamen certum ac determinatum subiectum. Sanè cæcitas non est in lapide, sed in oculo. Nunc porro colligitur ordo formarum opposi-
tionis

tionis. Si enim repugnantiam & diuersitatem consideremus, supremum locum obtinent Contradientia, quæ in nullo conueniunt: deinde sequuntur Priuantia, quæ saltem in subiecto conueniunt: secundùm hæc ponuntur Contraria, quæ non solum ad idem subiectum, sed ad idem genus perrinent. Denique collocanda sunt Relata, inter quæ tam minimâ est repugnantia, ut se inuicem necessario complectantur; & si vnum sit, alterum existere debeat; ac vni subiecto, respectu diuersorum, possint conuenire. Si autem eorum dignitatem quoad existentiam expendamus, potior locus dandus est relatis, quæ necessario simul existere debent; secundus contrarijs, quæ simul existere possunt in rerum natura: tertius priuantibus; quorum vnum dicit existentiam, aliud verò quamuis non dicat existentiam, requirit tamen subiectum existens: vltimus contradicentibus, cum vnum eorum significet rem existentem, alterum verò nullam penitus existentiam aut dicat, aut requirat. Quamquam enim homo in rerum natura existens dici possit non lapis, tamen existentia conuenit ei quâ homo est; non quâ est non lapis: nam chimæra est non lapis, & tamen nec actu, nec potestate existit. Etenim summus hic Chimæram non pro monte illo Lyciæ igniuomo, sed pro quodam sigmento Poetarum ex pluribus, ijsque valde inter se dissidentibus animalium naturis concreto: quod profectò nunquam esse poterit. Vna enim substantia vnam habet formam speciei, qua posita, quæ ei superaddetur, accidens erit, non substantia.

Prior collocatio.

Posterior collocatio.

Secundus præterea modus explicandi harum
oppos.

*Secunda
ratio nu-
meri inue-
stigandi.*

oppositionum numerum, hic est. Opposita vel inter se referuntur, vel secus. Si referuntur, sunt relata: si minùs, aut continentur sub eodem genere, aut non continentur: si priùs eis conueniat, sunt contraria: si posteriùs, vel omni tempore & loco, & circa omne subiectum diuidunt veritatem à mendacio, vel id minimè præstant. Si primum, sunt Contradientia; si secundum, Priuantia. De quavis enim re mundi, in quocunque loco sit, & quocunq; existat tempore, verè dici potest, illam esse hominem, aut non hominem: non tamen esse videntem, aut cæcam. Et ideo Priuantia non perpetuò diuidunt veritatem à mendacio; vt contradientia. Sanè vtraque harum enuntiationum falsa est, lapis est cæcus, lapis est vident. At enuntiationibus, quæ attributis contradicentibus constat, vnā oportet veram esse, & alteram falsam: quia si non est lapis, est non lapis. Lege dubium secundum capit. 8. libr. 7. Atque hæc quidem sunt causæ grauissimæ: quibus effectum est, vt quatuor oppositorum genera ab auctoribus statuerentur. Possunt enim præter eas nonnullæ esse leuiiores, quas, ne sim prolixior, prætermitto.

Obiectiones.

PRima contra definitionem Oppositorum. Nam color viridis opponitur nigredini & candori, ergo quòd vni est oppositum, potest etiam cum alio simili modo pugnare. Idem argumentum fieri consuevit de Liberalitate, quæ & Prodigalitati opponitur, & pariter Auaritiæ. Respondetur negando id, quod antecedit. Color enim viridis opponitur atro, quatenus ha-
bet

betrationem albi : albedini verò alia ratione repugnat, quatenus scilicet viride, respectu candidi, atrum iudicatur. Liberalitas quoq; avaritiæ tanquam deficienti opponitur, quia liberalis plus dat, quàm avarus : prodigalitati autem repugnat tanquam dandi, largiendiq; limites excedenti. Minus enim dat liberalis, quam prodigus; licet meliùs det.

Alterà obiectio in illud quod diximus, relationes oppositas non posse vni & eidem, respectu eiusdem, conuenire. Ego enim respectu eiusdem hominis possum esse magister & discipulus : si doceam illum Geometriam, ille verò me Primam Philosophiam. Respondetur, relationes oppositas non posse eidem conuenire respectu eiusdem correlati, nisi intercedant alia, atq; alia fundamenta. Et quia in Hypothesi obiectiõis relatio magistri in me existens nascitur ex Geometria, relatio verò discipuli oritur in me ex Metaphysica, rectè possunt relationes oppositæ mihi conuenire. Sicuti possunt duo homines esse similes in colore, in moribusq; dissimiles.

Tertia obiectio in illud quod dictum est, Priuationem conuenire eidem absq; regressu. Etenim aer ex tenebroso fit quotidie lucidus; & plerunque homo per obliuionem ex scientia transit in ignorantiam : rursusq; post ignorantiam iterum adipiscitur scientiam, si rursus earum demonstrationum recordetur, quibus scientia comparatur. Respondetur, duplicem esse priuationem, aliam quæ tollit actum solam, ut somnus, quo quum opprimimur, non exercemus actum videndi : aliam quæ tollit potentiam, ut cæcitas, quæ tollit facultatem videndi.

*De priuationis fontem, magis, vi-
cissitudi-
ne.*

di. A priuationibus secundi generis non datur regressus ad habitum; & de his intelligenda est definitio. At verò à priuationibus primi generis, quales sunt tenebræ & ignorantia, dari potest regressus. Respondetur secundo, duplicem esse habitum, alius est naturalis, qui fluit natura, vt intellectus, sensus, &c. quæ vocantur nunc habitus, licet non omnia pertineant ad primam speciem qualitatis: alius est aduentitius, vt scientia, lux in aere, virtus moralis, &c. Igitur à Priuationibus quæ tollunt primum habitum, non datur regressus, viribus præsertim naturæ; à priuationibus verò quæ tollunt secundum habitum, datur.

*An den-
tur con-
traria im-
mediata.*

Quarta obiectio contra illud quod scripsimus; hoc esse proprium Contradicientium, vt omni medio careant. Id enim falsum videtur, cum certum sit, dari contraria quædam immediata. Respondetur, duplex esse medium, aliud participans, aliud negans. Plerique dicunt, medium aliud esse participationis, aliud negationis. Medium participationis est, quod partim vnius extremi, partim alterius naturam recipit; vt tepidum partim est calidum, & partim frigidum. Medium negans est, quod ideo solum medium vocatur, quia nullum est extremorum: quamuis nec eorum naturam participet. Exempli gratia; Lapis est medium negationis inter sanum & ægrum. His positis, respondemus, proprium esse Contradicientium, carere medio, tam participante, quam negante: Siue enim res existat, siue non existat, necesse est, alterum contradicientium de illa dici posse: at Contrariorum nonnulla ideo solum immediata dicuntur, quia medio carent participante, non verò

negan-

negante. Cœlum enim nec sanum, nec ægrum est: & tamen sani, ægrique naturam minimè participat.

Quinta obiectio in id quod diximus, Contradictoria opponi sicut ens & non ens simpliciter. Album & non album sicut contradictoria, & non opponuntur sicut ens & non ens simpliciter: ergo falsa est nostra sententia. Probatur assumptio. Non album non se habet ut non ens simpliciter, alioqui quando aliquid fieret ex non albo ad album, moueretur ex non ente simpliciter ad ens, ac ille motus esset generatio substantialis, contra omnem Philosophiam. Respondetur distinguendo assumptionem. Nam apud Physicum, non album minimè dicitur non ens absolute, quoniam Physicus considerat naturas rerum. Cumque res non designat esse ens simpliciter, quia redditur non alba; ideò non album nequaquam est non ens simpliciter apud Physicum. At apud Logicum non album dicitur non ens absolute, quia iste solum considerat modum prædicandi, ac nominandi; & cum non album possit prædicari de non ente, id est, de Chimæra, ideò dicitur non ens simpliciter. Hinc perspicuum fit, quid responderi oporteat ad argumentum, quod proponitur de his vocibus Cæcus & Non cæcus: quarum neutra significat non ens simpliciter; cum alioquin sint contradicentes. Etenim non cæcus, Logicè agendo, est non ens simpliciter, & eius cōparatione cæcus est omninò ens.

Num contradicentia opponantur, ut ens & non ens simpliciter

Sexta obiectio aduersus id quod dictum est, Relata inferre se mutuò, Contraria non item, Aristoteles 1. de Cœlo cap. 3. ita argumentatur.

R

Aqua

*An contra-
ria mu-
tuo se in-
ferant.* Aqua est, ergo ignis est: quoniā, inquit, hæc inter
se contrarietatem habent. Ergo si credimus Ari-
stoteli, quamprimum vnum contrariorum poni-
tur in rerum natura, ponendum est etiam reli-
quum. Respondetur, Necessarium esse duplex,
Physicum & Logicum. Necessarium Physicum
est illud quod supposito ordine Vniuersi, id est,
Mundi, aliter esse nequit; vt necessarium est, æ-
*Duplex ne-
cessarij,
impossibi-
lisque ac-
ceptio.* rem esse in Mundo: quia eo sublato, ordo vni-
uersi periret. Quamuis interdum illud etiam
Physicus vocet Necessarium, quod saltē plerū-
que ita fieri oportet, vt hyeme circa brumam
pluere, & hominem viginti digitos à natiuitate
habere, Physio iudice necessarium est: quia licet
aliter euenire nonnunquam possit; id tamen ra-
rissimum est, ac proinde Monstrum dicitur. Ne-
cessarium autem Logicum est, quod siue posito,
siue remoto vniuersi ordine aliter esse non po-
test; vt necessarium est, hominem rationali ani-
mo præditum esse. Item apud Logicum necessari-
um est, Petrum esse Petrum. Eodem sanè iure de
Impossibili est dicendum. Aliud enim est Phy-
sicum, aliud Logicum. Impossibile Physicum
est, quod constituto semel ordine vniuersi, aut
fieri nequit omninò, vt dari vacuū in natura, quia
hoc dato vniuersi ordo destrueretur: aut vix fieri
potest, sicut hominem nasci præditum quatuor
oculis, aut tribus pedib⁹: At noster Logicus totus
à Physico est diuersus, illudq; modò impossibile
dicit, quod nulla omninò ratione fieri potest; vt
dari album sine albedine, aut iustitiam esse iniu-
stitiam. Est autem latum discrimen inter hæc
necessaria & impossibilia. Nam necessarium
Physicum potest virtute primæ causæ impediri:

Vi enim diuina potest vacuum & inane dari, & eiusdem virtute Sol à cursu retardari. At Necessarium Logicum nequit impediri, quia ab essentia cuiusque rei sumitur. Et certe fieri non potest, vt homo non sit rationalis. Atque ita Impossibile Logicum est illud, ex quo sequuntur duæ contradicentes, aut, si inaius quod implicat contradictionem. Dico igitur ad argumentum hoc, esse discrimen inter Relata & Contraria, quòd vnum relatum infert aliud necessariò necessitate Logica; vt si pater est, oportet omninò filium habeat: vnum verò contrariorum infert aliud necessariò necessitate Physica, quia supposito ordine vniuersi, si aqua est, ignis esse debet. An autè id de omni Contrariorum genere dici possit, Physici iudicabunt. Sùt enim quædam, quæ parum conducunt perfectioni, saltem, naturali ipsius Vniuersi.

Septima obiectio. Quam secundum modum inuestigandi numerum oppositorum expediremus, docuimus, Còtraria non inferre se mutuò. Communis quidem, & præ vetustate recepta opinio. Sed experiamur an saltem specie impugnari possit. Nam verè qui poterit? Sicut pater est filij pater, & filius est patris filius, ita contrarij contrarium. Cuius enim erit contrarium, si non sui contrarij? Respondetur, discrimen esse, quia Relata referuntur inter se, non tantùm sub ratione communi Relatorum, sed sub ratione etiam particulari talium Relatorum. Nam sicut verè dicimus, Relatum est relati relatum, ita pater est filij pater. At contraria referuntur ea

*An contraria
mutuò se
inferant.*

quidem inter se sub ratione communi contrari-
orum, non sub ratione particulari talium con-
trariorum. Licet enim iure optimo dici possit,
Contrarium esse contrarij cōtrariū: ineptè pro-
fectò diceretur, calorem esse frigoris calorem,
aut frigus esse caloris frigus.

De modis Prioris & Posterioris. Cap. 22.

PRIUS dicitur aliquid quinque modis. Primum
quidem Tempore, cuius generatio est pri-
or; vt Petrus Apostolus diuo Hieronymo. Sed
aliter sumitur prius tempore, si loquamur de tē-
pore præterito, quàm si de futuro. Nam inter
præterita, illa priora dicimus; quæ à nostro se-
culo sunt remotiora; vt prior est beata Maria
Magdalena diua Catharina Senensis: illa enim A-
postolorum Synchrona fuit, hæc verò duobus
tātum seculis; nec illis quidem exactis nos præ-
cessit. Sed ex futuris illa priora dicuntur, quæ
nostro tempori sunt propinquiora, vt pater An-
tichristi, prior dicitur Antichristo. Secundò ali-
quid est prius natura, à quo scilicet non conuer-
titur existendi consequutio: vt ternarius est pri-
or quinario, quia licet quinque existētibus, tria
quoque existant; non tamen vicissim consecutio
recipietur. Tria existunt, ergo & quinque. Ter-
tiò aliquid est prius cognitione, vel ordine. Vt
pri^o cognoscim^o syllabas, quā dictiones integras,
& prius literas, quā syllabas. Quartò dignitate,
vt prior est Rex Duce. Quintò prius aliquid di-
citur, quia tametsi ab eo ad alterum existendi cō-
sequutio commeet, tamen est causa alterius,
vt homo est prior risibilitate, quia homo est cau-
sa risibilitatis: cū ab eius essentia, tanquam
è fonte, manet risibilitas: tametsi ab homine ad
risibi-

aisibilitatem è diuerso optimè argumentemur. Ex his facillimum est etiam modos Posterioris colligere.

Dubia huius capituli.

CONTRA secundum modum Prioris est argumentum Metaphysicum. Illud est prius natura, à quo non conuertitur existendi consecutio? Ergo aliquid est prius natura prima causa. Nam licet bene colligatur, hoc est prima causa, ergo hoc est ens; non tamè sequitur, hoc est ens, ergo hoc est prima causa; cum lapis sit ens, & nō sit prima causa. Huic dubitationi quid alij respondeant, ipsi viderint; nos breuiter eam expediemus. Illudque in primis constitutum sit: Ens quamuis in vniversum accipiatur, non esse prius natura prima causa. Sed præterea dicimus, conuerti existendi consequutionem inter ea: si tamen non sumantur respectu alicuius particularis, & determinati subiecti, sed simpliciter. Experiar, & dicam id (si potero) planius. Licet superior consequutio nihil valeat, hæc tamen valet, prima causa existit in rerum natura, ergo ens existit: & cōtra, ens existit in rerū natura, ergo prima causa existit. Quid ita? Quia quoduis ens quod existat, aut est prima causa, aut quādiu est à prima causa, existentia mutuatur, atq; mēdicat. Ergo. si primæ causæ existentia sumatur simpliciter, & existentia entis in communi, etiam simpliciter inter ea existendi consecutio conuertitur. At verò si sumatur existentia istorum respectu alicuius entis in particulari, non est necesse, vt si mihi conueniat existentia entis, conueniat etiam mihi ipsa primæ causæ ex-

*An ens in
Cōmuni,
sit prius
natura
prima
causa.*

existētia; sed sufficit meā existentiā nō posse nec ad momentum persistere, nisi ab illius entis, quod dicitur prima causa, existentia pendeat.

Alterum se offert dubium in eūdem modum. Sequeretur enim malè, Aristotelem appellasse Indiuiduum primam substantiam, & Speciem ac Genus secundas: si illud est prius à quo non conuertitur existendi consecutio. Hoc tamen explicatum est capite de Substantia.

Modi Prioris superioribus addendi.

Tertium dubium. Præterire aliquid maximum est vitium in enumeratione, at supra quā modos Prioris enumeraremus, multos prætermisimus: ergo vitiosa fuit enumeratio. Probatur assumptio. Nam est alius modus, quo aliquid est prius altero secundum locum, cuius meminit Aristoteles I. Metaphysicorum text. 16. Vbi meminit quoque alterius modi quo aliquid, ideo prius dicitur, quia est potentius: ut ignis cum inter omnia elementa maiorem vim habeat, prior omnibus dici potest. Item Angelus est prior homine generatione, vel productione, non tempore; quia ipse non mensuratur tempore, sed æuo: ergo non probè sunt modi Prioris expositi. Hæc, aliaque eiusdem generis argumenta placent quibusdam, illud verò primum omnino ab eis reprehenditur: nam cum otiosè viuere cupiant, nihil difficile proponendum indicant auditoribus, sed ea tantum quæ ipsi per se modica adhibita diligentia, intelligere potuissent. Quasi verò Magistri officium sit, actum agere, & non potius in difficillimis questionibus explicandis, miseros discipulos adiuuare. Sed ut ipsis etiam in hac re morem geramus,

mus, facillimo argumento breuiter responde-
mus, hos modos reducendi ad superiores.
Nam prius secundum locum refertur ad Prius
tempore, quia tam locus, quam tempus sunt
mensuræ externæ: prioritas quoque æui refertur
ad eundem modum, quia æuum est quædam du-
ratio, & tempus accipitur hic pro quauis dura-
tione. Prius autem potentia refertur ad prius
dignitate. Quædam alia quæ ad hunc locum per-
tinent. vid cap. sequent.

De modis Simul. Cap. 23.

TRes modos enumerat Aristot. quibus aliqua *Vulgaris*
Simul esse dicuntur, cum totidem recense- *quidam*
re potuisset, quot & Prioris. Primus est quo ea *modus Simul*
dicuntur esse simul Tempore, quorum ortus fu-
it simul. vt duo didymi, aut gemelli. Ad hunc
modum Philosophorum reducitur alius ex
communi locutione (quam Arist. 2. Topi. mini-
mè contemnendam iudicat) sumptus, quum sci-
licet eos simul tempore dicimus, qui tamen si
non eodem tempore è carceribus emissi, simul
ad calcem (vt aiunt) peruenerint, id est, nec eo-
dem die orti, nec eodem mortui sint; tamen bo-
na temporis parte conuixerunt. Vt beatissimos
Patriarchas Dominicum & Franciscum simul
tempore fuisse asserunt, quia fuerunt Synchro-
ni. Non deerunt, qui optent exempla Gentilium,
hoc loco posita fuisse, vt Philippum Macedonũ
Regem, ac Arist. contemporaneos fuisset: itemq;
Scipionẽ Africanũ, & C. Lælium. Sed eorũ potius

meminisse volumus, quos magis diligimus, ad quos quum moriendum nobis erit, adiutores, aduocatosque habere desideramus. Sed nescio, quo pacto ab Aris. explicatione ad illa duo sanctissima lumina extulit se oratio. Quamobrem ad secundum modum veniamus. Secundus ergo modus est, quo simul natura illa vocantur, quæ ita se habent, vt inter ea conuertatur existendi consequutio, & vnum non est alterius causa. Verbi gratia, pater & filius, & quænis relata sunt simul natura. Nam si pater existit, filius quoque existit: & quanquam homo qui est pater, sit causa hominis filij, tamen relatio patris non est causa relationis filij, nec contra. Tertius est, quo aliqua dicuntur esse simul diuisione, vt homo & brutum simul diuidunt animal.

Dubia huius capituli.

Varij modi recēsentur eorū, quæ simul natura diuidentur.

Aristoteles circa tertium modum dicit, eaque diuidunt idem genus, esse simul natura. Profecto si id verum est, ternarius & quinarus sunt simul natura: quod minimè consonat illis, quæ cap. superiori ex Aristotele diximus. A ternario enim ad quinarium non conuertitur existendi consequutio; & tamen ternarius, & quinarus species eiusdem generis, id est numeri imparis. Respondetur, non dici vno modo aliquid prius natura, sed tribus: scilicet existendi consequentia, & causa, vel productione, ac diuisione. Quare tamen si quinarus & ternarius simul natura sint quoad diuisionem, ternarius tamen est prior natura quinario quoad existentiā. Ex Arist. cōfirmo quod dixi. In his enim capitib⁹ ea quæ

quæ sunt simul diuisione, & quæ sunt simul secundum causam, appellauit simul natura; ea verò quæ sunt priora secundum existendi consequentiam, omnes vocant priora natura. Quod sit, ut si accuratam horum diuisionem tradere cupimus, dicendum sit, Simul, Prius, & Posterius duobus modis dici. Et ne eadem sæpius repetamus, quod dicemus de Priori, idem Simul & de Posteriori intelligatur. Quædam sunt priora natura, quædam accidente. Rursum priora natura, aut consequentia sunt priora, ut ternarius quaternario: aut productione & efficientia, ut Sol radio suo: aut diuisione, ut Angelus est prior Leone: quia si diuidas substantiam, paucioribus diuisionibus peruenies ad Angelum, quàm ad Leonem. Sed his tribus modis quartus addi posse videtur, de quo mox agemus. Præterea prius Accidente aut est prius loco, ut cælum sphaera ignis; aut Tempore, ut diuus Paulus diuo Ambrosio; aut dignitate, vel potentia, ut Rex Duce; aut denique ordine cognitionis, vel tractationis, ut res creatæ iuxta ordinem cognitionis humanæ priores sunt prima causa; cum ad huius notitiam ex illarum notione perueniamus.

Hic tamen obseruanda sunt duo. Vnum est, Prius dignitate vocari ab Aristotele hoc loco Prius natura. Cæterum dicit, hunc modum esse alienissimum. Non negat tamen etiam Physicos eo uti posse: præsertim cum 7. Metaph. text. 4. ipse utatur hoc modo, quum ait, cognitionem substantiæ, accidentis cognitione esse priorem; id est, perfectiorem. Sed parumper, obsecro, animum ab Aristotele auertamus, ac rem ipsam consideremus. Equidem sentio,

De priori dignitate.

*Omnes
modi prio-
ritatis uni rei
conueniunt
aliquando.*

prius dignitate posse dici nonnunquam prius natura. Duplicem enim dignitatem in rebus animaduerto, aliam quæ sumitur ab ipsarum natura, ut equus nobilior est formica; aliam quæ ab accidente, ut doctus præstat indocto. Ex quibus quidem generibus postremum pertinet ad prioritatem accidentis, primum ad prioritatem naturæ. Efficitur itaque, prius natura quatuor modis dici, nempe consecutione, causa vel effectione, diuisione, ac naturæ dignitate. Præterea alterum obseruatione dignum occurrit, hos scilicet modos interdum vni, & eidem rei conuenire. Ut cœlum est prius hoc flore, Existendi consecutione: insuper Efficientia, mox diuisione, quia si diuidimus substantiam corpoream in suas species, prius perueniemus ad cœlum, quàm ad florem; qui ad herbam reducitur, ut pars ad totum. Præterea Loco, quia est superius terra, in qua flores gignuntur: porro Tempore, quia cœlum à mundi exordio est creatum, hic autem flos hodie ortus est: deinde Nobilitate, quia æternum præstat rei perituræ: denique Ordine tractationis, quia in Physica prius de cœlo, quàm de corporibus mixtis disputatur. Tamen omnes modi ratione & definitione distinguuntur.

De speciebus Motus. Cap. 24.

Quare de speciebus Motus hoc loco disputetur, iam diximus. Eas igitur persequamur. Et quidem sex species recensentur, Ortus, Interitus, Augmentum, Decrementum, Commutatio, & Loci mutatio. Quæ ab alijs ita nominantur, Generatio, Corruptio, Augmentatio, Diminutio, Alteratio, & Mutatio secundum locum.

cum. Ortus est progressus à non esse ad esse. Interitus est progressus ab esse ad non esse. Augmentum est progressus à minori quantitate ad maiorem. Decrementum à maiori ad minorem. Commutatio est motus ad qualitatem. Loci verò mutatio est progressus ab vno loco in alium. Quorum accurata disputatio ad Physicum pertinet.

Quæstiuncula.

ARIST. 5. Physi. cap. 1. & 2. Ortum & Interitum dicit non esse motus, non ergo erant hæ duæ species alijs annumerandæ. Respondetur, motum sumi interdum vt comprehendit etiam illas mutationes, quæ momento perficiuntur. Quæ significatione Ortus & Interitus sunt motus, & ita nunc sumimus motum: interdum pro illis tantum motibus accipi, qui tempore absoluuntur. Quo pacto sequitur Aristoteles 5. Physi. quum docet, quatuor esse tantum species motus, Augmentum, Decrementum, Loci mutationem, & Commutationem. Alia solutio est, generationem bifariam accipi, aut pro sola instantanea introductione formæ substantialis in materiam dispositam, qua ratione non est motus propriè dictus: aut pro instantanea introductione formæ, dispositionibusq; formam ipsam præcedentibus, qua significatione generatio est motus, etiam secundo modo.

De modis Habendi. Cap. 25.

OCCTO sunt modi, quibus aliquid habere dicimur. Nam primum habemus qualitatem, vt scientiam; secundò quantitatem, vt quatuor

quatuor cubitos longitudinis ; tertio circa totum, vt quum vestimur podere, aut talari tunica; quarto circa partem, vt torquem ad collum, aut cidarim in capite; quinto partem, vt digitos; sexto rem contentam, vt amphora vinum, & nos cibum in stomacho; septimo possessionem, vt agrum; vltimo vxorem. Ex quibus modis habendi tertius, & quartus pertinent ad Categorias vltimam.

Quasitum.

*Philosophorum
consuetudo.*

SVnt alij modi habendi, vt habere amicum, vel inimicum, quos tamen non recensuit Aristoteles; ergo ineptam diuisionem tradidit. Respondetur, proinde ipsum addidisse, omnes ferè modos habendi numeratos esse. Quod est diligenter annotandum, vt intelligamus antiquos Philosophos non fuisse admodum scrupulosos in tradendis diuisionibus, ac diffinitionibus. Quod etiam annotauimus lib. i. cap. 7. & in hoc lib. cap. 4. & 12. Atque hæc quidem hætenus. Patefactus est enim locus ipse, vt iam non sit difficile similibus argumentis respondere. Quid? quod etiam dici potest, hos modos ad octauum reduci tanquam ei simillimos. Sicut enim vir vxorem habet, vicissimq; vxor virum; ita amicus amicum habet, & ab illo similiter in amicorum numero habetur. In hoc autem volumine satis dictum sit.

SI vera sunt, quæ initio libri secundi cap. 2. sicripiimus, optimo iure de Diffinitione nunc esset tractandum. Ita enim prima mentis operatio perfectè, cumulateq; institueretur; sed quia iam lib. i. de Definitione tractauimus, inde omnia

omnia desumenda erunt. Et quidem vera esse illud, quæ loco citato diximus, Porphyrius abundè testatur. Nam in Proœmio sui libelli docet quinque Vocum disputationem ad Categoriarum, & definitionis notionem apprimè vtilem esse. Ergo Diffinitionis tractatio quinque Vocum & Categoriarum tractationem sequi debet. Sentiat igitur quisque ut voluerit, nobis sanè ita videtur.

COMMENTA- RIORVM IN VNIVER- sam Logicam

LIBER QVARTVS.

ENUNTIATIONIS CONTI- nens Tractationem.

De Instituto, ac libri diuisione. Cap. I.

AD secundam mentis nostræ operationem dirigendam editus est liber iste, qui de Enuntiatione tractat, id est, de Oratione, quæ verum, falsumve significat. Quam etiam ob causam Perihermenias de Interpretatione inquam inscribitur. Est enim Enuntiatio mentis nostræ interpres. Circa titulum autem dissensio est inter Boethium & diuum Thomam. Boethius omnem ferè vocem ex hominū instituto significantem, siue simplex ea sit, siue composita, existimat appellari Interpretationem: quod Aristotelis testimonio confirmari posse videtur.

In

*Interpre-
tationis
vocabulū
quid hoc
loco signi-
ficet.*

In hoc enim libro non de Enuntiatione solū, sed de Nomine & Verbo, duæ simplices voces sūt, disputat. Cæterum diuus Thomas solam Enūtiatiōem vult hoc loco Interpretationis nomine designari: nam hic liber ad secundam mentis operationem (ad quam sola Enuntiatio propriè pertinet) destinatur. Quod si in ipso de nomine & verbo nonnulla proponuntur, id fit, quia ad Enuntiationes constituendas sunt necessaria. Potestque diui Thomæ sententia alia ratione probari. Nam quum aliquis dicit, Deus, nondum eius mentem percipimus. Si autem dicat, Deus est sapiens, aut Deus est iustus: iam quid de Deo sentiat, intelligimus: quia illa enuntiatio eius mentem interpretata est. Ex his colligendum est, meritò hoc volumen inter librū categoriarum, qui de simplicibus rebus & vocibus disputat, & ante libros de Argumentatione, qui agunt de discursu & progressu rationis, poni.

*Libri par-
titio.*

In tres autem partes tota hæc tractatio diuide-
tur; primum enim de nomine & verbo, quæ par-
tes sunt Enuntiationis, agemus; tum de Enutiati-
one, & eius formis: postremò autē cuilibet spe-
ciei Enuntiationis eius affectiones accommo-
dabimus; vt Oppositionem, Reciprocationem,
& quam vocant Aequipollentiam.

De Nomine. Cap.

NOMEN est vox ex hominum instituto signifi-
cans, cuius nulla pars quidpiam separatim
significat, finita, & recta. Et licet vocis tractatio
ad Physiologum spectet, ad quem etiam de audi-
tu & sono agere pertinet; nonnulla tamen de ea
prælibanda sunt, vt Nominis definitio intelliga-
tur.

tur. Vox est sonus ab ore animalis prolatus, quibusdam instrumentis à natura datis, cum imaginatione, id est; cum conatu ac studio quidpiam significandi. Soni enim alij, ut tonitrua & tubarum clangor, voces non sunt. Instrumenta verò animalibus data, & præsertim homini, ad voces proferendas, sunt lingua, palatum, dentes, & alia huius generis. Dicitur autem cum imaginatione aliquid significandi, ut excludatur tussis à ratione vocis; eam enim & Aristoteles, & diuus Thomas vocem esse negant. Sed Vocum quædam nihil significant, ut fal, & blitiri, &c. quædam aliquid significant, ut hæc vox homo. Dimissisquæ non significantibus, quoniam ad institutum nostrum minime dertinet, acendum est de significantibus: quarum aliæ significant à natura, ut gemitus infirmorum & letratus Canum; aliæ ex hominum instituto, ut hæc vox lapis, quæ ideo significat lapidem, quia Latini ita instituerunt. Differunt autem voces quæ à natura, & quæ ex hominum instituto significant, quòd illæ in omnium ferè terrestrium, volatiliumquæ animantium genere inueniantur. Ut in Lupis ululatus, & Vulpibus gannitus; hæc verò solum ad homines, & animantia quæ ab hominibus instrui possunt, qualia sunt Psittacus, & pica, pertinent. Præterea voces hominum, quæ à natura significant, ab omnibus intelliguntur; aliæ non item. Gemat Latinus in Græcia, omnes intelligent, illum in dolore esse: dicat autem Latinè, se dolere, nemo Græcorum id percipiet. Demum voces quæ à natura significant, eandem retinent perpetuò significationem; aliæ passim ea mutât. Etenim gemitus semper & erit, & fuit signum doloris: hæc autem vox

Homo

*Quid sit
vox, &
quæ eius
species.*

*Discrimi-
na inter
voces na-
turales &
artificio-
sas.*

Homo non semper hominem significauit, sed postquam cœpit lingua Latina. Iam verò duo sunt vocum significantium genera, vnum simplicium, alterum compositarum. Eas simplices dicimus, quarum partes, vt in ipsis sunt, nullum peculiare significatum retinent. Verbi gratia. Hæc vox Dominus tamen si constituatur ex do, & minus, tamen syllaba Do, vt est in nomine dominus, non significat dare, nec dictio Minus, propriam retinet significationem. Quanquam autem nomina quædam composita à Grammaticis appellentur, apud Dialecticos voces simplices sunt; quia voces ex quibus componuntur, extra ipsa habent suas proprias & separtas significationes; aut in ipsis non eas seruant. Id autem exemplo & signo probari potest. Hæ duæ voces Res, Publica, per se sumptæ significant rem quæ est publica, vt tamen constituunt hoc nomen Respublica, non significant propriè rem quæ est publica; alioquin si populus communis pecunia emeret equum, ille diceretur res publica, cum tamen non esset dicendus Respublica, sed Reipublicæ equus. Quin potius hoc nomen Respublica hominum multitudinem quibusdam legibus adunatam significat. Manifestum præterea signum, quo hæc vera esse cognoscuntur, inde sumi potest, quòd licet dictiones, ex quibus componitur tale nomen, proprias significationes amittant; non proinde nomen illud significationem mutabit. Olim siquidem omnes domini vocabantur Patres, vt constat ex illis verbis seruorum Naaman 4. Regum cap. 5. vbi ita loquuntur ad dominum, Pater etsi rem grandè dixisset tibi propheta, &c. Hinc igitur domini familiarum Patresfamilias vocari cœperunt.

Nunc

Nunc verò hoc nomen Pater iam non est in vſu ad ſignificandum dominum, & nihilominus hoc nomen Paterfamilias adhuc retinet integram ſignificationem. Contra autem ſe habent voces compoſitæ apud Dialecticos. Solæ enim orationes apud ipſos hoc loco appellâtur compoſitæ, quia conſtat ex aliquibus partibus, quæ etiam vt ſunt in oratione, retinent proprias ſignificationes. Imò neceſſe eſt, vt ſemper retineant; alioquin tales voces deſinerent eſſe orationes. Vt in hac oratione, Animal eſt ſubſtantia, libet vox germanam ſignificationem ſeruat. Reliqua ad vocis naturam pertinentia in locum alium referamus, ne in eo quod attinendum fuit, quàm in eo cuius cauſa id attigimus, longior ponatur diſputatio. Igitur ad Nominis deſinitionem redeamus. Dicitur autem in ea Nomen eſſe vocem, quia non eſt ſonus tantum, ſed vox; & ſignificantem, vt ſeparetur à vocibus non ſignificantibus: additur, Ex hominum inſtituto, vt ab illis quæ à natura ſignificant, diſtinguatur. Subiungitur, cuius nulla pars ſignificat ſeparatâ, vt nomen ab oratione differat. Inſuper additur, Et ſignificat ſine tempore, quia hoc eſt diſcrimen inter Nomen & Verbum, vt dicemus capite ſequenti. Denique accedunt & illæ particulæ, Finita & Recta, quia nomina infinita, vt non homo, cùm incertam habeant ſignificationem, indigna ſunt, quæ nomina appellentur. Caſus verò nominum, vt Ciceronis, & Ciceroni, non equidem nomina, ſed caſus nominis ſunt dicendi; præſertim cùm nulla enunciatio poſſit confici ex caſu obliquo, & verbo Sum, es, fui, cuius eſt præcipuus vſus apud Dialecticos: quan-

quam possit ex ipsis & verbo Impersonali fieri,
vt tædet me.

Observatio.

Dubia huius capituli in sequenti commodius
exponentur.

De Verbo. Cap. 3.

Verbum est vox ex hominum instituto cum
tempore significans, cuius nulla pars sepa-
rata quicquam significat, finita, & recta, ac eo-
rum quæ de altero dicuntur nota. Quæ defi-
nitio ex his quæ superiori capit. diximus, tota
perspicua fieret, nisi tres illæ partes additæ fuif-
sent, recta, cum tempore, & nota eorum quæ de
altero dicuntur. Exponendæ igitur sunt. Dici-
tur Recta, id est Indicantis modi, temporis præ-
sentis, quia verba aliorum modorum non pos-
sunt constituere enunciationem, nisi forte Hy-
potheticam, qualis est hæc; Si lapis esset homo,
lapis esset rationalis: sed cum Aristoteles (cu-
ius hæc definitio est) potissimum de Enunciati-
onibus Categoricis disputaret, ea tantum expo-
suit, quæ ad Categoricam Enunciationem sunt
necessaria. At verba aliorum temporum Indi-
cantis modi possunt quidem Categoricas enun-
ciationes conficere; sed quia veritas, aut falsi-
tas illarum sumenda est ex veritate, aut menda-
cio enunciationum temporis præsentis; idè
de verbis aliorum temporum non curauit Ari-
stotel. Sanè (vt quod diximus pateat) hæc enū-
ciatio, Petrus ambulauit idè vera est, quia ali-
quando fuit hæc alia vera, Petrus ambulat. Dici-
tur præterea verbum significare cum tempore,

id

*Quomodo
verbum
cum tem-
pore signi-
ficet.*

Id est, præter proprium significatū aliquod certum tempus adsignificare : vt verbū *Curro* præter proprium significatum, id est cursum, adsignificat tempus præsens. Nomen vero tempus significare potest, vt patet in his nominibus *dies*, *mēsis*, &c. non tamē potest præter propriū significatū temp⁹ adsignificare. Quod si obijcias, hæc nomina prandiū & cœna, præter propriū significatū, nēpe comestione, tempus aliquod significare, scilicet, prandiū diurnū, & cœnam nocturnū Respondetur, nunc per tēpus intelligi aliquam differentiā temporis præsentis, præteriti, & futuri; quod minimē cōuenit illis vocibus prandiū & cœna. Deniq; dicitur, & semper est eorū, quæ de altero dicuntur nota, quia verbū in enunciatione significat, aliquod prædicatum alicui subiecto conuenire; in quo à Participio distinguitur. Participium enim, vt *amās*; quamuis cū tempore significet, non est verbum, quia non est nota, vel signum eorum, quæ de altero dicuntur, id est, coniunctionis prædicati cum subiecto.

In hoc & præcedens caput quæstiones.

PRImò proponendæ sunt communes capit. 2. & 3. quæstiones, postea verò cuiusque peculiare. Quæritur ergo primò, Quomodo à nobis diuisa sit Vox in significantem & non significantem; si Aristoteles 2. de Animo cap. 8. docet, vocem esse sonum ab ore animalis prolatum, cum imaginatione quidpiam significandi? Nam si id verum est, profectò nullā datur vox non significans. Huic obiectioni post octauam respondebimus.

Secundò quæritur, Quorsum Aristoteles hoc loco de Vocibus simplicibus agat, postquam

de ipsis in libris præcedentibus est disputatum. Respondetur, voces simplices posse considerari, aut vt significant res, quæ substant secundis notionibus generis, speciei, &c. & ita spectant ad libros præcedentes; aut vt ingrediuntur enuntiationes, scilicet vt subiecta sunt, vel prædicata, & vt significant cum tempore, aut sine tempore; quæ ratione pertinent ad hunc librum; ac tandem vt sunt maior, vel minor extremitas, aut certè medium alicuius syllogismi, quo titulo ad libros Priorum referuntur.

De partibus Orationis.

Tertiò quæritur, Quamobrem sicut agitur de Nomine, non etiam de alijs partibus orationis agatur? Respondent quidam, quia apud Dialecticum nullus est aliarum partium vsus. Sed eorum sententia facilè refelletur. Nam Dialecticus Pronomine in indiuiduo ex demonstratione vtitur; Participium sæpè assumit; Coniunctione in quavis argumentatione necessariò vtitur; denique Aduerbia & Propositiones nonnunquam enuntiationem variant: sola Interiectione, quæ Interiectio est, Dialecticus minimè indiget. Respondetur, igitur Pronomen & Participium apud Dialecticum sub nomine comprehendì, vt patet in his enuntiationibus, hic est, & amans est; in quibus pronomen & participium locum nominis suppleant. At reliquæ Orationis partes prætereuntur, quia sine ipsis enuntiatio constare potest; sine nomine autem (comprehendendo participium & pronomen sub nomine) verbo nulla penitus enuntiatio coalescit. Ideo igitur Dialecticus solius nominis & verbi ratione habet. Verùm in hinc sequeretur, inquires, de solo verbo tractandum fuisse, non etiam de nomine; nam potest dari enuntiatio, quæ solùm

An detur enuntiatio nullo nomine constet.

con-

constet verbis, ut hæc, currere est moueri; & præterea hæc alia, non homo est, non constat nomine; quia non homo (ut dictum est) non est nomen. Sed ad priorem enuntiationem respondeo, illa dua infinitiua esse nomina in illa enuntiatione. Instans. significant cum tempore, ergo non sunt nomina. Dico, illa non significare cum tempore, sicut verba. Verbum enim apud Dialecticum debet significare cum tempore, ita ut possit enuntiationem sui temporis constituere. Verbi-gratia. Quia hæc verbum Fuit, est temporis Præteriti, ideo hæc enuntiatio, currere fuit bonum, est temporis præteriti. Verbum, autem Infinitiuum non significat cum tempore eo modo, quia tametsi, currere, sit temporis Præsentis, illa enuntiatio, currere fuit bonum, est temporis Præteriti. Solum ergo à nobis vi huius argumenti extorqueri posset, currere non esse propriè nomen, sed reduci ad nomen. Id tamen non extorqueretur, quia libentissimè dabimus. Ad posteriorem respondemus, nomen infinitum quamuis propriè non sit nomen, referri tamen ad nomen, eiusq; locum supplere, ut docet Aristot. 2. Perih. cap. 1. in Boethij translatione, & lib. 1. cap. 6. in Perionij diuisione.

Quartò causam quæret aliquis, ob quam a. *De Partibz* pud Logicum referatur Participium ad Nomen, *capio.* & non ad Verbum. Responderetur, quia potest esse subiectum & prædicatum enuntiationis, & nunquam est nexus prædicati cum subiecto, id est, nunquam potest esse nota eorum, quæ de altero dicuntur. Insuper quia licet significet cum tempore, non tamen ita ut possit enuntia-

tionem sui temporis constituere. Sanè hæc enuntiatio, amans erat sapiens, Præteriti temporis est, licet Participium amans sit præsentis.

Præsentis enuntiatio an constet nomine, & verbo.

Quintò rogas, quomodo dictum sit Nomen & Verbum esse voces, cum dentur multa nomina atque verba, quæ non sunt voces. Nam cum enunciationes quæ mente retinentur, aut in libro scribuntur, sint enunciationes, constant profectò nominibus & verbis; & non constant vocibus. Respondetur Aristotelem hoc loco solùm agere de Nomine & Verbo, vt pertinent ad Enunciationes, quæ ore proferuntur: quoniam ipsæ notiores sunt, eisq; in disputationibus frequentissimè vtimur. Quare nihil mirum est si definitiones propositæ accommodari nequeant Nominibus & Verbis in enunciatione mentis, & scripturæ positæ.

Nomen & verbum an rectè per vocem definiantur.

Sextò quæritur, quare Nomen & Verbum per vocem tanquam per genus definiantur, cum Nomen & Verbum sint res artificio confectæ, & vox res naturalis. Speciem autem ad idem genus referendam esse ad quod suum genus proximum pertinet, nemo est qui ambigat. Respondetur, Vocem non esse genus ad Nomen & Verbum, tamen poni loco generis: quia in definitione rerum artificio confectarum, ponitur res naturalis, sicut in definitione accidentis ponitur substantia. Quidnam igitur erit, inquires, Nominis ac verbi genus, si vox non est genus? Accipe Signum. Nam de essentia nominis siue in voce sit, siue in scriptura, siue in mente, est esse signum, id est, significare.

Genus verbi ac nominis.

Septimò quæritur, quomodo nomina & verba

*An nomen
na ex in-
stituto si-
gnificant?*

verba ex instituto significant, & non naturaliter. Siquidem essentia cuiusq; rei naturaliter ipsi conuenit, sed de essentia nominis & verbi est significare; ergo naturaliter eis conuenit. Propositio constat. Probatur assumptio, de essentia nominis & verbi est significare ad placitum, sed manifestam inuoluit repugnantiam, ut significant ad placitum, & non significant: ergo de essentia nominis ac verbi est significare. Respondetur, de essentia nominis esse, ut quatenus nomen est, significet. Et ita naturale est nomini quatenus nomen, ut significet; non tamen quatenus vox est, quia non potest dari nomen, quod non significet: potest tamen dari vox, quæ haud quaquam significet. Quocirca in definitione Nominis etiam ut pertinet ad orationem ore prolatam, non dicitur, illud esse nomen ex instituto significans; sed dicitur esse vocem, ex instituto significantem. Respondetur secundò, quum dicitur, Nomen non significare naturaliter, minimè id esse intelligendum ex parte naturæ nominis, sed animalis; quia scilicet natura animalis non constituit nomen, sed arbitrium humanum. At voces naturaliter significantes, ut sunt eiulatus, natura animalis constituit, non hominum voluntas, aut consilium. Itaque non est naturale animali uti hac voce Lapis ut significante, licet huic voci Lapis, quatenus nomen est, nihil sit magis consentaneum, & secundum naturam, quàm significare. Quòd verò de Nomine dictum est, de Verbis etiam intelligatur.

Adhuc quæ Nomini cum Verbo communia erant, prosequuti sumus, nunc accedamus

ad propria. Sit itaque octaua quæstio circa
De varia Nominis definitionem. Aliqua vox non signi-
ratione si- ficans, nempe Blitiri est nomen, atqui ei non
gnificandi competit definitio nominis tradita, ergo ea est
no inutilis nulla. Probatur antecedens. Nam in hac e-
disputatio nuntiatione, Blitiri est vox, Blitiri est nomen,
quia enuntiatio componitur ex nomine & ver-
bo. Vt celerrimè hæc quæstio elucidari possit,
statuendum est, quid Signum sit, ac quot modis
Significatio accadat. Felicissimi patris nostri
Dominici pater, Aurelius Augustinus libro 2.
de Doctrina Christiana capite 1. Signum esse
ait, quod præter speciem quam ingerit sensibus,
aliquid aliud facit in cognitionem venire. Ea-
dem penitus intelligentia, in libro quem de
Principijs Dialecticæ scripsit capite 5. Signum
esse docet, quod & seipsum sensui, & præter se
aliquid animo ostendit. Vt sonitus campanæ
admonet nos, instare iam lectionem. Quò
fit, ut illud propriè significet, quod præter se
aliud repræsentat: illud verò impropriè, quod
præter se nihil significat. Exemplum. In
hac enuntiatione, Homo est animal, illa vox
Homo propriè significat, nam significat rem quæ
est homo. Verùm in hac alia, Homo est no-
men, vox Homo significat impropriè, quia non
significat rem, quæ est homo: nam res quæ est
homo, non est nomen, cùm sit substantia vi-
uens; sed significat seipsam, & tui similes esse
nomina. His positis, responderetur ad argu-
mentum, illam vocem Blitiri esse nomen im-
propriè, ac significare se impropriè, quia in illa
enuntiatione accipitur ut nomen suimet. Quà
autem supra diximus, illam vocem nihil signifi-
care, de propria significatione loquebamur.

Nihil-

Nihilominus est argumentum ad probandum, Blitiri significare propriè. Si quis in alio gymnasio existens, proferat altè Blitiri; illicò nos intelligimus, ibi esse aliquem, qui eam protulerit. Ergo illa vox significat aliud à se; & ita significat propriè. Respondetur, duobus modis posse aliquam vocem rem aliam significare, primum ut effectus causam: secundò ut vox imposita à natura, vel ex hominum instituto, ad eam rem significandam. Exemplis res fiet illustris. Si quis in deserto clamàs, proferret hanc vocem Lapis, profectò ea vox præter se ipsam, duo alia nobis iuxta desertum iter agentibus, significaret. Principiò quidem ipsum prolatorem, quia auditavocē, cognosceremus eam ab aliquo fuisse prolatam; significaret tamen illum ut causam suam, sicut significasset eum manum plausus: deinde verò lapidem significaret non quidem ut causam efficientem, sed ut rem, ad quam significandam est imposita. Aliud exemplum. Si quispiam proferat hanc vocem Homo, illa vox significabit ipsum, ut effectus causam, & ut vox illud, ad quod significandum est imposita. Liquet igitur si gnificationem propriam esse duplicem, aliam effectus, aliam vocis, quatenus vox, ut fumus significat ignem, ut effectus causam suam; non ut vox. Nomen autem ignis significat ignē, ut vox, non ut effectus causam. Nihilominus vini, eidemque voci interdum uterque modus significandi etiam respectu eiusdem rei convenit, ut diximus de hoc nomine Homo, quum ab aliquo homine pronuntiatur. Possem alia Significationis & Signi officia persequi, sed ipsa quæ scripsi, sentio esse longiora. Ad argumentum igitur respondetur, vocem Blitiri, & alias quæ

Duo modi significandi aliquid à se.

*Responsio**ad primā**quæstionē*

appellantur non significantes, significare propriè, vt effectus causam; non autem propriè, vt voces. Hinc studiosus quisque facillè colliget, quid respondendam sit ad primam huius capitis quæstionem. Dicendum est enim, omnem vocem significare aut propriè, aut impropriè, & omnem vocem proferri cum imaginatione aliquid significandi aut propriè, aut impropriè. Quum igitur ab auctoribus in significantem & non significantem Vox ipsa diuiditur, de propria significatione loquuntur; quia. s. Vocum quædam propriè significant, vt hæc vox Animal, quædam propriè non significât, saltem sicut voces, vt illæ de quibus in hac quæstione egimus. Scripsit de his (more suo) perspicuè celebris auctor Iauellus 2. lib. de Animo q. 38. Hunc enim auctorem frequentissimè sequimur, à quo perspicuitatem, dicendi quæ facilitatem (si quæ in nobis fortè est) sumpsimus. Neque enim veremur eos, quorum laboribus vtimur, honoris causa nominare.

Nona quæstio circa eandem definitionem. Per quam particulam excluduntur aduerbia, & alia huius generis à ratione nominis? Nam hæc vox Attentè, est vox ex instituto significans, cuius nulla pars separata quicquam significat. Nec soluitur quæstio, si dicatur, Attentè non esse nomen, quia non est casus recti: primum quia sequeretur inde, illam vocè non magis differre à nomine, quàm casus nominis. Deinde sequeretur, nomen esse, eo saltem modo; quo verba infinitiua nomina interdum vocantur. Igitur respondetur, aduerbia excludi per illam particulam Significans. Aduerbia siquidem non significant, sed consignant. Quare Attentè nihil

*Quomodo
nominis
definitio
alias ora-
tionis par-
tes mini-
mè com-
prehendat*

hil significat, nisi addatur, attēte audire, vel attēte loqui. Quāobrevulgo dicitur, aduerbia nō esse Categoremata, sed Syncategoremata, id est non esse significantia, sed cōsignificātia; vel nō prædicari, sed cōprædicari, aut simul prædicari. Hoc tamen loco intelligendum est, multa esse nomina, vel pronomina apud Grammaticum, quæ Logicus non concedit esse nomina, quia non significant, sed cōsignificant, ut omnis, aliquis, quidam, nonnullus, &c Quinetiam apud Theologum prima parte quæstio. 3. ar. 3 & 4. hæc vox Solus interdum est Syncategorema; ac proinde non est nomen. Contra autem aliæ quædam voces apud Grammaticum non sunt nomina, quæ à Logico nomina censentur; ut Hodie, id est, hoc die; & Cras, id est, die sequenti: conuenit enim eis tota ferè Nominis definitio.

Tandē circa definitionem Verbi est dubitatio, quamobrem addatur illa particula: scilicet temporis præsentis. Nec ratio à nobis tradita vera apparet; nam aliqua enuntiatio temporis præteriti est vera, quæ nunquam fuit vera. *An enumerationes temporis præteriti & futuri per se vera sint,* lo tempore præsentis. Nunc enim vera est hæc enuntiatio, Viginti aut quinquaginta Phœnices fuerunt; & nunquam verè dici potuit, Nunc sunt viginti Phœnices, si vera est quæ vulgò fertur historia, tantum esse vnum animal illius speciei: eoq; mortuo, aliud pro eo surgere. Falsa est inquit historia, ut viri quidam grauissimi annotarunt. quasi verò ipse dicam esse verā. Sed ne in eodem perstes, verum exemplū adducam. Hoc anno ab ortu Domini centesimo septuagesimo secūdo supra millesimū diui Petri nauis

nauculam gubernante sanctissimo patre Pio. Papa quinto, ex sacro P. ædicatorum ordine assumpto, verè dicimus, 234. Pontifices Romanos fuisse: & nunquam verè dictum est, Nunc sunt 234. Pontifices. Respondetur. Licet hæc propositio, centum Phœnices, aut tot Pontifices fuerunt, nunquam habuerit aliquam enuntiationem temporis præsentis veram secundum se totam; tamen fuisse veram secundum omnes suas partes: quia scilicet aliquando fuit verum, nunc est primus Pontifex Max. & aliquando, nunc est secundus, & ita iam modò (sequendo verisimiliorem computationem) verum est, 234. Pontifices Romanos fuisse. Sed est aliud argumentum. Hæc enuntiatio; Iustus fuit nequam, est vera; sed nunquam fuit verum, iustum esse nequam: ergo veritas enuntiationum. Præteriti temporis non pendet à veritate Præsentis. Respondetur, negandam esse consequentiam. Licet enim non pendeat ab illa enuntiatione, Iustus est nequam; pendet tamen ab alia præsentis. temporis. Nam quia de illo homine qui nunc est iustus, verè olim dici potuit, Hic homo est nequam; idèd nunc hæc est vera, Iustus fuit nequam. Aliud argumentum. Hæc est vera, Tempus fuit, & tamen nunquam verè dictum est, Tempus est; ergo veritas præteriti haud nititur veritate præsentis. Probatur assumptio. Nam præteritum iam non est, futurum nondum est: Præsens verò (secundum Philosophiam) non est tempus, sed nexus temporis, ergo nunquam fuit verum, tempus esse. Respondetur, immò fuisse verum, & modò etiam verè affirmari, nunc esse tempus. Licet enim Temporis nihil præter *Instans* existat, tamen quia hoc instans est terminus

us eommunis connectens Præteritum cum Futuro, sufficit hoc instans esse, vt tempus sit : hic enim modus existendi rebus in successionepositis, quartum vna est Tempus, conuenit.

De Oratione. Cap. 4.

Sequitur vt de Enuntiatione, eiusque formis *Definitio* disputemus. Sed prius de Oratione, quæ enū- *ac diuisio* tiationis est genus, differendum videtur. Ora- *orationis.* tio est vox ex hominum instituto significans, eius partes separatæ significant vt dictiones; non vt affirmationes, aut negationes. Vt hoc compositum, Homo est albus, est oratio. Dep' ex autem orationis genus traditur, aliud perfectum, aliud imperfectum. Perfecta quidem oratio est, quæ (quod in ea est) perfectum intelligentiam imprimit in animo audientium; in hæc, Homo est animal. Dixi, quod in ea est, quia si ex tarditate audientis perfectum sensum non generet, nihilominus ipsa erit perfecta oratio. Imperfecta est, quæ huiusmodi intelligentiam minime imprimit, vt hæc oratio, Si ego currerem. Perfectæ orationes sunt indicantis & imperantis modi (ad quas reducitur deprecatio, & aliæ similes) & optantis. Imperfectæ autem sunt orationes subiungentis modi & infinitiui: insuper & illæ quæ verbo carent. Quanquam ex duabus orationibus subiungentis modis possit fieri vna perfecta oratio: vt si homo curreret, homo moueretur. Perfectarum verò orationum aliæ significant verum aut falsum, vt Homo est animal; & hæ appellantur enuntiationes: aliæ nec verum, nec falsum significant, vt orationes optantis & imperantis modi, quas Oratoribus, Grammaticisque relinquamus, & de enuntiatione tractemus.

Argu-

*An oratio
eius partes
aliquando
significant
ut orati-
ones.*

Argumenta in superiora.

Dictum est, orationis partes significare ut dictiones, non ut affirmationes; quod ita impugnari potest. Nam hæc oratio, Et Sol lucet, & Dies est, continet partes quæ significant ut affirmationes: siquidem Sol lucet, affirmatio est; dies est, affirmatio quoque est. Respondebis, forsitan orationis definitionem ex Aristotele traditam, non omni orationi conuenire, sed duntaxat simplici orationi, quales sunt & illa quæ verbo carêt, ut Homo doctus; & enuntiatio Categorica; ut homo est animal. Sanè toto erras coelo. Nam etiam hæc oratio, Homo est animal, continet intra se hanc aliam, Homo est, quæ reuera est affirmatio. Melius ergo responderi potest cum diuo Thoma 1. Periherm. lect. 6. illam definitionem Orationi conuenire, etiam si longissima fuerit: sed interpretandam esse hoc pactot Oratio est vox, cuius partes necessariò saltem significant ut dictiones, non autem necessariò ut affirmationes. Quare si aliquando significant ut affirmationes, non tollitur definitio Orationis.

De Enuntiatione, & eius diuisionibus. Cap. 5.

EST autem Enuntiatio oratio verum aut falsū significans, ut istæ orationes, Omnis homo est animal, Nullus homo est lapis. Sed quemadmodum animal diuidi potest aut ratione partium integrantium, ex quibus componitur, ut animalium alia spinis constant, alia ossibus, alia cartilagine, &c. aut ratione quantitatis, ut Animalium quædam proceræ staturæ sunt, quædam breui-

breioris magnitudinis: aut ratione relationū,
 vt Animalia quædam sunt homini similia, vt Si-
 mia, & piscis Episcopi habitu; alia verò penitus
 dissimilia, vt vermes: aut ratione qualitatum,
 vt Animalium quædam alba, quædam atra; & nō-
 nulla medio colore sunt affecta : ita Enuntia-
 tio multis modis diuidi potest. Nam & ratione
 partium integrantium, & ex relationibus, insu-
 perque ex qualitate, & tandem ex quantitate
 diuidi potest. Ratione partium diuiditur in Ca-
 tegoriam & Hypotheticam. Categoria quæ præ-
 dicationis enuntiatio dici potest, ea est quæ
 aliquid de alio enuntiat, vt homo est animal: aut
 aliquid de aliquo negat, vt homo non est lapis.
 Hypothesica verò quæ componitur ex pluribus
 Categoricis, vel saltem ex pluribus orationi-
 bus, quæ locum plurium Categoricarum sube-
 unt: vt Vel homo est animal, vel homo non
 est animal: item: si homo curreret, homo
 moueretur. Præterea enuntiatio Categorica, a-
 lia est simplex, alia modificata: simplex quæ so-
 lum significat aliquid alicui conuenire, vt Ho-
 mo est animal, aut non conuenire, vt Homo nō
 est albus: modificata, quæ præterea modum ex-
 plicat, quo aliquid alicui cōuenit, aut nō conue-
 nit, vt Homo necessariò est animal. Iam verò
 simplex enuntiatio duplex est: nam quædam ver-
 bo adiectiuo constat, vt homo ambulat, quædam
 substantiuo. Hæc porrò diuiditur in eam, quæ
 secundi adiacentis dicitur, & eam quæ tertij.
 Secundi adiacētis cavocatur, in qua post subie-
 ctū tantū ponitur verbū substantiuū, vt homo est:
 tertij autem illa dicitur, in qua tria ponuntur
 nempe subiectum, & prædicatum, ac deni-
 que vtriusque nexus & vinculum; vt in
 hac

hac enuntiatione, homo est animal, illa vox Homo est subiectum, quia subiicitur alteri, nempe animal; illa verò Animal est attributum, vel prædicatum, quia de altera dicitur: verbum Est dicitur copula, aut nexus, quia nectit attributum cum subiecto. Cæterum enuntiationes verbi adiectiui, & secundi adiacentis facillimo negotio reduci possunt ad enuntiationes tertij adiacentis, vt homo docet, ad hanc, homo est docens: & homo est, ad hanc, homo est ens: vel homo est existens.

Diuisio ratione relationum.

Secundò potest diuidi Enuntiatio per relationes in veram, & falsam. Omnis enim enuntiatio Categorica, seu Hypothetica est vera, aut falsa. Veram enuntiationem dicimus quæ ita enuntiat, sicut est; vt, homo est animal: falsã autẽ, quæ non ita enuntiat, sicut res se habet; vt homo nõ est animal.

Diuisio ratione qualitatis.

Tertiò potest diuidi ratio qualitas in aientem & negantem, aut in affirmatiuam & negatiuam. Enuntiatio aiens est, in qua verbum affirmatur, vt in hac, homo est animal: contra verò negans est, cuius verbum negatur, vt homo non est animal. Quòd si illa enuntiatio pluribus verbis constet, præcipuum verbum considerandum erit. Hæc enim enuntiatio, homo qui non est doctus, est indoctus, aiens est, quia præcipuum verbum, nempe illud Est, quod secundo loco ponitur, affirmatur. Hæc vero alia, homo non est animal, quòd est irrationale, est negans, quia præcipuum verbum nempe primum Est, negatur. Alij sunt qui dicunt, illam enuntiationem esse aientem, quæ aliquid de aliquo enuntiat; vt homo est animal: illam verò negantem, quæ aliquid ab aliquo remouet; vt homo non est lapis.

Quæ in hac diuisione diximus, tantum in Categoricalis intelligantur: nam quod ad Hypotheticas attinet, suo loco dicemus, quæ sit aïens, & quæ negans. Quod si omninò vis, communem enuntiationi omni aïenti, atque neganti definitionem tradere, dicito, eam esse aïentem, cuius partium præcipuus nexus absque negatione ponitur, eam verò negantem, cuius præcipuus nexus negatur. Vt enim Categoricalæ habent verbum vt nexum, ita Hypotheticæ coniunctionem aut aduerbium, ex quorum positione aut negatione tota enuntiatio Hypothetica aïens, aut negans dicitur. Vide vltimum caput huius libri.

Quartò ratione quantitatis in Vniuersam, Particularem, Indefinitam, & Singularem distribui solet Enuntiatio. Vniuersa est, quæ ostendit prædicatum conuenire, aut remoueri ab omni contento sub subiecto, vt omnis homo est animal; nullus homo est lapis. Tales sunt omnes enuntiationes, quibus aliqua ex his notis præponitur: Omnis, Quilibet, Nullus, &c. Particularis est, cuius subiectum est vniuersum, & ei vna ex his notis præponitur, Aliquis, Quidam, Nonnullus, Non omnis: vt aliquis homo sedet. Indefinita est, cuius subiectum est vniuersum, & nulla ei præponitur nota, vt homo est animal. Notas alij Signa vocant. Singularis autem est, cuius subiectum est singulare, vt Dominicus orat. Obseruandum est tamen hoc loco, enuntiationum triplicem esse materiam, *Alia diuisione quantitatis.* Nam alia est enuntiatio, cuius extrema necessaria inter se cohærent, vt hæc, homo est animal, diciturq; enuntiatio in materia necessaria. Alia cuius extrema omninò sibi repugnant,

nant, vt homo non est lapis: & dicitur esse in materia impossibili. Tertia est, cuius extrema accidentariò coniunguntur, vt homo est albus; accidit quippe homini esse album: appellaturq; hæc enuntiatio in materia contingente. His ita constitutis, dici consuevit, enuntiationem in materia necessaria, vel omninò repugnantem, si sit indefinita; idem pollere ac si esset vniuersa. Vt hæc, homo est animal, idem valet atque hæc, omnis homo est animal: hæc verò alia, homo non est lapis, idem valet atq; hæc, nullus homo est lapis. Cumq; in disciplinis ferè semper versemur in materia necessaria, aut impossibili, quum loquimur indefinitè, existimandum est nos vniuersè loqui. At propositio indefinita in materia contingente idem valet atque particularis. Hæc enuntiatio, homo est albus, idem valet atq; hæc, aliquis homo est albus. Ita quidem dicitur à plerisque, sed quid nos sentiamus, in vltima obiectione aperiemus.

Obiectiones in superiora.

Contra definitionem Enuntiationis ita obijcio. Hæc oratio Infinitiui modi, Hominem esse animal, significat verum, atqui non est enuntiatio, ergo enuntiationis definitio alijs à definito conuenit. Assumptio est manifesta. Probaturs propositio. Nam hæc oratio, Hominem esse animal, nihil aliud significat, quàm hominem esse animal, id autem verissimum est, ergo illa oratio significat verum. Respondetur, primò in definitione enuntiationis subintelligendum esse illam particulam, Indicantis modi; & quia hæc oratio, Hominem esse animal, non est Indicantis modi, non est enuntia-
tio,

tio: licet verum, aut falsum significet. Sed impugnatur responsio. Nam hæc oratio, Si animal curreret, animal moueretur, proculdubio est enuntiatio, cum tamen non sit Indicantis modi. Quare aliter respondetur, in definitione enuntiationis subintelligendum esse, ut sit oratio perfecta; & quia illa oratio Infinitivi modi non est perfecta, ideo licet significet verum, vel falsum, non est enuntiatio. Quod usque adeo verum est, ut aliquæ enuntiationes Indicantis modi non sint enuntiationes; quia ratione alicuius additi non sunt perfectæ orationes. Ut hæc oratio. Homo qui est animal, est illa quidem Indicantis modi, & non est enuntiatio; quia ratione illius Pronominis Qui redditur imperfecta. Tertiò potest responderi, Enuntiationem debere significare verum, vel falsum, decernendo, ita esse, aut ita non esse: & quia illa oratio, hominem esse animal, nihil determinat, ideo non est enuntiatio; Quam etiam ob causam interrogationes, quamvis sint orationes Indicantis modi atq; perfectæ, non sunt propriæ enuntiationes. Qui enim ait, Suntne Antipodæ? nec verè, nec falsè loquitur: quia nec asserit, Antipodas esse, neque non esse.

Secundò contra eandem definitionem ita expositam obijcitur. Si ego ambulans dicam, Ambulo, etiam si nihil addam, aut detraham illi verbo, dico verum: & decendo ita esse, atqui ambulo non est enuntiatio, cum non sit oratio: Ergo definitio Enuntiationis in verba simplicia quadrat: Respondebis, ibi subintelligi Pronomen Ego, sicut etiam si tu percontaris à me, utrum homo sit animal, & ego respondeam, etiam, verum dico; quia ibi

T 2

subin.

An verba
significent
verū, aut
falsum.

ipsa significat, se non esse veram; ergo est falsa. Datur ergo aliqua enuntiatio, quæ nec vera est, nec falsa. Decreui antequam argumentum solvā, pauca de instituto, ac iudicio meo dicere. Nō eram nescius quum hæc scriberem, me in multorum reprehensionem incurrere, nempe eorum qui omnia argumenta, quæ vno verbo dissolvere nequeunt, captiones vocant: nec eo contenti, disputantem subsannant; & quæ eruditione tractanda fuissent, risu absoluunt. Sed obsecro primū lectores, ne huiusmodi hominibus qui omnia quæ minū probant, sophismata appellant, vllam fidem habeant. Facile enim est dicere, hoc sophisma est, illud verò captiuncula. Etsi modum hunc soluendi argumenta in scholis feramus, non erunt nobis legendo occupatis, noctes ducendæ insomnes, sed in vtraque aurem dormire licebit. Itaq; peribunt literarum studia. Sapientia enim non inuenitur in terra suauiter viventium, illisq; solū domus eius patet, qui manē ad ipsius fores vigilant. Præterea, num Aristoteles quum aduersus Parmenidem, & Melissum; & alia antiquitatis monstrua disputat, id tantū agit vt eos sophistas appellet? Num Patres & Ecclesiæ pastores quum aduersus hæreticos fidem tuentur Apostolicam, satis se muneri suo fecisse putant, si dicant eorum argumenta esse contorta, aculeataque? Minimè gentium. Dicere nanq; oportet, in quo posita sit fallacia, vbi lateat anguis. Quid? Quòd argumentum propositum non sophistarum, sed doctissimorum virorum esse, facile demonstrabo. Lege Ciceronem, cuius se isti discipulos esse gloriantur, in eo Academicarum quæstionum libro,

Id à plerisque nūc agitur.

qui Lucullus inscribitur; & idem ferè argumentum reperiēs. Nam quod nos diximus de hac enuntiatione, hæc oratio est falsa, ipse dicit de oratione illius, qui diceret se mentiri. Ac quærit, an is qui tantum dicit, se mentiri, si mentiatur, dicat verum. Non aliter quærimus, nos, an oratio illa, quæ significat se esse falsam, concedenda sit vera, si conceditur esse falsa. Quare illis dimissis, imitemur eum, quem Sapiens valde commēdat, quod ad verutias parabolarum, & ænigmata sapientum conatus sit peruenire. Respondebant igitur quidam antiquiores Philosophi, concedendo, definitionem Enuntiationis traditam non competere omnibus enuntiationibus, præsertim istis, quas vocabant Inexplicabiles. Hanc solutionem refert Cicero loco paulò ante citato: sibi tamen probari negat: immo ipse hoc & alijs argumentis conuictus ibidem asserit, nihil esse, quod certò sciri possit. Si enim inquit, quod Dialectici certissimum arbitrantur, omnem enuntiationem aut veram esse, aut falsam, id incertum est; vt argumentum propositum indicat; qualia erunt cætera, quæ ipsis non aded certa videntur? Alij verò respondent, orationem illam, de qua est controuersia, non esse enuntiationem; quia nulla enuntiatio potest de se ipsa intelligi: illa verò non de alia quàm de se ipsa tractat. Quare non est enuntiatio, licet sit oratio. Indicantis modi. Verum contra hanc solutionem iamdiu desitum est disputari, quoniā est apertè falsa. Etenim si quis sumpto carbone, scribat in pariete sola hæc verba. Hæc scriptura est atra, absque dubio esset enuntiatio, & quidem vera: cum alioquin non de alia,

Solutio antiquorum.

Sententia Ciceronis.

Alia solutio.

Vera solutio.

ha, quàm de se ipsa tractaret. Quare respondendum est, illam orationem esse enuntiationem, & esse falsam. Et quum ais: Illa enuntiation quæ rem sicut est, significat, est vera: Respondetur, negandum esse antecedens, quando illud quod significat, nihil aliud est, quàm se esse falsam. Tunc enim licet ita sit, vt per eam significatur, non proinde est vera, sed potius ob eam causam est falsa. Hanc ferè solutionem innuit D. Thomas opusc. Fallac. cap. cē. Dicto secundum quid, agens de hac oratione, Ego mentior. Quòd si pergis adhuc, & D. Thom. sophistam dicis, te ipsum omnis Philosophiæ ignarum, & blasphemum etiam comprobabis. Nos verò Deum orabimus, vt talium sophistarum copiam Ecclesiæ suæ concedat: non enim illi erunt sophistæ, sed absque fucodocti. Denique oratum velim lectorem, vt librum egregij patris diui Aurelij Augustini, quem de Magistro inscripsit, legat. Sanè intelliget multa huius generis argumenta, quæ à nouis Dialecticis nullius ponderis existimantur, summa diligentia à summo Ecclesiæ Doctore tractari, & quidem eo animo, vt suum Adeodatum, quem doctissimum esse cupiebat, instrueret. Et postea nostri Dialectici inter credulos adolescentes clamabunt, has disputationes nihil aliud esse, quàm ingeniorum pestes. Hæc satis. Admonebat enim me res, vt nostræ ætatis arrogantiam deplorarem; sed quiuis hoc apud se cogitet, num horum hominum opinio Augustini Thom. Ciceronis denique sententiæ sit anteponenda.

Quarta obiectio. Dictum est, omnem enuntiationem esse Vniuersam, aut Particularem,

*Enuntia-
tiones ex-
cludentes
an sint v-
niuersæ.*

rem, Indefinitam, aut Singularem. Sanè hæc enuntiatio, Tantùm animal est homo, non est Vniuersa, quia non omne animal est homo: non Particularis, quia licet aliquod animal sit homo, haud tamen sequitur, solùm animal esse hominem, sicut licet aliquod animal sit album, non possumus dicere, tantùm animal est album, cùm nix sit alba, nec sit animal: non singularis, vt constat: non demum indefinita, quia aliquod signum subiecto præponitur: Ergo illa diuisione manca est. Respondetur, eam nou esse propriè vniuersam, sed reduci & reciprocari cum vniuersa contrarij ordinis extremorum. Quocirca hoc axioma, tantum animal est homo, reciprocatur cum isto, omnis homo est animal. Et semper enuntiatio Vniuersa æquipollet excludenti (voco autem enuntiationem excludentem, in qua ponuntur hæc signa, Tantùm, Solùm, Duntaxat, &c. quia dicendo, tantùm animal est homo, excluduntur à ratione hominis ea, quæ non sunt animalia) dummodo inuertantur extrema: vt hæc, omne album est coloratum, reciprocatur cum hac tantùm coloratum est album. Eodem pacto dicendum est hanc propositionem, homo quatenus homo est rationalis, esse vniuersam, quamuis aliquid amplius habeat, quàm habere solent vniuersæ, communes, & vulgares: quia prædicatum conuenit subiecto primò & per se, ac subinde ex ea colligi possunt duæ enuntiationes vniuersæ contrarij ordinis extremorum, hoc pacto, homo quatenus homo est rationalis: Ergo omnis homo est rationalis, & omne rationale est homo.

*De alio
genere e-
nuntiatio-
num, in
quibus,
eodem
vox gemi-
natur.*

Quin et obiectio. Hæc enuntiatio: Omnes sensus

exten-

externi sunt quinque, non est Vniuersa, Particularis, Indefinita, aut Singularis: ergo non omnia enuntiationum genera sunt enumerata: Dices, Est vniuersa. Profectò sequeretur, eius contradicentem esse particularem; nempe aliquis sensus externus non est quinque, & ita duæ contradicentes simul essent veræ. Respondetur, esse singularem, quia licet quinque sensus sint multi sensus; sunt tamen vnus numero, quinarijs sensuum. Sicut in hoc collegio sumus nonaginta fratres, & vnum numero collegium constituiamus.

*Signum.
Omnis
collectivum.*

Sexta obiectio in id quod diximus, enuntiationem indefinitam æquivalere vniuersali, aut particulari. Hæc enuntiatio, homo est species, est indefinita, & in primis non æquualet vniuersali, tum quia non quilibet homo est species, tum quia cum accadat naturis rerum esse genera, aut species, non est in materia necessaria, sed contingenti; ac proinde non æquualet vniuersali. Deinde nec æquatur particulari; alioquin hæc esset vera, aliquis homo est species; quod tamen est falsum, quippe cum vt diximus lib. 2. c. 9. Aliquis homo sit indiuiduū vagum, & non species: ergo datur propositio Indefinita, quæ nec vniuersali, nec etiam particulari est æqualis. Respondetur, illam propositionem non esse Indefinitam, sed Singularem; quia subiectum est singulare. Namque homo si conferatur ad sua inferiora, vniuersum est; at si cum speciei notatione comparatur, indiuiduum quoddam est: quia vna species numero est. Sed aduersus hanc solutionem possunt duo argumenta proponi. Primum: Homo vt species, est vniuersale, ergo comparatus motioni specie est vniuersale.

*Quanta sit
hæc enun-
tiatio, Ho-
mo est spe-
cies.*

Propositionem indefinitam esse in materia necessaria, nec protinus æquivalere vniuersali, sed particulari: nam in indirectis prædicationibus non oportet indefinitam æquivalere vniuersali; etiam in materia necessaria. Immo nec in omnibus directis id verum est apud Aristotelem. Hæc enim enuntiatio, homo existit necessario, vera est apud ipsum, qui mundum ab æterno genitum, & in perpetuum duraturum, somniauit: at non statim concedit, omnem hominem necessario existere. Fortè non deerunt viri docti, qui me reprehendât, quòd hanc appellarim Indefinitam, cum eius subiectum accipiat, aut (ut ita dicam) supponat simpliciter. Sed sciant, me multa dissimulare ob eorum dissensiones vitandas; qui immani quodam odio prosequuntur has voces, supponit, appellat, &c. quas tamen egregium illud philosophorum, Theologorumque iubar beatus Aquinas non mediocriter intellexit; ac frequenter libris suis inseruit. Sed ut Quimus, aiunt, quando quod volumus, nō licet.

De indefinitis directis, ac indirectis.

De Oppositione Enuntiationum. Cap. 6.

Agendum est de affectionibus enuntiationū simplicium, id est, de Oppositione, Conversione, & Aequipollentia: postmodum de enuntiationibus modificatis, earumque affectionibus; tandemque de Hypotheticis, ac earum proprietatib. Oppositio est repugnantia duarum enuntiationum eiusdem subiecti, ac prædicati, quarum est aliens, & altera negans. Tales sunt hæc, Omnis homo est animal. Nullus homo est animal. Dixi, eiusdem subiecti & prædicati, quia si consent diuersis vocabulis,

Oppositionis definitio, ac definitio.

lis,

ur. Verum si res probè consideretur, subalternæ non oppositæ, sed subordinatæ, vel consentientes appellari debent; vt meliores Dialectici faciunt. De his omnibus oppositionibus habes hanc tabulam.

Omnis homo
est animal.

Nullus homo
est animal.



Aliquis homo
est animal.

Aliquis homo
nō est animal.

Assignantur autem à Dialecticis quatuor af-
fectiones oppositionum. Prima. Contradictories
nec simul possunt esse veræ, nec simul falsæ; sed
si vna est vera, alteram oportet esse falsam: vt
Omnis homo est albus, est falsa; Aliquis homo
non est albus, est vera. Secunda affectio. Contra-
ræ enuntiationes nunquam possunt esse simul
veræ, nonnunquam tamen poterunt vnà esse fal-
sæ; vt Omnis homo est albus, Nullus homo est al-
bus. Tertia. Subcontrariæ pariter falsæ esse neque-
unt, dari tamen possunt ambæ veræ, vt Aliquis
homo est albus, Aliquis homo nō est albus. Quar-
ta. Subalternarū si superior sit vera, inferior quo-
que; vt Omnis homo est animal: Aliquis homo
est animal: Non contra si superior sit falsa, inferi-
or erit necessariò falsa; vt Omnis homo est albus,
Aliquis homo est albus. Item inferiore existente
falsa, superiorem quoque falsam esse oportet; vt

*Leges op-
positionis.*

Ali-

Aliquis homo est lapis; est falsa enuntiatio: ergo hæc etiam falsa erit, Omnis homo est lapis. At si inferior sit vera, non statim superiorem veram esse colligitur. Verum enim est, aliquem hominem esse doctum, & omnem hominem esse doctum, est falsum.

*Lexi causam
saredduntur.*

Reddenda est autem harum affectionum causa, scire enim, est rei causam agnoscere. Et prima quidem demonstrari non potest, cum apud Logicum primum & supremum principium sit, de quauis re veram esse affirmationem, aut negationem. Itemque de quauis re proposita alteram contradicentium falsam esse debere. Quod alijs verbis proponitur à Metaphysicis: nihil inquirunt, simul est, & non est, & quauis res est, aut non est. Vtunque tamen probatur ab Arist.

Lex aduersarij probatur.

4 Metaphys. tex. 10. 11. & c. contra proteruos. Secunda autem affectio ita probatur. Nam duobus contrarijs simul concessis, sequeretur duas contradicentes esse veras, contra primam affectionem. Si enim hæc est vera, Omnis homo est albus, & præterea hæc, Nullus homo est albus, est etiam vera; profectò vera quoque erit hæc alia, Aliquis homo non est albus, & ita veræ erunt pariter, Ois homo est albus, & Aliquis homo nō est albus. Tertia affectio probatur quia qui duas subcontrarias tanquam falsas negat, protinus concedit, duas contradicentes simul posse esse falsas. Si enim hæc est falsa, Aliquis homo nō est albus, in superq; hæc alia, Aliquis homo est albus, cum hac posteriori existente falsa, etiam enuntiatio quæ dicit omnem hominem esse albū, sit falsa, profectò duæ contradictoriæ erūt simul falsæ; scilicet, Omnis homo est albus, & Aliquis homo nō est albus. Deniq; probatur quarta af-

Lex subaduersarum demonstratur.

2^a affectio. Equidē si ex tualternis superior potest
esse vera, & inferior falsa, duæ contradicentes
possunt esse simul veræ. Etenim si hæc est vera,
Omnis homo est albus, & simul hæc est falsa, A-
liquis homo est albus, cū duæ subcontrariæ ne-
queant pariter esse falsæ, hæc erit vera; Aliquis
homo non est albus; quæ est contradicens illius
enuntiationis iam concessæ, Oīs homo est albus.

*Lex subal-
terna, iura
ostēditur.*

Veruntamen circa tres posteriores affectio-
nes notandū est, enuntiationes alias esse in
materia necessaria, quarum prædicatū necessa-
riò de subiecto effertur, vt Homo est animal, a-
lias in materia impossibili, quartum prædicatū
omnino repugnat subiecto, vt homo est lapis; a-
lias tandem in materia cōtingenti, quarum præ-
dicatum potest alicui conuenire, & ab eodem e-
tiam remoueri, vt homo est albus. Igitur in ma-
teria contingente affectiones propositæ erunt
intelligendæ. Nam in necessaria, aut impossibi-
li contrariæ non possunt esse simul falsæ, nec
subcontrariæ simul veræ: ac subalternæ sem-
per in veritate, aut mendacio inter se conuenire
debent, maximè cū sunt directæ. Quamuis dis-
crimen sit, quod in materia necessaria, affirma-
tiones sūt veræ, & negationes falsæ: in materia
verò impossibili, aut repugnante negationes sūt
veræ & affirmationes falsæ, Istæ sunt veræ, Oīs
homo est animal, Aliquis homo est animal; itē,
Nullus homo est lapis, Aliquis homo non est la-
pis; istæ autem falsæ, Omnis homo est lapis, A-
liquis homo est lapis; Nullus homo est animal,
Aliquis homo non est animal. Hæc de illis enū-
tiationibus intelligātur, quæ vſitato, vulgariq̃ue
loquendi more proponuntur; nā si consent voce
excludente, vt aliquo signo ex parte præ-
dicati,

*Legum
ad diuer-
sas mate-
rias appli-
catio.*

Exceptio.

dicati, poterunt in materia necessaria falsæ esse aientes, & veræ negantes: vt Tantum homo est animal, & Omnis homo est omne animal. Idem patet in hac enuntiatione, Homo quatenus homo est sensibilis, quæ cum sit aiens, & in materia necessaria, est falsa: nam esse sensibile, non tribuitur homini quatenus homo, sed quatenus animal; vt constat ex i. Poster. Hinc colligendum est, ad cognoscendum, an aliqua enuntiatio sit in materia necessaria, contingente, vel impossibili, non esse considerandum, an id quod significat, sit necessarium, aut impossibile, sed an prædicatum illius enuntiationis necessario competat subiecto, an potius ei repugnet. Quæcirca hæc propositio est impossibilis, Nullus homo est animal, & est in materia necessaria: nam ob eam causam falsa est, quia est negans in materia necessaria. Quare dixit Aristoteles 1. Periher. quod necesse est esse, impossibile est non esse.

Sed ne vnquam accidat, superiores affectio-

Quæ veti- nes falsas deprehendi, stabiliendæ sunt regulæ, nenda sint quibus omne erroris periculum depellamus. cautiones Principio in enuntiationibus contrariis cauendum in variis est, ne vlla vox quæ in vna sumitur in particula- oppositio- ri, in altera ad eundem modum accipiatur. num ge- Quamquam enim minimè oporteat eam vocem, neribus, quæ in vna ponitur in vniuersum, collocari in ac primò altera in particulari (alioquin non posset in am- in Con- babus contrariis, subiectum accipi in vni- trariis, uersum) tamen in si vna contrariorum aliqua vox in particulari sumitur, necesse est, illam in altera accipi vniuersim. Quare hæ enuntiationes, Omnis homo est animal, Nullus homo est omne animal, non sunt contrariæ; postquam aliquod nomen, scilicet Animal, in ambabus spo-

Speciatim ponitur. In aiente certum est, tum quia ut hæc sit vera, Omnis homo est animal, sufficit, quemuis hominem esse aliquod animal: tum etiam quia hoc pronuntiatum, Omnis ho-
 mo est animal, conuertitur in istud, Aliquod a-
 nimal est homo. Cæterum ut ostendamus, in hac
 enuntiatione, Nullus homo est omne animal, *De vi, ad
 potentia
 nota signi
 venegatis:*
 illud vocabulum Animal sumi specialiter, statu-
 endum est discrimen inter signum negans, & a-
 iens. Signum quippè vniuersum aiens, ut omnis,
 solum afficit vniuersalitate illud nomen, cui im-
 mediatè iungitur; ut in hac propositione, O n-
 nis homo est animal, sola vox homo sumitur
 vniuersim; vox autem animal speciatim: ut ostē-
 sum est. Signa autem negantia, ut nullus, nemo,
 & non, afficiunt non modò illa, quibus immedi-
 atè iunguntur, sed reliqua etiam consequentia.
 Et ratio est, quia negatio destruit quicquid post
 se inuenit, cum sit cuiusdam pessimæ & malignæ
 naturæ; si inuenit affirmationem, constituit
 negationem; si aliquid reperit negatum, affir-
 mat; quia duæ negationes verbo præpositæ affir-
 mationem efficiunt. Itaque contra Terentianū
 Gnatonis præceptum, si negat; ait; si aiunt, ipsa
 contra negat. Item si voces sumuntur in particu-
 lari, facit eas accipi vniuersim; si vniuersim, in
 particulari eas intelligi cogit. Verbigratia. Quia
 in hac enuntiatione verbū Est affirmatur, & sub-
 iectum & prædicatum sumuntur in particulari,
 ideò si toti illi præponatur negatio, nō aut ne-
 mo, seu etiā nullus, nō modò fiet enuntiatio negans,
 sed subiectum præterea ac prædicatum sum-
 mentur in vniuersum. Id si minùs creditur, hoc
 signo percipi poterit: nam hæc enuntiatio, Nullus
 homo est animal, conuertitur in hanc, Nullū
 V ani-

animal est homo; quod profecto minime fieret, si animal in priori enuntiatione, sumptum in particulari, fuisset. Item probatur, quia vt hæc enuntiatio, Nullus homo est lapis, sit vera, oportet, omnem hominem nullum esse lapidem: Cum itaque in hac enuntiatione; Homo est omne animal, ipsum animal sumatur in vniuersum, profecto si præponatur negatio toti enuntiationi, sumetur in particulari. Hinc colligitur, has enuntiationes, Omnis homo est animal, Nullus homo est animal, esse verè contrarias; nec posse ambas esse veras.

*Cautio in
subcontra-
riis obser-
uanda.*

Lex autem subcontrariarum est, vt si fortè aliquod verbum in vna earum sumatur vniuersim, in altera speciatim accipiatur. Ex quo efficitur, has enuntiationes, Aliquis homo est omne animal, Aliquis homo non est animal; non esse subcontrarias, & ambas posse simul esse falsas; quia verbum animal in vtraque earum sumitur vniuerse. Nam in aiète dicitur omne animal, in negateve: ò licet nō dicatur nisi animal; tamē ratione negationis præcedentis sumitur in vniuersū. Lex præterea contradicētiū est, vt si in altera vox aliqua intelligitur speciatim, in altera accipiatur in vniuersum. Quamobrem istæ non sunt, contradicentes, Nullus homo est omne animal, Aliquis homo est animal; & ambæ sūt veræ. Quare in hac lege conueniūt contradicentes, atque contrariæ. Item est aliud præceptum in ipsis obseruandum, vt quum aliquod nomen in vna ponitur vniuersè in altera speciatim intelligatur. Itaq; istæ non sunt contradicentes, Omnis homo est omne animal, Aliquis homo non est animal: nā animal in vtraq; sumitur generaliter, & ambæ falsæ. In hac igitur præceptione cōueniunt

*Contradi-
centium
observati-
ones.*

unt cōtradicientes & subcontrariæ. Subalternarū denique regula est, ne quum in superiori aliqua vox non sumitur in vniuersum, in inferiori vniuersè accipiatur. Istæ igitur minimè sunt subalternæ, Omnis homo est animal, Aliquis homo est omne animal, & ita superior est vera, & inferior falsa.

Et quidem, vt ante nos viri doctissimi anno-^{In subal-}
tarunt, harum cautionum vna ferè est ratio,^{ternis cau-}
quia si in vtraque contrariarum, aliquod nomen^{tio.}
in particulari collocetur, ex parte illius habebunt se vt subcontrariæ; ac subinde ambæ simul veræ esse poterunt. Præterea si in vtraque subcontrariorum aliquod nomen vniuersi intelligeretur, ex parte illius essent quasi contrariæ, & possent simul à veritate aberrare. Insuper si in ambabus contradicentibus aliqua vox vniuersè ponatur, erunt tanquam contrariæ, poteruntque vnà esse falsæ. Si verò contradicentium vtraque aliquo vocabulo particulariter sumpto constet, erunt quasi subcontrariæ, ac nihil impedit, quòminus veritatem simul enuntient. Demum si in subalternarum superiore aliqua vox ponatur speciatim, & in inferiore vniuersim, certè quod ad eam vocem attinet inferior, est reuera superior; & superior fit inferior. Quare nihil mirum est, si ea quæ videtur superior, possit esse vera, & inferior falsa.

In ea qua diximus argumenta.

Ex his quæ diximus varia dubia aperiuntur. ^{Alterius,}
Primum est contra legem contrariarum, ^{neutris-}
quomodo scilicet istæ enuntiationes, ^{que signi-}
Cuius ^{ficatio.} hominis alter oculus est dexter, Cuius
hominis alter oculus non est dexter, quæ videtur

tur contrariæ, sint simul veræ, si omnes hominēs duos oculos habeant: & in enunciatione aien- te nomine alterius oculi intelligatur dexter, & in negante sinister. Respondendum est enim, illas non esse contrarias ex defectu legis contrariarum, quia aliqua vox, nempe oculus, in vtraque sumitur in particulari; nam Alter est signum particulare, sicut Neuter vniuersale, respectu duorum. Itaque vt illæ essent contrariæ, sic erant proferendæ. Cuiusque hominis alter oculus est dexter, Cuiusque hominis neuter oculus est dexter: aut hac alia forma. Cuiuslibet hominis alter oculus est dexter, & Nullius hominis alter oculus est dexter; tunc enim in negante oculus sumeretur in vniuersum, ratione negationis præcedentis, quæ quicquid sumebatur in particulari, erigit in statum vniuersum, quare non fuissent ambæ veræ.

Bona certe obiectio.

Alterum etiam dubium facile soluitur: Quomodo scilicet istæ duæ enuntiationes, Aliquis homo est omne animal, Aliquis homo non est animal, sint falsæ, cum sint subcontrariæ. Respondendum est nanque haud esse subcontrarias, licet esse videantur, quoniam verbum animal in vtraque sumitur vniuersè: Quò fit, vt huiusmodi enuntiationes ex parte prædicati sint, tanquam contrariæ, ac subinde simul falsæ esse queant. Verùm si quispiam in nos argumentetur, cum dicamus, enuntiationes propositas esse simul falsas, quia ex parte prædicati habent se vt contrariæ: eodem modo dicendum esse, eas posse esse simul veras; quia ex parte subiecti subcontrariæ sunt. Respondetur, non oportere istasmet esse simul veras, sed sat esse, si in simili forma simul veræ dentur. Ista enim pronuntiata,

Ali-

Aliquis homo est omne album, Aliquis homo non est albus, simul erunt vera; si ex Hypothesi tantum sit in mundo vna res alba, illaque sit homo; reliquæ verò, etiam homines, atræ; tunc enim aliquis homo non esset albus, & præterea aliquis alius homo esset omne album: nullum enim album daretur præter ipsum. Nec mirum euipiam videatur, si nos huius generis enuntiationes per Hypothesim comprobemus, cum etiam Porphyrius in Isagoge c. 7. Communitatum probet suam sententiã ex hac Hypothesi, Si nulum animal esset in rerum natura: quæ profectò multò est difficilior, atque durior ea, quam nos postulamus. Et planè si Hypothesis non inuoluit contradictionem, à viro docto non est repellenda: nam (vt aiunt) possibili dato nullum sequi debet incommodum. Lege lib. 3. Ciceronis de officijs. Ibi enim probat sententiam suam quadam Hypothesi commentitia: ac eos qui non alia ratione argumenta soluunt, quàm negando Hypotheses, rusticè ait vrgerè.

Ex his colligitur primum, non omnes enuntiationes oppositas esse propriè subcontrarias, contrarias, contradicentes, aut subalternas, sed interdum ad aliquam istarum oppositionum referri; & aliquando etiam ex parte vnius extremi ad contrarias pertinere: ex parteque alterius ad subcontrarias. Perspicuum fit secundo, quum in superioribus dictum est, illas enuntiationes esse contrarias, quæ cum sint vniuersa, vna est aiens, & altera negans, subintelligendum esse, si nulla vox in vtraque sit particularis. Idem de subcontrariis, subalternis, & contradicentibus intellige; oportere scilicet vt seruent leges sibi accommodatas: alioquin videri poterant

Non omnes enuntiationes esse propriè sub aliquo genere oppositionis.

runt contradicentes, subalternæ, aut subcontrariæ; e quidem vera non erunt.

*De signo
aut nota
Omnis.*

Tertium porrò soluitur argumentum circa contradicentes, si memoria retineantur superiora. Etenim istæ enuntiationes, *Omne animal fuit in arca Noe*, *Aliquod animal non fuit in arca Noe*, videntur contradicentes; & tamen ambæ sunt veræ. Enimuero de aientem vniuersa nulla est controuersia: sed particularis negans probatur, quia animal quod submersum est, non fuit in arca Noe. Antequam huic argumento respondeamus, nonnulla sunt prænotanda. Primum est, enuntiationes duobus modis posse affici signo *Omnis*; vel enim sumitur vt colligens, vel distribuens; si placet, collectivè, aut distributivè. Sumitur vt colligens, quum multitudinem quandam colligit, eique prædicatum aliquod tribuit, quod toti multitudini competit; non singulis eius partibus sigillatim. Verbi gratia. In hac enuntiatione, *Omnes sensus externi sunt quinque*, numerus quinarie tribuitur toti multitudini sensuum, non cuique per se. Sumitur verò vt diuidens, quum prædicatū cuilibet parti illius multitudinis sigillatim conuenit. Verbi gratia. In hac enuntiatione, *Omnis homo est coloratus*, esse coloratum tribuitur cuique homini. Secundum est, signum *Omnis*, etiam sumptum vt distribuens, interdum diuidere illud extremum enuntiationis, cui additur in omnia eius individua, vt in illo pronuntiato, *Omnis homo est coloratus*: interdum in omnia eius genera, non in omnia individua. Quo pacto explicat diuus Thomas 1. par. quæst. 19. ar. 2. ad 1. illam sententiam, *Deus vult omnes homines saluos fieri*. Si enim loquamur de volūate peni-

penitus determinata, quam ipse dicit consequentem, non vult Deus quenuis hominem in sceleribus usque ad ipsam etiam animæ à corpore absolutionem permanentem, saluari: sed dicitur eadem voluntate penitus determinata (nam de ea, quam dicunt antecedentem, non est dubitatio.) velle omnem hominem saluum fieri, quia vult ex quauis hominum arte, ætate, ac genere quosdam saluari. Quamuis enim frequentius illi salutem æternā consequantur, qui iustiores viuendi semitas eligunt; tamen ex summa Dei misericordia; nonnunquam accidit, vt ex latronibus, meretricibus, atq; leonibus quidam etiam ad æternam beatitudinem admittantur: modò vt par est, scelerum poenitentiam egerint. Ita quoque explicat diuus Augustinus locum illum psalmi 64. Ad te omnis caro veniet. Sic itaq; intelligendum est quod diuus Thomas ait, hoc nomen Omnis aliquando distribuere pro singulis generum, aliquando pro generibus singulorum. His positis sit prima assertio. Quando signum Omnis accipitur vt colligens, constituit enuntiationem potius singularem, quàm vniuersam. Relege quæ diximus cap. 5. Secunda assertio. Quando signum Omnis sumitur vt diuidens in omnia genera, & non in omnia indiuidua, non constituit enuntiationem vndique vniuersam, sed partim vniuersam & partim specialem: vt hæc enuntiatio, Omne animal fuit in arca Noe, ita explicatur. Cuiuslibet generis animalium aliquod animal fuit in arca Noe; in qua explicatione clauditur illa vox particularis Aliquod animal. Tertia assertio. Si vox Omnis distribuatur in omnia indiuidua, enuntiatio est (nisi aliud impediatur) simpliciter vniuersa, vt Omnis ho-

Omnis homo
est Petrus.

Nullus homo
nō est Petrus.




Aliquis homo
est Petrus.

Aliquis homo
non est Petrus.

Cæterum obseruandum est, vt demptis voci-
bus singularibus, aliz seruent leges à nobis per-
scriptas, scilicet vt in contrarijs vtraque enun-
ciatio sit vniuersa, etsi aliqua vox in vna sumitur
speciatim, in alia vniuersè ponatur. Quòd et-
iam de reliquis oppositionum generibus dictum
existimato. Si autem solo prædicato singulari
constet, possunt in ipsis omnia genera oppositi-
onum reperiri non propriè, sed impropriè; vt
hæc tabula indicabit.

Petrus est o-
mnis homo.

Petrus nullus
homo est.



Petrus est ali-
quis homo.

Petrus aliquis
homo non est.

Non enim eas verè contrarias aut subcontrarias dico, quia earum nulla est vniuersa, nulla particularis, sed omnes singulares sunt; verumtamen ex ipsis, quæ superiorem locum occupant, sunt quasi contrariæ, quia sunt vniuersæ ex parte prædicati; & possunt simul esse falsæ; verè nequaquam. Inferiores quoque habent se vt subcontrariæ, quia ambæ possunt esse veræ, non falsæ; & quia saltem ex parte prædicati sunt particulares. Quod dicimus, in promptu est de aiente; de negante verò probatur; quia quum dicitur, Petrus aliquis homo nō est, illa vox aliquis homo, sumitur in particulari, cū nulla ei præponatur negatio (secus autem esset, si ante collocaretur negatio, dicendo, Petrus non est aliquis homo) & ita est vera, quia Petrus non est Paulus, qui quidem Paulus est aliquis homo. Nec mireris, si prædicatum ante verbum posui, id enim etiam diuus Thom. 1. Periherm. lect. 10. facit. Quare autem id aliquando necessarium sit, alias exponetur.

Contradictionis definitio explicatur.

Quintum dubium est, an istæ enunciationes, Omnis homo est albus, Aliquis homo non est albus, sint contradicentes. Etenim Arist. 2. Elenchorum capit. 5. ita definit contradictionem; Contradictio est affirmatio eiusdem, de eodem, similiter, & in eodem tempore: at in istis homo non accipitur similiter, cū in priori in vniuersum, in posteriori autem sumuntur ex parte: ergo non sunt contradicentes. Respondetur primò similitudinem, quam Aristoteles exigit in contradictorijs, non intelligi quantum ad notas, & signa enuntiationum; nam quod ista semper debent esse dissimiles; sed quantum ad alia: vt verbi gratia, non dicamus, Aethiopem esse

esse album dentibus, & non esse album capillis. Secundò responderetur, hoc pronuntiatum, Aliquis homo non est albus; æquivalere huic, Non omnis homo est albus; ut postea dicemus. Quare hæc propositio; Aliquis homo non est albus, negat hominem in vniuersum esse album; licet non dicat, nullum hominem esse album. Itaque eundem modum quem vna affirmat, altera negat.

Sextum dubium circa enuntiationes subcontrarias, quas diximus, posse esse simul veras. In his enuntiationibus, Aliquis homo est albus, Aliquis homo non est albus, vel loquimur de eodem homine, vel de diuersis: si de eodem, incredibile est, ambas esse veras, ut constat, si de diuersis, iam non erunt eiusdem subiecti & prædicati: nisi forte quoad nomen & vocem. Id autem non sufficit, ut enuntiationes dicantur oppositæ, alioquin istæ essent oppositæ, Omnis canis latrat, Aliquis canis non latrat, tamen si in vniuersa de Canete terrestri loqueremur, & in altera de Cælesti. Hoc argumento quidam Neotericorum conuincti, docuerunt, enuntiationes subcontrariis non esse oppositas. Sed profectò Aristoteles 1. Perther. cap. 5. totus est ab ipsis diuersus. Quare dicendum est, enuntiationes esse oppositas: & licet intelligantur de diuersis hominibus; habere tamen idem subiectum, non voce duntaxat, sed ratione quoque, ac definitione. Nam aliquis homo non solum dicitur de Petro & Paulo eodem nomine, sed eadem etiam ratione, ut lib. 2. quum de individuo vago disputarem, conati sumus ostendere. Vt autem aliquæ enuntiationes eiusdem subiecti esse dicantur, sat est, si idem subiectum quoad

An in subcontrariis idem sit subiectum.

nomen

nomen & rationem habeant. Quæ diligentissimè annotanda sunt, ad probandum, indiuiduum vagum esse commune multis nomine & ratione, ac proinde esse vniuersum; compositum tamen.

*Quomodo
vni affirm-
mationi
vnica op-
ponatur
negatio.*

Septimum dubium. Ex his quæ dicta sunt videtur sequi huic enunciationi, Omnis homo est albus, opponi duas negationes, vnam contrariè, vt Nullus homo est albus, alteram contradictoriè, vt Aliquis homo non est albus; cùm tamen Aristoteles 1. Periher. cap. 5. doceat, vni affirmationi vnicam negationem opponi. Respondeatur, mentem Aristotelis esse, vni affirmationi vcam negationem opponi contradictoriè. Dicens, Nòne illi enunciationi, Omnis homo est albus, opponitur contradictoriè duplex negatio, scilicet Aliquis homo non est albus, & Petrus non est albus? Nam de priore constat, de posteriore probatur. Etenim fieri nequit, vt istæ duæ enunciationes, Omnis homo est albus, & Petrus non est albus, vna veræ sint, aut falsæ: ergo. opponuntur contradictoriè. Nec dici potest, illas duas negationes, esse eandem enunciationem, nam si Petrus sit albus, secunda est falsa; & prior potest esse vera, si alter homo sit, qui non sit albus: ergo sunt diuersæ enunciationes. Respondetur igitur, secundi non poni contradictoriè illi enunciationi aienti, quia non est eiusdem subiecti & prædicati: & ita licet opponantur contradictoriè ratione materiæ, non sanè ex forma repugnant; sicut neque istæ, Omnis homo est animal, Aliquis homo est insensibilis, sunt contradictoriè secundùm formam; cùm alioquin nec possint esse simul veræ, nec vna falsæ. Aristoteles autem quum negat, plures e-

Enunciationes opponi vni, loquitur de contradic-
 ctoria oppositione; & quidem ex forma. Item
 assero, enunciationem vniuersam & singularem
 non esse contradicentes, quia interdum possunt
 esse simul falsæ; vt istæ duæ, Omnis homo est al-
 bus, & Socrates non est albus, erunt pariter fal-
 sæ, si in orbe tantum sint decem homines, ex
 eisq; solus Socrates albus sit: tunc enim nec ve-
 rum est, omnem hominem esse album; nec præ-
 terea Socratem non esse album.

Octauum argumentum in illud quod dictum *Andue*
 est, duas enunciationes contrarias non posse esse *contraria*
 simul falsas in materia necessaria. Istæ duæ, O- *in mate-*
 mne animal est rationale, Nullum animal est *ria neces-*
 rationale, sunt contrariæ in materia necessaria; *saria pos-*
 & præterea ambæ sunt falsæ: ergo sententia no- *sint simul*
 stra est falsa. Huic argumento bifariam re- *esse falsa.*
 spondetur, Primùm dicitur, illas enunciationes
 non esse in materia necessaria, sed in materia
 impossibilis, secundò asseritur eas non esse direc-
 ctas; & regulam superiorem de directis esse in-
 telligendam. Sed prior solutio impugnabitur à
 nobis c. 13. in vltima parte capitis. Item, quia si
 sunt in materia impossibili, non possunt esse si-
 mul falsæ; sicut nec istæ, Omnis homo est lapis,
 Nullus homo est lapis. Secunda verò solutio ma-
 nifestè refellitur ex his quæ dicta sunt libr. 2. c.
 10. vbi docuimus, hanc enunciationem, Animal
 est rationale, esse directam; quamuis hæc sit in-
 directa, Animal est homo. Respondetur, igitur
 regulam esse intelligendam in enuntiationibus,
 quarum subiectum non latius patet prædicato,
 siue directæ sint, siue indirectæ. Et quia animal
 latius patet, quàm rationale, ideo possunt esse si-
 mul falsæ. Latius inquam patet, cum sub se
 non

non modò hominem, sed brutas etiam animantes contineat.

De Enuntiationum Aequipollentia, aut Isodynamia. Cap. 7.

*Quid sit
Aequipol-
lentia.*

*Negatio-
nis pote-
stas.*

Secunda affectio enuntiationum est Isodynamia. Postquam enim de oppositione enuntiationum egimus, explicare oportet, quo pacto dissidentes enuntiationes ad concordiam, consensionemque reuocentur. Isodynamia enim (vel si hoc verbum minùs intelligitur, æquipollentiam appellemus licet) est duarum enuntiationum eiusdem subiecti & prædicati tanta concordia, vt nec quantitate, nec qualitate differant; id est, si vna aiens fuerit, altera aiat; & vna si neget, neget & reliqua: ac præterea ita sint potestate pares, vt vtraque vniuersa sit, aut particularis vtraque. Quod sanè fieri debet alicuius negationis beneficio. Namque negatio (vt diximus capite 6.) est pessimæ, intractabilisque naturæ, & si post se inuenit negationem, efficit affirmationem; si offendit quidpiam generale, constituit illud particulare; si autem particulare reperiat, constituit vniuersale. Et (vt summam dicam) negatio quicquid post se inuenit, destruit; quod autem ante se positum est, intactum relinquit. Exemplum. In hac enuntiatione, Omnis homo non est animal, illa negatio efficit vt verbum sit negatum, at verò subiectum remanet vniuersum, quia negatio postponitur illi, & non præponitur. In hac autem alia enuntiatione, Non omnis homo est animal, homo sumitur in particulari,

quia

quia licet prænotetur hoc signo Omnis ; tamen tota eius vis, atque potestas per negationem præcedentem evertitur.

Progrediamur igitur ab hoc principio ad ea quæ ex ipso sequuntur præcepta. Primum. Enunciationes contradicentes vt fiant concordantes, alterutri earum præponatur negatio. Istæ duæ enuntiationes, Omnis homo est albus, Aliquis homo non est albus, fiunt pares, si dicamus, Non omnis homo est albus, Aliquis homo non est albus; aut alio modo, Omnis homo est albus, Non aliquis homo non est albus. Huius præcepti statim se offert probatio. Nam hæc enunciatio, Omnis homo est albus, est vniuersa aientes : ergo si præponatur ei negatio, fiet particularis negans. Alterum præceptum. Si contrarias volueris ad consensionem reducere, alterutri earum est tibi postponenda negatio, vt istæ, Omnis homo est albus, Nullus homo est albus, æquipollent dicendo, Omnis homo non est albus, & Nullus homo est albus: vel dicendo, Omnis homo est albus, Nullus homo non est albus. Etenim hæc propositio, Omnis homo non est albus, quia est affecta signo vniuerso, nempe Omnis, est vniuersa; quia verò negatio ponitur ante verbum, est negans, & ita æquipollet vniuersæ neganti. In his autem exemplis vnicam tantum partem probamus, quia eadem ratione potest reliqua demonstrari. Tertium. Enunciationes subalternæ præposita & postposita negatione debent æquipollere. Exemplum. Istæ enunciationes, Omnis homo est albus, Aliquis homo est albus, æquiualet dicendo, Non Omnis homo non est albus, & aliquis homo est albus; seu aliter, Non aliquis homo non est albus;

*Præcepta
Isodynamia.*

*Peruulgata
Dialecticorum
opinio.*

bus; & Omnis homo est albus. Quartum præceptum adhibetur ab omnibus Dialecticis. Subcontrariæ nullo modo possunt æquipollere, quia aut æquipollerent negatione alterutri earum præposita, aut postposita; aut & præposita & postposita; sed horum nihil dici potest: ergo non possunt æquipollere. Propositio manifesta est. Probatur assumptio. Primum se alterutri subcontrariarum præponatur negatio, æquipollebit suæ contradictoriæ vniuersali, iuxta primam regulam; non igitur æquabitur subcontrariæ particulari. Iam si postponatur aienti, non æquipollebit neganti, sed erit eadem penitus; non si- gnificatione tantum, sed etiam voce. Si enim huic orationi, Aliquis homo est albus postponas negationem, fiet hæc alia oratio, Aliquis homo non est albus; quæ prorsus eadem est cum subcontraria negante. Quin etiam si relinquas intactam particularem aientem, & neganti postponas negationem, & dicas, Aliquis homo non est albus, committis negationem, id est, eiusdem vocis inutilem repetitionem. Tertio si vni ex subcontrarijs præponas, & postponas negationem, æquipollebit subalternæ vniuersali: non ergo suæ subcontrariæ. Vt si huic axiomati, Aliquis homo est albus, præponas & postponas negationem, dicendo, Non aliquis homo non est albus, æquipollebit huic alteri, Omnis homo est albus, quæ est vniuersa aiens, & non suæ subcontrariæ particulari neganti: alioquin vna, eademque enuntiatio duabus contradicentibus æquipolleret. Hoc illorum præiudici- um est, nunc sequitur nostra sententia. Enun- tiationes subcontrariæ postposita negatione æ- quipollebunt: principio quidem ex parte aien- tis.

*Peculiaris
ac priuata
sententia.*

is. Exemplum. Si huic pronúciato, Aliquis homo est animal, postponatur hæc negatio, Nullū dicendo, Aliquis homo nullum est animal, fiet æquale huic, Aliquis homo non est animal. Quòd si falsum videtur alicui, dicat, quare non sit ei æquipollens; Deinde verò possunt æquipollere neganti, postponendo negationem, idque bifariam. Primò absque eiusdem vocis repetitione; nam huic, Aliquis homo est animal, æquipollet hæc, Aliquis homo nonnullum est animal. Secundò repetendo eandem vocem. Huic enim pronuntiato, Aliquis homo est animal, hoc aliud, Aliquis homo non est animal, omnino est æquale. Nec arbitreris committi nugationem, quamvis eadem vox repetatur: nugatio enim est eiusdem vocis inutilis repetitio; hæc autem non est inutilis, sed utilis ad Isodynamiam. Denique ut eorum sententiam, quibus ita est innisa repetitio negationis, funditus evertamus, est argumentum. Nam ipsimet in tertia regula docent, duas subalternas æquipollere, si alterutri earum præponatur, & postponatur negatio. Sumo ergo duas subalternas negantes, & particulari præpono, & postpono negationem, tum certe sic dicam, Non aliquis homo non est animal, quæ æquipollet huic, Nullus homo est animal. Quòd si dicas, id non esse magnopere necessarium, nā, potest dici, Aliquis homo nonnullū est animal, nec ipse etiam tibi valde resistam, dummodo hac negationum varietate, in subcontrariis me uti posse, intelligas.

Ex his nonnulla consectaria inferamus. Primum est, has voces Non omnis, & Aliquis non; item Non aliquis non, & Omnis; in super Non. X nullus,

*Quasigna-
paria iudi-
centur.*

*De cōtra-
dicēte enū-
tiatione
tradenda.*

nullus, & Aliquis; denique, Non aliquis, & Nul-
lus, ex prima regula æquipollere. Ex secūda verò
istas Nullus non; & Omnis; similiterque; Omnis
non, & Nullus. Ex tertia tandem istas, Non om-
nis non, & Aliquis; sicut etiam Nonnullus non,
& Aliquis non. Secundum est, facillimum esse
quauis enuntiatione-proposita, eius contradicē-
tem assignare, si ei præponamus negationem.
Verbi gratia. Perit aliquis contradicentem hu-
ius enuntiationis, Omnis homo quiescit prædi-
tus virtute, non est albus. Si ego dem ei
hanc, Aliquis homo dñi est præditus virtu-
te, non est albus, facilè poterit meam
sententiam reprobare, dicens, illas non esse cō-
tradicentes, cum possint esse simul falsæ. Nam si
omnes homines sint Aethiopes & iniusti, falsum
erit omnem hominem qui præditus est virtute,
esse album; cum nullus homo sit albus: falsum &
illud erit, aliquem hominem qui præditus est
virtute, non esse album; cum statuamus, nullum
esse virtute præditum hominem. At si præponam
negationem illimet enuntiationi, quæ mihi pro-
posita fuerat, & dicam, Non omnem hominem
qui præditus est virtute, esse album, non poterit
contra me argumentari; quia præposui negatio-
nem toti enuntiationi. Et ita nec assero, aliquem
hominem virtute præditum dari, neque id nego;
nisi respectu prædicati sequentis. Causam autem
huius consecrarij breuiter accipe. Duæ contradi-
centes æquipollent præposita alterutri earum
negatione: igitur quauis enuntiatio contradicet
sibi, si ipsi præponatur negatio. Iam experiētia i-
dem ostenditur. Nam si te quiduis narrante, ali-
quis diceret, non esse ita vt dicis, cumulatissimè
tibi contradictum putares. Nec posset vlla ratio
fieri,

feri, vt tua, illiusque sententia aut simul essent rectæ, aut vnâ falsæ. Qui autem alicui enuntiationi negationē præponit, nihil aliud (meo iudicio) agit, quàm ille tuus, de quo agimus, cōtradictor. Vellem hæc diligentissimè annotari, quia nonnunquā proponuntur enuntiationes ita prolixæ, & (vt sic dicā) suffarcinatæ, vt laboriosū sit alia ratione contradicere. Tertiū consuetariū est, huic enuntiationi, Nullus homo nullum est animal, hanc æquiuale, Omnis homo est animal, qui illa idem valet atque hæc, Nullus homo non est animal. Quid idēd à me commemoratū est, vt intelligatur, quid in similibus orationibus sentire oporteat.

Obiectiones.

Prima in id quod dictum est, negationem de-
 Nunc in
 Rerere quicquid post se inuenit. Nam hæc omnia se-
 enuntiatio, Homo qui non erat albus, est albus, quæstia vñ
 proculdubio est aiens; sed ante omnia ver- negationis
 ba ponitur in eā negatio, ergo sententia nostraferatur.
 falsa. Respondetur, illud intelligendum
 esse, si negatio non sit pars subiecti; cum-
 que in enuntiatione proposita negatio sit pars
 subiecti, quippe cū id totum, Homo qui non
 erat albus, sit subiectum enuntiationis, nihil
 mirum est, si haud neget quicquid post se in-
 uenit. Alij dicunt, eam doctrinam non esse in-
 telligendam, quando negatio ponitur intra
 copulam implicationis. Verba diuersa quidem
 sunt, sed idem omninō sensus. Addo præterea,
 quod de negatione scripsimus, non esse verum
 in enuntiationibus Hypotheticis. Quocir-

ca in hac enuntiatione, Petrus vel non est Leo, vel est Leo, negatio non negat quicquid post se inuenit.

Altera. Ex his quæ supra diximus sequitur, has enuntiationes, Non homo est albus, & Nul-
lus homo est albus, esse æquipollentes: quod ex-
pressè negat Arist. 1. Periherm. cap. 5. in Boethio,
& 4. in Perionio. Respondetur, verè esse æqua-
les, quia vtraque est vniuersa negans; Arist. autè
eo in loco non differebat ex professo de vi, ac
potestate negationum, ac proinde hac oratione,
Non homo est albus, vsus est pro hac alia, Homo
non est albus; quæ re verà specialis est, non vni-
uersa. Sed ex eius præterea verbis in eodem
capite nostra confirmatur opinio: ait enim, has
enuntiationes, Homo est albus, Non homo est
albus, esse contradicentes: ergo vna est vniuersa,
& altera particularis.

*De reciprocatione, vel conuersione Enuntiatio-
num. Cap. 8.*

*Quid sit
reciprocatione
& quo-
plex.*

Postrema enuntiationum affectio est recipro-
catio, quæ sic definitur. Mutatio vnius enun-
tiationis in aliam, inuerso ordine extremorum.
Verbi gratia. Hæc enuntiatio, Aliquod animal
est homo, conuertitur in hanc, Aliquis homo est
animal: in qua extremum, quod erat subiectum,
fit prædicatum. Est autem duplex conuersionis,
vel reciprocationis genus ex Aristotele 1. Prio-
rum cap. 2. vnum simplex, alterum per accidens.

*Conuersio
simplex.*

Conuersio simplex est, mutatio vnius enuntiatio-
nis in aliam ex terminorum inuersione, eadem
tamen & quantitate & qualitate seruata. Quan-
titate in quam retenta, vt si prior vniuersa
fuerit

fuerit, ea quoque in quam conuertitur, si vniuersa; & si illa particularis, hæc quoque. Seruata qualitate, vt si vna sit aiens, altera affirmet; si vna sit negans, altera neget. Hoc autem genere conuersionis potest reciprocari particularis aiens, vt Aliquis homo est animal, Aliquod animal est homo, in superq; vniuersa negans, vt Nullus homo est lapis: Nullus lapis est homo: non tamen vniuersa aiens & particularis negans, sæpe enim daretur antecedens verum, & consequens falsum. Vt omnis homo est animal, ergo omne animal est homo; itemq; Aliquod animal non est homo, ergo aliquis homo non est animal. Cōuersio autem per accidens, quam alij Ex parte vocant, est, in qua eadem qualitas, non tamen quantitas, retinetur. Sed hoc genere conuersionis reciprocatur primùm vniuersa aiens, vt Omnis homo est animal, ergo aliquod animal est homo: deinde vniuersa negans, vt nullus homo est lapis, ergo aliquis lapis nō est homo. Enūtiationes autem particulares aientes, aut negantes hoc modo conuerti non debent, quoniam ex antecedente vero frequenter consequens falsum colligeretur: vt Aliquis homo est animal, ergo omne animal est homo: item aliquod animal non est homo, ergo nullus homo est animal. Tertium conuersionis genus iuenerunt Dialectici Arist. posteriores, quod per contrapositionem, vel contradictionem vocarunt. Est autem conuersio per contrapositionem, inuersio extremorum enuntiationis, eandem quantitatem & qualitatem seruans; sic tamen vt voces finitæ in infinitas commutentur. Quo genere conuersionis reflectitur vniuersa aiens, vt Omnis homo est animal, ergo omne non animal

*Conuersio
per acci-
dens.*

*Cōuersio
per cōtra-
dictionē.*

est non homo, & particularis negans, vt *Al-*
quod animal non est homo, ergo aliquod nō ho-
mo non est non animal, quia videlicet Leo qui
est non homo, non est nō animal, cū sit animal.

Hæc magna consensione à Dialecticis afferun-
tur, sed nobis dicendum videtur, conuersionem
esse duplicem, aliam extremorum eorundem,
aliam contradicentium, quæ per contrapositionem
dicitur. Rursum quemadmodum conuersio
eorundem extremorum duplex ab omnibus po-
nitur, simplex & per accidens: ita nos dicimus,
conuersionem per contrapositionem esse dupli-
cem, aliam simplicem, in qua eadem quantitas
& qualitas retinetur, vt in superioribus exem-
plis apparet; aliam per accidens, aut ex parte,
quando seruiatur eadem qualitas; sed non quan-
titas, vt *Omnis homo est animal; Ergo aliquod*
non animal est non homo. Et his perspicuum fit,
vniuersam aientem tribus modis conuerti, sci-
licet conuersione per accidens eorundem extre-
morum, & conuersione tum simplici, tum per
accidens terminorum contradicentium; parti-
cularem verò aientem reciprocari conuersione
simplici, tam eorundem extremorum, quàm cō-
tradicentium; vniuersam autem negantem con-
uerti reciprocaione simplici, ac per accidens
eorundem extremorum; denique enuntiationē
particularem negantem solū reflecti conuer-
sione simplici terminorum contradicentium.
Perspicuum etiam est, ab enuntiatione conuer-
sa ad conuertentem semper effici validum argu-
mentum, vt *Omnis homo est animal; ergo ali-*
quod animal est homo: non tamen à conuertente
ad conuersam vicissim commeare, atque re-
reflecti consequentiam, nisi in illis enuntiatio-
nibus

*Quomodo
se habent
enuntiatio
conuersa,
& ea in
quam cō-
uertitur.*

nibus, quæ simplici conuersione recipiuntur. Cæterum hæc intelligenda sunt ex forma conuersionis; nam ex materia cui applicatur conuersio, non semel contrarium accidet; præsertim cum ea, ex quibus enuntiatio constat, se inuicem consequuntur. Bene enim sequitur, Omnis homo est risus particeps; ergo omne risus particeps est homo.

Sed quoniam nemo est, qui non suis utilitatibus accendatur, tenetque omnes semper commoditates occulta quædam titillatio, non erit ab instituto nostro alienum, si breuiter, quas ad res harum affectionum comprehensio inferuire lectori possit, dicamus. Sane horum cognitione nihil commodius esse potest, nec si tecum res tractes, nec si cum alio disputes. Inuenta enim obscura sententia, de cuius veritate ambigatur, facile intelligi poterit, verane sit an falsa, si cum enuntiatione ei opposita, si cum æquipollente, si denique cum ea, in quam conuertitur, conferatur. Nam si eius contradicens est falsa, ipsa est vera; si vera, ipsa est falsa. Item si eius subcontraria est falsa, illa necessario est vera; & si contraria est vera, necessario ipsa erit falsa eius; Præterea qualis est eius æquipollens, talis est & ipsa: nam se mutuo in vero & falso comitantur; unaque alteri perpetuo assentitur. Denique si enuntiatio in quam conuertitur, falsa est, non poterit ipsa esse vera, quamuis interdum possit esse falsa, conuertente existente vera; quum scilicet conuersio non est simplex. Hoc quidem veri, aut falsi iudicium ad communem oppositionis, æquipollentæ, & conuersionis utilitatem pertinet; sed oppositionis, & conuersionis cognitio est præterea ad syllog. imperfectos per-

*Utilitas
huius tra-
ctationis.*

ficiendos, absoluendosque necessaria. Enimvero si secundæ aut tertiæ figuræ syllogismus, ad primam sit referendus reductione ad incommodum, vel impossibile, ignorata vi contradicentium id fieri nequit: si autem reductione, quæ dicitur recta, aut directa, vtendum est omnino reciprocatione. Quæ ergo ita sunt vtilia, non sunt iudicanda prolixa.

Quæstiones.

Prima. Quare Aristoteles non meminit conuersionis per contrapositionem i. Prior. c. 2. Responderetur. Quia de ea conuersione differebat, quæ inferuire posset reductioni syllogismorum imperfectorum ad perfectos. At conuersio per contrapositionem vix quicquam emolumentum ad huiusmodi negotium affert.

Secunda. Quomodo dictum est, particularem aientem non posse ex forma conuerti in vniuersam, cum id fiat in reductione modi Baralip-
tō ad Barbara? Sed huic dubio respondebimus libro seq. cap. 9.

*Aligua ar-
bor est in
in agro
quō con-
uertatur.*

Tertia. Hæc enuntiatio, Aliqua arbor est in agro, in quam conuertitur? An fortè in hanc, Aliquis ager est in arbore? Conuersa enim esset vera, & conuertens falsa, contra quam diximus. Responderetur, enuntiationes, quarum prædicatum ponitur in obliquo, non prius conuerti, quàm resoluantur in enuntiationes prædicati recti, id est, casus nominandi. Itaque illa prius erat dissoluenda in istam, Aliqua arbor est existens in agro: tumque posset conuerti in istam, Aliquid existens in agro, est arbor: Eodem modo hæc oratio, Plato videt cæcum, nō est conuertenda in hanc

hanc, Cæcus videt Platonem, sed in istam, Aliquis videns Cæcum, est Plato.

Quarta quæstio. Hæc enuntiatio Senex fuit puer, conuertiturne in hanc, Puer fuit senex? Nam si ita fiat, ex antecedente verò consequens falsum colligetur. Respondetur, non conuerti in illam, sed in hanc, Is qui fuit puer, est senex. *De enuntiationibus futuris ac præteritis temporis.*

Etenim huiusmodi enuntiationes, quæ constant tempore præterito, aut futuro, quæ ab alijs appellantur extrinseci, vel obliqui temporis, non prius debent conuerti, quàm resoluantur in alias, in quibus ponatur verbum præsentis. Exemplum. Hoc pronuntiatum, Senex fuit puer, primum quidem resoluendum est in istud, Aliquis qui est senex, fuit puer; & tunc faciliè reciprocabitur, dicendo, Aliquis qui fuit puer, est senex. Non aliter hoc axioma, Puer erit senex, si prius dissoluatur in istud, Aliquis qui est puer, erit senex; faciliè conuertetur, dicendo, Aliquis qui erit senex, est puer. Non tamen carent dubitatione ea, quæ diximus, cum etiam seruata hac methodo, detur antecedens verum, & consequens falsum. Etenim si de Platone olim senem iam mortuo disputemus, hæc enuntiatio est vera, Aliquis senex fuit puer, & tamen de ipso hæc est falsa, Aliquis qui fuit puer, est senex. Si enim iam mortuus est, quomodo est senex? Proinde annotandum est, in enuntiationibus quæ constant temporis præteriti verbo, magnum esse discrimen inter ea, quæ præcedunt verbum, & quæ sequuntur; quòd eorum quæ præcedunt, significatio dilatetur ad ea, quæ sunt, vel fuerunt: eorum autem quæ sequuntur, coarctetur ad tempus præteritum. Exemplis fiet res insignis, atque perspicua. Vt hæc enuntiatio,

Verba præteriti temporis quid in enuntiatione efficiant.

*Quam
vim ha-
beant ver-
ba futuri
temporis.*

senex fuit puer, vera sit, sufficit, aliquem, qui nunc est senex, fuisse puerum, vel aliquem, qui etsi nunc iam non est, fuit tamen senex, fuisse puerum. Vnde patet, significationem illius vocis Senex, dilatari ad rem, quæ est, vel fuit: at verò significationem illius vocis Puer, quoniam sequitur præteritum verbum, necessariò comprimi in eum, qui fuit puer. Quamobrem hæc propositio, senex fuit puer, antequam conuertatur, resoluenda est in hanc, Aliquis qui est, vel fuit senex, fuit puer: & tunc conuerti debet in hanc, Aliquis qui fuit puer, est, vel fuit senex. At hæc enuntiatio vera est etiam de Platone senex iam mortuo. Eadem analogia explicandæ sunt enuntiationes futuri temporis; nam voces quæ ponuntur ante verbum, dilatantur quodammodo ad tempus futurum, & præsens. Quocirca hoc pronuntiatum, Puer erit senex, æquiualeat huic, Is qui est, vel erit puer, erit senex: conuertiturq; in istud, Is qui erit senex, est, vel erit puer. Hi qui discipulorum tantum laudes & admirationem quærunt, quoniam hæc in aliquo Grammatico non reperient, iudicabunt esse figmenta. Hic est enim eorum mos. At quibus veritas sola scopus est, non inanes tantum voces aliter sentire debebunt. Nam ista non esse figmenta, probatur. Tempore enim Apostolorum hæc erat vera, Antichristus erit malus, tametsi nondum Antichristus existeret. Sed quia verè dici poterat, Is qui est, vel erit Antichristus erit malus, idè verè etiam dicebatur, Antichristus erit malus. Præterea quum erit Antichristus infantulus, iure optimo dici poterit, Antichristus erit malus; quia is qui est Antichristus, erit malus. Ergo significatio nomi-

minis

minis Antichristi, quoniam verbum futuri temporis antecedit, ita fertur in rem quæ erit, sicut in rem quæ existit. Deniq; Christiani quum loquimur de beato illo Symeone, qui CHRISTVM Redemptorem adhuc puerum est complexus, verè dicere possumus, senex puerum portauit: at ille iam non est senex, cùm obierit; nec quando resurget erit senex: Ergo illa vox senex, quoniam præponitur verbo præteriti temporis, ita accipitur pro eo qui olim fuit senex, sicut pro eo qui est actu senex. Nam etiam antequam Symeon moreretur, eratq; actu senex, poterat de eo dici, Hic senex puerum portauit.

Quinta quæstio. Hæc enuntiatio, Aliqua species est homo, quæ profectò de specie humana est vera, conuertiturne in hanc, Aliquis homo est species? Nam hæc falsa est, Quippè cum aliquis homo indiuiduum sit vagum, non species. Non igitur particularis, aïens in particularem aientem semper conuertitur. Respondetur, regulam superiorem intelligi, quando & subiectum & attributum sunt entia rei. Quum autem subiectum est ens rei, & prædicatum pertinet ad secundas notiones, non poterit certa regula adhiberi: nisi fortè dicamus, illam enuntiationem ita esse conuertendam, Aliquid quod est homo, est species. Maiora dubia poterant hoc loco proponi, sed quum de Modificatarum enuntiationum reciprocatione agemus, expedientur: illa enim quoniam obscura sunt, longiora esse debebunt: hæc contra cùm sint perspicua, longa esse non debent.

Quid sit Modificata, seu Modalis enuntiatio. Cap. 9.

Anteq;

ANtequam ad enuntiationes Hypotheticas accedamus, oportet de Modificatis agere, quoniam Categoricalæ sunt, sicut & simplices, de quibus hucusq; tractauimus. Peculiarem autem exigunt disputationem, quoniã ingentes habent difficultates, & in eis antiqui Philosophi grauiterrauerunt. Actria quidem explicanda sunt nobis: primum quid sit enuntiatio modificata; alterum, quotnam sint modi qui huius generis enuntiationes constituunt: postremo quomodo ipsi inter se opponantur, qui reciprocentur, & æquipolleant.

Modalis enuntiatio est, quæ non solum aliquid de aliquo enuntiat, sed præterea modum quo illi conuenit, explicat. Hæc enuntiatio, Arist. ambulat; ostendit motum ambulationis Arist. conuenire: hæc tamen alia, Arist. ambulat contingenter, explicat etiam modum, quo ambulatio ei competit. Stomachum mihi profecto mouent hoc loco quidam Dialectici, qui vel Philosophia repugnante, de verbis magis, quam de rebus ipsis laborant. Nos enim miris modis lacerant, & quasi Barbaros rident, quod huiusmodi enuntiationes Modales appellemus. Cicero libro de Fato, statim in principio, quia pertinet, inquit, ad Mores; nos eam partem Philosophiæ de moribus appellare solemus; sed decet, augentem linguam Latinam, nominare Moralem. Hæc quidem ille. Si quia de moribus tractat, eleganter Moralis dicitur, idq; à Cicerone; cur obsecro ea de quibus nunc agimus pronuntiata, quandoquidem modis constant, ac distinguuntur, non dicentur Modalia? Audi præterea lector Ciceronem, de bonorum, malorumq; Finibus lib. 3. ita scribentem. Si Zenoni (ait) licuit quura

*Responde
Stulto iux-
ta stultiti-
am suam,
ne sapiens
sibi vide-
atur.*

quum rem aliquam inuenisset inuifitatam, inauditum quoque ei rei nomen imponere, cur non liceat & Catoni? Adde. Cur non Boethio, ac duo Thomæ, & Cardinali etiam Caietano? An reuocandus est ab inferis Cicero, vt tanquam feruus aliquis nomenclator noua rerum nomina faciat? An neque istud hi capiunt, sed huiusmodi causam ad suum, id est Grammaticorum, tribunal referri volunt. Modificatæ inquit appellantur. Quasi verò Cicero modificata vocet ea, quæ his modis constant, & non potius ea quæ suæ naturæ consentaneam mensuram ac modum retinent. Hos igitur nobis seueros, suis autem corruptissimos iudices relinquamus, & eas, de quibus nunc agimus, enuntiationes vocemus Modales, & interdum etiam, ne omnino simus inexorabiles, Modificatas. Ignoscat lector, si in eos digredimur, quos Latinæ linguæ prætextu scimus, nobis hostes futuros. Ad rem igitur redeamus.

In verbis tria inueniuntur, res significata, tempus ad significatum, & coniunctio prædicati cum subiecto. Vt in hac enuntiatione, Petrus sedet, verbum sedet primo significat sessionem, id est, situm quendam corporis: secundo ad significat tempus præsens; denique sessionem conuenire Petro, designat. Quare tribus etiam modis verbum poterit in enuntiatione modificari, primum ex parte rei significatæ, vt quum dicimus, Petrus sedet inurbanè, significatur modus sedenti agrestis & incultus. Deinde ratione temporis, vt quum dico, Petrus sedebat heri, coarctatur tempus præteritum ad diem hesternum. Demum gratia connexionis prædicati cum subiecto, vt quum dico, Petrus sedet contingenter,

Triplex
verbo la-
sentia.

Triplex
Modifica-
tarum
enuntia-
tionum
genus.

explico

num est, modos posse collocari in enuntiatione quasi aduerbia, & quasi nomina. Quando ponuntur vt nomina, illa sententia, cui iunguntur, Infiniti modi esse debet; vt Contingens est Petrum sedere: quum autem vt aduerbia, erit Indicantis modi; vt Petrus necessariò sedet. Nos tamen, vt faciliùs procedamus, semper vtemur ipsiis vt nomina sunt. Alterum est, enuntiationes in quibus ponitur Modus vt nomen, constare tribus partibus, dicto, modo, & copula. Vt in hac enuntiatione, Petrum currere est necesse, Dictum est, Petrum currere; Modus est necesse; Copula autem est ipsum verbum Est, quod modum necit cum dicto. Tertium est, duobus in locis posse collocari modum in enuntiatione modificata: primùm extra dictum, idq; aut ante, aut post, vt Necesse est Petrum currere, & Petrum currere est necesse: secundò intra partes dicti, vt Petrù necesse est currere. Differunt autem hæ collocationes; nam quando modus ponitur extra dictum, appellatur modalis composita; quando intra dictum, vocatur diuisa. Quare hæc enuntiatio, Album esse nigrum, est contingens; reddit hunc sensum, res simul potest candorem & atrorem recipere; vel album manens, album potest esse nigrum. Hæc verò, Album possibile est esse nigrum, ita exponitur, res quæ est alba, potest esse nigra: at non est necesse, vt simul sit alba & atra. Quamobrem modalis composita, si eius Dictum constet ex subiecto & prædicato repugnantibus, & sit aliens modi possibilis, contingentis, aut necessarij, semper est falsa: si autem sit diuisa, nequaquam. Sanè hoc discrimen inter modificatas compositas, ac diuisas memoriæ est commend-

Modalis composita & diuisa.

mendandum; eo enim vtuntur Theologi scholastici, quum de prædestinatione disputant. In alijs verò, quæ ad Isodynamiã oppositionem, & reciprocationem harum enuntiationum pertinent, nullum est discrimen inter compositas & diuifas. Caterum claritatis gratia semper agemus de ipsis in sensu composito, ne modus positus intra partes dicti rem obscuram obscuriorem efficiat.

De Isodynamia, vel Aequipollentia harum enuntiationum. Cap. II.

NVLLA proposita sunt dubia in superioribus capitibus, quia genus hoc enuntiationum multis inuoluitur difficultatibus; saltemque eius initia debent esse perspicua. Accedamus igitur ad id quod nobis extremum proposuimus, & de oppositione, Isodynamia, & reciprocatione modalium differamus: sed primùm de isodynamia, quia ea exposita, faciliẽ erit oppositione agere. Optimè de omnibus Dialecticis meritis Doctor Frater Petrus Hispanus quædam vocabula reperit, quibus isodynamia modificatarum enuntiationum & intelligi faciliẽ, & intellecta diutius retineri posset; nempe Amabimus, Edentuli, Illiace, & Purpurea. Quodlibet autem vocabulum quatuor syllabis constat, quarum cuique sua respondet enuntiatio, ea tamen lege, vt enuntiationum prima constet modo possibili, secunda contingenti, tertia impossibili, quarta necessaria. Vnde consurgunt sexdecim enuntiationes modificatæ. Nec quidem inaniter quatuor vocales in illis nominibus collocantur, A nimirum, E, I, & V. Nam A, designat enuntiationem sibi coniungendam futuram

Artis vocabula modalibus enuntiationibus explicandis utilia.

nam esse aientem dicti & modi; E, verò postulat enuntiationem dicti negati, & modi affirmati: I, contrario modo se habentem: V, denique dicti, & modi negati. Exempli gratia, sumamus vocabulum Amabimus, cuius prima vocalis, quæ est A, denotat enuntiationem possibilis futuram esse aientem dicti & modi; vt Socratem currere est possibile. Secunda est etiam A, & designat enuntiationem modi contingentis huic similem esse debere, vt Socratem currere est contingens. In quouis enim vocabulo duæ priores similes sunt, quia enuntiationes possibilis, & contingentis nulla re differunt. Tertia vocalis est I, indicat autem enuntiationem modi impossibilis esse negantem quoad modum, non quoad dictum, vt Socratem currere non est impossibile. Sed postrema vocalis est V, quæ enuntiationem modi necessarij negantem dicti & modi requirit, vt Socratem non currere non est necesse.

Facile est nunc præscribere regulas æquipol-
 lentia. Prima. Cuiusq; dicto affirmato tribui-
 tur possibile, eidem & contingens, ab eodem re-
 mouetur impossibile, & ab eius contradictorio
 remouetur necesse. Secunda. Cuiusque dicto ne-
 gato tribuitur possibile, eidem & contingens, ab eo-
 dem remouetur impossibile, & ab eius contra-
 dictorio remouetur necesse. Et inseruit huic re-
 gulæ vocabulum Edentuli, non aliter quàm su-
 periori amabimus. Tertia. A quocunque di-
 cto affirmato remouetur possibile, ab eodem
 contingens, eidem tribuitur impossibile, & in
 eius contradictorium quadrat necesse. In v-
 sum autem huius regulæ inuentum est nomen
 Illiace. Extrema. A quocunque dicto negato
 Y reme-

*Leges
æquipol-
lentia.*

ipsas; & positæ in Edentuli, inter se; & positæ in Illiace, inter se; & deniq; omnes quatuor positæ in Purpurea æquipollent inter se ipsas. Ex his perspicuum fit, tres priores enuntiationes cuiusque vocabuli esse ita similes quoad dictum, ut si dictum prioris sit aiens, dictum secundæ & tertiæ sit aiens; si negans, similiter at dictum quartæ semper esse dissimile præcedentibus. Perspicuum etiam fit, quod latinet ad Modum, primam & secundam enuntiationem cuiusque vocabuli esse similes inter se, & tertiam & quartam etiam inter se: semper tamen Modum duarum superiorum esse dissimilem modo inferiorum, quod attinet ad affirmationem & negationem.

Alii has æquipollentias explicant tribus regulis. *Tres regulæ aliorum* Prima est. Enuntiationes modi Possibilis, & Impossibilis æquipollent, dicto similiter se habente, modo autem dissimiliter: id est, si utriusque Dictum sit aiens, aut utriusque negans: Modus verò unus affirmetur, & alterius negetur.

Ecce tabulam.

Petrum stare est possibile.
Petrum non stare est possibile.
Petrum stare non est possibile.
Petrum non stare non est possibile.
Petrum stare non est impossibile.
Petrum non stare non est impossibile.
Petrum stare est impossibile.
Petrum non stare est impossibile.

Secunda regula. Enuntiationes impossibilis, ac necessarij idem omnino valent, dicto dissimiliter, & modo similiter se habente.

{ Nullum animal esse hominem non
 est possibile.
 { Nullum animal esse hominem non
 est contingens.
 { Nullum animal esse hominem est
 impossibile.
 { Omne animal esse hominem est
 necesse.

& tamen quarta est falsa; quæ fuisset vera; sicut
 tres priores, si dictum fuisset particulare; scili-
 cet, Aliquod animal esse hominem est necesse.
 Præterea in quavis regula earū, quæ positæ sunt
 in hoc capite, asseruimus, dictum enuntiationis
 necessarij debere esse contradictorium dicti a-
 liarum enuntiationum, sed dictum vniuersale
 est contradictorium dicti particularis; & è di-
 verso: Ergo verum est etiam, quod nunc conse-
 quarij, appendicisque loco diximus. Sed id qui-
 dem verum est ad seruandas æquipollentias; an
 autem sufficiat ad explicandam contrarietatem
 cap. 12. dubio 2. videbis.

Controuersia.

Hæc quatuor enuntiationes, Aliquem homi-
 nem esse animal est possibile, Aliquem ho-
 minem esse animal est contingens, Aliquem ho-
 minem esse animal non est impossibile, Nullum
 hominem esse animal non est necesse, sunt in A-
 mabimus; sed non sunt æquipollentes, aut pa-
 res: ergo malè docuimus, omnes enuntiationes,
 quæ ad idem vocabulum pertinent, esse concor-
 des. Propositio est apertissima. Probatur as-
 sumptio. Posteriores sunt verb, & priores
 falsæ, cū aliquem hominem esse animal, non
 sit contingens, sed necessarium & essentielle;

*Quomodo
 sumatur
 possibile in
 his enun-
 tiationi-
 bus.*

Y 3

ergo

ergo nō sūt æquipollētes. Qu: enim fieri potest, vt idē omninō polleāt, & duæ sint veræ alijs existētib⁹ falsis? Idē arg. cōtra Edentuli potest adduci. Nā istæ enuntiationes, Aliquē hominē nō esse Leonem est possibile, Aliquem hominem nō esse Leonem est contingens, Aliquem hominem nēn esse Leonem non est impossibile, Omnem hominem esse Leonem non est necesse, sunt in Edentuli, & tamen posteriores sunt veræ, & priores falsæ; quia hominem non esse Leonem, necessarium est, & contingens.

Possibilis
ambigui-
tis.

Sed vt ea, quæ copiosissimē dici possunt, breuiter à me, strictimque dicantur, obseruandum est primū, contingens accipi in his enuntiationibus, vt significat idem quod possibile. Ob hanc enim causam enuntiationes possibilis & contingentis semper eodem modo se habent, quoad dictum, & quoad modum. Obseruandū est secundō, possibile interdum accipi pro eo quod potest esse, & non esse; vt Possibile est me ambulare, quia possum ambulare, & non ambulare. Diciturque à nonnullis possibile Physicum, ab alijs verò possibile strictum, vel proprium. Interdum autem sumi pro eo, quod potest esse, id est, pro eo quod non repugnat esse; vt Possibile est me esse animal, & ambulare quoque; quia nihil horum mihi repugnat: appellaturque à nonnullis possibile Logicum, ab alijs verò possibile altum, vel latum. Discrimen autem est inter hæc duo possibilis genera, quod primū inueniatur solū in rebus fortuitis, secundum verò & in ijs, & in rebus etiam necessarijs. Quæ fuit causa, vt illud prius à Chrysostomo Iauello strictum, posterius autem latum, aut altum, & eminens in Metaphysicis quæstionibus diceretur

Iam

Iam ergo respondeamus argumento, omnes enuntiationes positas in Amabimus in superiori argumento esse veras; nec illas esse falsas, quæ afferunt esse possibile, aut contingens, aliquem hominem esse animal: in eis enim contingens sumitur pro eo, quod usu venire potest, & quod est possibile. Possibile autem secundo modo accipitur, & sanè constat, vnam & eadem enuntiationem posse esse possibilem & necessariam, sumendo ita ipsum possibile. Ex quibus constat quid de Edentuli sentiendum sit.

De hac tamen re est controuersia inter Caietanum 2. Perihier. lect. 10. & Iauellum in Compendio Logicæ tractatu 3. capite 6. Iauellus enim vult sumi illo priori modo, sed Cardinalis Caietanus, cui ego vehementer assentior, docet, posteriori accipiendum esse. Quare autem Caietani sententiam præferam, explicabo. Nam & superius argumentum me omninò comprimit, & quæ sequuntur, non video, qua ratione possint dissolui. Omnium enim consensu Purpurea & Amabimus sunt opposita subalterna, & Purpurea habet se vt superior, Amabimus vt inferior; quod sequenti capite exponemus: Ergo iuxta subalternarum legem ex qualibet enuntiatione, quæ est in Purpurea, inferri poterit quæuis earum quæ sunt in Amabimus. Cùm igitur hæc enuntiatione, Omne hominè esse animal est necesse, sic in Purpurea, ex ea hæc alia colligetur, Aliquem hominem esse animal est possibile, quæ est in Amabimus. At si possibile accipiatur primo modo, non rectè sequetur. Hoc est necesse; ergo hoc est possibile. Itaque possibile secundo modo sumitur. Sed quid in re manifesta probationes accumulo? Nonne Aristoteles

Caietani,
Iauelliq;
cōtrouer-
sia.

ipsa de Modalibus enuntiationibus disputans, docet, ad necesse esse, sequi possibile esse? Nonne ipse sub finem capituli modificatarum enuntiationum, postquam de earum isodynamia differuisset, tractat, an possibile sumatur pro eo, quod potest esse; an verò pro eo quod potest esse & non esse; & docet accipi pro eo, quod potest esse.

Argumenta quæ Iauelli opinionem nonnihil adiuvant.

Explodenda est igitur Iauelli sententia, Non desunt tamen argumenta, quæ virum alioqui eruditissimum, & Aristotelis fidelissimum sectatorem, in eam opinionem inclinare potuerunt. Quare tamen illi eis minimè vtatur, à nobis & proponentur, & dissoluentur, ne quispiam decipiatur. Potissima autem probatio sit, quia Aristoteles 1. Prior. docet, illud esse possibile, quod potest esse, & non esse. Respondetur Aristotelem eo in loco sumpsisse possible primo modo; non enim agebat tunc de isodynamia & æquipollentia diuersorum modorum inter se. Altera est, lib. 2. Periherm. agens de modificatis enuntiationibus, asserit, bene sequi, Hoc est possibile esse; ergo hoc est possibile non esse; igitur etiam in hoc capite sumitur possibile primo modo. Respondetur. In prima parte capituli, vbi non disputatur de æquipollentia modi possibili, & aliorum modorum; potuisse Aristotelem accipere possibile primo modo; at in secunda non sumpsisse primo, sed secundo modo. Nec quenquam moueat, illud, quod Aristoteles in secunda parte capituli tradit possibile in vtranque partem cadere posse; id est, posse esse, & non esse. Non enim vult docere, possibile vt pertinet ad isodynamiam, accipi primo modo, sed tantum docet, id quod est possibile secundo modo, aliquando

de esse possibile primo. Sicut de ratione animalis non est esse particeps mentis, veruntamen animal aliquando est rationis compos. Ultima probatio; Si Aristoteles non disputavit de isodynamia possibilis sumpti primo modo, ergo fuit in hac re diminutus; cum etiam possibile primo modo constituat enuntiationes modificatas. Nec idonea esset responsio, si diceretur, Aristotelem disputasse de possibili secundo modo, sub quo continetur possibile primo modo, ut inferius sub superiori; nam eadem ratione non debuisset agere de modo necessario, cum etiam necessarium continueatur sub possibili secundo modo; ut ante diximus. Quæ cum ita sint, dicimus, Aristotelem multa utilia reliquisse; alioqui inutilia essent omnium interpretum commentaria, vaneque torquerentur in scholis magistri, in difficillimis questionibus explicandis, quarum Aristoteles nec meminit quidem. Item dicimus, Aristotelem reliquisse (quod attinet ad isodynamiam) possibile sumptum primo modo, quia non potest explicari, quomodo æquipolleat aliis modis. Tertiò dicimus, Aristotelem agere de hoc possibili. Priorum, sed in studio fori gratiâ, antequam finem huic tractationi imponamus, de eo nos disputaturos.

Etiâ aliorum ingenium.

De Modificatarum enuntiationum oppositione.

Cap. 12.

IN tres partes hæc disputatio diuidetur. Prima oppositionem modorum inter se explicabit, secunda repugnantiam enuntiationum eiusdem modi aperiet, tertia demum illorum vocabulorum Amabimus, Edentuli, Illiace, & Ppureæ, discrepantiam indicabit. Itaque

Y §


ex his

ex his modis Necesse & Impossible opponuntur contrariè; Possibile, & Possibile non; subcontrariè: Necesse & possibile non, contradictoriè: sicut Impossible & Possibile; vt patet in hac tabula.

Necesse est Petrum currere.

CONTRAR.

Impossible est Petrum currere.



Possibile est Petrum currere.

Possibile est Petrum non currere.

Ratio autem horum est, quia enuntiationes aientes, compositæ ex necesse & impossibili, possunt esse simul falsæ; simul autem veræ esse nequeunt. Quare meritò iudicantur contrariæ. Præterea enuntiationes modi possibilis, quarum vna constat dicto negato, alia verò aiente, possunt nonnunquam esse simul veræ; idèdque subcontrariæ appellantur. Quaprobatone in reliquis etiam oppositionis generibus facilè utemur. Quemadmodum igitur quum de enuntiationibus simplicibus ageremus, diximus, enuntiationes contrarias æquipollere, si alterutri earum postponatur negatio: idem in duabus enuntiationibus prioribus est dicendum. Nam Necesse est esse, & Impossible est non esse, æquipollent. Et quod ibi scripsimus, contradicentes æquipollere præposita negatione, idem in istis com-

*Nota de
Modalium
æquipollentiis.*

comprobatur. Siquidem Non impossibile est esse, & Possibile est esse, æquipollent. Demû quod asseruimus, subalternas æquipollere præposita & postposita negatione, idem in istis etiam obseruari debet; quia Necesse est esse, & Nō est impossibile non esse, æquipollent. His consentiunt, quæ superiori capite habes; nempe enuntiationes modi possibilis & impossibilis æquipollente dicto, similiter & modo, dissimiliter se habentibus. Rursumque enuntiationes modi necessarij & impossibilis idem omninò pollere modo, similiter & dicto, dissimiliter se habentibus: quia scilicet huic enuntiationi, Necesse est esse, æquipollet hæc, Non est possibile non esse.

Enuntiationes autem eiusdem modi quæ ratione opponantur, his regulis explicatur. Primæ. Iater enuntiationes modi necessarij illæ in quibus modus est affirmatus, dictum verò dissimiliter se habet, id est, vnus est aiens, alterius negans, sunt contrariæ: illæ verò in quibus modus est negatus, dictum verò se habet dissimiliter, sunt subcontrariæ. Et si illa, quæ habet dictum & modum affirmatum superponatur illi, quæ habet dictum & modum negatum, fient subalternæ: ex quo patet, quænam sint cōtradicientes. Eadem autem regula seruanda est in enuntiationibus modi impossibilis, vt patet in his tabulis.

De oppositione enuntiationum eiusdem modi.

Tabula

Tabula Necessarii.

Necesse est Pe-
trū esse album.

CONTRAR.

Necesse est Pe-
trū nō esse albū.

SVALTERNE.

CONTRADICTORIE.

SVALTERNE.

Nō est necesse
Petrū nō esse
album.

SVBCONTR.

Non necesse est
Petrū esse al-
bum.

Tabula Impossibilis.

Impossibile est Pe-
trum esse al-
bum.

CONTRAR.

Impossibile est
Petrū non
esse album.

CONTRADICTORIE.

SVALTERNE.

Non est impos-
sibile Petrū nō
esse album.

SVBCONTR.

Non est impos-
sibile Petrum
esse album.

Secunda regula, qua vtendū est in enūtiatio-
nibus modi possibilis, est huiusmodi. Illæ in
quibus modus affirmatur, dictum verò in vna
est aiens

est aiens, & in altera negans, subcontrariæ sunt; & possunt ambæ esse veræ, illæ verò in quibus modus in vtraque negatur, dictum verò in vna affirmatur, in altera autem negatur, sunt contrariæ; & pariter falsæ interdum inveniuntur. Denique si illa quæ est dicti & modi negati, superponatur illi, quæ est dicti & modi affirmati, erunt subalternæ: ac subinde facile erit contradicentes agnoscere. Cuius regulæ hoc est exemplar;

Non est possibile
Petrum esse
album.

Non est possible
Petrū nō es-
se album.



Possibile est Pe-
trum non esse
album.


Possibile est Pe-
trum esse al-
bum.

Sed vt ad extremum illud veniamus, dicimus, *De voca-*
Purpurea & Illiace opponi contrariè, Amabi-
mus & Edentuli subcontrariè, Purpurea & Ama-
bimus subalternè, Purpurea, & Edentuli cōtra-
dictoriè; itemque Illiace & Amabimus. *bulorū re-
pugnantia*

Pur-

Purpure. { Non est possibile Petrum non loqui.
 Non est contingens petrum non loqui.
 impossibile est Petrum non loqui.
 Necessse est petrum non loqui.

Illiace { Non est possibile petrum loqui.
 Non est contingens petrum loqui.
 impossibile est petrum loqui.
 Necessse est Petrum non loqui.



Amabimus { possibile est petrum loqui.
 Contingens est Petrum loqui.
 Non est impossibile petrum loqui.
 Non est necesse Petrum non loqui;

Edentuli { possibile est petrum non loqui;
 Contingens est petrum non loqui
 Non est impo. Petrum non loqui.
 Non est necesse petrum loqui.

Quæstiones.

Prima Intentio capitis diximus, has enuntiationes, Necesse est Petrum currere, Necesse est Petrum non currere, esse contrarias. Id quidem ita refellitur. Vtraque est aiens, cum verbum præcipuum sit affirmatum in ambabus, ergo non sunt contrariæ. Respondetur, non esse propriè contrarias: dici tamen contrarias, quia nunquam in simili forma poterunt ambæ esse veræ, licet possint esse vnâ falsæ. Eodem modo respondetur ad argumentum, quod adduci poterat cōtra secundam partem capitis, in qua scripsimus, has enūtiations, Possibile est Petrū currere, possibile est Petrum non currere, esse subcontrarias; cum alioquin ambæ sint aientes. Sed respondetur, esse subcontrarias ob hanc solum causam, quia in nullis terminis, aut extremis possunt esse simul falsæ, cum tamen in aliquibus simul veræ possint reperiri: sicut etiam iste, enūtiations, Non est possibile Petrum currere, Non est possibile Petrum non currere, sunt contrariæ, licet ambæ sint negantes; quia in nulla materia possunt dari enuntiationes simul veræ eiusdem formæ; benè autem simul falsæ. Potest aliter huiusmodi obiectionibus responderi, illas enuntiationes esse verę ac propriè contrarias, seu aduersas: quod autem dici solet, ex contrarijs vnā debere esse aientem, aliam verò negantem, nequaquam in modalibus esse verum.

*Quomodo
duæ enūti-
ationes op-
positæ pos-
sint esse
aut aien-
tes, aut
negantes.*

*An Pur-
purea &
illiac con-
trariæ op-
ponantur*

Altera quæstio aduersus tertiam partē capi-
tis, in qua dictum est, Purpurea & Illiace opponi

Non est possibile omne animal esse hominē.
 Non est contingēs omne animal esse hominē.
 Impossibile est omne animal esse hominē.
 Necessē est aliq̄d animal nō esse hominē.

Non est possibile nullum animal esse hominem.
 Non est contingens nullum animal esse hominem. Illi-
 cc.
 Impossibile est nullum animal esse hominem.
 Necessē est aliq̄d animal esse hominem.

*Purpu-
rea.

contrariē. Istæ enuntiationes sunt in Purpurea & Illiace,* & tamen omnes sunt simul veræ, vt constat: Non ergo sunt contrariæ. Respondendū est igitur, quamuis ad æquipollentiam enuntiationum cuiusque vocabuli, cum aliis quæ ad idem vocabulum pertinent, sufficiat, enuntiationes necessarij aliter se habere, quàm alias tres; ita scilicet, vt si aliæ habeant dictum vniuersale, ipsæ habeant particulare; & è contrario: tamen vt inter quatuor vocabula seruentur oppositiones, quæ à Doctoribus explicantur, dictum enuntiationum modi necessarij, semper debere esse vniuersale, & aliarum particulare. Si aliter enim fiat, Purpurea & Illiace non opponentur contrariē, sed potiùs subcontrariē; itemque Amabimus & Edentuli non opponentur subcontrariē; sed potiùs contrariē; & fieri poterit, vt omnes enuntiationes positæ in Amabimus & Edentuli sint falsæ contra legem subcontrariarum: Igitur si Purpurea & Illiace debent opponi contrariē, & Amabimus, atque Edentuli subcontrariē, vt communis habet schola, propositiones modi necessarij debent in omnibus illis esse vniuersales, & enuntiationes aliorum modorum particulares; vt fiet in sequentis paginæ schemate.

Si autem volumus efficere, vt Amabimus & Edentuli opponantur contrariē, & Purpurea & Illiace subcontrariē, tunc in omnibus enuntiationibus modi necessarij constituamus dictum particulare, & in reliquis vniuersale. Quiuis sibi poterit confingere tabulam sequenti contrariam, & intelliget, quàm sint ea quæ dicimus, vera.


Pur-

Parures.

Non est possibile aliquid animal non esse hominē.
 Non est contrariū aliquid animal nō esse hominē.
 Impossibile est aliquid animal nō esse hominē.
 Necesse est omne animal esse hominem.

Illuc

Nō est possibile aliquid animal esse hominē.
 Nō est contrariū aliquid animal esse hominē.
 Impossibile est aliquid animal esse hominē.
 Necesse est nullum animal esse hominem.



Amabimus

possibile est aliquid animal esse hominē.
 Contrariū est aliquid animal esse hominē.
 Nō est impossibile aliquid animal esse hominē.
 Non est necesse nullū animal esse hominē.

possibile est aliquid animal non esse hominem.
 Contrariū est aliquid animal nō esse hominē.
 Nō est impossibile aliquid animal nō esse hominē.
 Non est necesse cu omne animal esse hominem.

*Quomodo
duæ enun-
tiationes
contraria
constent
dicto par-
ticulari.*

Duæ restant nobis quæstiones tractandæ. Vna est, quare dicamus, omnes enuntiationes positas in Purpurea & Illiace inter se opponi contrariè, si tres cuiusque vocabuli sunt particulares. Item quomodo asseramus, enuntiationes Amabimus & Edentuli subcontrarias esse, si cuiusque vocabuli vna saltem est vniuersa. Altera est, quare Doctores simpliciter dicant, Purpurea & Illiace opponi contrariè, & Amabimus & Edentuli subcontrariè; si (vt diximus) facillimum est efficere, vt Amabimus & Edentuli sint contraria vocabula: & Purpurea, atque Illiace subcontraria. Placet his respondere, quia non parum id conferet ad Modificatarum enuntiationum intelligentiam.

*Modorū
vni.*

Quemadmodum in enuntiationibus simplicibus se habent signa, ita in modalibus modi. Quare sicut in simplicibus enuntiationibus, si huic propositioni, Aliquis homo est animal, præponatur negatio, fit vniuersa, (nam hæc propositio, Non aliquis homo est animal, eadem est penitus atque hæc, Nullus homo est animal) ita si huic dicto particulari, Aliquem hominem esse lapidem, addatur modus negans, vt impossibile, aut non possibile; & dicatur, Impossibile est aliquem hominem esse lapidem, illud dictum reddetur vniuersum. Quod ex eo intelligitur: quoniam hæc enuntiatio, Impossibile est aliquem hominem esse lapidem, vt sit vera, oportet, nullum hominem posse esse lapidem. Igitur cum in Purpurea & Illiace ponantur in tribus prioribus enuntiationibus modi illi negantes, enuntiationes sunt vniuersales. Contra autem si Dictum esset vniuersale; vt Impossibile est omne animal esse hominem, enuntiatio esset quasi particularis. Cuius signum irrefragabile est, quia vt hæc postre-

Enuntiatio vera sit, sufficit dari aliquod animal, quod non possit esse homo, nempe brutum. Ex his iam manifestum efficitur, quid dicendum sit de enuntiationibus subcontrariis modi necessarii in Amabimus & Edentuli. Quamuis easim vniuersales videantur, sunt particulares: quia vniuersalitas & communitas modi per negationem tollitur. Nam hæc enuntiatio, Non est necesse omne animal esse hominem, particularis est, & vt sit vera, satis est dari aliquod animal, quod non sit homo necessarium: vt ad veritatem huius pronuntiati, Non omne animal est homo, nihil aliud desideratur, quam dari vnicum saltem animal, quod non sit homo. Constat igitur, nec eas, quas diximus esse in Purpurea & Illiace, esse particulares; nec alias, quas posuimus in Amabimus & Edentuli, censendas esse vniuersales. Obseruandum est tamen hoc loco, in his modificatas ex communi sensu idem esse iudicium, siue negatio præponatur, siue postponatur, dummodo illa admodum pertineat. Verbi gratia. Idem pollent hæc pronuntiata, Aliquem hominem esse animal non est impossibile, & non est impossibile, aliquem hominem esse animal. Quare in his enuntiationibus videtur, vim negationis etiam manere, ac fluere in antecedentia. Sed de priore questione hæctenus, ad aliam progrediamur.

Sanè propositiones, quæ his vocabulis accom-
modantur, aliquando consistant dicto singulari, a-
liquando secus. Si non consent dicto singulari, *Communia Docto-
rum opi-
nio exco-
municatur.*
tam facile est constituere Purpurea & Illiace
contraria, quam Amabimus & Edentuli; ac si
consent dicto singulari tunc necessario omnes
sexdecim enuntiationes constabunt eodem

genere dicti: & tum semper enuntiationes, quæ sunt in Amabimus & Edentuli, erunt subcontrariæ. Cum igitur omnibus cōsideratis, Amabimus & Edentuli frequentius sint subcontraria, & Purpureæ & Illiace contraria, quàm è diuerso: non immeritò Doctores eam collocandi rationem sequuntur. In scientijs enim ea, quæ frequentissimè fiunt, ita ac si perpetuò fierent, accipiuntur. Dicimus enim, omnem hominem bipedem nasci, tametsi aliquando aliter casus ferat.

De reciprocatione modificatarum enuntiationum. Cap. 13.

Tertia affectio enuntiationum modalium est reciprocatio: de qua hi canones tradi possunt. Primus. Enuntiationes modi necessarij affirmati conuertuntur, vt illarum dictum postulat: verbi gratia. Quia dictum huius enuntiationis, Necesse est omnem hominem esse animal, est vniuersale aliens, quod conuertitur in particulare eiusdem qualitatis: ideo hæc enuntiatio conuertitur in hanc, Necesse est aliquod animal esse hominem. Itemq; si dictum exigit conuersionem simplicem, debet conuerti simpliciter; & si per contrapositionem similiter debet conuerti; vt patet manifestè in hac tabula.

Necesse

*Simplici d.
variatione.*

{ Necessè est aliquod animal esse hominē. { Necessè est aliquem hominē esse animal.

{ Necessè est nullū hominē esse lapidē.

{ Necessè est nullum lapidē esse hominē.

Libet Quartus.

Per accidētis

{ Necessè est omnem hominē esse animal.

{ Necessè est aliquod animal esse hominē.

{ Necessè est nullū hominē nō esse lapidē.

{ Necessè est aliquē lapidē nō esse hominē.

*Per contrā-
positionē.*

{ Necessè est aliquē hominē esse lapidē.

{ Necessè est aliquē nō lapidē mō esse nō hominē.

{ Necessè est omnem hominē esse animal.

{ Necessè est omne non animal esse nō hominē.

Secundus canon. Enuntiationes modi necessarij negati non aliter conuertuntur, quàm dictum earum requirit: illæ tamen excipiendæ sunt, quæ deberent conuerti per accidens. Verbi gratia. Bene sequitur, Non est necesse nullum animal esse hominem, ergo non est necesse nullum hominem esse animal. Non tamen sequitur: Non est necesse omne animal esse hominem, ergo non est necesse aliquem hominem esse animal. Tertius. Enuntiationes modi impossibilis negati debent conuerti iuxta dictum & naturam; illis demptis, quarum dicta essent per accidens conuertenda. Exemplum. Impossibile est nullum hominem esse animal, ergo impossibile est nullum animal esse hominem. At non ita colliges, Impossibile est omne animal esse hominem, ergo impossibile est aliquem hominem esse animal. Est tamen quidam peculiaris modus conuersionis per accidens, competens enuntiationibus modi impossibilis affirmati, quo scilicet particularis aens conuertitur in vniuersam aientem, & particularis negans in vniuersam negantem. Vt Impossibile est aliquem Leonem esse hominem, ergo impossibile est omnem hominem esse Leonem. Item, impossibile est aliquem hominem non esse animal, ergo impossibile est nullum animal esse hominem. Quartus. Enuntiationes modi impossibilis negati ita reciprocantur, ac reflectuntur, vt & dictum earum extra ipsas reciprocaretur: sicut dictum est in prima regula de enuntiationibus modi necessarij affirmati. Idem omninò sentiendum est de enuntiationibus

Modi

*Peculiaris
quidam
modus
conuersio-
nis per ac-
cidens.*

Modi possibilis affirmati. Loquimur autem de possibili, pro eo quod potest esse: nam si pro eo quod potest esse & non esse accipiat, ad caput sequens pertinet. Ultimus canon. Enuntiationes modi possibilis negati conuertuntur sicut enuntiationes modi impossibilis affirmati. Ex his constat, conuersionem harum enuntiationum modificatarum non esse mutationem subiecti in prædicatum, & prædicati in subiectum, cum idem modus, qui in conuersa est, subiectum, vel prædicatum possit in conuertente eundem situm retinere: sed esse mutationem solius dicti.

Difficultates.

Contra id quod dictum est, enuntiationes modi necessarij affirmati conuerti, ut dictum suapte natura postulat, sunt tria exempla: Primum. Hæc est vera, Necesse est omnem hominem album esse animal; & hæc est falsa, Necesse est aliquod animal esse hominem album, quia albedo accidentariò cõpetit animali & homini. Secundum. Certissima est hæc propositio, Omnis creans, necessariò est Deus; hæc contra erronea, Aliquis Deus, necessariò creat: nam Deus non necessariò, sed liberrimè creat. Tertium. Omne ridens actu necessariò est homo, nec protinus sequitur, Aliquem hominem necessariò ridere actu. Potissimùm hæc argumenta dubitationem afferunt nobis diui Thomæ discipulis. Concedimus enim, dari quasdam enuntiationes æternæ veritatis, ut hæc, Omnis homo est animal; vera est apud diuum Thomam, etiam

De conuersione enuntiationum modi necessarij.

De enuntiationibus perpetuis veris.

nullo homine existente. Illæ autem poissimùm æternæ sunt veritatis, quarum prædicatum est de essentia subiecti in enuntiationibus aientibus, vt Omnis homo est animal; in negantibus verò, quarum prædicatum repugnat subiecto, vt Nullus homo est irrationalis. Veruntamen quia hæc falsa aliquibus videntur, probanda sunt apertissimè, ac ostendendū est, etiā nullo homine existente, non solū hanc esse veram, Omnis homo est animal: sed hanc etiam, Omnis homo albus est animal. Nam si hæc, Omnis homo albus est animal, esset falsa, vera esset eius contradicens; nempe Aliquis homo albus non est animal. Præterea cū constet ex his, quæ docet Aristoteles in Postcategoriis cap. de Oppositis, animal & non animal ita se habere, vt quicquid non est animal, sit non animal; & è diuerso, si hæc est vera, Aliquis homo albus non est animal, hæc erit vera, Aliquis homo albus est non animal. Quæ consequutio lib. 7. cap. de Loco ab oppositis explicabitur. Iam verò cū hæc enuntiatio, Aliquis homo albus est non animal, sit particularis aiens & vera, debet conuerti simpliciter in aliam particularem aientem veram; scilicet Aliquod non animal est homo albus. Vnde sequitur manifestè, aliquod non animal esse animal rationale, habens albedinem.

*Sententia
diui Tho-
ma.*

Quare aliquid erit animal & non animal. Sed ne arbitretur aliquis, me hæc diuo Thomæ imposuisse, legat ipsum 3. senten. dist. 10. quæst. 1. artic. 1. quæstiunc. 2. Ibi enim docet, vt aliqua prædicatio sit per se, non oportere prædicatum conuenire subiecto, secundū omnia quæ in nomine subiecti inuoluuntur; sed sufficere, si secundū aliquid eorum per se ei conueniat. Et ita ait

ibi,

ibi, hanc enuntiationem esse veram, Christus quatenus hic homo (non dicit quatenus homo) est Deus. Et art. 2. ad 3. quæst. confirmat nostram sententiam, apertissimè dicens, hanc enuntiationem, Homo est animal album, non esse per se: hanc verò, Homo albus est animal esse per se. Quid clarius? An omnia oportet præmansa in os ingeri? Tamen de his vide Caietanum 1. Poster. cap. 9. dub. 3. Si igitur apud D. Thomā hæc est vera, Necesse est omnem hominem album esse animal, quomodo potest conuerti in hanc falsā, Necesse est aliquod animal esse hominē album?

Respondeamus igitur, & primū dicimus, hæc argumenta non ampliū infringere nostras regulas conuersionis modificatarum enuntiationum, quā eas, quas Aristoteles 1. Prior. cap. 2. tradit. Dicimus præterea, nullam illarum conuersionum bonam esse. Et ratio est, quia in omni conuersione, sicut in omni oppositione & æquipollentia, seruanda est eadem vocabulorum significatio, quod profectò non fit in his exemplis. Etenim in illa enuntiatione, Omnis homo albus est animal, verbum Est, dicit essentiam; non existentiam: quia de essentia hominis albi, eodem modo quo potest habere essentiam, est esse animal, & habere albedinem. At verò in illa alia, Aliquod animal est homo albus, verbum Est, non dicit essentiam, sed existentiam; quia de nullius animalis essentia est esse album: & ideo non est necessarium: immo verò in Hypothesi argumenti est falsum. Veruntamen licet hæc ita sint, nostra sententia est, hæc aliam enuntiationem, Omnis homo est animal, esse necessariam & veram, etiam nullo homine existente; & conuerti in hanc, Aliquod animal

Notanda ratio.

*Alius co-
uersionis
modus.*

est homo, quæ est vera, & necessaria, & æternæ ve-
ritatis: quia de essentia alicuius animalis, nempe
rationalis est esse hominē. Potest alio modo res-
pōderi, enuntiationem modo necessarij conuer-
tendam esse in enuntiationem modi possibilis
vt hæc enūtiatio, Neceffe est omnē ridentē actu
esse hominem, conuertitur in hanc, Possibile
est aliquem hominem esse ridētē actu. Et ratio
est, quia quemadmodum enūtiationum simpli-
cium conuersione signum vniuersale Omnis con-
uertitur in signum particulare Aliquis: ita in mo-
dificatis modus vniuersalis Neceffe debet mutā-
ri in particularem, scilicet possibile, aut contin-
gens. Facillimus quidem est hic reciprocationis
modus: sed qui voluerit regulas superiores de-
fendere, poterit aliquo vrgeri incommodo, si
priorem modum respondendi obseruet.

*An hæc e-
nūtiatio,
Animal
est homo
sit necessa-
ria,*

Iam res ipsa me admonet, vt lectori nostrō
quod bis in his institutionibus sū pollicitus, re-
præsentem. Dixi, me hoc loco probaturum hanc
enuntiationem, Animal est homo, esse necessari-
am, ac per se, & veritatis æternæ. Varia enim sūt
istæ vocabula, sed eandem rem exprimunt. Sit i-
gitur prima ratio. Hæc propositio, Animal est
homo, est indefinita, ergo idem pollet aut cum
vniuersali, Omne animal est homo, aut cum
particulari, Aliquod animal est homo. Primum
dici nequit, ergo postremum est asserendum.
At in hoc capite sæpe ostensum est, colligitur-
que ex Arist. 1. Prior. cap. 2. illud pronuntiatum,
Aliquod animal est homo, esse necessarium;
igitur & istud etiam, Animal est homo. Præ-
terea hæc enuntiatio indefinita, Homo est animal,
est necessaria, ergo & eius conuertens, nempe,

Anē

Animal est homo, erit necessaria. Siquidem enuntiationes indefinitæ aientes simpliciter convertuntur, sicut & particulæres. Iam verò quæ est enuntiatio contradicens huius propositionis, Animal est homo? Certè hæc, Non animal est homo, vel Nullum animal est homo; si veræ sunt quæ cap. 6. diximus; atqui hæc est impossibilis, ergo alia est necessaria: nam ex duabus contradicentibus, si impossibile est vnam esse veram, necessum est, alteram nunquam posse esse falsam: alioqui duæ contradictoriæ simul falsæ dari possent. Porro hæc enuntiatio, Animal rationale est homo, proculdubio est æternæ veritatis. Percurictor igitur, an illud animal rationale, quod necessariò est homo, sit animal, an non animal? Certè non est animal, ergo animal necessariò est homo. Denique quæ necessariò sunt coniuncta vni enti per se, necessariò sunt coniuncta inter sese; sed animal rationale est vnum per se, & in eo necessariò clauditur animal & natura humana: ergo animal & homo necessariò coniunguntur. Necessariò, inquam, non in vniuersum, & (vt aiunt) distributiue sumpto animali; sed indefinitè: idest, licet non necessariò omne animal sit homo; tamen necessariò animal indefinitè est homo, quia aliquod animal necessariò est homo. Quod si aliquis ex antiquioribus, grauioribusque reperiatur, qui huiusmodi enuntiationes doceat esse accidentarias, more Philosophorum ex comparatione existimandus est loqui. Vt enim si accidentia cum substantia conferantur, nec entia sunt, nec essentiam habent; si verò per se ea absque

Mos Philosophorum

vlla

364. *Comment. in vniuersam Logicam.*

*Vide vlti-
mā quest.
cap. 8. l. 5.*

vlla ad substantiam comparatione consideres,
entia iudicabis: ita si illam propositionem, Ani-
mal est homo, cum hac alia, Omnis homo est a-
nimal, composueris, hanc solam necessariam,
illā verò tametsi necessaria sit, accidentariam
arbitraberis. Sed vt extremum aliquod hæc di-
gressio habeat, soluēdū est argumentū, quo pos-
set quispiam in nostram sententiam vti. Etenim
hæc enuntiatio, Animal est homo albus, sine
controuerfia est contingens; licet hæc sit neces-
saria, Homo albus est animal: ergo quamuis hoc
pronuntiatum, Homo est animal, necessarium
sit, non proinde sit consequens necessarium esse
hoc aliud, Animal est homo. At ego primū res-
pondeo, hoc argumentum solū ostendere, non
omnes quas adduximus rationes esse necessarias.
Quare tametsi vna, aut altera è medio auferan-
tur, aliz nobis restabunt. Deinde nego similitu-
dinem, quia cum nō detur aliquod animal quod
necessariò sit album, nihil mirum est, si hæc o-
ratio, Animal est homo albus, non sit necessaria.
At datur aliquod animal, nempe rationale,
quod per se, ac necessariò est homo. Quare ani-
mal indefinitè sumptum, necessariò est homo,
sicut etiam indefinitè sumptum, necessariò est
brutum, propter easdem causas. Denique assero,
exemplum, aut instantiam non esse ad propo-
situm, quia homo, vel animal rationale, est ens
per se: quæ autem vni enti per se necessariò sunt
connexa, necessariò inter se connexa sunt, saltē
indefinitè. At homo albus est ens per accidens:
vnde quæ in eo connectuntur, non est necesse
vt inter se connectantur. Expendat lector vtri-
usque partis rationes, & quam probabilioribus
argu-

argumentis niti iudicauerit, eam sibi deli-
gat.

*De enuntiationibus modi contingentis, sumendo
contingens pro eo quod potest esse, & non
esse. Cap. 14.*

Dicamus nunc de enuntiationibus modi con-
tingentis, aut possibilis, quatenus possibi-
le significat id, quod potest esse: & explicemus e-
arum æquipollentiam, oppositionem, & reci-
procationem. Enuntiatio modi contingentis, si-
ue affirmatus sit modus, siue negatus, par est om-
nino, ac æqualis enuntiationi eiusdem modi, di-
cti tamen contrarij: ut Contingens est Petrum
ambulare, ergo contingens est Petrum non am-
bulare. Id autem perspicuum est ex locis Aristoteli
cap. 11. à nobis citatis.

*Acquipol-
lentia.*

Oppositio.

Circa oppositionem sciendum est, enuntiati-
onem modi contingentis opponi contrariè tam
enuntiationi modi impossibilis, quam necessarij:
subalternè verò enuntiationi modi possibilis,
sumendo possibile pro eo quod potest esse: deni-
que esse contradictoriam enuntiationis modi
contingentis negati, & eiusdem dicti. Dixi op-
poni contrariè enuntiationi modi necessarij,
quia in aliqua materia potest vtraque esse falsa.
Quæ etiam ratio impulit me, ut idem assererem
de enuntiatione modi impossibilis.

ECCE TABVLAM.

Contingens est

Leonē ridere.

Contingens

est hominem

esse risibilem.

Necesse est Leo-

nem ridere.

Impossibile est

hominem esse

risibilem.



Possibile est

Leonē ridere.

Possibile est ho-

minem esse ri-

sibilem.

Nō est contingēs

Leonem ridere.

Non est contin-

gens hominem

esse risibilem.

Recipro-
catio.

Denique huius generis. propositiones siue affirmetur in ipsis modus, siue negetur, debent reciprocari, sicut exigit dictum: vt hoc pronuntiatum, Contingens est omnem hominem esse album, ita conuertitur, Contingens est aliquod album esse hominem. Nam vniuersa, aientisq̃ enuntiatio in particularem aientem mutatur.

In superiora obiectiones.

Prima est contra isodynamiam. Hæc propositio, Contingens est hominem nasci absque digitis, omnino est vera, & tamen hæc est falsa, Contingens est hominem nasci cum digitis. Nam necessarium est, saltem apud Philosophum naturalem, hominem nasci cum digitis. Respondetur, aliquid dici necessarium apud Philosophum

phum naturalem, quia ferè semper ita se habet: licet raro contingat oppositum. Dico igitur ad argumentum: Licet sit necessarium ferè semper, hominem nasci cum digitis, nihilominus sicut rarissimè accidit, hominem nasci absque digitis, ita in illis euentibus rarissimis esset contingēs, hominem cum digitis nasci.

Altera est contra reciprocationem . Hæc oratio est vera, Contingens est omnem hominem esse actu ridentem, atqui hæc est falsa , Contingens est aliquod ridens actu esse hominem, cum necessarium sit omne, quod actu ridet esse hominem; Ergo falsum est quod scripsimus. Sed huic respondetur sicut tribus exemplis superioris capitis.

De veritate modificatarum enuntiationum cognoscenda Cap. 15.

Difficile est interdum cognoscere, an aliqua enuntiatio modificata sit vera an falsa. Non igitur erit superuacaneum id, antequam finem huic tractationi imponamus , exponere. Proposita nobis aliqua enuntiatione modali, eius dictum in simplicem enuntiationem est resolvendum; tumq; considerari debet, an noua illa enuntiatio necessaria sit an impossibilis, vel possibilis; atq; ita erit manifestū, utrū præcedens enuntiatio modificata vera sit, an falsa. Exemplū. Dictum huius enuntiationis, Non est possibile aliquod animal non esse hominem, resolvitur in hoc pronuntiatum; Aliquod animal non est homo; quod cum verum sit, ac possibile, falsa est illa modificata, Non est possibile aliquod animal non esse hominem.

De.

De enuntiationibus Hypotheticis. Cap. 16.

*Quid sit
& quorū
plex enun-
tatio Hy-
pothetica.*

Post Catagoricam enuntiationem Hypothetica nobis occurrit: de qua, quid sit, & quorūplex, primum dicemus; secundò quā sit aiens, vel negans, vltimo quid ad eius veritatem desideretur. Hypothetica enuntiatio est, quæ ex duabus Categoricis constat, aut ex duabus orationibus, quæ vim Categoricarum obtinent; vt si Sol lucet, dies est: itemque si Petrus curreret, Petrus moueretur. Diuiditur autem in conditionatam, coniunctam, & disiunctam. Conditionata est, quæ constat hac coniunctione Si, vt si Petrus curreret, Petrus moueretur. Coniuncta quæ constat coniunctione Vel, aut similibus, Vel homo sentit, Vel homo caret sensu. In his autem enuntiationibus non illa dicitur aiens, aut negans, cuius præcipuum verbum affirmatur, vel negatur, quemadmodum in Categoricis: sed illa est aiens, cuius coniunctio affirmatur; illa negans, cuius coniunctio negatur. Vnde hæc est aiens, Si Petrus non moueretur, Petrus non curreret: hæc verò alia est negans, Non si Petrus est homo, Petrus est albus. Sicut enim se habet in simplicibus verbum, ita coniunctio, aut aduerbium in Hypotheticis.

*De aiens
& negante
Hypothetica.*

*Quæ con-
ditionata
sunt.*

Cæterum quòd ad veritatem, vel falsitatem huius generis enuntiationum attinet, has regulas accipe. Vt enuntiatio conditionata sit vera, oportet consequens sequi ex antecedente, vt si Sol lucet, dies est. Omnis enim conditionata duabus partibus constat, antecedente & consequente. Antecedens est, cui immediate iungitur coniunctio Si, vt in hac oratione, Si Sol lucet, dies

dies est; illa Categorica Sol lucet, est antecedens; illa verò, dies est, consequens. Qua in re nihil curandum est, duæ pars prius ponatur; sed quæ sit illa, cui illa coniunctio Si applicatur. Nam etiam si ita dicam; Dies est, si Sol lucet, idem est consequens; idemque antecedens, quæ in ista, si Sol lucet, dies est. Ut autem sit vera enuntiatio conditionata, non est necessum, veram esse aliquam ex Categoricalis, quæ eam componunt. Notum enim verum est hoc pronuntiatum. Si Sol luctet, dies est, quia consequens sequitur ex antecedente. Hinc ortum est illud axioma, omnium ferè Dialecticorum consensu receptum, omnis enuntiatio conditionata vera, est necessaria. Quamvis in hac etiam regula verum sit, quod vulgo dicitur, non esse canonem adeò certum, quin vnam saltem exceptionem patiatur. In primis enim enuntiationibus, quibus utimur, quum promittimus, id non requiritur. Non enim mentitur, qui ait filio: Si doctus enaseris, constituam te hæredem: ac profectò non est necessaria enuntiatio, quia re vera fieri poterit, ut filius doctus euadat, nec à patre hæres nominetur. Quin etiam quum de præteritis loquimur, sæpè dicimus, Si venisses, hoc, aut illud fecissemus; & certè quavis venisset, forsitan illud minimè egissemus. Dicendum est igitur per communem loquendi usum, interdum Dialecticæ leges temperari, præsertim quum rem quasi certam habemus; tametsi contingentem. Secunda regula. Enuntiatio coniuncta ut sit vera, oportet, utranque eius partem esse veram; ut autem sit falsa, sufficit alterutram partem esse falsam. Hæc enim est falsa, Et lapis est homo, & tu es Leo: hæc autem est vera, Et tu es homo,

& Leo est animal. Tertia regula. Disiuncta erit vera, si altera saltem eius pars fuerit vera, vt Petrus est homo, vel Petrus est Leo; sed tum erit falsa, quum vtraque eius pars falsa fuerit, vt Vel homo est Angelus, vel homo est Leo.

Hinc colligendum est, enuntiationem conditionatam negantem solum negare, consequens sequi ex antecedente; licet antecedens & consequens vera sint; vt Non si Petrus est homo, Petrus est albus. Porro & illud ex superioribus sequitur, enuntiationem disiunctam negantem æquiualeere coniunctæ aienti, compositæ ex duabus Categoricalis oppositis: vt hæc enuntiatio, Nō vel tu es Leo, vel tu es serpens, æquiualeat huic, Et tu non es Leo, & tu non es serpens. Cum enim enuntiatio disiuncta vt sit vera, sufficiat alteram partem esse veram, qui negat talem enuntiationem, subinde afferit, vtranque eius partem falsam esse, & vtriusque oppositum verum esse. Alio præterea argumento confirmari potest hoc consuetarium, nam enūtiatio coniuncta & disiuncta aientes, compositæ ex Categoriis oppositis, sunt contradictoriæ, cum in nulla materia possint esse simul veræ, aut simul falsæ; vt hæc, Et tu es lapis, & tu es serpens: itemq; hæc alia, Vel tu non es lapis, vel tu non es serpens, nunquam in veritate, aut errore poterunt consentire: Ergo si alterutri earum præponatur negatio, æquipollebit suæ contradictoriæ.

Dubia, & argumenta in superiora.

Contra definitionem Hypotheticis enuntiati-
onis est argumentum, Hæc enuntiatio, Ho-
mo qui est rationale, est animal quod est sensibile,
est Ca-

est Categoricalis; sed constat duabus Categoricalibus ergo definitio Hypotheticæ enuntiationis competit alijs à definitio. De assumptione nulla est controversia. Probatür propositio. Quia illa enuntiatio est aïens, aut negans ex verbo, non ex conjunctione. Respondent quidam, non esse Hypotheticam, quia in definitione Hypotheticæ intelligitur, eius partes debere media conjunctione copulari; cumque Superioris enuntiationis partes non conjunctione, sed verbo Est coniungatur, dicunt non esse Hypotheticam. Sed non placet solutio. Multæ enim Hypotheticæ non constât aliqua conjunctione, ut postea dicemus. Quare aliter respondendum est, illam enuntiationem non esse Hypotheticam, quia in definitione Hypotheticæ enuntiationis subintelligendum est, eam constare duabus Categoricalibus; ut præcipuis suis partibus; ut enuntiatio posita in argumento, constât ut præcipuis suis partibus subiecto & prædicato; quæ sunt homo & animal: alia verò adduntur, ut explicationis subiecti, ac prædicati.

Secundum probat, enuntiationem conian-
ctâ, & disiunctam non esse Hypotheticas. Nam *An conian-
ctâ & dis-
iuncta sint
Hypothetica.*
Hypothesis idem est quod suppositio, sed sola
enuntiatio cõditionata progreditur ex suppositi-
tionei, aut conditione; ergo ea sola est Hypothe-
tica. Respondetur, in nominibus non tam es-
se considerandum id à quo nomen sumitur,
quàm id ad quod significandũ imponitur. Homi-
nis enim vocabulũ forrè sumptum est ab humo,
id est terra, quia homo primus ex terra conditus
est; ac nihilominus impositum est etiam ad
significandum illos, qui non ex terra gignun-
tur. Ita etiam hoc nomen Hypothetica sumpta

tum quidem est ab Hypothesi, sed impositum est aliud significandum non eas tantum quæ ex Hypothesi progrediuntur enuntiationes, sed omnes etiam non Categoricas. Quod fit, ut coniuncta & disiuncta sint Hypotheticæ, non quoad id à quo nomen sumptum est, sed quoad id, ad quod significandum impositum est.

*Idè quod
in primo
dubio ex-
plicatur.*

Tertium improbat definitionem enuntiationis coniunctæ. Hoc pronuntiatum, Homo & brutum sunt animalia, constat coniunctione Et, atqui non est enuntiatio coniuncta, cum non sit Hypothetica; ergo definitio quadrat in alia à re definita. Propositio nota est. Probatur assumptio. Nam habet ut præcipuam partem sui verbum Sum, & ex illo sumitur affirmatio, aut negatio huius, similiumque pronuntiatorum. Respondetur, illud pronuntiatum non esse enuntiationem coniunctam, de qua nunc differimus, nec ei conuenire definitionem enuntiationis coniunctæ quia in ea subintelligendum est genus: nempe enuntiatio Hypothetica. Idem de hoc alio pronuntiato, Omne animal est rationale, aut irrationale, sentiendum est. Non enim est enuntiatio disiuncta, sed simplex, ac Categorica; prædicatione tamen disiuncto constans. Itaque sunt quædam enuntiationes Categoricæ, quæ parum ab Hypotheticis differunt, quo ad voces; sed nihil omnino sensu distinguuntur. Video multa hoc loco à Sophistis accumulari: sed propriè in eos illud Ciceronis iactabitur, Arcem ex cloaca facere. In rebus enim nullius ponderis tragoediæ excitant.

Quartum probat, disiunctam non esse Hypotheticam. Etenim (ut docet Aristoteles 1. Perihor.

her.) enuntiatio Hypothetica est coniunctione vna, at disiuncta enuntiatio non est coniuncta, ergo non est enuntiatio Hypothetica. Respondetur, coniunctionē Vel, sensum quidem disiungere; sed verba coniungere. Et hoc sufficit, vt talis enuntiatio coniunctione vna dicatur.

Quintò dubium est, an verum sit, quod dicunt auctores graues; enuntiationem disiunctam, cuius vtraque pars est vera, esse falsam. Quæ sententia est diui Thomæ opusc. 48, tract. 1. de Syllogismo simpliciter cap. 18, & in tractatu de Enuntiatione, quando agit de Hypothetica disiuncta. *An disiuncta vera vtrunque partem veram habere possit.*

Immò docet, vt enuntiatio disiuncta sit vera, non oportere alteram partē esse falsam; sed omnino primam esse debere falsam. Itaq; omnis enuntiatio disiuncta, quæ habet primam partem veram, est falsa. Et confirmatur illorum opinio. Nam inepta videtur hæc enuntiatio, Ego vel sū in hoc loco, vel sum in hac domo Respondetur, absque dubio enuntiationem disiunctam, quæ habet vtrunque partem veram, esse veram. Vt hæc propositio. Vel tu non es Leo, vel tu non es Bos, est vera, & eius vtraque pars est vera. Quod sanè ita probatur. Istæ enuntiationes sunt contradicentes, Vel tu non es Leo, vel tu non es Bos; & ista alia, Et tu es Leo, & tu es Bos; & secunda est falsa, ergo prima est vera. Assumptio & consequutio patent. Sed probatur propositio. Tum quia in nulla materia possunt istæ enuntiationes esse simul falsæ; nec simul veræ; tum etiam quia omnes concedunt, enuntiationem coniunctam & disiunctam ex oppositis enuntiationibus Categoricis constitutas esse contradicentes. Præterea illud quod additur, oportere scilicet, vt prima pars sit falsa, incredibile est. Sequetur

*Vide vlti-
mā quæst.
cap. 8. li. 5.*

vlla ad substantiam comparatione consideres,
entia iudicabis: ita si illam propositionem, Ani-
mal est homo, cum hac alia, Omnis homo est a-
nimal, composueris, hanc solam necessariam,
illā verò tametsi necessaria sit, accidentariam
arbitraberis. Sed vt extremum aliquod hæc di-
gressio habeat, soluendū est argumentū, quo pos-
set quispiam in nostram sententiam vti. Etenim
hæc enuntiatio, Animal est homo albus, sine
controuersia est contingens; licet hæc sit neces-
saria, Homo albus est animal: ergo quamuis hoc
pronuntiatum, Homo est animal, necessarium
sit, non proinde sit consequens necessarium esse
hoc aliud, Animal est homo. At ego primū res-
pondeo, hoc argumentum solū ostendere, non
omnes quas adduximus rationes esse necessarias.
Quare tametsi vna, aut altera è medio auferan-
tur, aliz nobis restabunt. Deinde nego similitu-
dinem, quia cum nō detur aliquod animal quod
necessariò sit album, nihil mirum est, si hæc o-
ratio, Animal est homo albus, non sit necessaria.
At datur aliquod animal, nempe rationale,
quod per se, ac necessariò est homo. Quare ani-
mal indefinitè sumptum, necessariò est homo,
sicut etiam indefinitè sumptum, necessariò est
brutum, propter easdem causas. Denique assero,
exemplum, aut instantiam non esse ad propo-
situm, quia homo, vel animal rationale, est ens
per se: quæ autem vni enti per se necessariò sunt
connexa, necessariò inter se connexa sunt, saltē
indefinitè. At homo albus est ens per accidens:
vnde quæ in eo connectuntur, non est necesse
vt inter se connectantur. Expendat lector vtri-
usque partis rationes, & quam probabilius
argu-

argumentis niti iudicauerit, eam sibi deligat.

De enuntiationibus modi contingentis, sumendo contingens pro eo quod potest esse, & non esse. Cap. 14.

DIcamus nunc de enuntiationibus modi contingentis, aut possibilis, quatenus possibile significat id, quod potest esse: & explicemus earum æquipollentiam, oppositionem, & reciprocationem. Enuntiatio modi contingentis, siue affirmatus sit modus, siue negatus, par est omnino, ac æqualis enuntiationi eiusdem modi, dicti tamen contrarij: ut Contingens est Petrum ambulare, ergo contingens est Petrum non ambulare. Id autem perspicuum est ex locis Aristotelis cap. 11. à nobis citatis.

Æquipollentia.

Circa oppositionem sciendum est, enuntiationem modi contingentis opponi contrariè tam enuntiationi modi impossibilis, quam necessarij: subalternè verò enuntiationi modi possibilis, sumendo possibile pro eo quod potest esse: denique esse contradictoriam enuntiationis modi contingentis negati, & eiusdem dicti. Dixi opponi contrariè enuntiationi modi necessarij, quia in aliqua materia potest vtræque esse falsa, Quæ etiam ratio impulit me, ut idem assererem de enuntiatione modi impossibilis.

Oppositio.

ECCE TABVLAM.

Contingens est

Leonē ridere.

Contingens
est hominem
esse risibilem.

Necesse est Leo-

nem ridere.

Impossibile est
hominem esse
risibilem.

Possibile est

Leonē ridere.

Possibile est ho-
minem esse ri-
sibilem.

Nō est contingēs

Leonem ridere.

Non est contin-
gens hominem
esse risibilem.*Recipro-
catio.*

Denique huius generis propositiones siue affirmetur in ipsis modus, siue negetur, debent reciprocari, sicut exigit dictum: vt hoc pronuntiatum, Contingens est omnem hominem esse album, ita conuertitur, Contingens est aliquod album esse hominem. Nam vniuersa, aiensque enuntiatio in particularem aientem mutatur.

In superiora obiectiones.

Prima est contra isodynamiam. Hæc propositio, Contingens est hominem nasci absque digitis, omnino est vera, & tamen hæc est falsa, Contingens est hominem nasci cum digitis. Nam necessarium est, saltem apud Philosophum naturalem, hominem nasci cum digitis. Respondetur, aliquid dici necessarium apud Philosophum

phum naturalem, quia ferè semper ita se habet, licet raro contingat oppositum. Dico igitur ad argumentum: Licet sit necessarium ferè semper, hominem nasci cum digitis, nihilominus sicut rarissimè accidit, hominem nasci absque digitis, ita in illis euentibus rarissimis esset contingens, hominem cum digitis nasci.

Altera est contra reciprocationem. Hæc oratio est vera, Contingens est omnem hominem esse actu ridentem, atqui hæc est falsa, Contingens est aliquod ridens actu esse hominem, cum necessarium sit omne, quod actu ridet esse hominem: Ergo falsum est quod scripsimus. Sed huic respondetur sicut tribus exemplis superioris capitis.

De veritate modificatarum enuntiationum cognoscenda Cap. 15.

Difficile est interdum cognoscere, an aliqua enuntiatio modificata sit vera an falsa. Non igitur erit superuacaneum id, antequam finem huic tractationi imponamus, exponere. Proposita nobis aliqua enuntiatione modali, eius dictum in simplicem enuntiationem est resolvendum; tumq; considerari debet, an noua illa enuntiatio necessaria sit an impossibilis, vel possibilis; atq; ita erit manifestum, utrū præcedens enuntiatio modificata vera sit, an falsa. Exemplū. Dictum huius enuntiationis, Non est possibile aliquod animal non esse hominem, resolvitur in hoc pronuntiatum; Aliquod animal non est homo; quod cum verum sit, ac possibile, falsa est illa modificata, Non est possibile aliquod animal non esse hominem.

De.

De enuntiationibus Hypotheticis. Cap. 16.

*Quid sit
& quotu-
plex enun-
tiatio Hy-
pothetica.*

Post Catagoricam enuntiationem Hypothetica nobis occurrit: de qua, quid sit, & quotu-
plex, primum dicemus; secundò quæ sit aiens,
vel negans, vltimo quid ad eius veritatem desi-
deretur. Hypothetica enuntiatio est, quæ ex du-
abus Catagoricis constat, aut ex duabus oratio-
nibus, quæ vim Catagoricarum obtinent; vt si
Sol lucet, dies est: itemque si Petrus curreret, Pe-
trus moueretur. Diuiditur autem in conditiona-
tam, coniunctam, & disiunctam. Conditiona-
ta est, quæ constat hac coniunctione Si, vt si Pe-
trus curreret, Petrus moueretur. Coniuncta
quæ constat coniunctione Vel, aut similibus,
Vel homo sentit, Vel homo caret sensu. In his
autem enuntiationibus non illa dicitur aiens,
aut negans, cuius præcipuum verbum affirmatur,
vel negatur, quemadmodum in Catagoricis: sed
illa est aiens, cuius coniunctio affirmatur; illa
negans, cuius coniunctio negatur. Vnde hæc est
aiens, Si Petrus non moueretur, Petrus non cur-
reret: hæc verò alia est negans, Non si Petrus
est homo, Petrus est albus. Sicut enim se habet
in simplicibus verbum, ita coniunctio, aut aduer-
bium in Hypotheticis.

*De niente
& negante
Hypothet-
ica.*

*Quæ con-
ditionata
sint.*

Cæterum quòd ad veritatem, vel falsitatem
huius generis enuntiationum attinet, has regu-
las accipe. Vt enuntiatio conditionata sit vera,
oportet consequens sequi ex antecedente, vt si
Sol lucet, dies est. Omnis enim conditionata
duabus partibus constat, antecedente & conse-
quente. Antecedens est, cui immediatè iungitur
coniunctio Si, vt in hac oratione, Si Sol lucet,
dies

dies est; illa Categorica Sol lucet, est antecedens; illa verò, dies est, consequens. Quia in re nihil curandum est, duæ pars prius ponatur; sed quæ sit illa, cui illa coniunctio Si applicatur. Nam etiam si ita dicam; Dies est, si Sol lucet, idem est consequens, idemque antecedens, quæ in ista, si Sol lucet, dies est. Ut autem sit vera enuntiatio conditionata, non est necessum, veram esse aliquam ex Categoricalis, quæ eam componunt. Notu enim verum est hoc pronuntiatum. Si Sol lucet, dies est, quia consequens sequitur ex antecedente. Hinc ortum est illud axioma, omnium ferè Dialecticorum consensu receptum, omnis enuntiatio conditionata vera, est necessaria. Quamvis in hac etiam regula verum sit, quod vulgo dicitur, non esse canonem adeò certum, quin vnam saltem exceptionem patiatur. In primis enim enuntiationibus, quibus utimur, quum promittimus, id non requiritur. Non enim mentitur, qui ait filio: Si doctus enaleris, constituam te hæredem: ac profectò non est necessaria enuntiatio, quia re vera fieri poterit, ut filius doctus euadat, nec & patre hæres nominetur. Quin etiam quum de præteritis loquimur, sæpè dicimus, Si venisses, hoc, aut illud fecissemus; & certè quavis venisset, forsitan illud minime egissemus. Dicendum est igitur per communem loquendi usum, interdum Dialecticæ leges temperari, præsertim quum rem quasi certam habemus; tamen si contingentem. Secunda regula. Enuntiatio coniuncta ut sit vera, oportet, utranque eius partem esse veram; ut autem sit falsa, sufficit alterutram partem esse falsam. Hæc enim est falsa, Et lapis est homo, & tu es Leo: hæc autem est vera, Et tu es homo,

& Leo est animal. Tertia regula. Disiuncta erit vera, si altera saltem eius pars fuerit vera, vt Petrus est homo, vel Petrus est Leo; sed tum erit falsa, quum vtraque eius pars falsa fuerit, vt Vel homo est Angelus, vel homo est Leo.

Hinc colligendum est, enuntiationem conditionatam negantem solum negare, consequens sequi ex antecedente; licet antecedens & consequens vera sint; vt Non si Petrus est homo, Petrus est albus. Porro & illud ex superioribus sequitur, enuntiationem disiunctam negantem æquiuale-
De condi- *onalis nega-*
ti- *ti-*
De coniu- *Ha, ac dis-* *iuncta enu-* *tiationis* *aquipollen-*
ti- *ti-*
 Et tu non es Leo, & tu non es serpens. Cum enim enuntiatio disiuncta vt sit vera, sufficiat alteram partem esse veram, qui negat talem enuntiationem, subinde asserit, vtranque eius partem falsam esse, & vtriusque oppositum verum esse. Alio præterea argumento confirmari potest hoc consuetarium, nam enuntiatio coniuncta & disiuncta aientes, compositæ ex Categoriis oppositis, sunt contradictoriæ, cum in nulla materia possint esse simul veræ, aut simul falsæ; vt hæc, Et tu es lapis, & tu es serpens: itemq; hæc alia, Vel tu non es lapis, vel tu non es serpens, nunquam in veritate, aut errore poterunt consentire: Ergo si alterutri earum præponatur negatio, æquipollebit suæ contradictoriæ.

Dubia, & argumenta in superiora.

Contra definitionem Hypotheticis enuntiationis est argumentum, Hæc enuntiatio, Homo qui est rationale, est animal quod est sensibile, est Cæ-

est Categoricalis; sed constat duabus Categoricalibus: ergo definitio Hypotheticæ enuntiationis competit alijs à definitio. De assumptione nulla est controversia. Probat̃ur propositio. Quia illa enuntiatio est aliens, aut negans ex verbo, non ex coniunctione. Respondent quidam, non esse Hypotheticam, quia in definitione Hypotheticæ intelligitur, eius partes debere media coniunctione copulari; cumque Superioris enuntiationis partes non coniunctione, sed verbo Est coniungatur, dicunt non esse Hypotheticam. Sed non placeat solutio. Multæ enim Hypotheticæ non constāt aliqua coniunctione, vt postea dicemus. Quare aliter respondendum est, illam enuntiationem non esse Hypotheticam, quia in definitione Hypotheticæ enuntiationis subintelligendum est, eam constare duabus Categoricalibus; vt præcipuis suis partibus; et enuntiatio posita in argumento, constat vt præcipuis suis partibus subiecto & prædicato; quæ sunt homo & animal: alia verò adduntur, vt explicationis subiecti, ac prædicati.

Secundum probat, enuntiationem conianctā, & disiunctam non esse Hypotheticas. Nam Hypothesis idem est quod suppositio, sed sola enuntiatio cōditionata progreditur ex suppositione, aut conditione: ergo ea sola est Hypothetica. Respondetur, in nominibus non tam esse considerandum id à quo nomen sumitur, quàm id ad quod significandū imponitur. Hominis enim vocabulū fortè sumptum est ab humo, id est terra, quia homo primus ex terra conditus est; ac nihilominus impositum est etiam ad significandum illos, qui non ex terra gignuntur. Ita etiam hoc nomen Hypothetica sumpta

An conianctā & disiuncta sint Hypothetica.

her.) enuntiatio Hypothetica est coniunctione vna, at disiuncta enuntiatio non est coniuncta, ergo non est enuntiatio Hypothetica. Respondetur, coniunctionē Vel, sensum quidem disiungere; sed verba coniungere. Et hoc sufficit, vt talis enuntiatio coniunctione vna dicatur.

Quintò dubium est, an verum sit, quod dicunt auctores graues; enuntiationem disiunctam, cuius vtraque pars est vera, esse falsam. Quæ sententia est diui Thomæ opusc. 48, tract. 1. de Syllogismo simpliciter cap. 18. & in tractatu de Enuntiatione, quando agit de Hypothetica disiuncta. *An diffi-
cilia vera
vtrunque
partem ve-
ram habe-
re possit.*

Immò docet, vt enuntiatio disiuncta sit vera, non oportere alteram partē esse falsam; sed omnino primam esse debere falsam. Itaq; omnis enuntiatio disiuncta, quæ habet primam partem veram, est falsa. Et confirmatur illorum opinio. Nam inepta videtur hæc enuntiatio, Ego vel sū in hoc loco, vel sum in hac domo Respondetur, absque dubio enuntiationem disiunctam, quæ habet vtrunque partem veram, esse veram. Vt hæc propositio. Vel tu non es Leo, vel tu non es Bos, est vera, & eius vtraque pars est vera. Quod sanè ita probatur. Istæ enuntiationes sunt contradicentes, Vel tu non es Leo, vel tu non es Bos; & ista alia, Et tu es Leo, & tu es Bos; & secunda est falsa, ergo prima est vera. Assumptio & consequutio patent. Sed probatur propositio. Tum quia in nulla materia possunt istæ enuntiationes esse simul falsæ; nec simul veræ; tum etiam quia omnes concedunt, enuntiationem coniunctam & disiunctam ex oppositis enuntiationibus Categoricis constitutas esse contradicentes. Præterea illud quod additur, oportere scilicet, vt prima pars sit falsa, incredibile est. Seque-

retur enim inde, si mihi præponeretur aliqua enuntiatio disiuncta, cuius ignorarem, vtrum pars prior esset falsa, ignorare me etiam, an tota enuntiatio esset vera: quod est maximum incommodum. Nam si ego à longinquo viderem rem aliquam progredi, certò cognoscerem eam esse animal; ignorarem tamen, essetne homo, vel brutum. Tunc igitur si quis ita argumentum, Illud est animal, ergò vel est homo, vel brutum, iam ego scirem, consequentiam esse bonam, & antecedens esse verum; & postea dubitarem, vtrum consequens esset verum, quia dubitarem, vtrum prima pars esset vera, an secunda. Infanti autem hominis est, scire antecedens esse verum, & consequentiam bonam, & dubitare, an consequens sit verum. In Topicis de his iterum disputabimus. Illud autem Opusculum non est Thomæ, vt doctiores Thomistæ concedunt. Ad confirmationem verò respondetur, aliud esse loqui in eorè, & aliud verè. Vulgò enim dici solet, *Amentes & pueros verum dicere*. Quid? Quod si illa inepta est, aut dabitur non ita vanè: quæ apud graues autores passim reperiuntur.

*Stultæ genera Hypo-
pothetica-
rum enun-
tiationum
recensentur*

Sextū argumentū probat, plures esse species enuntiationis Hypotheticæ. Siquidē enuntiatio causalis, vt *Quia homo est rationalis; homo est risibilis*; & enuntiatio quam vocant rationalem, vt *homo est animal, ergo homo est substantia*, sunt enuntiationes Hypotheticæ; & ad nullam trium illarum specierum pertinent. Idem argumentum fieri posset de enuntiatione temporis, vt *Quando ego legebam, tu ambulabas*; & de enuntiatione locis, loci, vt *Vbi ego legebam, tu ambulabas*: insuper de enun-
tiatione

tiatione comparationis, vt Paratior est Deus ad miserendum :quam nos ad scelera castiganda:& denique enuntiatione similitudinis, vt Sicut Aristoteles Platonem correxit, ita diuus Thomas quædam Alberti Magni præceptoris sui dogmata emendauit. Et quidem has enuntiationes esse Hypotheticas, probatur, quia earum affirmatio, aut negatio non pendet ex affirmatione aut negatione verbi, sed ex affirmatione, aut negatione coniunctionis; vel aduerbij. Cæterum non pertinere ad aliquam ex illis tribus formis, ita ostenditur. Nam in primis causalis non est disiuncta vt patet; neque est coniuncta, quia vt coniuncta sit vera, sufficit vtranque partem esse verâ: at vt causalis sit vera, non sat fuerit vtranque partem esse veram, sed præterea desideratur, vt vna sit causa alterius. Neque esse cõditionata, quia conditionata potest esse vera; licet vtraque pars sit falsa. Causalis autem nisi vtranque partem veram habeat, falsa iudicabitur. Deinde rationalis vtranque partem veram habeat est necesse, in quo distinguitur à conditionata; & vnam sequi ex alia, in quo distinguitur à coniuncta: in vtroque autem differt à disiuncta. Præterea enuntiatio temporis (superius allata) exigit non solum vtranque partem esse veram, sed præterea esse simul veram, in quo distinguitur à conditionata, & coniuncta, & etiam disiuncta. Enuntiatio autem loci exigit similitudinem loci. Enuntiatio comparationis exigit excessum quendam, ac interdum æqualitatē. Denique enuntiatio similitudinis exigit similitudinem & profectò enuntiatio cõditionata, coniuncta vel disiuncta nihil tale postulât. Respõdetur primò, plures esse species enuntiationis Hyp. sed illas

tres solum ab auctoribus numerari ; quia sunt frequentissimæ. Respondetur secundò , has sex species deduci ad illas tres, scilicet duas priores ad conditionatam, quatuor posteriores ad coniunctam: tametsi plura ad istas sex, quàm ad tres priores exigantur. Quemadmodum licet plura desiderentur, vt aliquid sit homo, quam vt sit animal, nihilominus homo sub animali continetur: tanquam inferius sub superiori.

De ratio-
nali enun-
tiatione.

Verùm hoc loco inscitiam meam iagenuè fateri oportet. Nunquam enim mihi persuaderi poterit, quam vocant enuntiationem rationalem, esse enuntiationem. Etenim enuntiatio ad secundam mentis operationem pertinet, at illa oratio, quam isti rationalem dicunt, manifestè ad tertiam operationem attinet, quia est oratio ex antecedente, & consequente veluti suis partibus constituta, quas coniunctio inferendi connectit. Enimuerò enuntiatio conditionalis (proprie loquendo) nec ex antecedente & consequente componitur, nec illa (qualiscunque sit) nota inferendi, id est, Ergo, vel Igitur, connectuntur: quæ omnia apertissima sunt in rationali. Iam verò si oratio rationalis esset enuntiatio, eadem ratione dicendum esset, Syllogismum, Inductionem, Enthymema, & exemplum esse enuntiationes. Quare nulla restaret ratio, quare diuus Thomas solam secundam operationem huic libro Perihermenias dirigendam concederet. Præterea omnis enuntiatio tam simplex, quam Hypothesica, potest esse antecedens, aut pars antecedentis alicuius argumentationis: hæc autem oratio, Homo est animal, ergo homo est substantia, non video quomodo possit in antecedente alicuius enuntiationis collocari: ergo non est enun-

est enuntiatio. Propositio inductione constat. Nam modales, & quæ deïnesse dicuntur, proculdubio possunt in argumentationis antecedente poni: insuper & omnes Hypotheticæ conditionatæ, coniunctæ, disiunctæ, temporis, loci, comparisonis; immò & causales ponuntur in antecedente illius argumentationis, quæ Exemplum vocatur. Vt Niniuitis pepercit Deus, quia egerunt poenitentiam; ergo & nobis similiter parcat, si eorum moerorem imitemur. Assumptio verò alia ratione probari non potest, quàm petendo talem argumentationem. Dices. Ecce illam. Bene sequitur, Homo est animal, ergo homo est substantia: ergo bene etiam colligetur, Brutum est animal, ergo brutum est substantia, Sed profectò hoc non est vti illa oratione, quam rationalem vocant, nisi (vt aiunt) iuxta suppositionem materials; seu (vt Latiniùs loquar) pro vocibus ipsis. Hoc tamen pacto etiam integrum syllogismum ego constituam, non dico enuntiationem, sed enuntiationis etiam subiectum, aut prædicatum; hac ratione: Omnis demonstratio est syllogismus generans scientiam, sed hæc oratio, Omne animal est substantia, omnis homo est animal, ergo omnis homo est substantia, est demonstratio: ergo hæc oratio est Syllogismus generans scientiam. Item alia ratione superior instantia, aut obiectio refelletur. Siquidem omnis enuntiatio potest esse integrum antecedens, aut integra pars (id est, integra propositio, vel assumptio) antecedentis argumentationis, quod profectò minime fit in superiori obiectione. Quare sequamur id, quod verum est, orationem rationalem non esse enuntiationem. Quòd si fortè in vllò

ex auctoribus grauioribus (nam sophistæ con-
temnendi sunt, potius quàm interpretandi) in-
ueniamus, rationalem orationem esse enuntia-
tionem, intelligendum est, improprie cum e-
nuntiationis vocabulum vsurpasse; aut sui tem-
poris vulgarem opinionem retulisse, scriptis-
que mandasse. Igitur enuntiationis, eiusque
tum formis, tum etiam affectionibus explicatis,
ad Syllogismorum tractationem procedamus.

BENEDICTVS DBVS.

COMMENTA- RIORVM IN VNIVER- sam Logicam

LIBER QVINTVS:

IN QVO DE ARGVMENTATIONE
& eius formis differitur.

De Materia, & ordine libri. Cap. 1.



ERTIA mentis operatio est dis-
cursus, id est, progressus quidam
rationis, ab vna enuntiatione co-
gnita, ad aliam ex illatione cog-
noscendam: quod certè sit argu-
mentando. Ad hanc itaq; instituendam, agitur
in hoc libro de argumentatione. Quid autem
sit argumentatio & quonam pacto, in bonam &
malam diuidatur, libro 1. capit. 10. explicani-
mus: ubi ostendimus, malam argumentatio-
nem non esse appellandam argumentationem.

Bona

Bona autem argumentatio in quatuor præcipuas formas diuiditur, in Syllogismū (qui & ratiocinatio dicitur) Inductionem, Enthymema, & Exemplum: de quibus hoc loco (quanta fieri poterit diligentia) disputabimus. Nam ea est propria Dialectici disputatio. Est autem Syllogismus argumentatio, in qua quibusdam positis & concessis, aliquid aliud, ob eam causam quia hæc posita sunt, necessariò colligitur. Et quidem syllogismus alius Categoricalis, alius Hypotheticus, quemadmodum & enuntiationes, ex quibus componuntur, aliæ sunt Categoricalæ, aliæ Hypotheticæ. Primum igitur de Categoricali disseremus.

*Argumentationis
partitio*

Argumentum.

IN id quod dictum est, ad Dialecticum pertinere agere de quatuor formis argumentationis, est argumentum. Arist. enim 1. Poster. cap. 1. docet, syllogismum & inductionem esse argumentationes Dialecticas, enthymema verò & exemplum, Oratorias. Quam sententiam 1. Topic. cap. 10. repetit. Nanque syllogismum & inductionem argumentationes esse Dialecticas, ait. Et 2. lib. artis. Orator. cap. 21. docet, Oratorem uti debere enthymematibus & exemplis: inductionem verò inutilem ei esse, præterquam in præcis: Ergo non est Dialectici muneris, de enthymemate & exemplo differere. Respondetur, quoad usum enthymema & exemplum argumenta esse Oratoria, quia his frequentissimè utitur; rarissimè autè syllogismo & inductione; at quoad doctrinam, omnia esse Dialectica, quia Dialectici interest, omnia ista docere; tametsi quia frequentius ratiocinatione

*Quæ sine
Dialectica
argumentatione*

tione & inductione vtitur, ista duo argumentorum genera Dialectica appellentur. Nam quāuis interdum Dialecticus enthymemate vtatur, paratus est illud ad syllogismū reducere: quod nunquam Rhetores faciunt. Nec sententia nostra eo nomine est expiōdenda, quod quidam Oratoriæ artis scriptores, atque magistri enthymematis & exempli naturam doceant; nam id faciunt, quia Rhetoricam ignaris Dialecticæ tradunt, aut certè mittunt falcem in messem alienam.

*Argumentū
ratio est
genus pro-
ximū syl-
logismi.*

Alia dubia potuissemus proponere, quæ consulto dimittimus; quia iam lib. 1. cap. 10. tractata fuere. Hoc autem loco adnotabimus, Arist. 1. Prior. cap. 1. diffiniuisse syllogismum per orationem, nos autem per argumentationem; quia oratio genus est remotum, argumentatio proximum. Itemq; illud obseruabimus, eam particulam, Et, concessis positam, esse in diffinitione syllogismi à B. ethio: quia etsi ratio cinatio optimè inferat conclusionem, quāuis præmissæ non concedantur, tamen quum syllogismus in vsum disputationis accipitur, necesse est, antecedentis sumptiones concedi ab abuersario, vt conclusio possit inferri.

De maioribus partibus syllogismi. Cap. 2.

PERspicuum igitur est, quot partibus constare oporteat syllogismum. Primū enim in antecedente duas enuntiationes decet habere. In definitione quippe syllogismi dicitur, Quibusdam positis, at non intelligitur quibusdam positis, id est, quibusdam vocabulis positis; nam hoc
pactō

parto etiam enthymema procederet ex quibusdam positis; sed quibusdam enunciationibus certa quadam methodo collocatis. Quò fit, ut antecedens syllogismi semper debeat esse compositum ex duabus propositionibus: quæ à nonnullis propositiones, ab alijs præmissæ; sed à Latiniorebus sumptiones dicuntur. Verùm ex his ea, quæ priori loco ponitur, dicitur maior, propositum, aut propositio; quæ verò posteriori; minor, assumptio, vel assumptum. Aliam præterea enunciationem syllogismus desiderat: nam in definitione syllogismi dicitur, aliud quidpiam ab his, quæ, posita sunt necessariò colligi. Hæc autem pars cum vna sit, varijs nominibus appellatur, à nobis dicitur conclusio, ab alijs, præsertim quibus summa est elegantiae cura, connexio, & complexio: nec defuit, qui eam intentionem vocaret.

*Propositio
& assumptio.*

Conclusio

Quæstiones.

CAeterum quæstio est, an conclusio sit pars syllogismi. Non enim debent, qui arbitrentur, non esse eius partem, sed tantum effectum. Quare apud ipsos solæ præmissæ constituunt syllogismum. Et quidem illorum sententia duobus argumentis potest corroborari. Primum. Conclusio debet esse aliud quidpiam, ut dicit Aristoteles in definitione, sed aliud apud Porphyrium ca. de Differentia vertente Boethio discrimen essentialiter denotat: Ergo conclusio essentialiter distinguitur à syllogismo & non est pars eius. Alterum. Aristoteles 2. Priorum cap. 1. asserit, syllogismum posse inferre multas conclusiones, at conclusio infertur ex præmissis,

Sitne conclusio pars syllogismi.

ss,

premissis, id intelligendum esse, aut re, aut ratione. Item alio simili, quod inferemus, id clarum fiet. Subiectum & prædicatum enuntiationis habent se ut forma & materia, & nihilominus in enuntiationibus, quas identitas vocant, ut Homo est homo, idem re vera est subiectum & prædicatum; quamvis diuersis rationibus; ut docet diuus Thomas 1. parte quæst. 13. art. ultimo. Non aliter de syllogismi conclusione dici potest. Quamvis meo iudicio, discrimen sit, quoddam huius generis syllogismorum nullus sit usus in disciplinis, aut colloquijs, at identicis enuntiationibus passim egeamus, & frequentissimè illis utamur. Vnde Paulus ad Romanos cap. 11. tanquam ad grauissimum incommodum quosdam perducit, cum eos vi argumenti cogit negare, enuntiationem quandam identicam. Alioquin (ait) gratia iam non est gratia.

De partibus minoribus Syllogismi.

Cap. 3.

Syllogismus præterea Categoricalis, de quo nunc potissimum disputamus, quanquam tribus solum enuntiationibus constet, & quælibet enuntiatio ex duobus terminis, extremisve componatur, non debet totus ipse ex pluribus terminis, quam tribus confici. Vocamus autem extremum, aut terminum, id, in quod dissolvitur propositio: ut in hac enuntiatione, Homo est animal, termini sunt homo & animal; quia si auferatur ex ipsa verbum Est, quod eius partes connectit, dissolvetur propositio, & solum restabunt homo & animal. Verum termini aliter appellantur in libro Perihermenias,

*Termini,
extremis
definitione.*

&

*Nomina
termino-
rum.*

& in libris Priorum. In illo siquidem, quoniam solum consideratur enuntiatio, dicuntur subiectum & prædicatum: in his verò cum non consideretur enuntiatio ratione sui tantum, sed quatenus est pars syllogismi, aliter appellantur. Dicimus enim, syllogismum constare ex tribus terminis, quorum vnus, maius extremum vocatur, alter minus extremum, tertius mediū. Et cum syllogismus in antecedente duas enuntiationes habeat, quæ ex tribus terminis componuntur, ille terminus qui ponitur in maiori & minori enuntiatione, medium nominatur: quia autem in maiori enuntiatione cum medio, maius extremum: Sicut ille qui in minori sumptione cum medio collocatur, minus extremum dicitur. In tertia demum enuntiatione, quæ est conclusio, maius ac minus extremum ponenda sunt, non tamen medium. Exemplum habes in pag. seq. *

*Quare me-
dium à
conclusio-
ne exula-
re debeat.*

Ratio autem est manifesta: nam (vt dictum est) conclusio in disciplinis debet esse alia à præmissis, & sanè si medium ingrederetur conclusionem, non differret conclusio ab altera præmissarum. Verbi gratia. Si medium ingrederetur conclusionem cum maiori extremo, non differet à maiori enuntiatione, nec distingueretur etiam à minori, si ingrederetur conclusionem cum minori extremo.

Quæstiuncula.

Veruntamen potest fieri argumentum in hanc sententiam. Nam in hoc syllogismo, Omnis

* Antecedens
Consequens

Maior.
Minor.
Conclusio.

Barbara.

Omne animal est substantia.
Omnis homo est animal.
Ergo omnis homo est substantia.

Animal Medium substantia maius extremum.
Animal Medium homo minus extremum.
Homo Minus extremum substantia Maius.

mnis homo est animal, sed Petrus est homo, ergò aliquod animal est homo, medium nempe Homo ingreditur conclusionem cum maiori extremo. Et quidem conclusio à maiori enuntiatione distinguitur. Respondetur, argumentationem illam non esse syllogismum, sed enthememam; nam eius conclusio non inferitur ex enuntiationibus positis, sed ex sola maiori enuntiatione, iuxta leges bonæ conuersionis; libro de superiore stabilitas. Illa autem enuntiatio quæ ponitur loco minoris, non est minor; sed ita se habet ad conclusionem, ac si ibi posita non fuisset.

De Syllogismi diuisione. Cap. 4.

Dividitur autem syllogismus in perfectum & in imperfectum. Syllogismus perfectum dicit Arist. 1. Prior. cap. 1. esse illum, qui nulla re externa indiget, ut intelligatur, eius conclusionē ex propositis in antecedente sūptionib⁹ necessario colligi. Huius generis sunt oēs ratiocinationes, quæ in Barb. alijsq; trib⁹ modis primæ figuræ conficiuntur: ita enim sunt necessaria, & connexionem adeo perspicuam & manifestam habent, ut nec conuersior, alicuius enuntiationis, nec præmissarum transiunctionem, aut transmutationem desiderent. Imperfectus autem syllogismus est, qui externo aliquo præsidio indiget, ut appareat necessarius; id est, oportet aliquam enuntiationem reciprocari, aut commutari

Quis perfectus sit.
Quis imperfectus.
perfectus syllogismus.

B b

præmiss-

*Quid sit
in toto ge-
nere, aut
in nulla
generis par-
te, dicit.*

præmissas; aut denique deduci ad in cōmodū re-
pondentem. Tales sunt omnes syllogismi alia-
rum figurarum, & quinque posteriores primæ fi-
guræ. Probatur autem diuisione ex syllogismi defi-
nitione. Nam syllogismus est oratio, in qua qui-
busdam positis, aliud quidpiam ab his quæ posita
sunt, necessariò colligitur. Ille ergo perfectus
erit syllogismus, cuius collectionis necessitas
perspicua fuerit, & manifesta; si autem secùs se-
res habeat, erit imperfectus. Sed quænam obse-
cro principia sunt atque initia, quibus syllogis-
mus perfectus ab imperfecto poterit separari?
Duo. Vnum appellatur, Dici de omni, aut In toto
genere; alterum, Dici de nullo, aut in nulla ge-
neris parte. Dici de omni est, quando nihil potest
accipi inferiùs subiecto, de quo prædicatum non
efferatur. Voco autem inferiùs subiecto illud, de
quo subiectum potest prædicari cum signo vni-
uerso, vel particulari; siue directè, siue indirectè;
vt Omnis homo est substantia: sed aliquod ani-
mal est homo, ergo aliquod animal est substan-
tia. Inferuit autem hoc principium modo primo
& tertio primæ figuræ. Dici de nullo est, quum
ab omni eò, quod in subiecto comprehenditur,
attributum remouetur; vt Nullus homo est lapis:
sed aliquod animal est homo, ergo aliquod ani-
mal non est lapis. Quod quidem principium per-
tinet ad secundum & quartum modum primæ
figuræ. Quum igitur in illis tantùm quatuor rati-
ocinationibus, quæ in quatuor prioribus modis
primæ figuræ inueniuntur, ista principia obser-
uentur, ipsæ quidem perfectæ erunt, reliquæ im-
perfectæ.

Obiect

Obiectiuncula.

Sed ostendo hos etiam quatuor modos esse imperfectos: nam aliquo externo præsidio egent; nempe regulis, Dici de omni & dici de nullo. Respondetur, hæc principia non esse extrema, sed internè contineri in illis quatuor modis. Externum autem vocatur reciprocatio e-auntiationum, aut earum transpositio, aut deductio ad incommodum; quibus iuuatur reliqui modi, ut appareant necessarii.

De tribus figuris.

Cap. 5.

Diximus hucusque, quid esset syllogismus, quibus constaret partibus, & quotuplex esset: dicamus nunc, quot sint figure syllogismorum. Est autem figura, certa quædam mediæ cum extremis collocatio. Ac certè si medium subiiciatur in propositione, & prædicetur in assumptione, consurgit prima figura: si prædicetur in ambabus, sit secunda: denique si in utraque præmissarum subiiciatur, tertia. Quinque autem regulæ in omnibus his figuris sunt obseruandæ. Prima, ne utraque præmissarum sit negans: secunda, ne utraque sit particularis: tertia, ne conclusio sit vniuersa, si alterutra præmissarum particularis fuerit; quâvis possit conclusio esse particularis, utraq; sumptionum vniuersa existente, ut sit in Darapti & Felapton: quinta, ne mediæ ingrediatur conclusionem: quæ regula à nobis iam probata est, & infra etiam demonstrabitur. Diligentissimè autem hæc præcepta retineri debent;

Bb 2.

bent;

bent; ne fortè eorum aliquo neglecto, possit ex vero antecedente fallum consequens nasci.

Observatio.

DVbium est, sintne tres tantùm figuræ, an etiã quatuor: deinde vtrum omnes syllogismi in figuris contineantur. Sed hæc melius expedientur, tribus formis syllogismorum expositis.

De prima figura. Cap. 6.

*Quid sit
modus. Mo-
di conclu-
dentes di-
rectim, aut
indire-
ctim. Le-
ges prima
figura.*

*Vocabu-
lorum ar-
tis expli-
catio.*

QVemadmodum in vna ciuitate multæ sunt domus, atque familiæ, ita in vna forma syllogismorum varij modi contineantur. Dicitur autem modus certa quædam præmissarum, conclusionisquæ compositio. Sed prima figura noxiem habet modos, quorum priores quatuor directè, concludunt, posteriores quinque indirectè. Directa conclusio est, in qua maius extremum de minori prædicatur: indirecta autem, in qua minus dicitur de maiori. Leges verò huius figuræ duæ sunt, vna ne maior, aut propositio sit particularis; altera ne assumptio vnquã sit negans. Quamuis in duobus vltimis modis indirectis, hi canones peruertantur. Arist. quidem satis obscure hos modos importunis characterib⁹ explicat. Sed antiquus Doctor vocabula quædam inuenit, quibus facillimo negotio memoria possent retineri cuiusq; figuræ modi; scilicet Barbara, Celarent, Darij, Ferio, Baraliptó, Celâtes, Dabitis, Fapesmó, Frisefomorum. Et hæc quidem vocabula componuntur ex quatuor vocabulis A, E, I, & O. Designat autem A, enuncia-

ti-

nem sibi respondentem, debere esse aientem & vniuersam; E, vniuersam negantem; I, particularem aientem; O, particularem negantem. Verbi causa. Vocabulum Barbara habet tres dictiones, sicut & reliqua sequentia, dempto Baralip, & Frisomorum, in quibus causa carminis plures dictiones ponuntur: quæ omnes constant vocali. A. Quare in Barbara oportet omnes enuntiationes esse aientes & vniuersas: in secundo autem vocabulo propositio debet esse vniuersa, negans, & assumptio vniuersa, sed aiens: quia prior syllaba constat A, secunda E. Quæ sanè explicandi ratio in his vocabulis perpetuò est retinenda.

Modi directi.

- | | | |
|-----------|---|--------------------------------------|
| Barbara. | { | Omne animal est substantia. |
| | { | Omnis homo est animal. |
| | { | Ergo omnis homo est substantia. |
| Darij. | { | Omnis scientia est habitus. |
| | { | Aliqua Mathematica est scientia. |
| | { | Ergo aliqua Mathematica est habitus. |
| Celarent. | { | Nulla virtus est mala. |
| | { | Omnis temperantia est virtus. |
| | { | Ergo nulla temperantia est mala. |
| Ferio. | { | Nullus Leo ridet. |
| | { | Aliquod animal est Leo. |
| | { | Ergo aliquod animal non ridet. |

Modi indirecti.

- | | | |
|----------|---|----------------------------------|
| Baralip. | { | Omne animal est substantia. |
| | { | Omnis homo est animal. |
| | { | Ergo aliqua substantia est homo. |
| | | B b 3 Celan. |

Celantes.	{	Nullum animal est lapis.
		Omnis Leo est animal.
		Ergo nullus lapis est Leo.
Dabit.	{	Omnis substantia est ens.
		Aliqua Angelus est substantia.
		Ergo aliquid ens est Angelus.
Fapesmo.	{	Omne studiosum est diligendum.
		Nullum vitium est studiosum.
		Ergo aliquod diligendū non est vitium.
Frisesom.	{	Aliquod animal est Leo.
		Nullus lapis est animal.
		Ergo aliquis Leo non est lapis.

Argumenta in superiora.

*Legibus
subalter-
narū hac
doctrina
fulcitur.*

Primū ostendo dari plures modos directē concludentes. Nam hic syllogismus, Omne animal est substantia, omnis homo est animal, ergo aliquis homo est substantia, directam habet conclusionem, & sanē non est in aliquo illorum quatuor modorum. Respondetur, contineri sub Barbara (nam in omni syllogismo in quo inferitur vniuersa directā, potest etiam inferri particularis directā) & sub Celarent, alium quem nihil vetat dici Celaro, & sub Celantes alium, qui dicatur Celantop. Adde P, in fine, quia quum hic modus ad Celarent reducatur, oportebit eius conclusionem per accidens recipiari. P, verò (vt suo loco dicemus) significat reciprocationem enuntiationis per accidens. Propositus itaque syllogismus est in Barbara.

Alterum. Quomodo dictum est, quatuor esse modos perfectos primæ figuræ, cum ex Arist. Prior, cap. 5. constet, eos modos, quos nunc appella-

pellamus Darij & Ferio, reducendos esse ad secundam figuram? Nā si ita se res habet, profectō Darij & Ferio sunt modi imperfectiores collectionibus secundæ figuræ. Respondetur, Darii & Ferio non reduci ad secundam figuram, ut in ea permaneant; sed ut inde reducantur ad Celarent in prima figura. Itaque Darij & Ferio sunt modi perfecti, licet Celarent sit perfectior. Item dico Darij & Ferio non reduci ad secundam figuram, nisi reductione ad incommodum. Quo etiam pacto Barbara reducitur ad secundam & tertiam figuram, cum alioqui sit modus perfectissimus. Reductio enim ad incommodum sæpè fit non ob syllogismi defectum, sed ad aduersarium conuincendum.

Quare Darii & Ferio in secundam figuram traiciantur.

Tertium est contra modum Baralipton, cuius conclusio est particularis, & utraque præmissa vniuersa. Aristoteles i. Prior. docet, conclusionem debere esse similem alicui præmissarum. Respondetur, conclusionem in Baralipton similem esse præmissis, licet non sit eis æqualis; Nam (ut dictum est in Categoriis) similitudo attenditur penes qualitatem, æqualitas verò penes quantitatem. Qualitas autem enuntiationum, ut ex libro superiore constat, in affirmatione & negatione est posita: quantitas in vniuersalitate & particularitate. At conclusio in Baralipton est aiens, sicut & præmissæ.

De Baralipton.

Quartum. Aristot. i. Prior. cap. 5. tantum ponit in prima figura duos modos indirectos, nempe quos Fapesmo & Frisefomorum multo post Aristotelis secula Dialectici nominarunt; ergo non sunt quinque. Respondetur,

An duo tantum modi indirecti reperiuntur.

tres alios modos indirectos cū habeāt easdem
præmissas, quas & directi, facile posse colligi ex
modis directis sola conuersione conclusionis: at
Fapesmo & Frisefomorum, quoniam alias ab
omnibus modis directis primæ figuræ sumptio-
nes habent, peculiari tractatione indiguiffe, Vel
dicamus certè non omnia ab vno Aristotele esse
postulanda, ipsumque solum eos recensuisse mo-
do, qui in omnibus figuris reperiuntur.

De secunda figura. Cap. 7.

*Secunda
figura præ-
ceptiones.*

Secunda figura confurgit, quum medium in
vtraque sumptione prædicatur. In ea autem
duæ leges peculiare sunt, in syllogismis præ-
sertim directis seruandæ. Prima, vt maior sit
vniuersa; secunda, vt nunquam vtraque præmis-
sarum sit aliens. Quò fit, vt in hac forma conclu-
sio semper sit futura negans. Hæ igitur causæ
sunt, quare hi duo syllogismi inutiles sint, Ali-
quod animal est Leo, nullus homo est Leo, igitur
aliquis homo non est animal. Item, Omnis Leo
est substantia, omnis lapis est substantia, ergo
omnis lapis est Leo. Habet autem hæc figura qua-
tuor modos, Cesare, Camestres, Festino, Baroco;
vt patet in hac tabula,

Cesare.	{	Nulla virtus est vitium.
		Omnis iniustitia est vitium.
		Ergo nulla iniustitia est virtus.
Camestres.	{	Omnis homo est animal.
		Nullus lapis est animal.
		Ergo nullus lapis est homo.
Festino.	{	Nullum rationale est color.
		Aliqua Albedo est color.
		Ergo aliqua alb. nō est rationalis.

Omne

Raroco. { Omne animal est sentiens.
 { Aliquis lapis non est sentiens.
 { Ergo aliquis lapis non est animal.

Quæstiones.

Habetne hæc figura modos indirectè concludentes? Respondetur, Aristotelem 1. Prior. cap. 5. apud Perionium, & 7. apud Boethium, duos tantùm referre, quia nobis vocari solent Fapismo, & Frisefomorum; sed his addi posse duos alios, nempe Cefares & Camestre. Quare autem addamus S, primo, & auferamus, a secundo, quum agemus de conuersione explicabimus.

Exempla sunt hæc.

Fapismo. { Omnis homo est animal.
 { Nullus lapis est animal.
 { Ergo aliquis homo non est lapis.
Frisom. { Aliquod animal sentit.
 { Nullus lapis sentit.
 { Ergo aliquod animal non est lapis;
Cefares. { Nullum vitium est bonum.
 { Omnis virtus est bona.
 { Ergo nullum vitium est virtus.
Camestre. { Omnis iustitia est virtus.
 { Nullum vitium est virtus.
 { Ergo nulla iustitia est vitium.

De tertia figura.

Tunc autem tertia collocationis forma seruatur, quum medium in vtraque enuntiatione subiicitur. Oportet autem in huius figuræ modis directis nunquam minorem esse negantem, contra quàm fit in hoc syllogismo, Omnis
*Cautio-
nes in ter-
tia figura
seruanda.*
 Bb 5 homo

homo est animal, nullus homo est Leo, ergo aliquis Leo non est animal. Oportet insuper, conclusionem esse vniuersam. Quod quia hic syllogismus, Omnis homo est animal, sed omnis homo est substantia, ergo omnis substantia est animal, minimè seruat, omninò est reiiciendus. Et quidem in hac figura sex tantùm modi directim concludentes inueniuntur, Darapti, Felapton, Disamis, Datifi, Bocardo, Ferison: sed quinq; indirectim, Daraptis, Disami, Datifis, Fapesmo, & Frisefomorum; quorum exempla hic ponimus. An autem dentur plures modi indirecti in hac & præcedenti figura, cap. 9. diff. 2. & in capitis 10. dubitatione dicemus.

Modi directi.

Darapti.	{	Omnis homo est animal.
		Omnis homo est substantia.
		Ergo aliqua substantia est animal.
Felapto.	{	Nullus lapis ambulat.
		Omnis lapis est insensibilis.
		Ergo aliquod insensibile nò ambulat.
Disamis.	{	Aliqua virtus est bona.
		Omnis virtus est habitus.
		Ergo aliquis habitus est bonus.
Datifi.	{	Omne malum est fugiendum.
		Aliquod malum est vitium.
		Ergo aliquod vitium est fugiendum.
Bocardo.	{	Aliquis lapis non est albus.
		Omnis lapis est durus.
		Ergo aliquod durum non est album.
Ferison.	{	Nulla virtus est vitium.
		Aliqua virtus est bona.
		Ergo aliquod bonum non est vitium.

Modi

Modi indirecti.

Daraptis	{	Omnis homo est animal.
		Omnis homo est substantia.
		Ergo aliquod animal est substantia.
Disami.	{	Aliqua virtus est bona.
		Omnis virtus est habitus.
		Ergo aliquod bonum est habitus.
Datiss.	{	Omne malum est fugiendum.
		Aliquod malum est vitium.
		Ergo aliquod fugiendum est vitium.
Fapesmo	{	Omnis homo est animal.
		Nullus homo est lapis.
		Ergo aliquod animal non est lapis.
Fisefom	{	Aliquis habitus est bonus.
		Nullus habitus est dispositio.
		Ergo aliquod bonū non est dispositio

Quæstiuncula.

QUARE ex modis indirectis primæ figuræ soli Fapesmo & Fisefomorum vagantur per omnes figuras? Respondetur. Quia habent conclusionem particularem negantem, quæ in omni figura potest concludi; cum tamen vniuersa aiens solum possit inferri in prima figura, vniuersa negans in prima & secunda, particularis aiens in prima & tertia.

Circa omnes figuras dubitationes.

NUNC oportet omnibus figuris communes quæstiones tractare. Ac principio quæri *Quæ sit præstantior figura.* tur, quæ ipsarum nobilior sit. Respondetur, *varius.* Primam esse præstantiorem multis de causis. In ipsa

*Qua sit
præstantior
figurarum.*

ipsa etenim omne genus conclusionis potest inferri; scilicet vniuersa & particularis, aiens & negans: at in secunda figura non potest concludi aiens, sicut nec in tertia vniuersa. Porro in eius prioribus modis manifesta sunt, atque perspicua illa duo principia; Dicitur de omni, & Dicitur de nullo. Quod fit, ut ad eam, tanquam ad præstantiorem, aliarum figurarum modi referantur. Denique in prima figura Medium obtinet locum maximè consentaneum suæ naturæ. Subijcitur enim maiori extremo, & minus superat. Quod si velimus comparare secundam figuram tertiæ, præstantior est secunda; quia in tertia non potest conclusio vniuersa colligi. Item quia licet in neutra medium obtineat locum naturæ suæ accommodatum, tamen præstantior est eius situs in secunda, quam in tertia: in illa enim de utroque extremo affertur, in hac verò utrique subijcitur: quamuis tertia hoc nomine antecellat secundæ, quod in ipsa conclusio sit interdum aiens, in secunda nequaquam.

*De quarta
figura.*

Secunda quaestio est, an detur quarta figura. Et videtur dari. Nam hic syllogismus, Omne animal est substantia, sed omnis substantia est ens, ergo omne animal est ens, est bonus; at non est in aliqua figurarum (ut constat) ergo danda est quarta figura. Tamen si adhuc controuersum sit, detur ne quarta figura: hoc argumento potest ipsa defendi. Etenim figura confurgit ex varia medij collocatione; sed quatuor modis potest medium collocari, ergo totidem erunt figurae. Propositio nota est. Probatur assumptio. Nam medium aliquando subijcitur in maiori, & prædicatur in minori, & fit prima figura.

ra; interdum prædicatur in vtraque , & fit secunda; nonnunquam in vtraque subiicitur , ac confurgit tertia : ergo si prædicetur in maiori, & in minori subiiciatur , vt in superiori syllogismo factum est, proculdubio quarta confurget .

Agamus igitur de modis huius figuræ, tractemus de eius legibus, denique ab impugnantium telis eam defendamus. Habet quidem ipsa nouem modos, sed quatuor priores indirectè concludunt, quinque posteriores directè. Hoc enim est illi peculiare, vt præstantiores in ea sint modi indirecti, quàm directi. Possuntq; eisdem nominibus appellari eius modi , quibus & modi primæ figuræ : sed eo pacto, vt secunda vocalis priori loco ponatur. Quò fit, vt secundus modus huius figuræ non sit vocandus Celarent , sed Calerent. Huius præterea figuræ hæ leges tradi solent ; ne scilicet propositio negans sit , aut assumptio particularis ; saltem in modis indirectis. Non enim sequitur , Nullum animal est lapis, sed aliquis lapis est substantia, ergo aliquod animal non est substantia. Colligitur hinc, particularem negantem non posse collocari in antecedente quartæ figuræ, quia vel poneretur loco maioris , quæ non potest esse negans; vel minoris , quæ non potest esse particularis. Quò ferè argumento probare potuissimus, particularem negantem non posse esse præmissam in prima figura. Exempla autem modorum huius figuræ facilè esset describere, sed faciliùs multò cuique erit, ea excogitare.

*Modi
quarta fi-
gura:*

Eius leges

Qui autem hanc formam explodunt, his argumentis vtuntur. Primum, quia Aristoteles eius

*Argumenta
in quar-
tam figu-
ram.*

eius non meminit. O plumbeum pugionem. Responderi enim poterit, argumentum ab auctoritate negans infirmum esse, vt in Topicis explicabitur. Respondetur secundò, Aristot. eas tantum enumerasse figuras, quæ primò & per se inferunt conclusionem directam, secundariò indirectam: quod minimè conuenit quartæ. Alterum. Hæc figura nihil aliud est, quàm exemplum regulæ traditæ ab Aristot. initio Categoriarum, quum alterum de altero dicitur vt de subiecto, &c. ergo non est ponenda: Respondetur primò, hoc argumentum potius confirmare sententiam hanc, quàm destruere. Probat enim huiusmodi syllogismos esse optimos, postquam Aristotelica regula fulciuntur. Respondetur secundò, falsum esse quartam figuram perpetuò illa regula niti. Nam (vt ibi docuimus) illa solum adducitur ab Aristotele, respectu eorum, quæ in recta linea Categoriarum prædicato subiiciuntur, aut saltem secundum essentiam: & tamen in quarta figura possunt fieri syllogismi etiam in materia contingente. Tertium argumentum. Quarta figura potest reduci ad primam, si ordo assumptionum mutetur, ergo non differt à prima. Respondetur, etiam secundam & tertiam posse reduci ad primam. Quartum est, quia nullus syllogismus datur in quarta figura. Nam si daretur, maximè ille, quem initio huius quæstionis posuimus: at ille est in prima figura, ergo non in quarta. Probatur assumptio. Nam illa enuntiatio, Omnis substantia est ens, quæ à nobis putatur minor, re vera est maior, cum in ea sit maior vis syllogismi. Ergo in syllogismo proposito medium subiicitur in maiori, & prædicatur in minori: ac proinde est

*Achilles
quartam
figuram
impugnauit.*

in prima figura. Respondetur omnia quæ in argumento proponuntur esse incerta. Nam veriùs dici posset, illam enuntiationem, Omnis substantia est ens, in prædicto syllogismo esse minorem; siue maiores vires habeat, siue minores. Nam eademmet propositio, quæ est maior in Disamis, est minor in Datifi; & illa quæ est maior in Datifi, est minor in Disamis. Ergo non est curandum, quæ enuntiatio habeat maiorem aut minorem vim, vt maior, vel minor propositio iudicetur. Sed dicendum est, illam esse maiorem, quæ priori loco ponitur; illam minorem, quæ secundo loco; cum hac voce Sed; aut similibus. Idem argumentum, quod factum est de Disamis & Datifi, potest fieri de Cesare & Camestres. Hinc perspicuum fit, in illo syllogismo, de quo est controuersia, maius extremum esse animal, & minus substantiam; quia illud ponitur in propositione cum medio, hæc autem in assumptione. Igitur, qui voluerit, hoc pacto quartam figuram non absque probabilitate defendet. Sed quia parum à prima differt, non oportebit deinceps nisi tres syllogismorum figuras nominare. Sufficit enim hoc loco sensisse cum paucis, iam loquamur vt plures.

*Nota de
maiore,
& minore
enuntia-
tione.*

Tertiò quæritur, an omnes syllogismi Categorici non modificati reponendi sint in aliqua harum figurarum. Sanè pars negans ita probatur. Hic syllogismus optimus est, Petrus est homo, sed Petrus est animal, ergo aliquod animal est homo, atqui non est in aliqua figurarum, cum nullam enuntiationem habeat in antecedente vniuersam; contra leges omnium figurarum: Ergo alia figura est excogitanda. Præ-
terea

*An dētur
plures
modi præ-
ter supe-
riores.*

terea hic syllogismus, Tantum animal est homo
 sed nullus lapis est animal, ergo nullus lapis est
 homo, est bonus, quia in nulla re potest dari
 antecedens verum, & consequens falsum, simi-
 li forma retenta; & tamen non est in aliqua fi-
 gurarum: ergo idem quod in priori argumento
 efficitur. Dices. Est in prima figura. Sed ita di-
 sputo. Concludit directè, & habet minorem
 negantem, ergo non est in prima. Eadem qua-
 stio est de illo syllogismo, quem Aristoteles
 proponit 1. Posteriorum capite 10. Stellæ non
 scintillantes sunt prope nos, sed Planetæ non
 scintillant, ergo sunt prope nos. Quoniam si
 esset in aliqua figura, maximè in prima, in qua
 non est, cum habeat minorem negantem, &
 directè concludat. Sed respondemus, propter
 huius generis ratiocinationes non esse quæren-
 dam aliam figuram, licet dandi sint plures mo-
 di, præter eos, quos recensuimus. Sciendum est
 enim, ex syllogismis Categoricalis quosdam esse
 modificatos, alios simplices. Modificati pertinet
 ad has figuras, ratione dicti ut hic syllogismus,
 Necesse est omne animal esse substantiam, sed
 necesse est omnem hominem esse animal, ergo
 necesse est omnem hominem esse substantiam,
 ratione dicti collocatur in modo Barbara. Præ-
 terea simplices syllogismi alij constant planis,
 simplicibusq; vocabulis, quæ peculiari tracta-
 tione & probatione non indigent; ut syllogis-
 mi de quibus huculque egimus: alij verò constāt
 vocabulis: quæ peculiare inuoluunt difficulta-
 tes, scilicet dictionibus excludentibus, ut tan-
 tū, solum, & præter, &c. Dicuntur autem hu-
 iusmodi dictiones, proprias difficultates inuol-
 uere, quia peculiare genus probationis exigūt.

Nam

*Syllogis-
 mi modi-
 ficatis e-
 runt: a-
 tionibus
 constates.*

Nam hæc propositio, Omnis homo est animal, facile probatur: sed hæc alia, Solus homo est risibilis, debet probari hac ratione, homo est risibilis, & nihil aliud potest ridere, ergo solus homo est risibilis. Item huius generis sunt etiam syllogismi constantes dictionibus, quæ significant prædicatum conuenire subiecto adæquatè, ut primò & per se, quatenus & quà, &c. ut hæc ratiocinatio, Homo quà homo est rationalis; sed nullus lapis est homo, ergo nullus lapis est rationalis. Syllogismi qui constant his dictionibus, pertinent ad vnā figurarum, iuxta variā mediij collocationem: non tamen necessarìò pertinent ad aliquem modum ex numeratis. Verbi gratia. Syllogismus proximè adductus est in prima figura, & tametsi directè concludat, non est in Barbara, Celarent, Darij, aut Ferio, cùm habeat minorem negantem. Quinimo nec omnes syllogismi, qui carent istis dictionibus, collocantur in aliquo superiorum modorum; nisi quum seruant communem loquendi formā. Quod ideo dixerim, quoniam hic syllogismus, Omnis homo est animal, nullus Leo est homo, ergo omnis Leo aliquod animal non est, caret omni vocabulo, quod peculiare genus probationis exigit, & quia in consequente non seruat vsitatum loquendi morem, quamuis sit in prima figura, & directim colligat, non est in vllò quatuor modorum; quippè cùm minorem negantem habeat. Denique assero, neq; omnes syllogismos, qui dictionibus peculiarem habentibus difficultatem vacant, & vsitatam loquendi formam retinent, pertinere ad aliquem prædictorum modorum; nisi medium fuerit vniuersum. Nam si fuerit singulare, dabi-

*Syllogismi
constantes
vocab. quæ
proprias
exigunt
probatio-
nes.*

*Syllogismi
à commu-
ni loquen-
tionis
phrasi ali-
eni.*

*Syllogismi
expositio-
rij.*

tur syllogismus in aliqua figura, qui in nullo co-
rum collocabitur. Breuiter itaque dicendum
est, non omnes syllogismos Categoricalos & sim-
plices, quamuis sint boni, ad modos assignatos
pertinere, nisi careant dictionibus peculiarem
probationem desiderantibus, & seruent vti-
tum loquendi morē, nec cōstet medio singulari.

Iam igitur respondeamus ad argumenta. Et
ad primum dico; illum syllogismum esse expo-
sitorium, ac pertinere ad tertiam figuram; non

*In prima
figura mi-
nor potest
esse negās
Cris se-
cunda v-
traq; pra-
missa a-
iens.*

tamen ad aliquem modum superiorem. Quum
autem supra dictum est; saltem alteram præmis-
sarum vniuersam esse debere, non erat sermo
de syllogismo expositorio, id est, qui medio cō-
stat singulari. Ad secundum respondetur, illum
syllogismum esse in prima figura, & minorem
in prima figura posse esse negantem, etiam in
syllogismo directo, quando in maiori ponitur
dictio excludens, aut significans prædicatum
conuenire subiecto adæquatē; sicut in simili e-
uentu potest esse in secunda figura vtraque præ-
missa aiens: vt fit in hoc syllogismo, Tantū
animal est homo, sed omne rationale est homo,
ergo omne rationale est animal. Nec in huius-
modi forma vnquam poterit dari antece-
dens verum, & consequens falsum. Ad ter-
tium respondetur, eum syllogismum esse in pri-
ma figura, & minorem esse negantem voce tan-
tū: nam ibi accipitur pro aiente, quasi dica-
mus, Stellæ non scintillantes sunt propè nos,
sed Planetæ sunt stellæ non scintillantes, ergo
Planetæ sunt propè nos.

Quartò quæritur, quonam pacto cognoscere
possimus, quot sint modi in quauis figura. Et re-
spondetur, primò considerādas esse leges com-
mu-

munes omnibus figuris, quas capite 5. assigna- ^{Ratio in-}
uimus, & trademus dubio sequenti, scilicet ne ^{uestigandi}
vtraque enuntiatio sit particularis, vel negans, ^{modos cu-}
&c. Præterea retinendas esse leges peculiare, ^{infigu-}
illius figuræ, cuius vtilis modos inuestigamus: ^{ra.}
Verbi causa. Si quærimus modos vtilis primæ
figuræ directè concludentes, reuocanda sunt in
mentem illa præcepta, quæ initio eiusdem figu-
ræ tradidimus, nec maior sit particularis, nec
minor negans. Postremò per diuisionem confi-
derandæ sunt omnes, quæ fieri possunt enuntia-
tionum connexiones: & quot fuerint non re-
pugnantes aut communibus, aut peculiaribus
illius figuræ præceptionibus, tot erunt in ea mo-
di directi. Exemplum. In prima figura vel am-
bæ enuntiationes sunt aientes, vel negantes
ambæ; vel propositio aiens est, & assumptio ne-
gans; vel maior negans, & minor aiens: tum
singulæ huius diuisionis partes ita sunt diuiden-
dæ. Si duæ enuntiationes sunt aientes, vel ambæ
sunt vniuersæ, & fit primus modus vtilis, scili-
cet Barbara; vel ambæ particulares, & fit inuti-
lis quædam compositio, quia ex vtraque specia- ^{Primus}
li in nulla figura quicquam infertur: Vel ma- ^{modus}
ior est vniuersa, & minor particularis, & na- ^{prima fi-}
citur tertius modus vtilis, quæ dicitur Darii, vel ^{gura.}
maior est particularis, & minor vniuersa; est ^{Secundus}
que in collectilis combinatio, quia in prima fi- ^{modus.}
gura ex maiori speciali nihil infertur. Si autem
vtraque sit negans, confluent quatuor conne-
xiones, quia vel vtraque est vniuersa, vel vtraque
specialis: vel maior vniuersa, & minor particu-
laris: vel è contrario. Sed omnis hæc structura
inutilis est, cum ex duabus negationibus, ex com-
muni omnium formarum lege, nihil ex necessitate
efficia-

*Tertius
modus.*

efficiatur. Iam autem si maior sit aiens, sit minor negans, totidem combinationes oriuntur, ut patet: sed cunctæ vanæ sunt, cum ex minori negante nihil possit directè in prima figura colligi. Denique si maior sit negans, & minor aiens, aut vtraque est vniuersa, & fit secundus modus, & quidem egregius, qui vocatur Celarent, aut vtraque est particularis, ac subinde est inutilis modus, ut dictum est: vel maior est vniuersa, & minor specialis, quod accidit in quarto modo utili; scilicet Ferio. Tandem vel maior est particularis, & minor vniuersa; fitq; inutilis modus, quia in hac figura ex maiori particulari nihil colligitur. Simili analogia possunt inuestigari modi aliarum figurarum directi, & etiam indirecti: dummodo intelligamus, pauciores leges in modis indirectis, quàm in directis seruari debere; præsertim in tribus figuris.

*Quartus
modus.*

*Alia præ-
ceptiones
figurarum.*

Quinto dubitari potest, An præter leges, quas cap. 5. in omnibus figuris seruandas tradidimus, aliæ regulæ in omnibus sint obseruandæ. Respondetur, plures esse præceptiones annotandas: sed idè in hunc locum reiectas fuisse; quia aliqua earum vix poterant intelligi, nisi præcognitis figuris. Prima lex est, ne in syllogismo Categorico aliqua Hypothesis, aut conditio collocetur. Quare nullius est momenti hæc ratiocinatio in prima figura, Omne animal si est rationale, est homo, sed omnis Leo est animal, si est rationalis, ergo omnis Leo est homo. Non equidem nego, ad constituendos syllogismos posse Hypotheses, ac (ut aiunt) casus postulari; id enim sapientissimi quique faciunt. Licet (ait Cicero lib. 4. de Finibus) aliquid fingere docendi causa. Sed dico, eas Hypotheses,

*An Hypo-
theses sint
admitten-
da.*

aut conditiones non esse intra syllogismi Categoricali partes collocandas. Altera præceptio est, ne pars maioris extremi ponatur in assumptione. Quare hic syllogismus non caret vitio, Omne secundum proximè sequitur primum, sed omne tertium proximè sequitur secundum, ergo omne tertium proximè sequitur primum. Nam maius extremum per resolutionem propositionis est hoc, Proximè sequens primum; quòd tamen in secunda enuntiatione ex parte collocatur. Tertius canon. Nulla vox debet latius patere in consequente, quàm in antecedente. Quæ causa est, ut hic syllogismus rejiciatur, Omne mortuum est non ens, nullus homo est non ens: ergo nullus homo est mortuus. Vox siquidem Homo in antecedente sumitur pro homine qui est; in consequente verò pro homine qui est, vel fuit; & ita est falsa, quia hanc habet intelligentiam, Nullus homo qui est, vel fuit, est mortuus. Quod autem in illo consequenti accipitur pro homine, qui est, vel fuit, probatur: nam hæc enuntiatio aiens, Homo est mortuus, ita dicitur de homine qui est, sicut de homine qui fuit. Etenim de Christo domino, qui nunc in cælis viuit, verè dicitur eum esse mortuum. Mortuus & sepultus est, dicitur in symbolo. Rursumque de Adam, qui iam non est (nisi ratione animæ) sed fuit, dicimus eum esse mortuum. Ergo in illa enuntiatione negante, Nullus homo est mortuus, Homo sumetur pro eo qui est, vel fuit: alioquin negatio non negabit quicquid affirmatio affirmat. Quòd si hæc vera sunt, profectò nulla vox in conclusionem sumenda est cum nota vniuersitatis; id est, omnis, aut nullus, quæ in antecedente sumpta non fuerit.

*Quare in
prima fi-
gura ex
minori
negante,
nihil dire-
cte colli-
gatur.*

rit. Quare bene se habent, qui negant, ex minore negante quicquam directè colligi posse in prima figura: quoniam si fiat hic syllogismus, Omnis homo est animal, nullus Leo est homo, ergo nullus Leo est animal, certè animal in conclusione sumitur in vniuersum, quia signum illud negans omnes voces sequentes in vniuersum accipi cogit; cum alioqui illa vox animal in propositione particulariter accipiatur: quia signum generale aieus, vt omnis & quilibet, si initio enuntiationis collocetur, non profert vim suam vltra subiectum: quare minimè pertingit ad attributum. Sed de his satis multa lib. superiore cap. 6. & 7. scripsimus. Quartum præceptum. Pars mediij non debet ingredi conclusionem. Itaque reijcienda est hæc ratiocinatio, Omnis homo est res distincta à Leone, sed nullus Leo est res distincta à Leone, ergo nullus Leo est res distincta ab homine; quoniam pars mediij, scilicet res distincta, ingreditur conclusionem. Vltima lex. In syllogismis nulla vox Homonyma collocetur: quia cum Homonymum sit multiplex secundum definitionem, æquiualebit illa vox saltem duobus terminis; & ita constabit syllogismus quatuor terminis. Sed hæc de his; quæ verè Homonyma sūt, intelligantur. Analoga enim offunt ingredi demonstrationem, vt patet in Metaphysica, in qua fiunt demonstrationes de ipso ente; quamuis sit analogum. Lib. 8. cap. 3. meliùs hæc tractabimus.

*De parti-
cularis, &
indefinita
aqualitate.*

Quæritur vltimò, quid agere possimus, quando in aliquo modo designatur enuntiatione particularis. Respondetur, loco eius posse enuntiationem indefinitam sumi. Quò fit, vt hi duo syllogismi sint in Datifi.

Omnis

Aristoteles enim sic ait lib. 1. Prior. cap. 5. in Perionij translatione, & 7. in versione Boethii. Si indefinita propositio pro affirmante particulari sumatur, eundem atque illa efficiet syllogismum in quavis figura. Sed hoc loco stultissimum esset, oblatam occasionem probandæ nostræ opinionis contemnere. Diximus libro superiore cap. 13. hanc enuntiationem, Animal est homo, esse necessariam. Quæ profectò sententia hoc clarissimo testimonio sic comprobatur, ut iam eam negare non debeat quisquam; si modò velit esse Peripateticus. Si enim quotiescunque ego dico, Aliquod animal est homo, possum dicere, Animal est homo, cum illam enuntiationem possim in syllogismo necessario collocare, profectò idem mihi licebit de hac secunda. At syllogismus necessarius ex necessariis enuntiationibus constat, ergo illa enuntiatio, Animal est homo; est necessaria. Præterea sumo illum secundum syllogismum, quem supra ex indefinitis assumptione & conclusionē in Datij composui: & peto, ut reducatur ad Darij, profectò (ut cap. sequenti dicemus) assumptio erit simpliciter convertenda. At in conversione simplici ex convertente ad convertensam, & è contrario, est optima consequutio. Ergo bona erit hæc argumentatio, Homo est animal, ergo animal est homo, sed in bona argumentatione ex necessario, non potest sequi contingens, ergo illa indefinita enuntiatio, Animal est homo, est necessaria. Hæc satis. Itaque (ut ad propositum reuertamur) loco particularis licet ponere indefinitam.

Omnis homo est substantia.
Sed aliquis homo est animal.
Ergo aliquod animal est substantia.


Omnis homo est substantia.
Sed homo est animal.
Ergo homo est substantia.

De ostensiuæ reuocatione imperfectarum rationationum ad perfectas. Cap. 9.

Duplex
syllagis-
morum
conuersio.

Ostendamus iam, quonam pacto modi imperfecti ad perfectos debeant reuocari. Sunt autem duæ reuocationis formæ, vna dicitur ostensiuæ, seu rectæ, aut per reciprocatationem; altera ad incommodum, vel ad impossibile. In hoc autem capite de conuersione, aut reuocatione ostensiuæ agemus; in sequenti verò de ea quæ vrget incommodo. Conuersiuæ ostensiuæ est mutatio syllogismi imperfecti in perfectiorem, media reciprocatatione alicuius, aut omnium enuntiationum, aut transpositione summationum; ita vt maior fiat minor, & minor maior. Quam rem breuissimè explicabit antiquus quidam auctor illis vocabulis, quibus singulos modos omnium figurarum nominauit, scilicet, Barbara, Celarent, Darij, &c. Nam cum priores quatuor modi primæ figuræ incipiant ab his consonantibus B, C, D, & F, reliqui etiam modi, qui ab eisdem incipiunt, debent conuerti ad eos modos primæ figuræ, quibus in primis characteribus assimilantur. Omnes incipientes à B, reducuntur ad Barbara, à C, ad Celarent, à D, ad Darij, ab E, ad Ferio, vt in hac tabula manifestè ostenditur.

Priores
cuiusque
modi litera
quid
ostendant



Præterea modi, qui post quatuor priores sequuntur, quatuor potissimum consonantibus in medio constant (licet alias admittant, quæ parum ad conversionem faciunt, sed tantum causa carminis adiectæ sunt, ut l, n, r, t.) scilicet S, M, P, C, quæ peculiarem significationem habent. Quia S, significas enuntiatione præcedentem debere converteri simpliciter; P, per accidens, M, transponendas esse præmissas, denique C, positum in medio vocabuli, indicat, talem modum non posse converteri conversione ostensiva ad primam figuram, sed tantum conversione ad incommo- dum. Exempla sunt manifestæ: quare nos duo tantum adducemus, ne diutius in re perspicua lectorem detineamus.

*De vi quadam
runda con-
sonantiæ.*

- Fapesmo.** { Omnis homo est animal.
 Nullus lapis est homo.
 Ergo aliquod animal non est lapis.
- Ferio.** { Nullus homo est lapis.
 Aliquod animal est homo.
 Ergo aliquod animal non est lapis.
- Major fit minor, & conuertitur per accidens.
 Minor verò simpliciter.
- Disamis.** { Aliquis homo est animal.
 Omnis homo est substantia.
 Ergo aliqua substantia est animal.
- Darii.** { Omnis homo est substantia.
 Aliquod animal est homo.
 Ergo aliquod animal est substantia.
- Major fit minor, & conuertitur simpliciter sicut conclusio.

*Difficultates ex superioribus orta.**De con-
uersione**Baralipso.*

QVaratione in modo Baralipton conclusio particularis aiens in vniuersam aientem conuertitur, vt illud P, indicat, cum sepius ex simili conuersione antecedens verum, & consequens falsum possit dari: verbi gratia, Aliquis homo est animal, ergo omne omne animal est homo. Respondetur. Quum in Baralipton particularis aiens in vniuersam conuertitur, id non fieri ex vi legum conuersionis, sed ex vi enuntiationum in antecedente præcedentium. Quia enim præmissæ modi Baralipton sunt eadem penitus atque illæ, quæ in Barbara proponuntur; ideo sicut in Barbara possunt inferre vniuersam aientem directam, ita in Baralipton. Quamobrem potest specialis aiens indirecta in vniuersam directam mutari.

Altera

Altera difficultas. Quænam est causa, ob quam Baroco & Bocardo non possunt reduci ad primam figuram conuersione ostensua? Respondetur; Quia conuersio ostensua aut fit præmissarum transpositione, aut earum conuersione; quod fanè in his modis fieri nequit. Si enim accipiamus modum Baroco, & eius præmissas transponamus, iam maior erit particularis negans; quod vetant leges primæ figuræ. Si autem præmissas in suis locis relinquamus, & earum reciprocatione utamur, erimus in nihil agendo occupati. Si enim reciprocetur propositio, cum sit vniuersa aïens, conuertetur in particularem aïentem, cõstabitque syllogismus ex duabus particularibus, vel repugnante natura. At si assumptio conuertatur, ea per contrapositionem reciprocabitur, cum sit specialis negans: fietque syllogismus ex quatuor extremis, duobus finitis, & totidem infinitis. Eadem ferè est ratio de Bocardo, cuius si transponamus sumptiones, minor erit particularis negans contra leges primæ figuræ. Si verò aliquam præmissarum velimus conuvertere, eadem incommoda sequentur, quæ de Baroco adduximus. Et quidem consultò asserimus, hos modos non posse conuerti ad primam figuram: nam ad aliam possunt profectò reduci, si omnes præmissæ & conclusiones conuertantur per contrapositionem. Sed tunc Baroco erit in tertia figura, & Bocardo in secunda, vt ostenditur in his exemplis.

*Quare
duobus
modis in-
utilis sit
conuersio
ostensua.*

*Propria
conuersio
ostensua
baroco &
Bocardo.*

Baroco. { Omnis homo est animal.
 { Aliquod ens non est animal.
 { Ergo aliquod ens non est homo.

Bocardo

sunt, & transponendæ. Deinde verò ea quæ antea erat minor, & postea fit maior, simpliciter est conuertenda: atque ita fiet, vt Frisesomorum reducatur ad Ferio; Fapesmo autem ad Celarent, & habebit conclusionem vniuersam; quæ erit conuertens enuntiationis vniuersæ negantis: ex qua per leges oppositionis subalternæ colligetur conclusio, quæ erat in Fapesmo. Quare Fapesmo, quum est in secunda figura, non deberet incipere ab F, sed à C. Reductionem autem hæc tabula indicat.

- | | | |
|----------|---|----------------------------------|
| | { | Omnis homo est animal. |
| Fapesmo. | { | Nonnullus lapis est animal. |
| | | Ergo Aliquis lapis non est homo. |
| | { | Nullum animal est lapis. |
| Celaret. | { | Omnis homo est animal. |
| | | Ergo nullus homo est lapis. |
| | { | Aliquis homo est animal. |
| Friseso. | { | Nullus lapis est animal. |
| | | Ergo aliquis homo non est lapis. |
| | { | Nullum animal est lapis. |
| Ferio. | { | Aliquis homo est animal. |
| | | Ergo aliquis homo nō est lapis. |

Denique Fapesmo & Frisesomorum, quum sunt in tertia, reducuntur ad Ferio, si præmissæ iaijciantur: & prætere a ea-enuntiatio quæ erat maior in Frisesomorum simpliciter conuertatur; quæ autem erat maior in Fapesmo: conuertatur per accidens, vt fit in hac tabula.

- | | | |
|----------|---|-------------------------------------|
| | { | Omnis homo est rationalis. |
| Fapesmo. | { | Nullus homo est Leo. |
| | | Ergo aliquod rationale non est leo. |
| | { | Nullus homo est leo. |
| Ferio. | { | Aliquod rationale est homo. |
| | | Ergo aliquod rationale non est Leo. |

Frise-

- Frisesom. { Aliquis homo est rationalis.
 Nullus homo est Leo.
 Ergo aliquod rationale non est leo.
- Ferio. { Nullus homo est Leo.
 Aliquod rationale est homo.
 Ergo aliquod rationale non est Leo.

Ratio conuersionis directæ. Quarta difficultas. Quid prodest hæc syllogismorum reductio ad probandum, priorem syllogismum necessariò inferre conclusionem? Respondetur. Cùm certū sit in bona argumentatione quicquid sequitur ad consequens, sequi etiam ad antecedens; & enuntiationes syllogismi perfecti, in quem fit conuersio, sint eadem atque illæ, quæ erant in syllogismo imperfecto, aut ex illis necessariò colligantur; sequitur, illud consequens, quod inferitur ex præmissis syllogismi perfecti, inferri etiam ex sumptionibus imperfecti.

De quarta figura reductione. Vltima difficultas. Si quis defendere velit quartam figuram, quomodo eius syllogismos ad primam reducet? Respondetur, hanc conuersionem esse omnium facillimam, si cuiuslibet syllogismi præmissæ traijctantur.

De reductione ad incommodum, seu ad impossibile.

Cap. 10.

Quomodo hæc syllogismorum reuocatio à superiori differat. **Q**ui alicuius imperfectæ ratiocinationis cōplexionem negat, aut ignoratione ducitur, aut proteruia: si ignorans fuerit, sufficiet ei conuersio directæ, de qua superiore capite diximus, si proteruius sit, alio genere conuersionis utendum erit, quod appellari solet ad incommodum. Est autem latum discrimen inter duo hæc reductionis genera, quod primum tantum syllogis-

Iogismus imperfectis conveniat, secundum vero perfectissimis etiam accommodari possit. Prius tamen dicemus, quoniam pacto hoc genere conversionis uti debeamus in syllogismis imperfectis; deinde aliqua subiiciemus, quæ ad syllogismos perfectos attinent. Conversio ad incommodum est, quum sumpto contradictorio conclusionis negata, & aliqua iam ab aduersario concessa propositione, aliam ab eo perinde concessam falsam esse probamus. Verbi gratia, si fiat syllogismus in

*Quod sit
reductio
ad incommo-
dum.*

Datiss. { Omnis homo est substantia.
 { Aliquis homo est animal.
 { Ergo aliquod animal est substantia.

& admissis sumptionibus, conclusionem aliquis neger, ita contra eum est disputandum. Hæc enuntiatio, aliquod animal est substantia, per se est falsa; ergo eius contradicens, Nullum animal est substantia, erit vera. Sed ut antea concessisti, Aliquis homo est animal, ergo aliquis homo non est substantia. Tum ita argumentabor: Hæc conclusio; Aliquis homo non est substantia, est falsa, cum repugnet maiori antea concessæ in Datiss. ergo propter aliquam præmissarum est falsa. Non propter minorem huius posterioris syllogismi, quia est eadem, quam concessisti ante in Datiss. ergo propter maiorem, scilicet Nullum animal est substantia. Quod si hæc est falsa, Nullum animal est substantia, ergo illa conclusio, quam antea negaveras, Aliquod animal est substantia, erat vera. Proindeq; hæc conversio ad incommodum vocatur, quia pertrahit eum cum quo agimus, ut aut

*Methodum
servanda
in suis ge-
neris reuo-
catione.*

ut aut

vt aut neget, quod prius concesserat; aut concedat, quod ante negauerat. Quare nulla potest incommodior iudicari. Vt autem genus hoc conuersionis explicetur, primum dicendum est, ad quem modum perfectum reducatur quilibet imperfectus: deinde verò quoniam pacto illud fieri debeat in omnibus figuris. Illud autem prius tribus vocabulis doctores huius facultatis exponunt; primum Nesciebatis, secundum Odiebam, tertium Letareromanis. Primum inseruit quinque modis indirectis primæ figuræ, & ideo ex quinque syllabis est compositum; alterum modis secundæ; tertium modis tertiæ. Sic autem vocabula sunt disponenda, vt prima syllaba respondeat primo modo illius figuræ, secunda secundo, & ita deinceps: vt fit in hac adiuncta tabula. Porro dictiones illæ ex quatuor vocalibus componuntur, A, E, I, & O. Syllaba quæ constat A, designat modum sibi respondentem reducendum esse ad eum modum primæ figuræ, cuius conclusio est A; id est, vniuersa aiens: scilicet Barbara. Similiter E, denotat modum sibi respondentem conuertendum esse ad eum modum primæ figuræ, cuius conclusio est E; id est, vniuersa negans: nempe ad

Artis vocabula.

Vocabulorum exemplatio.

Nesciebatis.

Dabitis.

Odiebam.

Letareromanis.

Baraliptron.

Celantes.

Celare.

Camelstres.

Festino.

Baroco.

Darapri.

Felapton.

Disamis.

Dasil.

Bocardo.

Ferison.

cluse

clusio est I; id est, particularis aiens: vt Darij: si-
cut etiam O, ad Ferio, vt patet in hac tabula.

Nesciebatis.	{	Baralipon ad Celarent.
		Celantes ad Darij.
		Dabitur ad Celarent.
		Barpesmo ad Barbara.
Odiebam.	{	Frisefomorum ad Darij.
		Cesare ad Ferio.
		Camestres ad Darij.
		Festino ad Celarent.
Ecce tunc romanis.	{	Baroco ad Barbara.
		Darapti ad Celarent.
		Felapton ad Barbara.
		Disamis ad Celarent.
	{	Datifi ad Ferio.
		Bocardo ad Barbara.
		Ferison ad Darij.

Sed qua ratione huius generis reciprocatio *Prima lex*
fieri debeat, quatuor regulis explicabitur. Prima *inreducti-*
in modis directis secundæ figuræ seruanda est ea *one obser-*
dem maior, & enuntiatio contradicens conclu- *uanda.*
sioni negatæ sumenda est pro minori, atque ita
contradictorium minoris iam concessæ collige-
tur; ad hunc modum.

Cesare.	{	Nullus lapis est animal.
		Omnis homo est animal.
		Ergo nullus homo est lapis.
Ferio	{	Nullus lapis est animal.
		Aliquis homo est lapis.
		Ergo aliquis homo non est animal.

Secunda regula. Modi directi tertiæ fi- *Secunda*
guræ probantur ad incommodum ex eadem *lex.*
minore, & contradicente conclusionis sumpta
loco Maioris. Nam absque dubio sequetur con-
tradicens, aut contraria enuntiatio maioris

concessæ? Hoc autem loco perinde est colligere contrarium, atque contradictorium alicuius enuntiationis; nam sicut duæ contradicentes simul veræ esse nequeunt, ita nec duæ contrariæ. Exemplum.

Darapti. { Omnis homo est animal.
 { Omnis homo est substantia.
 Ergo aliqua substantia est animal.
 Celarent. { Nulla substantia est animal.
 { Omnis homo est substantia.
 Ergo nullus homo est animal.

Tertia lex. Tertia regula. Modi indirecti primæ figuræ (dempto Celantes) conuertuntur, sumendo contradictorium conclusionis negatæ pro maiori, & maiorem in minoris locum substituendo: nam sic fiet contradictorium, vel contrarium minoris iam concessæ; aut saltem contradictorium, vel contrarium enuntiationis, in quam cõuertitur minor iam concessa. Exemplum.

Baralip. { Omnis homo est animal.
 { Omne ridens est homo.
 Ergo aliquod animal est ridens.
 Celarent. { Nullum animal est ridens.
 { Omnis homo est animal.
 Ergo nullus homo est ridens.

Quarta lex. Quarta regula. Celantes conuertitur, sumpto contradictorio conclusionis negatæ loco assûptionis; & ex assumptione præcedentis syllogismi efficiendo propositionem: ac demum inferendo contradictorium propositionis concessæ; aut eius potiùs conuertentis. Hac ratione.

Celan-

Celantes. { Nullus homo est lapis.
 { Omne ridens est homo.
 Ergo nullus lapis est ridens.

Darij. { Omne ridens est homo.
 { Aliquis lapis est ridens.
 Ergo aliquis lapis est homo.

Restat ut dicamus, quonam pacto modi directione moti primæ figuræ possint conuerti ad incommo-
 dum. At certè quiuis eorum potest hoc genere prima figuræ
 conuersionis tam ad secundam, quàm ad ter-
 tiam figuram reduci: ut hoc schema indi-
 cat.

Barbara ad { Baroco. Celarent ad { Festino.
 { Bocardo. { Disamis

Darij ad { Camestres. Ferio ad { Celare.
 { Disamis. { Darisi.

Sit igitur prima lex. Si hi modi debent con-
 uerti ad modos, secundæ figuræ, seruanda est ea-
 dem propositio: & contradictorium conclusio-
 nis negatæ sumendum tanquam assumptio: at-
 que ita contradictorium assumptionis iam con-
 cessæ colligetur, ut hic fit.

Barbara. { Omnis homo est animal.
 { Omne rationale est homo.
 Ergo omne rationale est animal.

Baroco. { Omnis homo est animal.
 { Aliquod rationale non est animal.
 Ergo aliquod rationale non est homo.

Altera lex. Si hi modi ad tertiam figuram sunt
 reducendi, sumendum est contradictorium cõ-
 clusionis tanquam propositio, ac eadem assump-
 tio est conseruanda; quibus constitutis, contra-
 dictorium propositionis concessæ efficietur. Ex-
 empl. causa.

- Barbara. { Omne animal est substantia.
 { Omnis homo est animal.
 { Ergo omnis homo est substantia.
- Bocardo. { Aliquis homo non est substantia,
 { Omnis homo est animal;
 { Ergo aliquod animal nō est substantia.

Dubitatio.

Quomodo
 syllogismi
 indirecti
 secunda &
 tertia figu-
 ra in pri-
 mā trans-
 ferantur.

QVæret fortassè quispiam, quonam pacto reducendæ sint ad primam figuram ratiocinationes indirectæ secundæ, tertiæque figuræ hoc genere conuersionis. Respondetur. Primò conuertendas esse ostensiuè ad aliquem modum directum, & tum reduci posse per incommodum sicut ille modus postulabit. Verbi gratia: Daraptis conuertatur ad Darapti, & deinde ad Celarent Tamen (vt antea dixi) præter modos indirectos, quos supra enumerauimus in secunda & tertia figura, dantur duo alij modi indirecti; quorum vnus in secunda figura appellari debet Bocardo (non dico Baroco) alter verò Baroco in tertia: vt hæc exempla demonstrant.

- Bocardo. { Aliquod animal non est homo.
 { Omne rationale est homo.
 { Ergo aliquod animal nō est rationale.
- Baroco. { Omnis homo est animal.
 { Aliquis homo non est iaspis.
 { Ergo aliquod animal non est iaspis.

De Bocardo
 secunda
 & Baroco
 tertia figu-
 ra.

Quare si de his modis loquamur, non possunt prius conuerti ostensiuè, vt constat, quonam ergo pacto conuertentur ad incommodum? Respondetur, Baroco qui est in tertia figura conuerti debere ad Barbara, sumendo contradictori-

um. conclusionis negatæ pro maiore : ipsaque maiore in minorem mutata , contradictorium minoris concessæ colligetur, vt fit in hoc exemplo.

Baroco. { Omnis homo est animal.
 { Aliquis homo non est iaspis.
 Ergo aliquod animal non est iaspis.
 Barbara. { Omne animal est iaspis.
 { Omnis homo est animal.
 Ergo omnis homo est iaspis.

At Bocardo. ex secunda figura conuertitur ad Barbara, sumpto contradictorio conclusionis negatæ pro minori, & minore in maioris locum euecta; & ita contradictorium maioris concessæ inferetur. Exemplum.

Bocardo. { Aliquod animal non est homo;
 { Omne rationale est homo.
 Ergo aliquod animal nō est rationale.
 Barbara. { Omne rationale est homo.
 { Omne animal est rationale.
 Ergo omne animal est homo.

De ratione inuestigandi Medium. Cap. II.

VT toti huic tractationi tanquam fastigium imponamus , dicendum est quæ ratione excogitandum sit Medium ad ratiocinationes in his figuris constituendas . Cumque ea , quam syllogismo inferre debemus conclusio, aut vniuersa aiens sit, aut negans : itemque particularis aiens, aut negans varij canones erunt adhibendi. Primus. Vniuersam aientem concludemus sumpto medio , quod sit consequens ad subiectum conclusionis, & antecedens ad præ-

*De vni-
uersali af-
firmatiua.*

*Mediū an-
tecedense
& conse-
quens.*

*Vocabula
artis.*

*Vocabulo-
rum expli-
catio.*

dicatum. Sed quid appellas antecedens? Quid di-
cis consequens? Antecedens hoc loco id omne
dicimus, quo posito, sequitur aliud. Ex quo etiam
perspicuum est, quid vocemus consequens: vt ho-
mo est antecedens respectu animalis; animal au-
tem respectu hominis consequens; quia bene se-
quitur, Homo est, ergo animal quoque est. Itaque
si probare oportet, omnem hominem esse
substantiam, sumendum est animal, quod
est ad hominum consequens, & compa-
ratione substantiæ antecedens: nam si homo
est, sumo est, animal est; rursumque si animal
substantia quoque erit. Sumpto igitur anima-
li, in hunc modum fiet syllogismus, Omne ani-
mal est substantia, omnis homo est animal, ergo
omnis homo est substantia. Verum ad hanc &
sequentes regulas intelligendas, inuenit humanæ
mentis sollicitudo lex verba, nempe Fecana, Ca-
geti, Gebali, Dafenēs, Hebare, Gedaco. Ea autem
tribus syllabis constant, quarum extrema com-
ponitur vnā istarum quatuor vocalium A, E, I, &
O. Et quidem A, positum in vltima syllaba desig-
nat, tale vocabulum inuentum esse ad colligen-
dam vniuersam aientem, vt Fecana. Similiter E,
positum in vltima syllaba indicat, eam dictionem
inferuire conclusioni vniuersæ neganti; vt Dafe-
nēs, Hebare: I, speciali aienti, vt Cageti, & Ge-
bali. O, tandem particulari neganti, vt Gedaco.
Dux tamen syllabæ priores cuiusque vocabuli
duobus tantum vocalibus constant A, & E. Nam
A, designat prædicatum conclusionis inferendæ
E, subiectum. Cæterum tam A, quam E, tres ha-
bens consonantes comites. Ipsum enim A, comi-
tantur B, C, & D. E, verò habet socias F, G, H. Enim-
vero

uero B, significat medium consequens prædicatum conclusionis; C, antecedens illud; sed D, repugnans eidem: ut lapis est repugnans animali, cum possit in vniuersum de illo negari: dicendo, Nullum animal est lapis. Non aliter F, medium indicat consequens subiectum, G, antecedens illud, H, denique repugnans eidem. Iam facilis est ipsa vocabula intelligere: nam Fecana inseruit primæ regulæ, & designat ad concludendam vniuersam aientem, sumendum esse medium, quod sit F, ad E, id est, consequens subiectum; & C, ad A, id est, antecedens prædicatum. Exemplum positum est iam superius in Barbara. Atque hoc præceptum, quod de vniuersali aiente datur, patet latius: eo enim utipossumus ad concludendam particulam aientem in Darij: dummodo medium, quod potest tribui subiecto vniuersè, tribuatur particulariter. Secunda regula, cui accommodatur vox Cageti. Particularis affirmans cōcluditur inuēto medio, quod vtrunq; extremū antecedit; idq; præsertim in tertia figura: ut si ad probandum aliquod animal esse substantiam, sumatur ut medium homo, fiatque syllogismus in Darapti; Omnis homo est substantia, sed omnis homo est animal, ergo aliquod animal est substantia. Quæ regula in omnibus modis tertiæ figuræ, tam directis, quàm indirectis, in quibus inferitur particularis aiens utemur. Sed dices. Etiam potest inferri particularis affirmans in tertia figura, si medium accipiatur, quod vnum extremum antecedit, & aliud sequatur. Verbi gratia in Datifi, Omne animal est substantia, aliquod animal est homo, ergo aliquis homo est substantia; certè animal

Applicatio vocabulorum.

De speciali affirmatiua conclusionē.

antecedit substantiã, & sequitur hominem. Attamen nos solum dicimus, in quouis modo tertiæ figuræ posse colligi particularem aientem, si regula nostra seruetur: non autem negamus aliquando posse dari syllogismum, in quo ea minime obseruetur; sed ille nunquam poterit esse in Darapti. Tertia regula, quæ in vocabulo Gebali continetur. Ad concludendam particularem aientem indirectim in prima figura, sumendum est medium, quod subiectum conclusionis antecedit, & prædicatum sequatur. Vt ad probandum aliquam substantiam esse hominem, sumendum est animal, vt Omne animal est substantia, omnis homo est animal, ergo aliqua substantia est homo. Quartum præceptum. Qui vniuersam negantem in Celarent, aut Cesare colligere volet,umat medium repugnans attributo, & consequens ad subiectum: vt ad probandum nullum hominem esse lapidem, sumendum est animal. Includitur autem hæc regula in vocabulo Dafen: quia scilicet medium est D, ad A, id est, repugnans prædicato; & E, ad E, id est, subiectum sequens. Quo etiam modo vocabula, quæ alijs regulis inferuiunt, explicanda sunt. Idem autem præceptum ad concludendam particularem negantem in Ferio & Festino debet seruari. Quinta lex. Ad inferendam vniuersam negantem in Celantes & Camestres, sumendum est medium repugnans subiecto conclusionis, & prædicatum sequens; & in Celantes, Nullum animal est lapis, omnis homo est animal, ergo nullus lapis est homo. Hæc quoque præceptio pertinet ad modum Baroco, respondetque ei vocabulum Hebare. Sexta regula. Ad inferendam particularem negantem

*Aliaregula de specia
li aiente.*

*De vniuersa
negato.*

*Iterum de
vniuersali
negante.*

negantem in tertia figura, sumendum est medium, quod & prædicato repugnet, & antecedit subiectum; ut in Felapton, Nullus homo est lapis, omnis homo est animal, ergo aliquid animal non est lapis. Ad cuius regulæ vsum excogitatum est verbum Gedaco. Pertinet autem & ipsa ad Fapesmo, & Frisesomorum in prima figura. Præter hæc vocabula excogitata sunt alia tria s. Febas, Hedas, & Hecas, qui ideo tertia syllaba carent, quia significant infrugiferas quasdam enuntiationum connexiones, quæ nulli conclusioni inferendæ inferuiunt. Febas enim denotat medium utrunq; extremum consequens, quod de utroque extremo in vniuersum prædicari possit. Hoc autem medio si uti liceret, daretur syllogismus in secunda figura ex duabus aientibus. Hedas significat mediū, quod sit H, ad E, id est, repugnans subiecto, & D, ad A, id est, repugnans etiam prædicato. Quò sit, ut nihil ex tali medio possit inferri, nisi concedamus, syllogismum ex duabus negantibus utile esse, Hecas etiam medium inutile repræsentat, quod scilicet repugnat subiecto conclusionis; sed prædicatum antecedit. Dico autem inutile esse huiusmodi medium, quia cum sit repugnans subiecto, in prima & tertia figura minor erit negans, contra leges ipsarum: cumque sit inferius prædicato, subiicietur in maiori enuntiatione, ac proinde non poterit fieri syllogismus in secunda figura.

*Despectio
li negata.
vana
quadam
medij ha-
bitudines.*

Huius capitis obiectiones.

*De modis
indirectis
secunda
tertiæ
figura.*

*De Baro-
co tertie,
& Bocar-
do secun-
da figura.*

Prima. Cùm dictum sit, quod medium quærendum sit ad modos directos primæ figuræ; & ad directos secundæ & tertiæ, quid de indirectis secundæ & tertiæ sentiemus? Respondetur, Cesares contineri sub quinta regula; at Camestre, & Fapesmo & Frisefomorum, quando sunt in secunda, intra quartam præceptionem poni; item Daraptis, Disami, & Datissis sub canone secundo intelligi: denique Fapesmo & Frisefomorum quum tertiæ figuræ subeunt, collocationem, ad sextam regulam pertinere. Sed quæret aliquis. Nonne dictum est supra, dari alium modum indirectum in secunda figura, qui potest appellari Bocardo; & alium in tertia, quem licet Baroco nominare? Quæ igitur regula his accommodabitur? Respondetur. Si seruetur sexta regula, fiet syllogismus in Baroco tertiæ figuræ: si verò quinta, fiet in Bocardo secundæ. Omnia autem, quæ de ratione inueniendi medium hucusque dicta sunt, hac tabula fient perspicua. Nihil enim opus est exemplis hæc facere longiora.

Fecana.	Barbara.
Fecani.	Darij.
	Darapti.
	Difamis.
Cageti.	Dacil.
	*
	Daraptis.
	Difami.
	Dacifis.
Gebali.	Baralipton.
	Dabitis.
	Celarent.
	Cefare.
Dafenes.	Fefino.
	Ferio.
	*
Dafeno.	Camelfre.
	Fapelfmo 2. figuræ.
	Frifefomoriū 2. figuræ.

Qui in fecūda, quarta, quinta, ac fexta regula infra
 aſterifcū & omnes tertix ponuntur, ſunt indirec̃ti.

Hebare	Camelfres.
	Baroco.
	*
Hebaro	Celantes.
	Cefare.
	Baroco 2. figuræ.
Gedaco	Felapton.
	Bocardo.
	Frifefomorum.
	*
	Fapelfmo 1. figuræ.
	Frifefomoriū 1. figuræ.
	Fapelfmo 3. figuræ.
	Frifefom. 3. figuræ.
	Bocardo 3. figuræ.

De quartæ autem figuræ (ſi tamen ponenda eſt)
 modis nihil neceſſe eſt ſcribere , quia eandem ſu-
 beunt rationem,quam modi primæ.

Altera obiectio in id quod dictum eſt, voca-
 bulum Hecas non poſſe in uſum alicuius ſyl-
 logif-

logismi assumi, quia haberet minorem negantem, ac subinde non esset in prima, aut tertia figura; & præterea medium contra leges secundæ figuræ subijceretur. Hæc ratio videtur manifestè refelli in Fapesmo & Frisesomorum primæ figuræ, in quibus minor est negans, & mediū subijcitur in maiori. Sed respōdetur, Hec non posse inferuire Fapesmo & Frisesomorum primæ figuræ, quoniam medium deberet subijci prædicato conclusionis, cū debeat esse e, ad A; & tamen prædicatum conclusionis (cū isti modi sint indirecti) non ponitur in maiori enuntiatione, sed in minore: in qua medium primæ figuræ non subijcitur, sed prædicatur. Pressius tamen urges. Ergo saltē illa mediij collocatione vti licebit in Baroco tertiæ figuræ, in quo medium in minori subijcitur. Sed pressius respondeo, eam mediij rationem nec in Fapesmo, aut Frisesomorum primæ figuræ, nec in Baroco tertiæ posse retineri. Quid ita? Quia Hec medium nobis refert, quod subiecto conclusionis repugnet: medium autem horum modorū non repugnat subiecto cōclusionis. Etenim cū sint indirecti, subiectum conclusionis ponitur in maiori enuntiatione; at maior enuntiatio in his modis, cū sit aiens, non potest ex repugnātibus terminis fieri.

*An sex illa regula
perpetuo
observan-
tur.*

Tertia obiectio. Non semper in vtilibus collectionibus illæ sex regulæ seruantur, ergo non sufficiunt ad omnes ratiocinationes. Respondetur, neque nos arbitrari illas sufficere. Tantū enim docemus, quotiescunque istæ seruabūtur, fieri bonum syllogismum; cum alioquin & ex materia & ex forma bonus esse possit: quamuis non seruet regulas superiores: vt patet in hoc syllogismo in Disamis, Aliquod animal est ho-
mo

mo, omne animal est sentiens, ergo aliquod sentiens est homo.

De Syllogismo expositorio. Cap. 13.

Sequitur ut de syllogismo constante medio singulari, qui Expositorius, ob eam causam dicitur, quod ipso scientiarum principia, & quasi elementa exponantur, dicamus. Potest autem huius generis ratioecinationo non modo in tertia figura colligi, ut quidam arbitrantur, sed in prima etiam, & secunda, tam existente aliqua præmissarum in directa, quam omnibus directis, ut in his exemplis manifestè apparet.

Nominis explicatio

In qua figura fiat expositoriij syllogismi.

In tertia figura.

Petrus est homo.

Petrus est hoc album.

Ergo hoc album est homo.

In secunda.

Petrus est hoc album.

Paulus non est hoc album.

Ergo Paulus non est Petrus.

In prima.

Petrus non est Leo.

Hoc album est Petrus.

Ergo hoc album non est Leo

Et quidem expositoriij syllogismi alij aientes sunt, alij verò negantes. Aientes dicuntur quorum conclusio est aiens: negantes verò quorum est negans. Et quemadmodum superiores syllogismi innitebantur duobus illis principiis dici de omni, & dici de nullo, ita expositoriij aientes hac regula stabiliuntur, quæ sunt eadem vni tertio, sunt eadem inter sese, ut quia hoc album est idem cum Petro, & hoc ambulans quoque, ideo hoc album est hoc ambulans: sed negantes hac altera

Huiusmodi syllogismi firmamenta.

altera nituntur sententia, illa quorum vnum est idem cum aliquo tertio, alterum vero nequaquam, sunt inter se diuersa. Vt quia hoc album est idem cum rege,, & hic leo non est idem cum ipso, ideo hoc album, & hic Leo non sunt idem inter se. Nolo in tradendis harum ratiocinationum præceptionibus immorari; eædem enim sunt ferè, quæ & superiorum: ne scilicet medium ingrediatur conclusionem, ne aliqua vox sit Homonyma, cuius significatio non explicetur, &c.

Dubitationes.

*Quare
fiat syllo-
gismus ex
singulari-
bus & nõ
ex specia-
libus pro-
nuntiatis.*

PRima. Quare non potest fieri syllogismus ex duabus enuntiationibus particularibus, & ex duabus singularibus poterit? Respondetur. Quia enuntiationes particulares sunt incertæ: vt quum dico, Aliquod animal est homo, & Aliquod animal est Leo, possum aliud & aliud animal designare, & ita pateret captionibus locus; si ex duabus specialibus sumptionibus syllogismus componeretur: vt sit in isto, Aliquod animal est Leo, sed aliquod animal est homo, ergo aliquis homo est Leo. Cæterum quum ex singularibus progredimur, iam quasi digito id, de quo loquimur, demonstramus. Quare nulla est erroris occasio in expositorio syllogismo.

*Quadam
exposito-
ria ratio-
cination-
es ab
scholis ex-
plodenda.*

Altera dubitatio. Quomodo syllogismus expositorius bona argumentatio est, si docent Theologi, nullius ponderis esse hanc ratiocinationem, Hæc essentia est pater, sed hæc essentia est filius, ergo est pater? Insuper naturalis Philosophus hunc syllogismum non approbat, Hic motus est actio, & hic motus est passio: er-

ergo passio est actio. Respondetur, priorem non esse expositorium, quia medium non accipitur plenè, & omnibus modis singulare, cum in se contineat tria supposita; id est, tres personas. Etenim essentia quamuis omninò sit vna in tribus personis, est tamen reuera, & non (vt fit in rebus creatis) sola ratione eis communis. Ille verò alius est quidem expositorius, sed ideò reprehenditur, quia in eo ex sensu, quem vocant indenticum, proceditur ad sensum formalem: aut alijs verbis, ex vnitatem rei, vnitatem rationis & definitionis colligitur. Eset tamen egregia ratiocinatio, si ita fieret, Hic motus est actio, & hic motus est passio, ergo actio est res quæ est passio. Iam ergo inquires, in syllogismo expositorio potest captio & fallacia inueniri. Fateor. Nam (vt Sapiens docuit) cogitationes mortalium timidæ, & incertæ providentiæ nostræ: & vulgò dicitur, *Fatta la lege, trouata la fraude.* Quare non est adeo perfecta ratiocinationis forma, qua humanum ingenium abuti non possit. Quod ergo nos dicimus, hoc solùm est, intollerabiliore error ex vtraque particulari, quàm ex vtraque singulari posse colligi. Nam cum enuntiatio singularis in modo & figura rectè disponitur, solùm potest in rebus creatis (vt diuinas Theologis relinquamus) error in sensu formali colligi; at quum vtraque est particularis, non modò in sensu formali, sed in rebus ipsis error contingit. Antea enim ex duabus particularibus sumptionibus colligebamus, aliquem hominem esse Leonem: & certè homo atque Leo non ratione tantùm, sed re vera, ac realiter vt duæ res distinguuntur.

*Ad primam
dubitatio-
nem re-
gredimur.*

*De causa
effectrice
exposito-
ria ratio-
cinationis*

Postrema dubitatio. Cùm syllogismus sit opus mentis, & intellectus non cognoscat singularia (sensus enim est singularium, intellectus vniuersalium) quomodo datur syllogismus cōstans medio singulari? Responderi potest, syllogismum expositorum non fieri in intellectu, sed in quodam sensu interno, qui etiam appellatur ratio particularis. Et licet ille sensus per se non sufficiat ad constituendum syllogismum, sufficit tamen quatenus est coniunctus intellectui. Quemadmodum calor per se solum potest calefacere, at vt in homine coniūgitur potētiæ nutriendi, carnes humanas & ossa producit. Sed de his copiosius in libris de Animo disputatur.

De syllogismo Hypothetico.

Quid sit, & quod duplex syllogismus Hypotheticus. Cap. 13.

Superest iam tandem Hypotheticæ ratiocinationis disputatio, post absolutam Categoricæ tractationem. Hypotheticus syllogismus est, qui ex Hypothetica enuntiatione constat. Et sicut triplex est genus Hypotheticæ enuntiationis, ita quoque triplex est syllogismus Hypotheticus; nam alius est conditionatus, alius coniunctus, alius, postremo disiunctus. Conditionatus bifariam ex conditionata aiente fieri potest. Primùm quum statuimus enuntiationis antecedens, vt consequens postea inferamus. Exemplum; Si Sol lucet, dies est; atqui Sol lucet, ergo dies est. Secundò quum tollimus consequens, vt negemus etiam antecedens. Exemplum. Si Sol lucet, dies est, atqui dies non est; ergo Sol non lucet. Alij præterea modi excogitari poterunt, sed erunt inuti-

*Duo mo-
di utiles
syllogismi
conditio-
nalis.
Inutiles
combina-
tiones.*

inutiles. Primus est, quando progredimur ex conditionata aiente, & statuimus consequens, ut inferamus antecedens. Vanum profectò argumentum, nimirum, in quo ex vero poterit sequi falsum, ut Si Leo est homo, Leo est animal, atqui Leo est animal, ergo Leo est homo. Secundus est, quando posita conditionata aiente, destruimus antecedens, & postea consequens. Verbi gratia. Si Leo est homo, leo est animal: at leo non est homo, ergo leo non est animal. Tertius est, quando posita conditionata negante, affirmamus alterutram partem, ut reliquam destruamus. Ut si ita argumentemur. Non si hoc est album, est animal, atqui hoc est album, non igitur erit animal: de Cygno enim verum est antecedens, & falsum consequens. Quomodo inquires, antecedens verum est de Cygno? Facile id ostendam. Assumptio enim vera est, quia Cygnus est albus: porro etiam propositio. Quoniam cum sit conditionata negans, hac ratione exponitur, Non continuò atque res aliqua est alba debet esse animal; etenim Papyrus est alba, nec tamē est animal. Ultimus posset tradi mod⁹, quum posita conditionata negante, alterutram eius partem negamus, ut reliquam inficiemur, aut liberè colligamus: quod esset argumentari ex utraque sumptione negante, ut in hoc syllogismo, Non si hæc res est alba, est homo; sed non est alba, ergo non est homo; verum esset antecedens, & falsum consequens de Aethiope. Quod si aliter inferre volumus, Ergo hæc res est homo, verum erit totum antecedens, & falsum consequens, de coruo.

Coniunctus syllogismus non potest ex aiente

Et

con-

De syllo-
gismo cō-
iuncto.

coniuncta fieri. Hæc enim argumentatio, Petrus est homo, & Petrus est animal, ergo Petrus est animal, bona est; sed Enthymema potiusquã syllogismus videtur: potest tamen ex coniuncta negante fieri, si affirmemus vnã partem, & aliam destruamus. Vt Non & Petrus est homo, & Petrus est lapis; sed Petrus est homo, ergo Petrus non est lapis. Si verò aliter argumentemur ex coniuncta negante, scilicet negando vnã partem, vt aliam statuamus, mala erit ratiocinatio, vt patet in hoc exemplo Non & Petrus est lapis, & Petrus est arbor, sed Petrus non est lapis, ergo Petrus est arbor.

De syllo-
gismo dis-
iuncto.

Disiunctus syllogismus potest fieri trib. modis. Primo, ex disiuncta aiente negando vnã partẽ, vt aliã colligamus, vt Hoc animal vel est homo, vel brutum; sed non est homo, ergo est brutum. Vrges. Embryo est animal, & non est homo; & tamen non sequitur, ergo est brutum. Sed leuiter vrges: Nam id nihil ad Dialecticum attinet. Tantũ. n. ipse docet, si verum sit antecedens, verũ etiã esse consequens. Si autem arbreris, Embryonem nec pertinere ad hominem, nec ad brutum: sicut negas consequentiam, ita syllogismi propositionem negare debuisses; quã semel concessa, non licet ampliũ consequentiam inficiari. Secundo, ex disiuncta aiente destruendo vtranque eius partem; vt si quis diceret lapidem esse animal, & nos ita argumentaremur, Quodlibet animal aut est homo, aut est brutum, at lapis non est homo, neque verò est brutum; ergo lapis non est animal. Sed facillimũ est hanc ratiocinationem redigere in Celarent, si tanquam medium sumatur illud disiunctum, homo aut brutum. Tertio, ex disiuncta aien-

Ita aiente, affirmando vnā partem vt aliam, destrnamus. Exemplum. Omne animal, aut homo est, aut brutum esse debet: sed Petrus est homo, ergo Petrus non est brutum. Sed hoc vltimū genus argumenti potest equidem tolerari, quum disiunctio constat ex his, quæ eidem conuenire nequeunt; alioqui non erit vlla ratione approbandum. Vt si dicamus, Vel Petrus est homo, vel Petrus est animal; sed Petrus est homo, ergo Petrus non est animal.

Huius capitis quæstiuicula.

Dubium est, cur ex disiuncta negante, nullus syllogismus fieri possit. Responderetur. Quia disiuncta negans (vt lib. superiore cap. vltimo diximus) æquipollet coniunctæ aienti compositæ ex enuntiationibus Categoricis contradictorijs; sed ex coniuncta aiente (vt in hoc capite habes) non potest syllogismus effici: ergo neque ex negante.

De syllogismi diuisionibus. Cap. 14.

Potuisſent alia multa de syllogismo tractari, sed quoniam non omnia simul dici debent, paucis ad hæc additis, finem faciamus aliquando. Igitur in præſentia colligamus appendicis loco varias syllogismi diuisiones. Sanè rationum alia Categorica sunt, alia Hypothetica. Hypotheticas nunc diximus, in conditionatas, coniunctas, & disiunctas diuidi. Sed Categorica alia simplicibus constant enuntiationibus, alia modificatis. Quæ simplicibus constant, alia medium habent vniuerſum, alia ſingulare; quæ (vt diximus) expositora dici poſſunt. Præterea quæ medium habent vniuerſum, iuxta figurarum ac modorum varietatem diui-

di solent. Porro alijs modis distribuuntur: nam syllogismi alij aientes sunt, alij verò negantes. Item alij dicuntur particulares, quorum conclusio est specialis; alij vniuersi, qui vniuersam conclusionem habent. Denique partim directim concludunt, partim indirectim. De syllogismo igitur hæc dicta sint. Iâ ad alias argumentationis species veniamus: primumq; ad inductionem; quæ Dialectica est argumentatio.

De Inductione. Cap. 15.

Lex inductionis.

Inductio, qua (teste Aristotele 6. Ethic. cap. 3.) utimur ad scientiarum principia ostendenda, ita definitur. A singulis ad vniuersa progressio: ut *Iste ignis est calidus, & ille, & ita de reliquis; ergo omnis ignis est calidus.* Veruntamen ut exacta sit inductio, oportet probè numerari singula: ut si probandum est mihi, omnem hominem esse album, non tantum mille, aut decem millia recensebo; sed omnes ad vnum homines: alioqui nihilo ea inductione efficiâ. Sed quoniâ arduum foret, omnia, quæ sub eo genere continentur, persequi singularia; satis erit, quibusdam recensitis, addere, Et ita de reliquis; aut Et sic de singulis; vel Et eadem est cæterorum ratio.

Inductionis in syllogismi formam mutatio.

Quoniam autem inter omnes argumentationis species longè, multumque præstat ratiocinatio, non erit à nostro instituto alienum, exponere quonam pacto inductio ad syllogismum possit referri. Id verò fiet, si omnia singularia pro medio accipiamus. Quare inductio supraposita hoc pacto ad Barbara reuocabitur: Omne quod est iste ignis, aut iste, aut alius quiuis est calidum; sed omnis ignis est iste ignis, aut iste, aut certe

certe alius: ergo omnis ignis est calidus. Iam igitur dubia proponamus.

Difficultates.

Primum difficile ad intelligendum videtur, quonam pacto inductio differat à syllogismo; cum perinde ac ille sit oratio, in qua quibusdam positis, aliud necessario colligitur. Sed huic difficultati iam responsum est lib. I. cap. 10. dub. 2. Quare ad alias properemus. Prima. Hæc inductio est bona, Aliquis homo fuit in arca Noe, & aliquis leo; itemque ex singulis animalis speciebus aliquod animal fuit in arca ipsius Noe: ergo animal fuit in arca Noe; & tamen (ut manifestissimum est) nec numerantur, nec numerari possunt omnia singularia, quæ sub animali continentur. Nec quidem dici potest, eandem esse cæterorum rationem; alioqui nullum animal suffocatum fuisset: ergo non oportet omnia singularia inductionibus percenseri. Respondetur, etiam in ista inductione satis numerari singula, quæ sub vniuerso continentur. Nam cum accipiat ibi illa vox, Omne non vniuersè pro omnibus animalibus, sed pro omnibus speciebus animalis; inde fit, ut sufficiat numerari singulas species, ratione saltem vnius, aut plurium indiuiduorum.

Alia difficultas. An inductio suapte natura ita est bona argumentatio, ut non possit in ea ex antecedente vero consequens falsum colligi? Enimvero Aristoteles I. Topic. cap. 10. ait, inductionem esse verisimilem argumentationem, & popularibus colloquiis accommodatam. Sanè hoc

An omnia singularia in inductione numerentur.

An inductio sit bona argumentatio.

argumento nobilis quidam auctor sibi persuasit, inductionem non esse necessariam argumentationem, sed tantum probabilem & mediocrem coniecturam: quo etiam ductus, non esse addendam existimauit istam clausulam, & ita de singulis; aut illam, & eadem est ceterorum ratio, &c. Respondemus tamen, inductionem esse duplicem, aliam accuratam & perfectam, aliam probabilem tantum; & (ut aiunt) Topicam. Si accurata fuerit inductio, nunquam in ea antecedens verum & consequens falsum dari poterit; quia in antecedente vel omnia indi-

*Verum in
ductionis
antecedens
notius sit
consequen-
ti.*

uidua percerentur, vel additur illa particula, & ita de singulis, teste Aristotele 2. Prior, cap. 14. & 15. Sed fortè obijcies, Sequeretur inde, antecedens inductionis esse æquè ignotum, ac consequens. Si enim quisquam probaturus, omnem coruum esse nigrum, ita disputet, Hic coruus est niger, & hic alius, & ceteri etiam, ergo omnis coruus est niger: certè qui negat consequens, negabit & antecedens. Quare id quod dubium est, nulla re certiore, sed æquè obscura, probari videbitur. Attamen hæc nihil nos commouent. Dicimus enim antecedens esse notius, tum quia sensu notum est hunc coruum esse nigrum, & illud similiter; tum etiam quia satis probabile est, si omnes corui, quos in hanc usque diem vidimus, nigri sint, reliquos non ab similis esse coloris. Antecedens ergo est notius consequente, quia est probabilius & clarius. Nec si antecedens inductionis sit probabile, continuò sequitur, inductionem esse argumentum probabile. In omni siquidem syllogismo necessario infertur ex antecedente conclusio, tamen si plerarumque rationationum antecedens sit contingens. Veruntamen

men si inductio fuerit Logica, seu Forensis, non est necessaria argumentatio; nec oportet addi semper illam particulam. Et ita de reliquis. De quo inductionis genere intelligendus est Arist. 1. Top. loco citato.

Ultima difficultas. Videtur posse dari inductionem, quæ progrediatur ex singulis rectè enumeratis, ac nihilominus antecedens sit verum, & consequens falsum apud Aristot. Nam cum arbitretur ipse, Mūdum ab æterno fuisse, ac proinde perpetuò leones fuisse, ac futuros esse, profectò (ipso iudice) hæc inductio erit nullius ponderis, Hic leo non existit in rerum natura necessariò, neque iste aut ille, & ita de singulis: ergo nullus leo necessariò in rerum natura existit. Arist. enim concedet antecedens, & negabit consequens; quia cum apud ipsum necesse sit, aliquem leonem existere, profectò falsum etiam apud ipsum erit, nullum leonem necessariò existere. Respondetur, hanc inductionem esse bonam, & consequens apud Arist. etià esse verum; duplicem tamen posse habere sensum; primus est, nullus est certus, ac determinatus leo, qui necessariò existat. Hic autem verus est: & ex antecedente sequitur. Secundus est, nullus leo etiam vagè & indefinitè sumptus existit necessariò; qui sensus est falsus apud Aristotelem; nec exposito antecedente sequitur. Aristoteles enim in eo fuit errore, ut arbitraretur, necessariò aliquem leonem fuisse: qui uis ille esset.

*An detur
inductio
omnia
præcepta
seruans,
quæ mala
sint.*

*Multa nos
docet fides,
quæ summi
Philosophi igno-
rarent.*

De Enthymemate. Cap. 16.

INSTAT iam disputatio argumentationū, quarum
Ec 4 rum

rum vsus Rhetori est accommodatus; Enthymematis inquam, si Exempli. Prius autem de Enthymemate, quod syllogismus quidam imperfectus videtur agemus: deinceps de Exemplo, quod quia frequenter ex vno singulari aliud colligit, videtur, imperfecta quædam inductio. Syllogismus autem prior est inductione. Explicabimus igitur in hoc capite, quid sit Enthymema, & qua via ad syllogismum possit reduci.

*Quid sit
Enthymema.*

Enthymema est imperfecta ratiocinatio, in qua ex vna sumptione festinatò inferitur conclusio, vt Omnis homo est animal, ergo omnis homo est substantia. Sex autem regulis explicabitur reductio Enthymematis ad syllogismum. Triplex enim est Enthymematis genus: primum quod tribus terminis constat; quorum vnus ponitur solum in antecedente, & hic sumendus est pro medio syllogismi; alius semel ponitur in antecedente, & iterum in consequente: alius denique tantum ponitur in consequente, ex quo vnâ cum medio debet constare ea, quæ deest enuntiatio. Alterum Enthymematis genus tantum duobus terminis constat. Tertium denique pluribus quàm tribus. Igitur priores quatuor regulæ ad prius illud Enthymematis genus pertinebunt: quinta ad secundum, & sexta ad tertium. Quare prima regula est. Quum idem terminus est subiectum in antecedente & consequente, deest propositio, aut maior, & ea addita fiet syllogismus in prima, aut tertia figura. Vt Omnis homo est animal; ergo omnis homo est substantia, deest maior, nempe Omne animal est substantia, quæ si ponatur, perfectus erit syllo-

*Disiunctio
Enthymematis.*

*Prima
regula.*

gismus

gismus in Barbara. Secunda regula. Si idem est prædicatum antecedentis, & consequentis, deest assumptio, redigeturque in primam; aut secundam figuram, vt Omnis homo est animal, *Secunda.* ergo omne rationale est animal; adhibeatur assumptio, sed omne rationale est homo. Tertia *Tertia.* regula. Quando idem est subiectum antecedentis, & prædicatum consequentis, desideratur assumptio, qua posita, syllogismus in secunda figura constituetur: vt Nullum animal est lapis, ergo nullus Carbunculus est animal; addenda est assumptio, sed omnis Carbunculus est lapis. Quarta regula. Quando idem est prædicatum *Quarta.* antecedentis, & subiectum consequentis, deest maior in tertia figura, vt Omnis homo est animal, ergo aliquod animal est substantia; addenda est propositio, scilicet, Omnis homo est substantia. Quinta regula. Quando Enthymema *Quinta.* constat solum duobus vocabulis, reducitur ad syllogismum Hypotheticum. Vt hoc Enthymema, Omnis homo est animal, ergo aliquod animal est homo, ita reducitur, Si omnis homo est animal, aliquod animal est homo; sed omnis homo est animal: ergo aliquod animal est homo. Sexta regula. Si Enthymema constet qua- *Sexta.* tuor terminis, non potest reduci ad vnicum syllogismum Categoricum, sed ad duos. Verbi causa. Hoc Enthymema, Omne animal currit; ergo omnis homo mouetur, ita reducitur, Omne animal currit, sed omnis homo est animal, ergo omnis homo currit. Præterea, omne quod currit, mouetur; sed omnis homo currit, ergo omnis homo mouetur. Quod si mauiis, reducito ad Hypotheticam ratiocinationem, vt Si omne animal currit, omnis homo mouetur: sed omne

animal currit, ergo omnis homo mouetur. Nullum siquidem Enthymema dabitur, quod ad syllogismum Hypotheticum reduci nequeat.

Quaestiones.

*Quo signo
bonum
Enthy-
mema di-
gnosca-
tur.*

Quo signo potest intelligi aliquod Enthymema esse bonum? Respondent quidam, tum esse bonum, quum reduci potest ad bonum syllogismum. Nam syllogismus habet se ut perfectum, Enthymema ut imperfectum. Quare illud Enthymema erit bonum, quod ad bonum syllogismum reduci potest. Sed hæc sententia aut intelligitur de syllogismo bono ratione formæ, aut de bono ratione materiæ. Si primum, perspicuè impugnabitur, quia hoc Enthymema, Omnis homo est animal, ergo omnis homo est albus, est pessimum, cum ex opposito consequentis haud sequatur oppositum antecedentis; & tamen reducitur ad perfectum ratione formæ syllogismum: scilicet, Omne animal est album, sed omnis homo est animal, ergo omnis homo est albus. Si verò dicatur secundum, similiter refelletur; nam hoc Enthymema, Omnis homo est lapis, ergo omnis homo est insensibilis, est optimum Enthymema; & tamen non potest reduci ad bonum syllogismum ratione materiæ: Ergo non oportet Enthymema bonum reduci ad bonum ratione materiæ syllogismum. Propositio probatur. Quia est bona argumentatio, cum ex opposito consequentis sequatur oppositum antecedentis; & non est syllogismus, vel inductio; &c. ergo est bonum Enthymema. Assumptio autem est manifesta, quia

quia semper talis syllogismus procedit ex falsis. Quare duo nobis dicenda sunt, primum, bonum Enthymema necessario debere reduci ad bonum ratione formæ syllogismum, quæ Hypotheticus ille fuerit, seu Categoricalus. Alterum est, hoc non sufficere, sed præterea exigere, ut ipsum Enthymema per se sit bona argumentatio: ita scilicet, ut ex opposito consequentis sequatur oppositum antecedentis. Alii dicunt, illud esse bonum Enthymema, quod addita enuntiatione vera reduci potest ad bonum ratione formæ syllogismum. Itaque; quoduis Enthymema etiam ex falsis enuntiationibus constans, quod potest, adhibita una enuntiatione, vera reduci ad syllogismum, ratione formæ bonum; est etiam bonum Enthymema ratione formæ. Sed mihi difficile id persuadebunt hi auctores; nam argumentatio bona ratione formæ, perpetuò est bona; at modò hæc cōsequutio, Est homo, ergo est res alba, per se sumpta est mala; ergo etiam quando nondum erant Aethiopes, erat mala ratione formæ; quamvis tunc potuisset probari, addita hac enuntiatione vera, Omnis homo est albus.

*Propria
sententia.*

*Tertia
sententia.*

Præterea quæritur, quidnam sit quod Aristot. 2. Prior. cap. penult. docet, illud Enthymema quod reducitur ad primam figuram esse bonum, quod ad secundam & tertiam esse malum. Videmur enim cum illo pugnare. Respondetur Aristot. eo in capite tria Enthymemata proposuisse, ex quibus unum reducitur ad bonum syllogismum primæ figuræ, alterum ad syllogismum secundæ figuræ ex duabus aientibus, tertium ad syllogismum tertiæ figuræ ex duabus

*Quadam
Aristot.
verba ex-
ponitur.*

444 *Comment in vniuersam Logicam*

bus particularibus; quod quidem vetant leges syllogismorum. Arist. igitur non de omni Enthymemate, quod ad secundam & tertiam figuram reducitur, loquebatur; sed de ijs quæ ipse proposuerat, eorumque similibus.

An Enthymemata ad modos indirectos reduci possint.

Tertia quæstio. Quare non assignantur regulæ reducendi Enthymemata ad modos indirectos figurarum? Quia cum quoduis Enthymema iuxta quatuor priores regulas possit ad modos directos reuocari, non curarunt auctores regulas tradere, quibus uti possemus, si collibuisse ad indirectos syllogismos ea transferre. Ego quidem iam eas paraueram, sed lectoris patientia abuti nolui; longum enim esset omnia persequi.

De quarta figura.

Quarta quæstio. Quid defendunt quartam figuram, quomodo poterunt Enthymemata ad illam reducere? Respondetur. Id fiet facile, si duæ priores regulæ obseruentur, & in primæ euentu addatur assumptio, in secundæ autem propositio. Sed illud memoriæ retinendum est, conclusionem debere in quatuor prioribus modis colligi indirectim.

De Exemplo. Cap. 17.

Quid sit exemplum.

Exemplum est argumentatio, in qua ex vno singulari aliud infertur, ratione similitudinis, quæ inter ipsa reperitur. Verbi gratia. Antiochus cognomento Nobilis, aut Illustris in maximis cruciatibus obiit, quia populum Dei malè tractauit: ergo & Turca, qui, quoad eius potest, Christianos perdit, mala etiam morte peribit. Quod si interdum ad vniuersum comprobandum exemplis utimur, ut cum ex Phocæsibus

libus ad Thebanos, aut contra argumentamur, id sanè facimus quatenus illa communia, tanquam singularia quædam accipiuntur. Sed curandum est, ut similitudo sit vera causa effectus, qui in antecedente ponitur. Vnde hoc exemplum nullius est ponderis, Salomon vir sapientissimus, fuit tandem idolatra, ergo qui sapientes esse cupiunt in idem scelus prorumpent. Sapientia enim non fuit idolatriæ causa. Hoc tamen exemplum est accommodatum, Herodes Ascalonita amore regni voluit CHRISTVM, quem regem appellari audierat, interficere; ergo hic tyrannus, ne regnum amittat, omne semè Regium delere conabitur.

Facillimum autem est, exemplum reducere ad syllogismum, si accipiatur illa similitudo in vniuersum pro maiori; & ex eadem similitudine, atque subiecto, conclusionis fiat minor. Verbi gratia. Hoc exemplum, Malum fuit Thebanis bellum gerere in Athenienses, quia erant vicini; ergo malum erit Phocensibus Thebanos adori; ita in syllogismum redigetur: Malè cessit Thebanis bellum, quod Atheniensibus intulerunt, eò quòd erant vicini; ergò bellum in vicinos gerere, omnibus est damnosum. Tum sic: Malè cedit omnibus bellum gerere in vicinos; sed Phocenses vicini sunt Thebanorum; ergo malè cedit eis contra Thebanos præliari. Vbi principio exemplum reductum est ad imperfectam quædam inductionem, in qua ex vno singulari (non quatenus singulare est, sed quatenus habet vniuersalem causam coniunctam) collegimus vniuersum: deinde autem reductum est in syllogismum. Hæc itaque est exempli metamorphosis:

Exempli in syllogismum transformatio.

Dubi-

Dubitatio huius capituli.

*De varijs
exemplo-
rum gene-
ribus.*

*Paradi-
gma.
Similitu-
do.*

Apologus

*Paraboli-
cus sermo
non est
mendax.*

Dialectici nullam Exempli speciem tradunt. Queritur ergo, an sint variæ eius formæ? Respondetur. Ita planè. Aristoteles enim 2. artis Rhetoricæ cap. 21. adducit tres: vnâ quum ex rebus præteritis ad ea, quæ in præsentî agi, aut omitti oportet, argumentamur. Quod sanè faciunt concionatores, quum res olim gestas, & in sacro eloquio traditas, ad nostra secula accommodant; aut quum ex sanctorum historijs paradigmata eruunt. Altera quum ex his quæ in orbe sunt, ad ea quæ nos agere debemus exempla deriuamus, Vt si quis probet non esse magistratus sorte eligendos, sed consilio & prudètia; quia nauæ non eligunt sorte nauclerum, sed magno consilio. Vt enim se habet nauclerus ad nauim, ita magistratus ad Rempublicâ, sed ille non eligitur sorte, ergo nec iste. Hanc speciem vocat Aristoteles similitudinem. Tertia est Apologus, quando scilicet aliquid ex nostro capite componimus, vt institutum probemus. Cuius exempla facetissima sunt apud Aristotelem in eodem loco. Ad quam speciem reducuntur parabolæ sacræ scripturæ, vt quum dicitur, hominem quendam descendisse in Hierico, ac in latronum manus incidisse. Nec arbitrandum est eum, qui parabolam profert, mentiri, quia iâ ex forma locutionis indicat, se aliquid, exempli causa, dicere. Exempla autem non quasi ita se habeant proferuntur, sed vt addiscentes intelligant. Porro ad Exemplum reducuntur argumenta à pari: de quibus libro .7. capit. 9. genus.

De aliis formis argumentationis. Cap. 18.

PRæter has species argumentationis, de quibus in hoc libro egimus, aliæ traduntur, quibus non ita sæpe utimur. Prima est Gradatio, quæ ab alijs dicitur Sorites, vel Coaceruatio, à Græcis autem Climax; quando scilicet multa sibi cohærentia gradatim coaceruamus, ut vltimum de primo colligere possimus. Verbi gratia, Omnis homo est animal, animal est viuens, viuens est corpus, corpus est substantia, ergo omnis homo est substantia. Sed re vera hoc genus argumenti nihil est aliud, quàm syllogismus in quarta figura, omnibus suis probationibus corroboratus. Idem enim est ac si diceretur, Omnis homo est animal, sed omne animal est substantia; ergo omnis homo est substantia. Et ne quis minorem possit negare, statim probatur; quoniam animal est viuens, & cum omne viuens sit corpus, sequitur etiam esse substantiam. Alia species est Dilemma, quando positus duobus membris alicuius vniuersi, vtrunque reprobatur. Ut si quis ita probet, non esse ducendam uxorem, quia aut erit pauper, aut diues; si pauper, erit alenda; si diues, volet dominari; Ergo non est ducenda. Sed hoc genus argumenti idem est ac syllogismus disiunctus, vel diuisorius, in quo reprobatis patribus, etiam diuisum reprobamus. Porro illud intelligendum est, faciliè esse nonnunquam Dilemmata in aduersarium retorquere. Ut nihil incommodi est uxorem ducere: nam si diues fuerit, non erit alenda, si pauper, non poterit dominari. Alia species est Enumeratio, in qua propositis multis partibus, ut vnâ

Gradatio.

Dilemma
aut syllogismus
disiunctus,
seu coplatio.

Enumeratio.

statua-

statuamus, reliquas destruimus: vt Hoc aurum tuum est, vel igitur dono datum est, aut inuentum est, aut hæreditario iure relictum; vel certè nõ tuum est, sed furtim sublatum: at qui nec datum, nec inuentum, nec relictum est: ergo furtim sublatum est. Verum hoc genus argumenti re vera est syllogismus distinctus. Plures argumentationis formas Rhetores tradunt, scilicet violationem, subiectionem, & oppositionem, de quibus magna verborum copia disputant. Nobis tamen hæc dixisse sufficiat.

Quasitum.

De deductione.

Deductio, quæ species argumentationis est? Vocatur autem deductio, quæ è diametro pugnat cum inductione; est enim progressio quædam ab vniuersis ad singularia. Vt Omnis homo est albus, ergo hic homo est albus, & istæ quoque, & ita etiam reliqui. Respondetur, esse Enthymema multas habens conclusiones. Dices; Ergo etiam inductio erit Enthymema, multa habens antecedentia? Respondetur, negandam esse consequentiam, nam hoc Enthymema optimum est, Omnis homo est albus, ergo hic albus est; insuper & hoc aliud, Omnis homo est albus, ergo hic etiam homo albus est. Hæc verò quæ sequuntur nullius sunt ponderis; Hic homo est albus, ergo omnis homo est albus; & etiam hic alius, Homo albus est, ergo omnis homo albus est. Quod fit, vt omnes enuntiationes quæ ponuntur in antecedente inductionis, vnum compleant antecedens: at quæ ponuntur in consequente deductionis ita se habent, vt quæuis earum per se possit constituere perfectissimum consequens.

COM.

De inductionis deductionisque comparatione.

COMMENTA- RIORVM IN VNIVER- sam Logicam

LIBER SEXTVS.

IN QVO DEMONSTRATORII
syllogismi vis, ac natura exponitur.

Quid sit Demonstratio. Cap. I.

METHODICAE facultatis, quam *Methe-*
diam vocant, Princeps, magisterque *dius reso-*
Aristoteles animalium naturam, partes, *lutionis.*
affectiones, ortū, vitæ progressum, interitumq;
explicaturus, initio quidem ea, quæ omnibus
generatim animalibus communia erant, tradi-
dit; postea ad priuatam cuiusque disputatio-
nem descendit. Optimus sanè ordo, ac tanto
Philosopho dignus. Cùm enim eorum quæ
Leoni conueniunt non pauca, ab vrsi natura
non abhorreant, sæpius eadem repetenda fo-
rent in diuersorum animalium propria tracta-
tione. At expositis primùm his, quæ per omnes,
aut plerasq; animalium species vagari solent,
deinceps in priuata huius, illiusve speciei di-
sputatione, tantùm quæ illi sunt peculiaria tra-
ctare oportuit. Eandem omnino methodum,
seriemque doctrinæ in Dialectica docenda reti-
nere voluit. In libris enim Priorum (quibus
noster quintus subijcitur) de syllogismo in v-
niuersum differuit, nullam eius speciem vel le-

uiter quidem attingens; in libris autem Posteriorum, Topicorum, & Elenchorum ea, quæ singulis ratiocinationū generibus priuatim competunt, explanauit. Quocirca 1. Priorum capit. 2. ob eam causam ait, se ante de syllogismo, quā de demonstratione disputaturum; quoddā demonstratio pars quædam sit syllogismi. Quamuis enim (vt lib. 2. c. 3. diximus) facilis sit ac prompta illius opinionis defensio, quæ demonstrationem vt totum, syllogismum quasi partem accipit: tamen Aristoteles id quod ab ignaris etiam Metaphysicæ intelligi poterat, sumpsit; nimirum demonstrationem partem esse, syllogismū verò totum. Nos igitur Aristotelem auctorem, ac ducem sequamur; iamque in isto, duobusque sequentibus voluminibus ad tres ratiocinationis species aggrediamur. Triplex namque est syllogismus, Demonstratorius, Dialecticus, & Sophisticus. Demonstratorius (vt summarim dicamus) est, qui necessarijs enuntiationibus constat; vt Omne animal rationis particeps, est risus compos; omnis homo est animal rationis particeps, ergo omnis homo est risus compos. Dialecticus, qui efficitur ex probabilibus, vt Omnis mater diligit filium suum, at hoc mulier est mater, ergo diligit filium suū. Sophisticus autem est, qui cū id minimè præstet, necessariò tamen videtur conclusionem inferre; vt Quod heri emisti, hodie comedisti; carnes crudas heri emisti, ergo carnes crudas hodie comedisti. Sed cū nobilior sit Demonstratorius, ab eo etiam ordiemur, mox de probabili differemus, denique de Sophistico. Dicemus autem quid sit demonstratio, & quotuplex, & quibus principijs

Triasyllogismorum genera.

Libri partitio.

constare debeat; ad extremum verò , quænam illa sint, quæ demonstratione probari possint, edocebimus.

Demonstratio (vt Arist. docet) est syllogismus generans scientiam. Est autem, scire causam propter quam res est, ita ipsius esse causam cognoscere, vt non posse eam aliter se habere intelligamus. Vt qui nouit Solis defectum ex interiecta Luna, inter ipsum & aspectum nostrum, accidere; & præterea cognoscit interposita Luna necessariò sequi defectum, is demum Solis eclipsum scire dicitur. Cumq; demonstratio rei causam contineat, profectò qui demonstrationem & habet, se habere intelligit, iam rei scientiam adeptus iudicabitur. Alia præterea demonstrationis definitio ab eodem Arist. traditur, ex eius materia sumpta, & ex præcedenti definitione collecta. Nam in artium instrumentis primùm considerandus est finis, quo cognito, facilè ex qua materia instrumentum confici debeat, intelligitur: vt qui ferram ad sciendenda ligna destinata considerat, facilè intelliget, eam ex ferro, aut ex aliqua duriori materia constituendam. Cùm ergo demonstratio syllogismus sit, quo nobis scientiam comparamus, necesse est demonstrationem esse syllogismum constantem ex veris & primis causis prioribus & notioribus conclusione. Multa ab auctoribus circa hanc definitionem annotantur, quæ nos consultò in aliud tempus differimus; & crassa tantum Minerua eius partes explicabimus. Demonstrationem veris constare oportet, quia licet ex falsis possit verum inferri; tamen non probatur verum ex falsis. Item primis, id est, enuntiationibus, quæ per

Finitio demonstrationis.

Alia definitio.

Exponitur definitio.

alias demonstrari non possint; alioquin non habebitur scientia, donec ad tales enuntiationes veniatur. Præterea ex causis, quia medium quod in demonstratione assumitur, oportet causam esse conclusionis: nam demonstratio est syllogismus generans scientiam, scientia verò est cognitio ex causæ cognitione promanans. Quocirca etiam necessum est, demonstrationem constare prioribus & notioribus, quia causa ordine, saltem naturæ, est prior & notior suo effectu.

Argumenta in superiora.

*Quot sint
species syl-
logismi.*

DEcreueram sanè in hoc libro, oratione, styloque communi demonstrationis naturam exponere, non quòd indigna sit in quam doctissimus quisque (nedum ego) operam suam ponat, sed ut res difficilis facillè intelligeretur. Ne tamen à me ipso alienus viderer, eandem scribendi formam denique retinere statui. At ne maioribus difficultatibus noui Dialectici obruantur, planiora dubia; & quæ breui negotio expediri possint, elegi. Sit igitur primum circa id quod dictum est, tres esse syllogismorum species, Demonstratorium, Dialecticum, & Litigiosum. Arist. enim 1. Elench. cap. 2. quatuor genera syllogismorum agnoscit, demonstratorium, Dialecticum; & quod ad examinandum alium adhibetur, ac tandem Sophisticum; Non ergo tantum sunt tria. Respondetur, tertium genus syllogismi interdum ad primum, interdum ad secundum referri. Nam (ut ibi Aristot. docet) quum aliquem pertentamus, aut progredimur, ex enuntiationibus quæ ei probabiles videntur

videntur, aut ex eis quas necessarium est eum scire, qui sibi alicuius rei scientiam arrogat. Si ex primo genere, sumptionum constet tentatorius syllogismus, pertinet, aut refertur ad Dialecticum; si verò ex secundo genere, non est re vera à demonstratione alienus, nisi sine accidentatio disputantis. Demonstrator enim id maxime optat, ut doceat; tentator, ut alterius eruditionem exploret.

Secundum argumentum. Dictum est, syllogismum demonstratorium esse eum, qui ex necessarijs enuntiationibus infert conclusionem. Certè hic syllogismus, Omnis oratio explicans quid res sit, est definitio; sed animal rationale est oratio explicans quid res sit, ergo est definitio: constat ex necessarijs, sed non est demonstratio, ergo demonstrationis definitio alijs præter ipsam competit. Propositio ita probatur. Nam illius syllogismi prima enuntiatio componitur ex definitione & definito, ac proinde est necessaria: secunda verò est superioris de inferiori prædicatio; ac subinde necessaria. Quemadmodum enim quia Socrates est quidam homo, ideo necessariò est homo; ita cum animal rationale quædam sit definitio, necessariò erit definitio. Iam probatur assumptio: quia Aristoteles 1. Poster. à. cap. 4. vsque ad 8. multis argumentis docet, quod quid est, aut definitionem non posse demonstratione ostendi. Quod præsertim cap. 6. docet de hoc syllogismo, què modo adduximus. Respondetur primò, Aristoteles in omnibus ferè illis capitibus loqui disputando, & vix quicquam ex propria sententia asserendo: ut ipsemet cap. 8. testatur. Respondetur secundo, Aristotelem solum velle

An omnis syllogismus ex necessarijs.

Enuntiationibus constans, sit demonstratio.

Mos Aristotelis.

docere, quod quid est, aut definitionem non posse de re definita demonstratione potissima probari. Nos verò minimè diximus, omnem syllogismum constantem ex necessarijs esse potissimam, accuratissimamque demonstrationem. Respondetur tertio, illum syllogismum non esse demonstrationem, nec constare necessarijs propositionibus. Quæ solutio expeditissima est. Patet enim, assumptionem illius syllogismi non esse necessariam, sed accidentariam, & contingentem. Nam cum nomina sint voces ex hominum instituto, & non à natura significantes, & profectò illæ duæ voces, animal rationale non significant, aut explicant hominis essentiam necessariò, sed contingenter. Simile autem quod in argumento adducitur, est vehementer dissimile. Nam Socrates essentialiter est quidam homo; atq; ita necessariò est homo. At hæc oratio, Animal rationale, accidentariò est quædam definitio.

Quotuplex sit demonstratio. Cap. 2.

*Demon-
stratio
Quia.*

DVo genere demonstrationum ab auctoribus assignantur, Quia, & Propter quid. Demonstratio Quia est, quæ demonstrat aliquod prædicatum alicui subiecto necessariò conuenire; nõ tamen causam, quare ei tribuitur, explicat; sed ab effectu, vel signo id probat: vt si quis demonstraret, ignem accensum esse, quia fumus egreditur; aut instare pluuiam, quia certæ quædam aues garriunt. Est etiam aliud genus demonstrationis Quia, illud nempe, quod rem per causam remotam ostendit vt quum demonstramus virgulta non respirare, quia non sunt animalia. Non enim causa proxima, quare aliquid respi-

rat,

rat, est, quia est animal; quare nec causa proxima non respirandi erit, non esse animal. Vnde huiusmodi demonstrationes vocantur *Quia*, quoniam solum demonstrant, quia ita sit; aut quod ita sit. Vocabula enim antiqua adhuc retinemus. Demonstratio Propter quid est, quæ demonstrat aliquid alicui necessario conuenire & causam præterea propriam & adæquatam explicat, ob quam ei conueniat: ut si probemus, hominem esse risus compotem, quia est animal rationis particeps. A quibusdam autem demonstratio Propter quid dicitur Analogismus, & demonstratio Quia Epilogismus.

Hinc perspicuum fit, ultimam diffinitionem demonstrationis superius traditam, tantum demonstrationis Propter quid conuenire. De qua etiam demonstratione intelligitur alia definitio, in qua dicitur, demonstrationem esse syllogismum generantem scientiam. Etenim scientia nihil aliud est, quam cognitio certa & euidens demonstratione comparata. Scientiæ autem vocabula utimur nunc non pro habitu, sed pro actu scientiæ. Nam habitus non est cognitio, sed propensio quædam & habilitas mentis: quæ ex una demonstratione inclinatur, ac fit habilis animus ad huiusmodi scientiæ actus. Actus ergo scientiæ est certus, in quo ab opinione, & suspitione, & fide quoque humana distinguitur. Hæc enim omnia incerta sunt. Est etiam euidens, in quo à Fide nostra catholica, & à Christiana etiam Theologia (quæ longè aliter scientiæ nomen est adeptæ) habitibus quidem certissimis, sed minimè euidens separatur. Tandem demonstratione acquiritur, in

*Tres sciē-
tia gra-
dus.*

quo à primorum principiorum cognitione discriminetur. Absque vlla enim ratione in medium adducta sola intellectus agentis lumine assentitur puer huic principio, Omne totum est maius sua parte, dummodo vocabula ipsa intelligat, ex quibus illud principium coalescit. Et quidem si hoc pacto accipiatur scientia, non est demonstratio, quæ non generet scientiam. Nihilominus tres gradus scientiæ assignantur, qui tria demonstrationum genera consequuntur. Primus gradus est, cognitio certa & euidens ab effectu vel signo collecta; hic confurgit ex demonstratione. Quia primi generis: secundus ex causis remotis, quem efficit demonstratio Quia secundi generis. Ad tertium verò gradum scientiæ pertinet cognitio certa & euidens ex proprijs & adæquatis causis; quæ demonstratione Propter quid comparatur. Et Aristoteles quidem quum dixit, demonstrationem esse syllogismum generantem scientiam, potuisset omnem demonstrationem definire. Tamen ita exposuit naturam scientiæ, ut manifestè ostenderit; se noluisse, omnem demonstrationem comprehendere: sed eam tantum quæ postremum scientiæ gradum generat; eam scilicet, quæ Propter quid dicitur. Verum definitio, quæ initio libri à nobis posita est, omni syllogismo demonstratorio conuenit.

*Qua sit
latè patēs.
demon-
strationis
diffinitio.*

Hæc autem demonstrationis diuissio ad ipsam, ut demonstratio est, pertinet; sed quæ sequuntur, quæ syllogismus est quidam, ei accommodantur. Enimvero demonstrationum alia aientes sunt, alia negantes. Nam quæ conclusionem negantem habet, est negans; quæ aientem, est aiens. Porro demonstrationum alia vniuersæ,

uerſæ, aliæ particulares. Particulares vocantur non ſolùm illæ, quarum conclusio eſt particularis, ſed illæ etiam quarum conclusio tametiſi vniuerſa ſit, non conſtat prædicato, quod poſſit cum ſubiecto reciprocari. Vnde ſit, vt quæ probat, omnem hominem eſſe ſentientem, particularis ſit (auctore Ariſtotele) iudicanda. At illa cuius conclusionis attributum omni, ſolique ſubiecto, de quo demonſtratur, conuenit, ac per propriam cauſam ei conuenire oſtenditur, vniuerſa dicetur. Denique diuiditur demonſtratio. in directam, ſeu oſenſiuam, & eam quæ vrget incommodò: illa progreditur ex veris, hæc autem ex his quæ reſpondens concedere debet.

Alia demonſtratione diuiſiones proponuntur.

Quæſtiones.

Quæſtio prima. Dictum eſt omnem demonſtrationem genera eſſe ſcientiam. Dubium igitur eſt, an is quæ habet vnā demonſtrationem, iam habeat ſcientiam. Poſita enim cauſa, effectus continuò ſequitur. Quare ſi homini ignaro Philoſophiæ naturalis, proponatur demonſtratio, ad res Phificas pertinens, & ille percipiat vim demonſtrationis, iam habebit ſcientiam. Percunctor igitur, Habebitne Phificam, an aliam ſcientiam? Phificamne? Ergò vna demonſtratione cognita erit Phificus. An aliam ſcientiam? Quam igitur? Reſpondetur, illum habere iam Phificam: ſed in rebus diſtinguendam eſſe eſſentiam à perfectione. Pomilio enim eſſentiam hominis habet, cùm non perueniat ad iuſtam hominis magnitudinem. Non aliter homo ille iam ſcientiam Phificam ſecundum eius eſſentiam habet: nondū tamē ad Phifologiæ perfectam, abſolutamque cognitionem peruenit.

Num vniuerſa demonſtratione ſcientia habetur.

An singulis demon- Secunda quæstio. Omnis demonstratio gene-
strationibus, singu- rat scientiam. Ergo quot erunt demonstratio-
la scientia generetur. nitæ sint demonstrationes, infinitæ quoque sci-
 entia erunt, quæ appellentur Geometriæ. Rel-
 pondetur negando consequentiam. Nam calefa-
 ctio est motus quidam generans calorem, nec
 proinde sequitur, quot fuerint calefactiones, tot
 esse calores. Nam si aqua posita in ahenò, & me-
 diocriter calefacta ignis remoueatur, & paruo
 tempore interiecto, alius ignis admoueatur, quo
 semoto tertius modico etiam intervallo facto
 supponatur; tres equidẽ calefactiones fuerunt,
 quia ter aqua calefacta est: & nihilominus in a-
 qua nõ sunt producti tres calores, sed prima ca-
 lefactio produxit calorem; reliquæ verò
 sequentes, etsi quod in ipsis erat, poterant calorẽ
 nouum producere, nõ produxerunt tamen, quia
 iam inuenerunt productum; sed tantum auxerunt
 calorem. Non aliter quæuis demonstratio Geo-
 metrica suapte natura potest habitum Geome-
 triæ generare: sed si iam genitum eum inuenit,
 anget illum profectò, non generat. Hæc quidem
 dicta sunt de scientia, vt est habitus demonstra-
 tione acquisitus; id est, facultas, aut vis, seu apti-
 tudo, ad promptẽ, faciliter, & cum oblectatione
 intelligenda ea, ad obiectum, ad quod pertinet
 illa demonstratio, attingent. Nam si sumatur sci-
 entia pro actu, & assensu, aut cognitione certa
 & euidenti ex ratione & discursu comparata,
 dicendum est, quamlibet demonstrationem Ge-
 ometricam scientiam peculiarem generare. Ve-
 rùm qui hoc asserit, non concedit plures Geo-
 metrias, sed plures Geometriæ actus, atque assen-
 sus.

*De principiis demonstrationis, ac primo in com-
muni. Cap. 3.*

Videamus nunc qualia esse debeant demon-
strationis principia: & initio quidem de
principiis demonstrationis in vniuersum disle-
ramus: postea de principiis demonstrationi
Quia, & Propter quid accommodatis. Principia
demonstrationis alia simplicia sunt, alia com-
posita. Appellamus simplicia, quæ non significat
verum, aut falsum; vt homo, animal rationale,
&c. composita dicimus, quæ verum, aut falsum
significant, vt enuntiationes. Simplicia autem
tria sunt, subiectum nimirum, & prædicatum
conclusionis demonstrandæ, & medium quo
demonstratur. Ab alijs appellantur genus sub-
iectum, quæsitum, & medium. Subiectum sem-
per est aliquod vniuersum. Nam (vt dicemus
capite vltimo) demonstrationes non sunt rerum
singularium. Prædicatum conclusionis aut est
propria subiecti affectio, aut aliquid ei necessa-
riò coniunctum. Denique medium demonstratio-
nis debet esse aut effectus, aut causa. Causa, vt si
quis demonstraret, hominem posse respirare,
quia est animal habens pulmonem: effectus, vt si
quis demonstraret, Orientem esse partem dex-
teram cœli, quia inde incipit motus. Non enim
inde incipere motum, est causa, vt illa sit pars
dextera, sedè diuerso. Nomine autem effectus
intelligimus etiam coeffectum, vt si quis de-
monstraret, aquas puteales calidas esse, quia a-
quæ paludum in glaciem sunt conuersæ. Eadem
enim causa quæ vertit in gelu aquas sub dio exi-
stentes, efficit calidas ea, quæ in canernis & pu-
tois concluduntur.

*Duo ge-
nera prin-
cipiorum.*

*Qualia
sint prin-
cipia sim-
plicia.*

*Quid no-
mine effe-
ctus intel-
ligendū sit*

*Qualia
sunt prin-
cipia com-
posita.*

*Duplex
necessarii-
tatis.*

*A om-
ni da A-
nalogia.*

Principia autem composita primum vera esse oportet, quia ex falsis non procedit demonstratio: deinde etiam necessaria, quoniam si enuntiationes ex quib. demonstratio componitur contingentes forent, non posset ex eis cognitio certa & euidens generari. Cæterum illud obseruandum est, duobus modis aliquam enuntiationem veram & necessariam appellari, primum quia ita se res habet perpetuò, nec potest vnquam aliter se habere; vt omnem figuram planam tribus lineis contentam habere tres angulos pares duobus rectis. Secundò quia ferè semper ita se res habet, nec potest aliter se res habere, nisi fortè raro; & summa cum difficultate: vt omne animal rationis particeps cum viginti digitis nasci. Vt igitur demonstratio ex principijs veris & necessarijs constare dicatur, satis fuerit, si primo, aut secundo modo sint necessaria. Demonstrationes Mathematicæ, quales fiunt in Geometria & Arithmetica, constant ex principijs priori modo necessarijs: pleræque autem Physicæ constant ex principijs necessarijs posteriori modo. Quemadmodum enim ex Ethicis constat, alia ratione Deum esse beatum, alia hominem, quippe cum Deus beatus non sit, nisi omnia penitus & possit, & norit; homo verò beatus sit, tamen si minima quædam nesciat: sic etiã ad necessarium Mathematicum exigitur veritas sempiterna, ad Physicum autem sufficit veritas; non sempiterna illa quidem, sed ferè perpetua. Quam ob causã dixit Aristoteles, stulti & indisciplinati hominis esse in omnibus quærere exactum Mathematicum: aut (vt alij vertunt) acribologiam Mathematicam.

Vidi-

Vidimus qualia futura sint principia demonstrationis ratione sui, dicamus iam qualia esse oporteat respectu nostri. Sanè oportet illa ante conclusionem esse cognita. Duo autem sunt genera prænotionum, aliud quo rem esse cognoscimus, aliud quo quid sit intelligimus. Bifariam quoque intelligi potest quidpiam esse, primum quia illud existere novimus, idque vel in sua causa, ut quum brumali tempore dicimus rosas esse, non quòd existant ipsæ, sed quia extant plantæ, ex quibus certè orientur. Certè inquam Physico more. Secundò quia illud verum esse deprehēdimus, de quo prænotionis genere non multò post differemus. Porro totidem modis potest cognosci quid res sit, nempe cognoscendo aut eius definitionem essentialē, & dicitur prænotio quid rei; aut descriptionem, vel nominis tantum expositionem, & hæc vocatur prænotio quid nominis. Quamvis enim apud tyrones descriptio appelletur definitio: tamen in libris Posteriorum sola definitio essentialis definitio rei dicitur.

Igitur ex principiis ea quæ composita sunt, debent prænosci an sint; id est, an sint vera. Priusquam enim ad conclusionem perveniamus, cognoscere oportet præmissas esse veras. Enuntiationem autem, quatenus enuntiatio est, idem est esse, quod veram esse, De subiecto verò conclusionis oportet nosse, illud aut ratione sui, aut suæ causæ esse, in rerum natura. Eorum enim quæ non sunt, scientia esse non potest. Præterea oportet prænosse, quid sit. Quid inquam, vel rei, vel nominis iuxta demonstrationum varietatem. De prædicato autem conclusionis docent autores non oportere prænosci, an sit;

De prænotionibus.

De præmissis quid sit ante demonstrationē cognoscendā. Quid de subiecto. Quid de prædicato.

fit; quia accidentis esse est inesse. Cum ergo nondum perueatum sit ad conclusionem, in qua prædicatum subiecto conuenire, aut inesse probatur, non oportet prius intelligere, illud prædicatum esse. Docent etiam, de passione non oportere prænosci quid sit; saltem quo ad definitionem quid rei. Cum enim in essentiali passionis definitione debeat subiectum collocari, & nondum probatum sit, quodnam sit illius passionis subiectum, non potest cognosci eius definitio rei; diffinitio tamen nominis debet prænosci. Sed hæc vera sunt quando prædicatum quod de subiecto concludimus in demonstratione, est propria eius passio; vt fit in perfectissimis demonstrationibus: aliàs enim hæc falsa comprobantur. Nam si velimus, hominem esse animal, aut cælum esse rotundum, demonstrare, possumus ante demonstrationem cognoscere & quid essentialiter sint animal & rotunditas, & præterea in rerum natura animal ac sphaericam figuram existere.

*De principiis cuiusque demonstrationis
in particulari. Cap. 4.*

*Demon-
strationis
Quia
qualia de
beant esse
principia*

SED age, ab vniuersis, & quæ omnium demonstrationum, principiis communiter accidunt, ad specialia cuiusque demonstrationis principia descendamus. Qualia esse debent principia cuiusque demonstrationis in particulari? Respondetur. Si demonstratio sit Quia primi generis, principia vera esse debent: si autem sit Quia secundi generis, oportet non solum esse vera & necessaria, sed causam præterea remotam conclusionis continere. Denique demonstrationis Propter quid sumptiones, aut præmissas, necessarium est

est nec falsas esse, nec contingentes: quin potius
 tales esse, quales secunda demonstrationis Ari- *De demon-*
 stoteles diffinitio postulat: seu (quod idem est) *strationi,*
 debent esse tales, ut earum prædicatum omni *Propter*
 subiecto per se & primò conueniat. Quare ex- *quid prin-*
 plicandum est, quid sit omni, & per se & primò *cipis.*
 aut vniuerse competere. Et quidem aliter in hoc
 libro dicimur, attributum conuenire omni sub-
 iecto, quàm in superiore. Nam in superiore il-
 lud prædicatum omni subiecto dicitur conue-
 nire, quod omni contento sub subiecto tribui- *Omni con-*
 tur; ut si omnes homines nunc essent alibi, al- *uenire*
 bum competet omni homini, quod attinet ad *quid sit.*
 librum superiorem, & ad libros Priorum Ari-
 stotelis. At in tractatione demonstrationis illud
 solum dicitur omni subiecto conuenire, quod &
 omni contento sub subiecto, & semper conue-
 nit; ut animal homini. Ut verò intelligamus,
 quod prædicatum conueniat subiecto per se, sci- *Conueni-*
 endum est triplex esse enuntiationis per se ge- *re per se.*
 nus; primum in quo prædicatum est definitio,
 aut pars definitionis subiecti; ut Omnis homo
 est animal. Secundum quando subiectum est defi-
 nitio, aut pars definitionis prædicati; ut Homo
 est risibilis; quia in definitione risibilis
 ponitur homo. Tertium quando subiectum *Conuenire*
 est causa prædicati, ut iugulatus interiit; *primo.*
 Quamuis hoc tertium genus ad superiora quo-
 dammodo referatur. Denique illarum enuntia-
 tionum prædicatū dicitur subiecto conuenire pri-
 mò, aut vniuersè, quod cōuenit ei, quā tale est, ut
 in hac enūtiatione, Homo est animal rōnis par-
 ticeps. At verò prædicatū huius, Homo est parti-
 ceps sēs, nō cōuenit subiecto primò, licet omni
 homini

homini semper, ac per se conueniat. Dicimus igitur demonstrationis Propter quid enuntiati-ones constare debere attributo, quod omni subiecto per se, ac primò conueniat; vt omne animal rationis compos est risus particeps; at omnis homo est animal rationis compos, ergo omnis homo est risus particeps. Quibus positis, perspicuum est, principia demonstrationis Propter quid ex illis attributis, ac subiectis constare, quæ inter se vicissim commeant. Quod autem paulò ante dictum est, principia demonstra-tionum debere esse vera, non est de illis intelli-gendum, quæ vrgent incommodo. Denique sci-endum est, inter demonstrationes Propter quid proprias esse maximam latitudinem, quædam enim potissimæ ac perfectissimæ sunt, quarum principia qualia esse debeant, explicatur apud Aristotelem: aliæ verò non ita perfectæ. Quem-admodum enim non omne necessarium ex æquo necessarium est, ita non omne attributum, quod per se conuenire dicitur, æqualem (vt ita dixerim) perfectitatis gradum tenet.

Huius capituli difficultates.

*An prin-
cipia ve-
ra esse o-
porteat.*

PROBATUR principia demonstrationis non de-
bere esse vera, & necessaria. Nam apud Physi-
cum, hoc est principium multarum demonstra-
tionum, ex nihilo nihil fit, at hoc principium
falsum est, ergo principia possunt esse falsa. Pro-
positio nota est. Probatur assumptio. Nam omnia
ex nihilo facta sunt, & creata. Idem argumen-
tum fieri posset de illo principio, accidentis esse
est inesse. Nam quantitas panis est accidens, &
est in

est in eo tanquam in subiecto, & tamen in supremo Eucharistiæ sacramento quantitas panis existit, pane non existente. Respondetur, illa principia esse vera, vt sumuntur in Physica; nam Physicæ non interest miracula considerare. Quæ tantum docet, ex nihilo vi naturæ nihil fieri; & accidens vi, causarumque naturalium potestate non posse sine subiecto permanere: quæ omnia verissima, sunt quia nec naturæ viribus fit, vt accidentia sine subiecto subsistant; nec rerum productio fuit actio, aut operatio Physica. Hinc collige, nec Physicam vti principijs falsis, nec fidei nostræ mysteria Philosophæ naturali aduersari, quanquam eam sua nobilitate transcendant. Quò fit, vt imprudenter, ne dicam impiè, loquantur, qui dicunt, Deum (secundum, veram Philosophiam) non posse hoc, aut illud agere; quia Philosophia non potest Deo leges præscribere. Quòd si interdum in aliquo graui auctore talis modus loquendi reperiatur, exponendus est sana aliqua explanatione; nempe in sensu negante: quia videlicet Philosophia non asserit, Deum posse; sed inde non sequitur eam asserere, Deum id non posse. Quicquid enim Deus non potest, nihil est.

*Fides non
contra, sed
supra natura
est.*

Aliam præterea difficultatem, quam in nullo tractatam reperi, hoc loco explicare volo: an scilicet quamprimùm conceditur, aliquod attributum conuenire omni contento sub subiecto, & per se, & non ratione alterius; sit dicendum conuenire ei primò, aut vniuersè. Videbitur enim fortassè alicui huius quæstionis partem aientem esse suscipiendam. Nam si (vt docet Aristoteles. Poster. cap. 4. & 5.) illud prædicatum conuenit subiecto vniuersè aut primò, quod omni &

*Nota diff.
scilicet.*

per se inest, & hoc ipso quod talis res est; certè quodcunque prædicatū cōuenit omni subiecto & per se, & non ratione alterius conueniet ei primo. Sed pars negans proprius ad veritatem videtur accedere. Et vt meam sententiam probem, sic ordiar. Animal conuenitne homini vniuersè? Si ais; profectò contra Aristotelem & omnes Philosophos sentis. Si negas, iam ita disputo, Animal conuenit omni homini, & per se, & non ratione alterius prædicati; ergo (si verà est superior sententia) animal conuenit homini vniuersè, aut primo. Negabis sat scio antecedens, quia Posterior pars falsa est: nam animal dicitur de homine quatenus est sentiens (sumamus enim sentiens tanquam internam animalis differentiam; aut si id non placet, vltimam & propriam eius differentiam nominemus Peripatetico more B, aut C) ac subinde medio aliquo prædicato. Itane quæso argumentum euadis? Sumo igitur hanc aliam enuntiationem, Homo est sentiens, & rogo, an sentiens dicatur vniuersè de homine. Dicitur enim per se de omni homine, (vt cōstat) & præterea non ratione alterius; alioqui dabitur progressus in infinitum in medijs demonstrationum cōtra Aristotelem. Nam etiam illud quod dabis, de homine enuntiabo, & quæram an dicatur immediate, &c. Meo igitur iudicio dantur multa prædicata, quæ conueniunt omni contento sub subiecto, & quidem per se, & non ratione alterius prædicati: & non conueniunt ei primo, aut vniuersè, aut quatenus talis res determinatè est. Hisce, enim ego pluribus nominibus vnā rem declarari volo, sed vt quam maximè significem pluribus. Quocirca vt aliquod attributum conueniat

*Quid sit
vniuersa
conuenire.*

niz

niz subiecto vniuerſe, oportet illud omni cōtento ſubſubiecto per ſe conuenire: ac præterea non modo exigitur vt non ei conueniat ratione alterius prædicati; ſed etiam non illi, alterique ſubiecto accomodetur. Quare ſentient, aut animalis differentia interna, non dicitur de homine, nec de animali rationali vniuerſe, quia licet non conueniat homini ratione alterius, conuenit tamen ei, & alteri: nempe ipſi & bruto.

Quorum ſit demonſtratio. Cap. 4.

Inueſtigemus tandem, quæ ſint illa, quæ demonſtratione probari queunt. Principiò quidem conſuſio demonſtranda debet eſſe vera, quoniam demonſtratio (non ago de ea, quæ vrget incommodo) conſtat antecedente vero: ex vero autem minimè ſequitur falſum. Deinde neceſſariam eam eſſe oportet, quia præmiſſæ demonſtrationis ſunt neceſſariæ: ergo conſuſio non poteſt eſſe contingens aut impoſſibilis. Præterea ſi demonſtratio eſt Propter quid, conſuſio non poteſt eſſe immediata, id eſt, carens omni cauſa, qua poſſit probari. Demonſtrationis enim propter quid antecedens conſuſionis cauſam continet. Denique conſuſio nunquam erit ſingularis, quippe cum ſingularium non ſit ſcientia, aut definitio: proinde nec demonſtratio, quæ ſcientiam gignit. Nam ſingularia ſunt propemodum infinita, vt Porphyrius in ſua Iſagoge tradit; infinita autem mente percurri nequeunt: quomodo ergo ſciri poterunt? præſertim autem hæc vera

Non debet eſſe falſa conſuſio.

Non contingens.

Non ſingularis.

sunt, de singularibus illis caducis, atque incertis, quæ & ortui, & interitui obnoxia sunt.

Argumenta in superiora.

CONTRA id quod dictum est scientiam omnem versari circa necessaria, est argumentum. Nam D. Thomas. 6. Ethicorum, lect. 3. ait, scientias practicas versari circa contingentia. Quod si dicas scientiam posse versari circa contingentia, non tantum quatenus contingentia sunt, perspicua profecto solutio erit; sed parum textui accommodata. Subdit enim D. Thomas, eas versari circa contingentia, quatenus contingentia sunt, quia sunt artes. Respondent quidam falsum esse, quod D. Thomas sentit artes esse scientias. Sed qui ita iudicant potius ipsi falluntur. Nam Aristoteles. 1. Posterior. cap. 50. artem navigandi, artem construendi domum & musicam non modo esse, quæ vna Mathematicarum est, sed, eam præterea quæ modos auribus demulcendis accommodat, scientias vocat. Non ergo adeo scrupulosi esse debemus in nomine scientiæ artibus concedendo, si Aristotelem imitari cupimus. Denique in sacro eloquio Exod. 31. & 35. peritia argentarii, fabri scientia nominatur. Hinc coniecturam quivis mediocriter literatus faciat, quàm sit eorum timor inanis, qui Dialecticæ scientiæ nomen verentur tribuere; quoniam ars quædam est, quasi nulla ars possit scientia nominari. Cum tamen D. Hieronymus in epistola ad Paulinum multas artes, & Dialecticam ipsam scientias nominarit. Colligit etiam quam timidior sit eorum opinio, qui nec artis quidem nomen Dialecticæ accommodandum

*An artes
debeant
dici scientiæ.*

indicant, eiusque appellationis causa in Diui Thomæ discipulos fremunt. Quos si roges, quoniam sit nomine appellanda, respondent: nomine facultatis. Nam (inquiunt) sicut illæ animi vires, quæ liberæ sunt, mens scilicet atque voluntas facultates dicuntur, sic Dialectica, quæ pro suo arbitratu ac liberè in vtramque partem de quavis re proposita differit; non alio quam facultatis nomine debet gaudere. Solidam quidem demonstrationem more suo hi authores afferunt. Primum enim ita sentire hominum est, quid Dialectica docens ab vtente differat, parum intelligentium. Nam docens nihil magis in vtramque partem disputat, Physiologia, aut Metaphysica: vtens vero nunquam à D. Thomæ discipulis (qui tamen eo nomine digni sunt) dicta est scientia. Mox cum vtens Dialectica, sicut & Dòcess, in Demonstratoriam & Logicam diuidatur, quo iure, quaque iniuria, quod Logicæ vtentis proprium est, in vniuersam Dialecticam transferunt? Postremo quis eos docuit facultatis nomen ita perenne bellum cum artis nomine gerere, vt in nullam rem vtrumque cadere possit, cū Thomisticæ scholæ princeps Aristoteles in Elenchorum epilogo (Perionio, Boethioque consentientibus) Logicam, Dialecticam, & facultatem simul, & artem nominet? Teneamus igitur id, quod verum est, scientiæ vocabulum, & Dialecticæ omnino, & mechanis artibus quædam ex parte conuenire. Sed vt hoc postremum intelligatur obseruandum est ex D. Thoma 10. Ethicorum, lectione 16. artes appellari scientias, quia non temerè & fortuitò operantur, sed ex certa quadam & euidenti cognitione eorum, quæ agere volunt. Quod etiam 5. Eth. lect. 4. in-

*Sine Dia
lectica sci-
entia.*

*Qua rati-
one artes
scientia
appellati-
onem reci-
piant.*

nuit . Et exemplis fiet manifestum . Nam domus construendæ architectus , non modo curat polire lapides ; & fornices perfectè circulares constituere, aut quodammodo complanatos, aut ita in altum surgentes, vt angulum constituent; sed (si sapiēs sit) conatur etiam causas reddere, quare ita parari debeant. Scire autē est rei causam agnoscere ; & quia non contingit, saltem frequenter aliter se habere. Non aliter in arte frænifactoria artifex, (si peritus est) intelliget certē in frænocollocari circulum, & clauiculos hamatos, & vncinatos, hoc fine, vt equus ad sessoris nutum aut voluatur, aut in medio cursu, quum oportuerit, conquiescat. Artifex igitur causas eorum, quæ agunt, considerant. Ad scientiam autem id sufficit, quoniam virtute iam habetur demonstratio: Eatenus ergo etiā mechanicæ artes ab Aristotele & D. Thoma scientiæ nominantur; quatenus cognitionem eorum, quæ agunt, certam habent; licet ex ea parte, qua hoc loco, hac die , circa hoc ferrum, aut aurum operantur, non sint scientiæ; sed versentur circa contingentia, vt contingentia sunt. Nos verò quum diximus, sola necessaria ad scientias pertinere, agebamus scientijs , quatenus scientiæ sunt, non quatenus quædam ipsarū, circa hanc, aut illā singulārē materiā operantur. Quare patet quid sit ad D. Thomæ testimonium respondendum, ac similiter constat, quid sibi apud Cicer. lib. 2. de oratore M. Anton. velit, quum artem earum rerum esse ait, quæ sciuntur: demum illud perspicuum fit, quam bene Cicero in partitionibus disputandi artem scientiam vo-

Alterum argumentum aduersus id, quod dictum est, scientiam non posse esse singulare. Nam eorum potest esse scientia, quorum & definitio, cum definitio sit medium demonstrationis; at singulare potest esse definitio, ergo & scientia. Probatur assumptio. Nam Aristoteles 2. Poster. cap. 15. ait, facilius singulare, quam vniuersale definiri: ergo singulare definiri potest. Respondetur, eo loco ab Aristotele nomine singularis non intelligi indiuiduum; sed speciem; ut scilicet nomine singularis accipiatur homo, aut alia species; nomine vniuersalis, animal, aut aliud quoduis genus: Nihilominus est argumentum contra solutionem, nam sic intelligendo singularis nomen, falsum est, quod Aristoteles docet facilius esset singulare, quam vniuersale definire. Quod ita probatur. Definitio est oratio explicans quid res sit, sed non potest facilius explicari quid sit homo, quam quid sit animal, ergo sententia Arist. ita explanata ostenditur falsa. Propositio est manifesta. Probatur assumptio. Quia partes definitionis prius intelliguntur, quam definitio tota; animal autem est pars quædã definitionis hominis. Optimum sane argumentum, sed quod à Caietano dissoluitur apertissimè 2. Poster. cap. 10. ait enim, quum aliqua duo inter se comparantur, non tam considerandum esse illud in quo conueniunt, quam id quo differunt. Quo fit, ut cum Aristoteles loco citato, compareret genus speciei, aut (exempli gratia) hominem animali, non sit homo considerandus, quo ad id quod ei cum animali conuenit, ut esse sentiens; sed quo ad id, quod illi quatenus ab animali distinguitur, est tribuendum.

*An singularia defini-
ri possint*

*Faciliusne
sit speciem
an genus
definiri.*

dum, scilicet esse rationale. Et quia facilius est, inuestigare quid sit id, in quo omnia individua eiusdem speciei conueniunt, quam illud quod omnibus indiuiduis omnium specierum, aut formarum sub vno genere contentarum, est commune (sicut facilius cognoscuntur omnia individua speciei, quam generis) ideo dixit Aristoteles facilius esse definire speciem, quam genus, considerando illa tantum quo ad suas, vltimas differentias.

*De locis
demonstratio-
neris.*

Sed ne aliquid offerat se lectori, quod dubitationem moueat, currentemque detineat, alia quæstiuncula breuiter explicanda est. An inquit demonstrator locum habet, vnde rationes suas colligat? Habet plane; sed si qui non ita late patent, vt illi de quibus in sequenti libro disputabimus. Nam demonstratoriarum rationes solum possunt colligi ex loco à definitione, à causa, ab effectu, & si quis fortè alius est huiusmodi. Nec tamen ab omni definitione, ab omni causa, ab omni effectū desumuntur. Si quidem nec à nominis definitione petuntur, nec à causa, aut effectu contingentis; alioqui non generarent scientiam. Ideo enim libris Poster. ad eò curiose Arist. de definitione, de causa, de effectis denique egit: quia & ex his, tanquam proutuarijs, demonstrationes esse sumendas intelligebat: & minime ignorabat, ista non debere esse incerta, atque vulgaria, quum in demonstrationis vsum veniunt.

Dictum igitur est, quid sit demonstratio; ostensum est, quot sint eius species, atque formæ; præceptum est, qualia debeant esse eius principia, & ac traditum est, quænam ea sint, quæ demonstratione colligi possint. Hæc autem omnia
quam.

quamuis (vt quiuimus) studiose tractauimus, nobismetipsis. minimè satisfecimus. Nam etfi in quatuor his capitibus inuitamenta insint, quibus ad grauiora cognoscenda iuuenes accédantur, multæ tamē præteritæ sunt quæstiones, quas utinam (Dei ope adiuti) aliquando vulgare possimus. Sed dum illas accuratè, diligenterque perpurgamus, satis in præsentia de demonstratione dictum videtur : deincepsque probabilis argumentationis vis & natiua scientia consideranda est.

COMMENTA- RIORVM IN VNIVER- sam Logicam.

LIBER SEPTIMVS.

IN QVO DE SYLLOGISMO probabilis disputatur.

Quid sit Dialecticus syllogismus.

OPortet sane in Dialectica non tantum de syllogismo demonstratorio agi, sed etiam de probabili. Quemadmodum enim in sacris, aut prophanis potius gentilium certaminibus, hi qui primam obtinere palmam non poterant, secundam assequi contendebant; ita qui certam rerum scientiam adipisci nequit, saltem coniecturas quærat oportet; dummodo

*Quid sit
probabile.*

*Non idem
est verū,
atq; pro-
babile.*

*De proba-
bilibus o-
pinioni-
bus dig-
noscendis*

illæ à probabilibus non discrepent rationibus. Et quidem Syllogismus probabilis, aut Diale-cticus, est, qui ex enuntiationibus probabilibus constat, Sed explicat Aristotel. i. Top. cap. i. quæ enuntiatio sit probabilis. Probabile, inquit, est, quod probatur omnibus, aut pluri-bus, aut certe sapientibus; atque his, aut vel om-nibus, aut plurimis, aut ijs quorum maxi-mè spectata est, & perspecta sapientia. Proba-bile est, quod probatur, id est, quod ita videtur, aut ita apparet, cum formidine tamen nonnul-la, vtrum verum sit id quod creditur. Siue e-nim propositio vera sit, siue falsa; necessaria, siue contingens, aut impossibilis, potest proba-bilis appellari; si ita appareat omnibus, aut pluribus, &c. Nam sæpè accidit duas opinio-nes sibi inuicem contradicere, & nihilominus vtramque esse probabilem: & quidem quod ad veritatem attinet, vna earum debet esse fal-sa; nam duæ contradicentes opiniones simul veræ aut falsæ nequeunt inueniri: ergo tam ve-rum, quam falsum potest esse probabile. Quam-uis enim Cicero in oratione pro Cluentio di-cat falsitatem parum habere roboris: tamen vt Aristoteles ait, sæpè falsa sunt probabiliora veris. Sed in hac re diligentissimè annotan-dum est, quod Aristoteles ait, probabile esse, quod probatur omnibus &c. Non enim proba-bile est, quod vni, aut alteri indocto videtur; sed quod videtur omnibus, aut plurimis, aut certè sapientibus; atque ex his vel omnibus, vel saltem ijs quorum egregia est Sapientia. Hæc quidem omnibus vtile erit cognoscere, sed Philosophis Moralibus necessarium. Ipsi enim docent, cuique liberum esse amplecti quam-

quamvis opinionem probabilem; saltem quæ practicè probabilis iudicetur. Esset autem hominis temerarij amplecti sententiam vnius, aut alterius scioli: at quum aut omnes, aut maior pars hominum vnà cum doctis, aut soli quidam eruditione præstantes viri sententiam aliquam mordicus tenent; illa demum potest probabilis appellari. Sed intelligenda sunt hæc quàm diu non subest euidens, aut quasi euidens ratio, quæ aduersam sententiam persuadet; aut certè experientia ipsa compertum sit eorum existimationem falsam fuisse. Vt si duo, aut tres, immo vero centum aut mille Cosmographi peritissimi, vltra columnas Herculis nullam esse aut insulam, aut continentem, asseruerunt, ea sententia olim probabilis fuit: postquam verò nouus ille orbis inuētus est, iam desijt esse probabilis, & qui illam nunc assereret, non diceretur opinari, sed errare, ac insanire; quia iam oppositum experti sumus. Eodem pacto, tametsi mille auctores cælum nequaquam moueri autumarent, sed terram impetu volui circa illud, nunquam apud nos sententia illa posset esse probabilis; quoniam euidenti (quam nunc non est tractandi locus) repugnat experientiæ. Quod autem de perspicua ratione, experientiaque dictum est, apud omnes, idem apud nos Christianos de authoritate sacræ scripturæ, & traditionum sacrarum, summiue Pontificis, aut Concilij generalis intelligatur. Nam qui assereret, mundum ab æterno fuisse, quamvis proferret Aristotelem, & antiquiores Philosophos, non probabilem opinionem sequi diceretur; sed errorem & hæresim. Quum autem nec euidentis ratio, nec experientia, vel fides impediunt,

*Probabi-
lis defini-
tio expli-
catur.*

diunt, illud probabile est, quod aut videtur om-
nibus, vt omnem matrem diligere suum filium;
aut plurimis, vt voluptatem dolori anteponen-
dam esse (ita enim plerique sentiunt) aut sa-
pientibus: ijsque, aut omnibus, vt bona animi
bonis fortunæ esse anteponenda; aut plurimis,
vt virtutem per se dignam esse amore, tamen
ex ea nulla oblectatio sequeretur; aut tandem
ijs, quorum celebrata est, & vulgata sapientia,
vt cælum non componi ex materia elementorū:
quod Aristot. nostriq; Peripatetici docent.

*Quid dif-
ferat de-
monstra-
tio à Dia-
lectico Syl-
logismo.*

Ex his colligitur primò, syllogismum Diale-
cticum valde à demonstratorio separari: nam
demonstratio ex necessarijs enuntiationibus
constat, Dialectica autem ratiocinatio, aut ex
contingentibus coalescit, aut, si ex necessarijs
componitur, oportet earum necessitatem esse
incertam ei, qui tali utitur syllogismo, quod
quum accidit id, quod ratione sui necessarium
est, respectu illius est tantum probabile. Colli-
gitur secundo falsum esse eorum sententiam,
qui totius Dialecticæ finem esse dicunt, ex pro-
babilibus argumentari, aut fidem, quæ probabi-
libus argumentis colligitur. Nam in Dialecti-
ca non modo utimur argumentis probabilibus,
sed necessarijs quoque; etiamsi comperta nobis
sit eorum necessitas. Respondent tamen ipsi
syllogismum demonstratorium sub probabili
comprehendi, quia omne necessarium est pro-
babile. Verum hic nominum vsus manifestò
pugnat cum Aristotele. 1. Logie. cap. 1. & Dino
Thom. 1. Poster. lect. 1. & in opusc. de Fallacijs.
cap. 3. vterque enim probabiles enuntiationes
distinguit ab illis, quæ in demonstratione po-
nuntur; scilicet à necessarijs, & perspicuè veris.

*De fine
Dialecti-
cæ.*

Quam

Quam etiam sententiam ex Cicer. lib. 1. Rhetoricorum confirmare possumus. Ait enim argumentationem esse quæ rem aliquam aut probabiliter ostendit, aut necessario demonstrat.

Questio.

Quum distinguitur syllogismus in Dialecticum & demonstratorium, estne diuisio generis in species? Dixi quum distinguitur in Dialecticum & demonstratorium, quia si diuidatur, in Dialecticum, Demonstratorium, & *De Syllo-* Sophisticum, manifesta res est non esse diuisio- *gismo So-* nem generis in species, sed analogi in analogia- *phistica.* ta: genus enim simpliciter, & absque adiectione de omnibus suis formis dicitur, at syllogismus non dicitur simpliciter de syllogismo sophistico: quippe cum 1. Top. cap. 1. syllogismum Sophisticum non esse syllogismum, sed malum syllogismum, doceat Aristoteles. Et quamuis eo in loco quasdam Sophisticas rationationes concedat esse rationationes; meo tamen iudicio illæ non sunt sophisticæ, sed potius ad Dialecticas sunt referendæ; cum consent ex probabilibus saltem respondent. Relicto *An syllo-* *gismus in* *Demon-* *stratoriū* *et Diale-* *cticum di-* *uidatur.* igitur syllogismo sophistico, querimus an syllogism⁹ generis sit demonstratorij ac probabilis. Et si quidem pars ærens quæstionis placet, est argumentum, quo probabitur negans. Species rerum à forma accipiuntur, non à materia sola; sed syllogismus Dialecticus & demonstratorius sola materia differunt: ergo non differunt specie. Propositio est manifesta: quia species sumuntur ab eo, quod se habet ut actus, non à potentia. Probatur assumptio. Nam duo syllogismi fieri possunt in eadem figura & modo, eo-

rumque hic erit demonstratorius, ille Dialecticus; ob id scilicet, quod materia huius est necessaria, illius probabilis. Si autem propositæ quæstionis potius pars negans eligatur, non deerit argumentum, quo eam refellamus. Proprietates enim consequuntur ipsas species, sed syllogismus Dialecticus & demonstratorius habent distinctas proprietates; ergo differunt specie: aut (si mauis) genere. De propositione constat. Assumptio vero probatur. Quia affectio propria demonstratorij syllogismi est, generare scientiam; contra Dialectici opinionem.

Quid exigatur ut demonstratio generet scientiam.

Respondetur syllogismum Dialecticum & demonstratorium posse bifariam considerari, primum ratione solum propositionum ex quibus componuntur, deinde ratione omnium, quæ eis superaddi oportet, ut vnus generet opinionem, alter verò scientiam. Conditiones verò necessariò requisitæ hæ sunt: ut scilicet qui habet syllogismum demonstratorium, cognoscat se habere demonstrationem; eo saltem modo quem 1. lib. cap. 3. exposuimus. Etenim si quis habeat demonstrationem, & putet se tantum rationem habere probabilem, is non scientiam, sed opinionem habebit. Non aliter si alicui syllogismus probabilis proponatur, ipse verò existimet sibi demonstrationem esse propositam, non proinde adeptus est scientiam, nec propriè etiam opinionem; sed in prauæ dispositionis ignorantiam incidet. Præterea si habet syllogismum probabilem, & putet se non habere probabilem rationem, sed leuissimam coniecturam, propriè non dicitur opinari sed suspicari. Denique si occurrat ei, aut demonstratio, aut pro-

Non perpetuo syllogismus probabilis opinionem efficit.

pro-

probabilis ratio, & existimet esse argumentum
 sophisticum, nec opinio in ipso generabitur;
 neque suspicio. Ergo ut syllogismus probabi-
 lis generet opinionem, non sufficit illum con-
 stare enuntiationibus probabilibus; sed illud
 præterea necessum est, ut qui eum habet, cognos-
 cat se habere syllogismum probabilem; vel si
 habeat demonstratorium, existimet se probabi-
 lem habere ratiocinationem. His ita constitutis, *Quomodo*
 responderetur syllogismum demonstratorium, & *syllogis-*
 probabilem si considerentur primo modo, non *mus de-*
 differre specie, nec vnum generare scientiam, *monstra-*
 & alium opinionem; ut ostensum est: si verò *torius &*
 secundo modo, differre quidem specie, & habe- *probabilis*
 re distinctas proprietates; sed iam non distin- *specie dif-*
 gui sola materia, cum etiam forma discriminen- *ferant.*
 tur. Forma inquam, non syllogistica semper, sed
 cognitione eiusque habet demonstrationē, quæ
 profecto cognitio habet se tãquã forma respectu
 syllogismi, ut generare possit, aut scientiam, aut
 opinionē. Alia ratione potest quæstio solui, di-
 cendo Dialecticum, demonstratoriumque syllo-
 gismū non differre specie. Non enim semel ac-
 cidit, aliqua habere diuersas proprietates, & nō
 differre forma, nec propriē specie. Exempla rem *An om-*
 ante oculos ponent. Fixæ stellæ non differunt *niaqua-*
 specie, nec à se inuicem, nec à cœlo Sydereo, a- *proprietat-*
 lioqui ex illis, & cœlo vnum corpus continuum *tibus di-*
 minimè efficeretur: attamen alios effectus ex *stinguun-*
 sua natura producant stellæ Vergiliæ, alios Ca- *tur disse-*
 nacula, aut Arcturus. Præterea in homine non *rant ite-*
 est nisi vna forma substantialis, nempe animus *dē specie.*
 rationis particeps, & ab ipso, ob variã materiæ
 qualitatem, ac dispositionem, in vna corporis
 parte manet facultas videndi, in alia audi-
 endi,

Proprietatis nomen, quod ratione interdum accipitur.

Probabilis sane opinio.

endi, in alia vegetandi. Item cum vna secundum essentiam specificam sit anima humana in viro, & foemina, ex varia corporis dispositione efficitur, vt vir actiue generare possit, foemina vero concipere: quare variae sunt proprietates viri ac foeminae. Sed hoc loco proprietates voco etiam accidentia quaedam inseparabilia, quae certam in rebus causam habent, vt nigredo corui &c. ac proinde quoniam frequentissima sunt in talibus subiectis, & causas (Physico saltem more) certas habent, in eorum speculatione scientiae versari possunt. Vt docet Aristotel. 2. Prior. capit. 10. in Perionio, & 12. in Boethio. Nam in philosophia naturali demonstratur, quare corui sint nigri & cygni albi: quare animalia quaedam sexum habeant foemineum, & tamen concipere nunquam possint, vt mulieres quae suapte natura steriles sunt; & si pariant aliquando (praeterquam quod id rarissimum est) tanquam monstrum ab omnibus existimatur. Quae omnia ideo a me dicta sunt, vt lectori persuadeam multa non differre specie, aut forma, quae tamen diuersas habent proprietates, aut quasi proprietates ex illa forma diuersae materiae applicata manantes. Quare nihil improbable mea sententia diceret, qui doceret demonstratorium & probabilem syllogismum inter se specie non differre; quamuis habeant diuersas proprietates. Procedunt enim illae ex eadem forma syllogistica, diuersis materijs applicata. Nam syllogismi forma ex sua natura habet, vt applicata materiae contingenti opinionem, & iuncta materiae necessariae scientiam generare possit, quamuis actu non generet, nisi alia concurrant. Sicut homo ex sua natura est risibilis, quamuis si prudens

dens sit actu non rideat, nisi alia causa accedant. Eligat ex his duabus solutionibus lector eam, quae potius ei probabitur; ego tamen posteriorem praefero.

De utilitate libri. Cap. 2.

Cum doceat hic liber, quonam pacto argumentis probabilibus abundare possimus, magna erit eius utilitas ad disputationes & colloquia familiaria. Si enim huius generis argumentis instructi, veniamus, nihil improbabile asseremus. Utiles quoque est ad veritatem in omni scientia inquirendam. Propositis namque in utramque partem quaestionis probabilibus argumentis, facile erit veritatem coniectari. Nam proverbum est, *Eum qui dubitat, proximum esse veritati*: Item. *Eum qui non dubitat, aut omnia scire, aut omnia penitus ignorare*. Postremo utilis erit ad principia scientiarum explicanda. Cum enim illa non possint demonstratione propter quid probari, & demonstratio Quia aliquando sit inutilis (tunc scilicet quando effectus causis non sunt notiores) optimum erit argumenta probabilia sumere, ad ea discipulis exponenda. Quemadmodum enim fera filum introducit, & illa non consuit, sed filum potius est, quod corium corio firmissimè necit; sic (absque dubio) certissima quarundam scientiarum principia probabilibus rationibus in tyronum animis insigenda sunt; postea enim & consuetudine audiendi, & sensu, atque experientia ipsa ita ille assensus quasi altera natura efficietur, ut iam principia ipsa per se comprehendant; tametsi intelligant, priores rationes, quibus olim

*Modus
tractandi
principia
scientiarum*

magister utebatur, parum firmitatis habuisse. Nam hoc vsus habet, vt lapidei fornices, quibus tota domus structura incumbere debet, minimè erigantur; nisi suppositis quibusdam inferioribus tabulis. At postquam semel arcus constituti sunt, lignæ machinæ auferuntur; nec tamen domus fornicibus nixa corrui. Multæ igitur sunt, & latè manant huius libri commoditates, sed cunctæ eo referuntur, vt omnis quæstio proposita explicari queat. Dicamus igitur quid sit quæstio, ac quotuplex sit.

*Quid sit
quæstio.*

Quæstio est dubia enuntiatio, vt Homo estne animal? Diuidunt præterea Rhetores quæstionem in Thesis & Hypothesim. Thesis est quæstio in vniuersum prolata, vt Estne ieiunandum? Hypothesis est certis limitibus circumscripta, vt Estne hodie nobis nimio æstu afflictis ieiunandum? At Dialectici alio modo quæstionem diuidunt, sequenti Aristotel. 2. Poster. cap. 1. Dicunt enim quatuor esse quæstionum genera, id est, An res sit, vt Suntne Antropophagi? Quid sit, vt Quid est Elephas? Qualis sit (quæ ab alijs appellatur quæstio Quia est) Num homo est albus? & Quamobrem talis sit, vt quare Germani sunt albi? Hæ autem omnes argumentis probabilibus tractari possunt.

Dubia huius Capitis.

Dubitabit aliquis, an omnes hæ quæstiones argumentatione explicentur. Nam diu priores, nempe An res sit, & Quid sit, cum simplices sint, argumentatione explicari non possunt. Respondetur eas etiam argumentis probabilibus explicari posse. Probabilibus enim rationibus explicari potest Antropophagos esse;

*De quæ-
stionibus
an res sit
& quid
sit.*

& hominem esse animal rationale: insuper & Germanos esse albos: ac denique quam ob causam Germani sunt albi. Et licet quæstio Quid res sit, definitione terminari queat, nihilominus (si ita libet) argumētatione quoque explicabitur; dummodo ad quæstionem compositam referatur.

Aliud Dubium. D. Thomas 2. Poster. lect. 1. docet, omnem quæstionem Topicam esse Qualis res sit, & (vt ipse loquitur) Quia est: ergo in Topicorum libris, quibus hic noster septimus ex æquo respondet, solum docetur methodus tractandi quæstionem Qualis res sit. Respondetur. Quia ait Diuus Thomas, omnem quæstionem Topicam esse quæstionem Qualis res sit, eius sententiam de frequentiori vſu esse interpretandam; quia omnes ferè disputationes Topicæ sunt disputationes Qualis res sit. Non tamen vult negare, in Topicis interdum tractari quæstionem An res sit. Sed dices: Falsa videtur esse sententia Diui Thomæ ita expōita, quia bona ars Topicorum versatur in docenda arte, tractandi quæstiones definitionis, generis, &c. Ergo non ferè omnes quæstiones Topicæ pertinent ad quæstionem Qualis res sit. Hoc argumentum postulat vt explicemus an hæc quæstio, Num homo est animal? sit quæstio Qualis res sit, vel potius Quid res sit. Caietanus 2. Poster. capit. 1. dub. 5. defendit eam esse, Qualis res sit. Verum certissimè arbitrator esse quæstionem Quid sit, si secundum rem consideretur: quamvis si secundum modum quo proponitur, aut secundum vocem expendatur; pertineat ad quæstionem Qualis res sit. Quod probatur quia ipsemet Caietanus

Num omnis quæstio Topicæ sit Qualis res sit.

De quæstione Quid sit, & Qualis res sit.

asserit hanc quæstionem, An homo est animal rationale? esse quæstionem Quid res sit, quamuis secundum vocem cum pertineat ad enumerationes tertij adiacentis, videatur esse quæstio composita, & Qualis res sit: Ergo idem iure censeretur de hac quæstione in qua versamur. Præterea quæstio Qualis res sit, non debet antecire Quæstionem Quid sit: sed hæc quæstio: Vtrum homo sit animal, cum sit simplicior, præcedit illa, Vtrum homo sit animal rationale: ergo si illa est simplex, hæc non erit secundum rem composita: ac subinde aut pertinebit ad quæstionem An res sit, aut Quid res sit. Non primum, ergo secundum. Quod si quispiam non consentiat Caetano, ac subinde neget illam quæstionem, An homo est animal rationale? esse quæstionem Quid res sit, cum potius sit quæstio Qualis res sit: hunc facile refellemus, tum quia secundum rem quid aliud querit, qui interrogat, quid sit homo, quam si roget, vtrum homo sit animal rationale? tum etiam quia vt docet Aristoteles 2. Poster. quæstionem Qualis res sit, è vestigio sequitur apud demonstratorem quæstio Quamobrem talis sit; sed post illam quæstionem, Vtrum homo sit animal rationale, expeditam, stultus iudicaretur à demonstratore, qui percunctaretur, quare homo sit animal rationale: Ergo ea quæstio non est Qualis res sit. Sed his constitutis, amplius vrget argumentum initio huius disputationis positum. Si hæc quæstio, Vtrum homo sit animal rationale, & hæc alia, Vtrum homo sit animal, sunt quæstiones Quid res sit, & præterea passim huiusmodi quæstiones in Topicis pertractantur: quomodo ait diuus Thomas, plerasque Topicas qua-

quæstiones esse quæstiones Qualis res sit? Re-
spondetur, diuini Thomam interpretandum
esse quoad modum, non secundum rem ipsam;
quia scilicet vniuersæ propemodum quæstiones
proponuntur in Topicis, quasi per enuntiatio-
nes tertij adiacentis, vt an homo sit animal; aut
potius, an animal sit hominis genus. Est quoque
alia huius argumenti solutio, quam in sequenti
capite adducemus.

*Respon-
detur ad
principale
dubium.*

Quid sit Locus, & quotuplex sit.

Cap. 3.

Dicitur autem præsens disputatio utilis ad om-
nem explicandam quæstionem, quia indi-
cat loco Dialecticos, ex quibus erui possunt ar-
gumenta ad omnem quæstionem absoluendam. *De loco vniuerso*
Exponendum est igitur, quid sit locus Dialecti-
cus, & quotuplex sit. Cumq; locus res continere
soleat, viri scientiarum periti loca argumen-
torum ea vocauere, in quibus tanquam in recep-
taculis omnia probandi instrumenta sunt posi-
ta; vt videlicet Locus communis quædam no-
ta sit, cuius admonitu quid in quaquerè verum,
aut probabile sit, possit idoneis rationibus in-
ueniri. Dixi verum, aut probabile, id est, id
quod aut certissimè verum est, aut saltem pro-
babile. Ne à me ipso dissentiam, qui supra ne-
cessarium sub probabili contineri negaui: &
tamen habent demonstratores locos, ex quibus
demonstrationes colligunt: demonstratio ve-
rò necessarijs constare debet. Sanè disertissi-
mus Pater & magister noster Melchior Cano
Canariensis Episc. librum de Locis Theologicis
scripsit, in quo notauit vnde necessariò, vndeq;
probabiliter argumentètur Theologi. Et Ci-

cero lib. i. Rhetor. seu de Inuent. circa medium ait, omnem argumentationem, quæ ex locis colligitur, aut necessariam esse, aut probabilem. In Dialectica igitur, quæ ars est artium, & omnium scientiarum ductrix, notari oportet locos, ex quibus in omnibus scientijs argumentari possimus tum demonstratoriè, tum etiam probabiliter, & (vt aiunt) Dialecticè. Et quidem de locis vnde petuntur demonstrationes, diximus libro superiore ad finem: nunc de locis tantum Dialecticis differamus. Est autem locus Dialecticus sedes argumenti Dialectici. Vt definitio Totum, Contrarium, &c. loci sunt Dialectici, quia ex his colligit Dialecticus argumenta ad res dubias explicandas. Est enim argumentum ratio rei dubiæ faciens fidem; vti quis ita argumentetur, Omne animal rationale gaudet virtute, quia est rationi consentanea; sed omnis homo est animal rationale, ergo omnis homo gaudet virtute. Loci aut ad res pertinent, aut ad auctoritatem & testimonia. Qui pertinent ad res, alij interni sunt, alij externi, alij medi. Loci interni sunt, qui ad rei essentiam, aut substantiam attinent; nempe loci à definitione, genere, differentiâ, toto, partibus, à concomitantibus substantiam, &c. Loci externi sunt omnino extra res, vt ab oppositis, à comparatis, à simili, & à proportionem. Medij verò illi dicuntur, qui partim attingunt rei substantiam, partim extra ipsam vagantur, vt à coniugatis, & à casibus.

*Quid sit
locus Dia-
lecticus.*

*Locorum
diuisio.*

*Alia di-
uisio.*

Sed quemuis horum in duos diuidunt, scilicet in locum Maximam, & locum Differentiam maximæ. Locus Maxima est receptissimum axioma atque principium, quo multa argumen-

ta nituntur; vt hoc theorema, Cui competit definitio, competit definitum; item & hoc aliud. Posita causa ponitur effectus, Locus Differentia maximè est illud, quo vna maxima differt ab alia. Vt duæ superiores Maximæ distinguuntur, quia vna tractat de definitione, alia de causa. Ac proinde causa & definitio appellantur Loci differentia maximæ. Nec miretur lector, quod harum locorum diuisionem sequar. Occupatio. Non enim me præterit, quàm aliter Cicero in Topicis ad Trebatium locos diuiserit. Sed eùm in hac re videam quot sunt capita, tot esse sensus, nec deesse verisimiles rationes, quibus sententiam quisque suam tenere possit, nò multum fui in tradenda locorum diuisione sollicitus: præterquam quod sentio totam hanc, quæ inter auctores vertitur, controuersiam, ad nominis quæstionem deuolui. Eam igitur, quam adduxi, sectionem elegi, quoniam facilius poterit memoriæ commendari. Præterea quoniã dantur quidam loci, qui tametsi diuersi admodum sint, à Doctoribus coniungi solent. In hoc eos duces sequemur.

Quæstiones.

Quare inter locos de quibus argumenta probabilia eruuntur numeratus est locus à definitione & genere, cum ex his argumenta necessaria & firmissima sæpè colligantur? Respon- An locus à definitione sit Dialecticus. detur. Quia tametsi ita se res habeat, non tamen agitur de eis in hoc libro, nisi vt suppeditant nobis argumenta probabilia, ita videlicet, vt quod probabiliter definitioni tribuitur, definito etiam tribuatur: vt Animal

*Duo mo-
di propo-
nendi
quæstio-
nes defini-
tionis, ac
generis.*

rationale gaudet virtute, ergo homo gaudet virtute. Respondetur secundò, quæstiones generis, & definitionis, atque proprietatis posse tractari per voces primæ & secundæ notionis. Quæ autem sint primæ notionis vocabula, & quæ secundæ, diximus lib. 2. capit. 1. Tractantur per voces primæ notionis, vt quum quærimus, Vtrum homo sit animal. Tractantur per voces notionis secundæ, vt quum percontamur, vtrum animal sit genus hominis. Ex his autem modis secundus est, qui potissimè pertinet ad libros Topicorum. Quod ex eo patet, quia omnia ferè loca, quæ ab Aristotele traduntur in libris Topicorum, constant aliqua voce secundæ notionis. Si autem istæ quæstiones proponantur per voces secundæ notionis, certè cum sint in materia contingenti (nam secundæ notionis competunt rebus ex opere intellectus) non possunt nisi argumentis probabilibus pertractari. Quia igitur in hoc libro agitur de his vocibus potissimùm, quatenus ex eis eruuntur argumenta ad tractandas quæstiones, quatenus proponuntur per voces secundæ notionis, meritò dictum est, huiusmodi locos sedes esse argumentorum probabilium. Atque hæc solutio potest dubio capitis superioris accommodari; ita scilicet, vt dicamus illam quæstionem esse Quid res sit, sed vt pertinet ad libros Topicorum, esse Qualis res sit; quia proponitur per voces secundæ notionis.

*Ad argu-
mentum
superioris
capitis
quidnam
sit respon-
dendum.*

*De locis à Definitione, Descriptione, Etymologia,
Differentia, Proprietate, & Polonymis.*

Cap. 4.

LOci interni alij sunt, qui totam rei essentiã expli-

explicant, vt locus à definitione; aliqui licet eam non omnino explicant, ad eam tamen pertinent, vt locus à toto, à causis, ab ortu & interitu, ab usu, & ab his quæ communiter accidunt. Locus à definitione est connexio definitionis, & rei, quæ sub definitionem cadit. Locus enim est sedes argumenti: & ex connexione, quam habet definitio ad rem definitam petuntur varia argumenta. Hoc etiam in omnibus sequentibus locis intelligatur, ita videlicet, vt locus à causa sit connexio causæ & effectus, & locus à toto sit connexio totius ad partes suas: ne eadem sint sæpius repetenda.

Iam autem locus à definitione quatuor habet *Diuisio in* maximas, duas aientes, & duas negantes, *ternorum quibus omnia argumenta definitionis ad definitum sunt innixa. Prior aiens Cui tribuitur definitio, eidem & definitum, vt Plato est animal rationale, ergo Plato est homo. Posterior. Quod definitioni conuenit, competit, etiam & definito, vt Animal rationale ambulat, ergo homo ambulat. Ex negantibus autem vna in hunc modum se habet. Cui repugnat definitio repugnat & definitum, vt Leo non est animal rationale, ergo leo non est homo. Altera est huiusmodi. Quod repugnat definitioni, repugnat & definito, vt Animal rationale non indiget alijs, ergo homo non indiget alijs. Quamquam autem liber hic de Syllogismo Probabili nuncupetur, nemini mirum videatur, si præceptiones, quas tradimus, exemplis interdum necessarijs illustremus: id enim facimus, quia & apertiora sunt, & vsui accommodatiora.*

Locus à descriptione eadem norma definien- *Materia* dus est, & eadem maximas habet. Nam cui *huius loci,*

*Locus à
descriptione.*

competit descriptio, competit & descriptum, vt Plato est animal risus particeps, ergo Plato est homo, &c. Locus ab Ethymologia, id est à definitione nominis eodem modo definiendus est, & eadem maximas habet, quando nominis ethymologia valde cum re ipsa conuenit. Vt de natura disputat, ergo est Physicus. Physis enim naturam significat. Quando verò ethymologia est remotissima, argumentum ab ea sumptum parum firmitudinis habet. Non enim sequitur. Ledit pedem, ergo est lapis. Tametsi hoc exemplum durius fortassè videbitur; sed teneamus, & luisse putemur, si nil sit. Ad hos locos reducuntur alij tres, qui eodem modo definiendi sunt, & eadem maximas habent: scilicet locus à differentia essentiali, vt Petrus est rationalis, ergo Petrus est homo. Et hic ad locum à definitione essentiali refertur. Item à proprietate, qui reducitur ad locum à descriptione, à Polyonymis, quæ ab alijs Synonima appellantur: reduciturque ad locum à diffinitione nominis: vt si quis ita argumentetur: Tullius docet, ergo Cicero docet.

*Alia loca
sub superioribus
comprehensa.*

Sub istis sex locis latent alij sex. Primus est à definitio ad definitionem, vt lapis non est homo; ergo lapis non est animal rationale. Secundus à re descripta ad descriptionem. Tertius, à re cuius est etymologia ad etymologiam ipsam; & ita de reliquis. Habentque hi loci tot maximas, quot præcedentes.

Difficultates.

Quamuis pleræque huius capitis dubitationes tractatæ sint, iam lib. I. cap. 8. & li. 2. cap. 6. & 7.

6. & 7. placuit tamen has superaddere. Prima est. Aliquid competit animali rationali, quod non quadrat in hominem; ergo prior maxima non est vera. Probatur antecedens. Nam animal rationale est definitio, & homo non est definitio. Respondetur, maximam non esse intelligendam in his quæ ad secundas pertinent notiones. Sicut enim non sequitur, Homo est prædicatum simplex, ergo animal rationale est prædicatum simplex; quia esse prædicatum simplex pertinet ad secundas notiones, ita non bene infertur, Animal rationale est definitio, ergo homo est definitio; quia esse definitionem in secundis notionibus est ponendum.

*An quis-
quid defi-
nitioni tri-
buitur, de
finito sit
etiam tri-
buendum.*

Alia difficultas. Hæc argumentatio nihil probat, Essentia Diuina est pater, ergo essentia Diuina est generans filium: ergo à definito ad definitionem non valet argumentum. Consecutio est manifesta. Quia definitio partis (eo modo, quo definiri à nobis potest) est esse generans, aut habens filium. Probatur antecedens. Quia essentia Diuina non generat; vt docent Theologi 1. part. quæst. 39. ar. 5. hoc argumentum idèd proponere libuit, ne arbitrentur Dialectici fidem nostram Logicæ repugnare. Respondendum est ergo, à definitione ad definitum, & è contrario semper valere argumentum, nisi quum definitio proponitur ad modum adiectiui nominis; & definitum substantiui. Equidem hanc causam Theologi reddunt, cum etiam Dialectici eam reddere debuissent. Sed iam nostra ætate quicquid Dialectici non intelligunt, appellant Sophisma: tamen si Dialecticæ sit fundamentum.

*An sæpe
definitio
conueniat,
cui definitum
conuenit.*

Verum his prætermisissis, vt ea quæ diximus, Denumeris: planiora

planiora fiant, propono tertiam difficultatem. Nam verè dici potest, tres esse personas habentes deitatem, cum omninò falsum sit, esse tres Deos: Ergo aliquo dicitur definitio, de quo non dicitur definitum. Et quidem propositio & assumptio ex diuo Thoma 1. parte quæst. 39. artic. 3. ad 1. desumuntur. Consequentia verò ita probatur. Nam definitio Dei (saltem nominis) est habens deitatem. Respondetur, negandam esse consequentiam. Nos enim minimè diximus, de quocunque definitio cum alicuius numeri adiectione prædicatur, posse etiam definitum sub eodem numero ei tribui: sed de quocunque dicitur definitio, posse definitum efferri, atque enūtiari. Argumentum autem ostendit prius esse falsum, non posterius. Nam in diuinis de quocunque dicitur res habens deitatem, dicitur Deus, licet non in eodem numero. Nam habens deitatem, potest dici in plurali, & Deus non: cuius hæc est ratio. Est latum discrimen inter nomina adiectiua & substantiua, quod nomen adiectiuum vt prædicari queat in plurali numero, sat sit supposita, seu indiuidua, de quibus prædicatur, esse plura. Vt si in duobus hominibus esset vnica albedo, nihilominus dicerentur duo albi. At nomina substantiua, vt dicantur in numero plurali, requiritur supposita esse plura, & præterea esse plures formas, quæ per talia nomina significantur. Vt Aristoteles & Plato sunt duo homines, non solum quia sunt duo indiuidua, sed quia duplex est in ipsis humanitas. Nam si vnicam tantum naturam humanam haberent, essent vnus homo. Ex quibus perspicuum fit, quare habens diuinitatem possit prædicari in numero plurali, & hoc nomen Deus tantum in

nume-

*Adiectiui
substanti-
uiq; discrimē Theo-
logicum.*

numero singulari efferatur de tribus personis, in quibus vna tantum est deitas; quia illud prædicatum est adiectiuum, hoc substantiuum. Cōsule, obsecro, diuum Thomam 1. par. quæst. 36. artic. 4. & quæst. 39. artic. 3. & 3. parte quæst. 3. art. 6. & 7. Caietanumque in eisdem locis, in super & Ferrariensem 4. Contra gent. cap. 11. ab his enim partibus omnia sum mutuatus. Nihilominus præterea id à me accipe; quum dixi, nomina substantiua non prædicari in numero plurali, nisi supposita sint plura, & formæ etiam significatæ plures, id intelligendum esse, quando nomina substantiua sunt concreta, vt Deus, homo, & leo: nam abstracta, vt scientia & virtus, possunt dici in numero plurali, etiam si supposita non sint plura: dummodo formæ sint plures. Vt si in me essent tres scientiæ, illis designatis, iure dici posset. Ecce tres scientias.

*Aliorum
responsio.
De nomi-
nibus ad-
iectiuis.*

Quarta difficultas. Aristoteles 1. Topic. cap. 3. reducit locum differentię ad locum generis, quomodo ergo nos reducimus illud ad locum definitionis? Respondetur. Quia nos loquimur de differentia vltima, quæ ita est rei propria, vt nullam in aliam rem transferri possit; vt rationale respectu hominis. Aristoteles vero agebat de differentia communiore, vt si sensibile cum homine conferatur. Aut dic aliter: differentiam aliquando comparari cum eo de quo primò ac per se effertur, vt sensibile respectu animalis. Qua ratione pertinet ad locum definitionis, quia eisdem maximis constat. Aliquando vere conferri cum inferioribus eius, de quo primò & per se dicitur, vt sensibile cum homine & bruto. Sub qua consideratione pertinet ad

*Locus à
differentia
an fuerit
in loco da-
finitionis
tractandus.*

ad locum generis seu totius vniuersi, de quo statim differemus. Sic igitur iam huius loci finis. Sed lege præterea caput libri sequentis.

De loco à toto vniuerso & integro.

Cap. 5.

*Qua rati-
one vniuer-
sum acci-
piatur.*

A Toto etiam ad partes argumenta colligi solent, potissimum verò ex toto vniuerso. Et licet ex varijs vniuersis solùm genus, species, ac differentia ad loca interna pertinere videantur: nos tamen breuitatis gratia accipimus vniuersum nunc vt libro secundo: postquam easdem leges in argumentando seruare debemus in omni genere vniuersi, quatenus vniuersum est. Sed hoc totum vniuersum aut absque nota vniuersitatis accipitur, vt quum dico, Animal sentit; aut cum nota vniuersitatis, vt Omne Animal sentit. Dicamus primùm de toto vniuerso absque nota vniuersitatis.

*De loco à
toto vni-
uerso inde
finitè sum-
pto.*

Locus à toto vniuerso ita acceptione, nihil valet ad quidpiam de aliqua certa parte probandum, aut refellendum: id est, ab eo non possumus argumentari affirmatiuè, aut negatiuè. Non enim sequitur, Animal currit, ergo homo currit: nam quiescentibus cunctis hominibus, si currat Leo, verè dicitur, Animal currit: non autem Homo currit. Item non sequitur, Animal non currit, ergo homo non currit. Currentibus enim omnibus hominibus, si vnus Leo non currat, est vera enuntiatio, Animal non currit, quia est indefinita; & idem valet atque particularis: scilicet Aliquod animal non currit: & falsa est hæc, Homo non currit. Ad omnes tamen partes disiunctim argumentari possumus, probando

bando & refellendo; vt Animal mouetur, ergo homo aut brutum mouetur. Similiter Nigrum est, ergo vel est coruus, vel ebum, &c. si omnia nigri inferiora numerari possent. Item Animal non currit, ergo homo aut brutum non currit; quicquid alij sentiant. Itaque quando procedimus à toto vniuerso absque nota vniuersitatis ad eius partes, nullum est discrimen inter argumentum aiens & negans. Huic loco coniunctus est alius, à partib. ad totum vniuersum absque nota vniuersitatis. Enimvero à qualibet parte per se, vel ab omnibus simul efficax ducit argumentum, ad asserendum aut negandum aliquid de toto, vt Homo non currit, ergo animal non currit; itemq; Homo currit, ergo animal currit; quia huiusmodi enuntiationes sunt indefinitæ, particularibusque ex æquo respondent. Sed quòd attinet ad negatiuam argumentationem, intelligendum est id quòd diximus; si pars illa existat: alioqui mala erit argumentatio. Nam si omnia quæ sunt animalia, alba sint, sed nullus existat in rerum natura leo, est vera hæc enuntiatio, Leo non est albus; & falsa hæc, Animal non est album, quia eius contradicens est vera, Omne animal est album.

*A partib.
ad totū in
definito.*

À toto vniuerso cum nota vniuersitatis licet argumentari ad eius partes affirmatiuè, aut negatiuè; siue singulæ partes accipiantur, siue omnes: vt Omne animal currit: ergo omnis homo currit; itemque Nullum animal currit, ergo nullus homo currit. Nunquam enim antecedens verum & consequens falsum in huiusmodi argumentis reperietur. At verò à partibus ad totum vniuersum cum nota vniuersitatis inutile

*A toto v.
niuerso v.
niuersum
sumpto.
A partib.
ad totū in
vniuersū
acceptum.*

inutile est argumentum aiens, aut negaus, nisi omnes partes numerentur, in aiente quidem coniunctim, in negante disiunctim: vt Omnis homo est rationalis, ergo omne animal est rationale. Itemque Nullus homo est quadrupes, ergo nullum animal est quadrupes. Hæc autem optima sunt, Nullus homo, aut brutum est, quod omnibus sensibus careat; ergo nullum animal est insensibile. Similiter omnis homo, omneque brutum tactu præditum est, ergo omne animal habet tactum.

A toto integro ad eius partes.

Sequitur vt de toto integro differamus, vt intelligatur quomodo ex ipso argumenta deprimiqueant. Igitur ab illo ad eius partes aut simul, aut diuisim acceptas, optimum est argumentum aiens; vt Domus est, ergo parietes sunt & fundamentum, ac tectum est. Negatiue autem non bene argumentabimur ab ipso ad aliquam partem certam ac definitam. Non sequitur, Domus non est, ergo parietes non sunt. Valebit tamen argumentum ad omnes partes diuisim, vt domus non est, ergo vel parietes non sunt, aut tectum non est, vel fundamentum non extat. Ex quo intelligitur enuntiationem disiunctam, cuius omnes partes sunt veræ, esse veram: vt docuimus quum de syllogismo Hypothesetico ageremus. Ac nunc denuò ita probatur: In medio mari verum est domum non esse, ergo verum etiam erit, vel ibi tectum non esse; vel deesse parietes, aut fundamentum: cuius profectò argumentationis consequens est enuntiatio disiuncta, cuius omnes partes sunt veræ. Qui igitur sentiunt, enuntiationem disiunctam, cuius omnes partes veræ comprobantur, falsâ esse, hûc locû, in quo versamur, è veterû monu-

De enuntiatione disiuncta.

monumentis sibi delendum intelligant.

Sed quum à partibus ad totum integrum ratiocinari cupimus, has leges seruemus. Prima, ne argumètemur ab vna parte ad totū affirmatiuè: vt fundamentum est, ergo domus est; sed coniungamus prius omnes partes. Nam optime sequitur, Fundamentum, parietes, & tectum bene sibi coaptata sunt, ergo domus est. Secunda, ab omnium, aut vnius etiam partis negatione totum ipsum infirmare, ac destruere debemus; vt Parietes non sunt ergo domus non est. Intelligitur autem hæc præceptio, si pars illa ad totius constitutionem necessaria sit: alioqui non probè argumentaremur, Hoc ædificiū non constat trabibus, ergo non est domus.

Non desunt auctores, qui his locis neccant alios quatuor, à toto in quantitate, à toto in loco, à toto in tempore, & à toto in modo. Sed totum in quantitate nihil differt à toto vniuerso cum nota vniuersitatis, de quo iam egimus. Præterea totum in tempore est ipsum tempus, cum nota vniuersitatis. Perinde enim est dicere, Semper sunt leones, ergo modo sunt leones: ac dicere, Omni tempore sunt leones, igitur hoc tempore sunt leones. Porro totum in loco, est locus cum nota vniuersitatis. Nullum enim discrimen est inter has argumentationes, Vbiq̃ue est Deus, ergo hic est Deus. Item, In omni loco est Deus, ergo hic etiam est. Quare nihil ampliùs circa huiusmodi loca dicendum occurrit, præterea quæ de toto vniuerso cum nota vniuersitatis antea scripsimus. At verò totum in modo est, totū vniuersum respectu suarum partium, quæ quibusdā accidentibus coarctantur, ac (vt ita dixerim) modificantur; vt homo respectu hominis albi. Hoc

*A par-
tib. ad
totum in
tegrum
quo modo
sit pro-
gredien-
dum.*

*De totū
in modo.*

verò totum duobus modis accipi solet, aut cum nota vniuersitatis, aut absque illa; id est, aut vniuersim, aut indefinite. Et quidem qua ratione possimus ab hoc loco argumenta depromere, his præceptionibus explicatur. Prima, à toto ad aliquam partem determinatè non licet argumentari probando, aut refellendo: vt non sequitur, Homo ambulat, ergo homo albus ambulat. Item mala est argumentatio, Homo non ambulat, ergo homo albus non ambulat; quia antecedens æquipollet particulari. Altera præceptio. A toto vniuerso ad omnes partes diiunctim sumptas possumus affirmatiuè, aut negatiue ratiocinari, vt Homo ambulat; ergo homo albus, aut ater, aut medio colore affectus ambulat. Idem patet in negante argumentatione. Tertia, à parte ad totum efficax ducitur argumentum affirmatiuè; vt Homo albus ambulat, ergo homo ambulat: negatiuè nequaquam; vt non sequitur, Homo atei non ambulat, ergo homo non ambulat. Si enim in mundo tantum sint homines albi, & omnes ambulent, verum est antecedens, & falsum consequens. Si tamen illa pars existat in rerum natura, tolerari poterit argumentum: vt Aliquis homo est albus, & ille non ambulat, ergo homo non ambulat. Quarta præceptio. Ab omnibus partibus diiunctim acceptis ad totum in modo valet argumentum negatiuè: vt Aliquis homo albus, vel niger, aut medio colore affectus non ambulat, ergo homo non ambulat. De his igitur hæc tenus.

De eò. Quum autem adhibita vniuersitatis nota disputamus, hæc erunt assertiones memoriæ commendandæ. Prima. Non satis constat argumen-
dem toto vniuers- tum à

cum à toto ad aliquam partē certā affirmatiuē,
 vt Omnis homo ambulat, ergo homo albus am- *sim post-*
 bulat. Quia si omnes homines sint nigri, antec- *so.*
 edens poterit esse verum, & consequens falsum.
 Ceterum si ea pars in rerum naturā existat, opti-
 mum erit argumentum. Altera. Ad omnes partes
 disiunctim argumentum rectē ex hoc loco pro-
 cedit affirmatiuē siue cunctæ existant, siue ali-
 quæ earum perierint: vt mortuis omnibus
 Aethiopibus, est bona argumentatio. Omnis
 homo ambulat, ergo candidus homo, vel niger,
 &c. ambulat. Tertia. negatiuē benè argumenta-
 mur à toto ad quamuis partem, etiam certam, ta-
 met si illa non existat. Quarta. A partibus verò ad
 totum nec affirmatiuē, nec negatiuē benè argu-
 mentamur; nisi omnes partes ritè numerentur:
 vt Nullus homo currit, ergo nullus homo albus
 currit. Sed prorsus cauendum est ne in falla-
 ciam, quæ à dicto secundum quid ad dictum sim-
 pliciter nominatur incidamus: id quæ maximè
 quum à partibus ad totum procedimus. Vt si di-
 camus, Omnis homo albus currit, ergo omnis
 homo albus secundum dentes currit. Item quæ
 Nullus homo albus dentibus currit, ergo nul-
 lus homo currit. Hæc itaque præscripta ser-
 uanti, licebit grauius & absque errore à toto ad
 partes, & à partibus ad totum argumentari.

Huius capituli quæstiones.

Prima. Nunc agimus de locis internis, quo-
 modo ergo diximus, accipi totum vniuer-
 sum vt comprehendit suo ambitu quinque voces
 Propheij? Nam locus ab accidente non

*An omni
 vniuersa-
 le ad hunc
 locum perti-
 nent.*

potest esse locus internus. Respondet quidam, duobus modis aliquid dici internum: primum quia pertinet ad rei essentiam, ut anima ad essentiam hominis; vel saltem ad eius substantiam, ut auris, quæ pars est humanæ substantiæ: secundo quia licet ad neutrum horum pertineat, est tamen accidens in re ipsa existens. Quomodo in Categoria Quantitatis dicitur ab auctoribus lineam superficiem, ac corpus mensurare internè; locum verò & tempus externè. Respondent igitur, locum à toto vniuerso (quod est quantum prædicabile) vocari internum, aliquando primo, interdum verò secundo modo. Facile tamen hæc solutio refelletur, quia saltem locus à toto in tempore, & à toto in loco non debuerunt inter locos internos enumerari quippe cum locus & tempus non sint interna nec primo, nec secundo modo: mensurant enim externè. Quare aliter respondendum est, non omnes hos locos esse internos reuera, sed vnà cum internis de ipsis disputari; quia eodem modo petuntur argumenta ex eis, atque à toto vniuerso, quod ad rei substantiam pertinet. Quemadmodum etiam in capite sequenti de causa efficiente agemus, & fine; non quod loci interni sint, sed ut omnes causas sub vno loco comprehendamus. Similiterque in Categoria relatorum agitur de relatis secundum dici, cum aliòquin in ea Categoria minimè collocentur; & in hoc libro cap. 4. sequuti morem grauissimorum virorum, egimus de loco à proprietate, cum tamen proprietas non explicet rei essentiam.

*Solutio
propria.*

An à toto indefinitè sumpto

Altera difficultas. Quomodo dictum est, à toto vniuerso absque nota vniuersitatis non duci efficax argumentum negans ad aliquam certam partem

partem eius cum hoc sit optimum argumentum, Hæc res non est animal, ergo non est homo; & in eo animal sumatur absque nota vniuersitatis? Respondetur, optimum sanè esse argumentum, sed in accidente sumi animal cum nota vniuersitatis, quia ante animal ponitur negatio, & æquualet huic propositioni, Hæc res nullum animal est. De his lege cap. 6. lib. 4.

*argumen-
tum ne-
gans va-
leat ad
quamvis
partem
destruen-
dam. De
toto &
parte in
modo.*

Tertia. Dictum est hanc consequentiam non valere, Omne animal currit, ergo omnis homo albus currit; quia etiam si antecedens esset verum, nullo tamen homine albo existente, consequens esset falsum: quod à veritate alienum videtur. Nam hic syllogismus est optimus, Omne animal currit, omnis homo albus est animal, ergo omnis homo albus currit. Sed etiam nullo homine existente albo, maior est vera, & (vt docuimus lib. 4. cap. 13.) minor quoque est vera in eodem euentu: ergo etiam conclusio est vera. Quare si concludamus omne animal currere, protinus concedere oportet omnem hominem album currere; tametsi nullus homo albedine præditus inueniatur. Respondemus, illum syllogismum non esse bonum, quamuis in Barbara esse videatur, quia aliqua vox in eo continetur Homonyma. Nam in maiori (scilicet Omne animal currit, quæ resoluitur in hanc, Omne animal est currens) verbum Est necessariò dicit existentiam, quia non potest animal currere, nisi existat: at in minori dicit solam essentiam, vt constat: ergo ea Hypothesi data ille syllogismus, non est bonus. Alia dubia poterunt ex cap. 9. i. lib. in hunc locum transferri.

(.)

Li 3

De lo-

De loco à causa. Cap. 4.

*Locus à
materia.*

Tertio sequitur locus à causa. Quid autem sit causa, & qua ratione diuidatur, diximus h. j. c. 8. Cumq; quatuor sint causarum genera, nempe Materia, Forma, Efficiens, & Finis, singula persequenda sunt. Initio igitur consentaneum est explicare, quonā pacto ex materia probationes colligantur. Et quidem triplex est materia. scilicet ex qua aliquid fit, vt ex farina panis; & circa quam aliqua potentia seu habitus versatur, vt circa colores visus, & numerum Arithmetica; deniq; materia in qua, id est subiectum, in quo forma recipitur, vt corpus animæ, & homo candoris. Rursum materia ex qua alia est, quæ permanet in effectu, vt ferrum in ensē; alia quæ non permanet, vt farina in pane. Sit igitur prima assertio. A materia quæ permanet in effectu ad effectum ipsum bene argumentamur refellendo, non tamen probando; vt ferrum non est, ergo ensis non est. Non tamen sequitur, Ferrum est, ergo ensis est. Ab effectu verò ad ipsam ducitur efficax argumentum aiens, non item negans: vt Ensis est, ergo ferrum est. Non tamen sequitur, Ensis non est, ergo ferrum non est. Secunda assertio. A materia quæ non permanet haud bene argumentamur ad effectum, neque ab effectu ad ipsam. Omnia enim hæc argumenta nulla sunt, Farina est, ergo panis est; Farina non est, ergo panis non est. Item Panis est, ergo farina est; Panis non est, ergo farina non est. Cæterum ab effectu præsentis, aut præteriti ad materiam præteritam bene argumentamur; vt Panis fuit, ergo farina fuit: item panis est, ergo farina fuit.

*Locus à
materia,
quæ per-
manet in
effectu.*

*Locus à
materia,
quæ non
perma-
net.*

Ex materia insuper circa quam multa argu-
menta

menta desumuntur, à Moralibus præsertim Philosophis, qui tamen hæc solent præceptiones amplecti. Prima. Cuius obiectum bonum est, ipsum bonum est: cuius verò obiectum est malum, ipsum est malum: vt Temperatiæ obiectum bonum est, ergo bona est temperantia. Item, Inurbanitatis obiectum malum est, ergo ipsa non est bona. Et quidem in Moralibus habitibus certum est canon, in actibus nequaquam. Datur enim actus, cuius obiectum bonum est, & ipse est malus ex circumstantia, vt pauperibus in Xenodochio ob inanem gloriam ministrare. Secunda præceptio. Inter virtutes illa est præstantior, cuius obiectum est præstantius, vt Virtutes Theologicæ præstantius obiectum habent, quàm Cardinales; ergo sunt præstantiores. Inter vitia quoque illa peiora sunt, quæ peius obiectum respiciunt, vt Detestabilior est hæresis gulæ. Similiter in scientijs illa est præstantior, quæ habet nobilius obiectum, illa accuratior, cuius materia est simplicior: vt habes I. Posterior. capit. 23. Denique hic locus inferuit Theologis in voti, iuramenti; tractatione. Votum enim, aut iuramentum, cuius obiectum malum est, aut indifferens, neminem tenet deuinctum: vt quum Rex Israelis (4. Regum capite 6.) iurauit se caput Elisæi amputaturum.

Materia demum in qua; vel subiectum, duplex est, alia cui semper conuenit illa forma, nec potest extra ipsam inueniri, vt in homine semper est risibilitas. Et ab hac materia petuntur argumenta, sicut à subiecto proprietatis ad proprietatem ipsam. De quo argumenti genere iam 4. capite diximus. Alia est, cui forma conuenire potest, & non conuenire; vt homo respectu albedinis. Et ab hac materia quonam pacto argumen-

Locus à materia, circa quæ aliquid uersatur.

Locus à materia in qua.

*Locus à
forma.*

ta petantur, non occurrit certa aliqua regula. Secundo de forma est differendum. A forma autem ad effectum, & ab effectu ad formam rectè probamus quæ volumus & refellimus alia: vt Albedo est, ergo album est; Albedo non est, ergo album non est. Sola anima rationalis est, quæ hanc regulam suæ naturæ viribus efficit falsum. Ex ea enim ad effectum non ducitur efficax argumentum aiens, sed tantum negans; vt non sequitur, Anima rationalis est, ergo homo est. Anima enim Aristotelis est, & nunc Aristoteles non est, neque porro erit, vsque ad extremum iudicii diem. Rursum ab effectu ad animam rationalem firmum sumitur argumentum aiens, non equidem negans. Bene enim sequitur, Homo est, ergo anima rationalis est. Non autem valet, Homo non est, ergo anima rationalis non est. Licet enim animus rationalis minime existat, priusquam humano corpori infundatur (nisi velimus Pythagoræorum Metempsychosim: id est, ex vno corpore in aliud transmigrationem ab inferis suscitare) permanet tamen vi suæ naturæ, etiam pereunte corpore.

*Triplex
causa ef-
ficientis
genus.*

At causa efficiens triplex est, prima, qua posita, continuo ponitur effectus; & qua sublata, aufertur; vt efficax Dei voluntas, cui resisti non potest. Si enim Deus vult efficaciter nunc esse rosas, certè nunc rosæ existent: & si efficaciter vult nunc non esse, non erunt procul dubio. De rebus naturalibus ago; nam ea quæ hominum libero arbitrio sunt, quo pacto ex Diuina pendeant aut voluntate, aut permissione, Theologorum est explicare. Altera, qua posita, effectus ponitur, sed ea non existente potest etiam effectus esse; vt iugulatione peractâ, necessariò sequitur mors; at etiam

etiam absque iugulatione accidit frequenter interitus. Tertia est, qua non existente effectus non erit, sed ea posita non necessarium est effectum consequi: ut virtus Solis respectu murium in naui. Sine virtute enim Solis, nunquam erunt mures: posita nihilominus virtute Solis non statim erunt mures, si desit materia ex qua generentur. Prior potest vocari certa causa affirmationis & negationis; secunda solius affirmationis certa; tertia denique negationis tantum certa. Quibus semel comprehensis, hic assertionibus argumentandi ratio expedietur. Prima A. causa primi generis ad effectum sumitur validum argumentum aiens, aut negans; & ab effectu ad causam similiter: ut Deus vult rosas esse, ergo sunt rosæ: non vult esse, ergo non sunt. Item sunt, ergo Deus vult esse; non sunt, ergo Deus non vult esse. Secunda assertio. A causa secundi generis ad effectum est efficax argumentum aiens, non tamen negans, ut patet. Tertia. Ab effectu ad causam secundi generis licet argumentari negatiue, non affirmatiue: ut Non interijt, ergo non est iugulatus. Non tamen si interijt, illico sequitur illum iugulatum fuisse. Quarta. A negatione causæ efficientis tertij generis optimè colligitur negatio effectus; non tamen ex affirmatione illius sequitur huius etiam affirmatio; verum ex parte effectus contra se res habet. Nam qui effectum concedit, causam affirmat; quamvis possit effectus negari, nec subinde negari causa. Hæc apertiora sunt, quam ut exempla desiderent.

*Quomodo
ab efficien-
ti causa
argumen-
tari possi-
mus.*

A fine deniq; sæpe argumentamur ad media comprobanda in omnibus artibus. Talia enim debent esse media, qualia postulat finis, in quem destinantur. Ut quia dentes anteriores dati sunt

*Locus à
Tine.*

ad sciendendum cibum, acuti esse debent, tamen si molares sint obtusi: & aliter domus ædificanda est ad voluptatem, aliter ad resistendum inimicis: quia aliud est otium atq; voluptas, aliud negotium & conflictus. Sed profectò in Morali Philosophia, non modica est de fine speculatio. Quare in ea hæ regulæ poterunt obseruari. Prima. Omnis actus cuius finis est vitiosus, ipse quoque est malus; saltem quatenus ab agente procedit: vt ieiunat propter cenodoxiam, ergo malè agit. Secunda regula. Non omnis actus qui in bonum finem dirigitur, est bonus; quia præter finem multæ aliæ circumstantiæ desiderantur, vt actus aliquis bonus iudicetur, nempe vt fiat vbi oportet, quando oportet, ac qua ratione oportet. Siquidem bonum ex integra causa confurgit, malum ex singulis defectibus; & ad collimandum vna tantum est via, ad aberrandum à scopo multæ.

Observatio.

Circa genera causarum, & earum cum affectis connexionem, varia dubia proponuntur ab auctoribus 2. Physic. Igitur eo in loco requirantur. Præterea de materia circa quam, id est, de scientiarum obiectio, multas, ac graues, admodum quæstiones proponit ingeniosissimus Caietanus 1. Posterior. cap. 22.

*De loco ab Ortu & interitu, ab Vsu atque ab his
qua communiter accidunt.*

Cap. 7.

*Ortu &
interi-
tus.*

Proximus est locus ab Ortu & Interitu, deinde à communiter accidentibus. Ab ortu quidem

dem & interitu, his obseruatis sententijs, argumenta sumuntur. Res enim quam bonum est ori-
 ri, bona est; quam malum, mala. Vt Mercatori
 malum est mures in domo nasci, ergo mures ei
 mali sunt. Præterea rem quam interire bonū est,
 malum erat permanere; sicut eam quam malum
 est perire, bonum erat permanere: vt Bonum est
 perire latrones, ergo malum est eos viuere: Ma-
 lum est pios homines interficere, ergo bonum
 est eos seruare. Ab vsu quoq; argumentamur, &
 id cuius vsus bonus est, colligimus esse bonum;
 cuius vero. vsus malus est; colligimus esse ma-
 lum. Vt mala est ars Magica, quia eius vsus malus
 est. Prouidendum est tamen ne abusus pro vsu
 accipiat. Braui enim homines malè vtūtur sa-
 cris litteris, quæ tamen optimæ sunt. Vltimus
 locus est à communiter accidentibus, id est, ab
 his quæ ferè semper inter se coniunguntur, vt in
 quibusdam arboribus florere, & fructus emit-
 tere. In quibus si argumentemur à priori ad po-
 sterius non ita est certum argumentum aiens,
 bene autem negans. Non sequitur, Floruit, ergo
 fructus producet tamen si in huiusmodi arbori-
 bus optimè colligatur, Non floruit; ergo non
 producet fructus. A posteriori autem ad prius, si
 argumentum est aiens, recipi debet; si negans,
 repudiari. Optimè sequitur, Producit fructus, er-
 go floruit: non tamen sequitur, Non producit
 fructus, ergo non floruit. Locos, de quibus in
 hoc capite egi, libentius ego medios, quam in-
 ternos, dicerem. Sed nolo in re parui momenti
 lectorem detinere. Vnum tamen verbum subij-
 ciam, nempe locū, quem Rhetores ab adiunctis
 vocant, sub isto comprehendit: quāuis ex illo raro
 admodū necessariò argumentemur; nisi ea quæ à
 nobis

Vsus.

*Communi-
 ter acci-
 dentia.*

Adiuncta.

nobis in hoc loco dicta sunt, obseruentur. Alio-
qui tantum vulgarem & forensem coniecturam
præstabit.

Dubia huius capituli.

*A perpe-
tuo cuius
interitus
bonus
est vita
sit mala.*

Primum. Mors iustorum bona est, cum ab i-
psismet, tamquam res optima, sæpe desideren-
tur; sed vita eorum non est mala: ergo non omne
id, cuius interitus bonus est, debet quasi malum
haberi. Respondetur, in morte hominis iusti duo
inueniri, alterum conuenit morti, quatenus
mors est, nempe vitam priuare, destruereq; suppo-
situm; & hoc quidem malum est: alterum est, è
maximis eum periculis, angustiisq; eripere; ac (si
omni debito liber egrediatur) statim summæ
Beatitudinis compotem reddere. Itaq; mors ius-
torum est mala quoad primum, ac subinde illo-
rum vita erat bona; quoad secundum autem mors
est bona. Dices. Ergo vita erat mala, saltē quoad
secundum. Respondetur, malum nihil aliud esse,
quam boni priuationem. Quare non videtur ab-
surdum concedere, vitam esse malam; non tamen
malam, id est vitiosam, ac prauam. Item dico, ali-
quando appellari malum id, quod re vera bo-
num est, comparatione melioris boni. Hac enim
significatione loquebatur Deus, quum se dedisse
Hebræis præcepta non bona (Ezech. 20.) aiebat.
Conferbat enim ea, cum legibus noui testa-
menti, quæ multò sunt præstantiores. In quo sen-
su vita iustorum non est bona, si conferatur cum
statu perfectæ Charitatis, ad quam in cœlesti pa-
tria euehuntur.

*An cum
affirma-*

Alterum dubium. Ex Aristotele 1. Posteriorum
cap. 10. si affirmatio est causa affirmationis,
nega-

negatio erit etiam causa negationis: ergo si ex hac affirmatione, Hæc arbor fructus emisit, sequitur hæc affirmatio, ergo floruit: etiam hæc negatio, Non emisit fructus, erit causa huius negationis, ergo non floruit. Respondetur, illam Arist. sententiam veram esse, si affirmatio est propria & adæquata, causa affirmationis: at fructus producere non est causa adæquata floritionis arboris. De locis itaque internis hætenus. *De locis externis. Et primum de Oppositis. Cap. 8.*

Quomodo Opposita definiantur, & quot sint Oppositorum genera, diximus in Post prædicamentis: nunc (quoniam locus ab oppositis primus est inter externos) dicamus, quo pacto ex quouis oppositorum genere argumentari debemus. Ex contradicentibus optime colligitur verum, si negemus aliud; & contra etiam recte alterum negatur, si affirmemus aliud. Verbi gratia; Lapis non est homo, ergo est non homo: & Lapis est non homo, ergo non est homo. Præterea Plato est homo, ergo non est non homo: & Plato non est non homo, ergo est homo. In privatis autem ex affirmatione unius ad negationem alterius respectu cuiuscunque rei, non inaniter disputabimus: ut Hæc res est videns, ergo non est cæca. Tamen non licet ex negatione unius ad affirmationem alterius, respectu cuiuscunque rei progredi. Non enim sequitur, Lapis non est videns, ergo est cæcus. At respectu sui proprii subiecti, & temporis à natura constituti certissime colligitur ex negatione unius alterius affirmatio: ut Hic adolescens nunquam habuit dentes, ergo est edentulus. Jam vero ex contrariis argumentari possumus, his legibus observatis. Prima ex affirmatione unius contrarij negationem alterius efficax argumen-

*tio est affirmatio-
nis causa,
etiam ne-
gatio ne-
gationem
efficiat.*

*Locus à
contradi-
centibus.*

*Locus à
privanti-
bus.*

tum

*Locus à
contrarijs.*

*Locus à
repugnā-
tium.*

*Locus à
relatis.*

tum ducitur respectu cuiuscunq; rei: siue contraria mediata sint, siue immediata. Vt hoc est album, ergo non est atrum. Secunda regula. Ex contrarijs mediatis non semper licet ex negatione vnius ad alterius affirmationem respectu cuiusque rei progredi. Itemque in contrarijs immediatis ex negatione vnius sequitur alterius affirmatio in subiecto, quod neutrius est capax. Non sequitur, Homo nō est albus, ergo est niger. Nec quicquam valet hæc consecutio, Lapis nō est sanus, ergo est æger; quanquam sanum & ægrum sint contraria immediata. Vltima regula. In contrarijs immediatis, respectu subiecti, quod eorum est capax, affirmatio vnius ex negatione alterius sequitur. Vt Hoc animal non est sanum, ergo est ægrum. Coniunctus est huic contrariorum loco, locus à repugnantibus, seu disparatis. Homo enim & brutum (vt ex Categorijs constat) non sunt contraria, sunt tamen disparata: quia nulli simul rei humana & belluina natura conuenire potest. Omnium autem repugnantium alia immediata, alia mediata sunt. Immediata voco vt corporeum & spirituale, quia nulla res est in mundo, quæ non sit aut corporea, aut spiritalis. Mediata appellō vt animal & lapis, quia planta nec animal dici potest; nec lapis. In his igitur repugnantibus easdem ferè leges, ac in contrarijs obseruabimus. In relatis denique hi canones teneantur. Primus. Respectu vnius & eiusdem subiecti non licet colligere ex negatione vnius affirmationem alterius, vt Hic non est filius, ergo est pater: quia potest non esse pater, aut filius. Secundus. Vno relatorum posito, alterum negandum est in eodem subiecto; respectu vnius & eiusdem termini: vt Plato est filius

lius Petri, ergo non est pater Petri. Tertius. Respectu diuersorum subiectorum ex affirmatione vnius relati alterius efficitur necessariò affirmatio: Itemque ex negatione negatio: vt Pater est in rerum natura, ergo filius quoque existit. Rursum Pater non existit, ergo filius non existit: Filius inquam non existit, quamuis ille viuât, qui filius antea dicebatur.

Argumenta in superiora.

EX his quæ in postcatégorijs cap. 21. scripsimus, possunt colligi nonnulla argumenta: sed præterea quædam alia sunt tractanda maxime circa contradicentiã. Primum igitur impugnetur ex negatione vnius contradicentis sequi affirmationem alterius, hoc argumentò. Istud enthymema, Homo secundum suam essentiam non est albus, ergo homo secundum suam essentia est non albus, procedit ex negatione vnius contradictorij ad affirmationem alterius, atqui eius antecedens est verum, & consequens falsum: ergo inania sunt quæ scripsimus de contradicentium consequentijs. Propositio manifesta est. Probatur assumptio. Etenim si homo esset ex sua essentia albus, omnis homo esset albus: & si ex sua essentia esset non albus, omnis quoque homo esset non albus: quæ ipsis rerum experimentis, quamuis nulla esset Philosophia, falsaprehenduntur. Ad hoc argumentum respondeatur, vocabula contradictoria posse duobus modis cum aliqua re comparari: primum ita vt ea res simpliciter accipiatur, quemadmodum si quæramus, vtrum homo sit albus, vel non albus. Quaprofectò ratione necesse est, aliquem ex terminis

An ex negatione vnius contradicentis alterius affirmatio consequatur.

Duplex contradictorium applicatio.]

minis contradictorijs de ea efferri. Quis enim homo aut est albus, aut non albus. Secundo possunt comparari cum ipsa, sub aliqua peculiari consideratione, ut quum dicimus, Vtrum homo, quatenus homo, sit albus, aut non albus. Hoc enim non est percunctari, Vtrum homo sit albus, aut non albus, sed vtrum homo præcise, ac restrictè consideratus, ratione suæ essentiæ, sit albus, aut non albus. Et hoc pacto non oportet alterum ex terminis contradictorijs de qualibet re necessariò prædicari, ut docet Caietanus de Ente & Essentia cap. 4. Ex hac solutione patet quid respondendum sit ad plurima, quæ in alijs disputationibus proponi solent argumenta. Etenim contra diuisionem animalis in hominem & brutum ita quidem argumentantur, Animal in communi est animal, sed ita sumptum non est homo, neque brutum; ergo aliquod animal nec est homo, nec brutum. Assumptio probatur (propositio enim liquidò vera est.) Quia animal in communi est abstractum à rationalitate, & irrationalitate; ergo nec est homo, nec brutum. Respondendum est tamen, hoc argumentum nihil efficere; nam illa diuisio, qua dicitur, omne animal esse hominem, aut brutum, tantum significat non dari animal in rerum natura, quin sit homo, aut brutum: non tamen est necesse, ut quid animal sub quavis consideratione sit homo, vel brutum. Nam ego quatenus albus, nec sum homo, nec brutum; alioqui omne album vel esset homo, vel brutum. Ita etiam animal in communi, id est quatenus abstrahens ab homine, vel bruto, nec est homo, nec brutum. Similiter intelligendus est Aristoteles in Metaphysica, quum ait, idem & diuersum diuidere omne ens, id est

Nam bene animal in suas species diuidatur.

Nam idem

omne

Omne ens mundi aut idem esse cum alia re, aut diuersum ab illa. Sanè vera sententia, si idem & diuersum accipiantur sine aliqua adiectione. Nā si cum adiectione sumantur, falsa deprehenditur. Si enim ego percuncter à te, Vtrum sis idem, an alius equus ab illo, qui in Hippodromo currit, si sapis, respondēbis, te nec esse eundem equum, nec alium equum, quamuis sis ab illo alius: Hæc reputent isti, qui vt probent contra diuum Thomam ante opus mentis non modò (vt aiunt) fundamentaliter, sed formaliter etiam vniuersa dari, simili cauillo iuuenes circumuehiunt. Omni mentis opera circumscripta, homo & bos non sunt eiusdem speciei formaliter, ergo sunt diuersorum specierum formaliter: atque ita fiet, vt ante opus mentis homo sit vnus speciei, & bos alterius; idque formaliter: quoniam (inquiunt) idem & diuersum diuidunt omne ens. Rudissimum profectò argumentum. Responderi siquidem potest, nulla intellectus operatione præcedente hominem & brutum nec esse eiusdē, nec diuersæ speciei formaliter; sicut nec Deus est eiusdē speciei cum materia prima, neque diuersæ: quia cum Deus incircumscriptam essentiam habeat, à nulla speciei contineri potest: & materia quam diuus Augustinus ferè nihil appellat, indigna est, quæ in Categoria ponatur, licet ad eam reduci possit. Latiùs hæc; quàm decreueram, pertractaui; sed non erunt (vt existimo) inutilia.

Secundum præterea in eandem sententiam potest proferri argumentum. Loquendo enim de re quæ non est, verbi gratia de chimæra, nullius ponderis est hæc argumentatio, Chimæra non est homo, ergo chimæra est non homo. Quomo-

& diuersum diuidant omne ens.

Sententia diui Thomæ de Vniuersis defenditur.

An de re minime existente alterum contradi-

*centium
perpetuo
efficitur.*

*Quorum-
dam iu-
niorum
opinio.
Auctoris
opinio.*

do ergo dictum est, ex negatione vnius vocabuli contradictorij posse alterius affirmationem colligi? Vt autem appareat illam argumentationem esse malam, solum mihi probandum est; consequens esse falsum, cum tamen antecedens sit verum apud omnes. Id autem ita efficiam. Nam ex Dialecticorum communi, vulgataq; sententia constat; ab enuntiatione tertij adiacentis ad enuntiationem secundi, esse validum argumentum. Quare bene sequetur, Chimæra est non homo, ergo chimæra est; sed chimæra non est, (vt constat) ergo chimæra non est non homo. Præterea alia subest causa, quare illud consequens falsum videatur. Aristoteles enim i. Priorum capite ultimo docet; hanc consequutionem esse nullam, Lignum non est album, ergo lignum est: hanc verò aliam esse bonam: Lignum est non album; ergo lignum est. Quare si Aristoteli credimus, hæc consequutio erit bona, Chimæra est non homo, ergo chimæra est. Igitur his rationibus conuincti quidam; asserunt posse vtrunque enuntiationem aientem ex contradicentibus prædicatis constitutam falsam esse; si non existat, aut extet potius subiectum: Quorum profectò sententia Aristoteli aduersatur; & quum Aristotelici videri velint; Principi contradicunt. Etenim i. Perihermen. cap. de Nominè docet, nomen infinitum ita dici de re quæ non est, sicut de ea quæ est: sed hæc voces non homo, non animal sunt nomina infinita, ergo possunt etiam dici de re; quæ non est. Præterea in post-categorijs tradens Aristoteles discrimen inter opposita contradicentia; priuantia, contraria, & relata, hoc præcipuum profert, quod priuantium; aut contrariorum alterum non sit necessum

cessum dici de re quavis, siue sit, siue non sit; contradicentium verò oporteat alterum de quavis re, etiam non extante, efferri. Accedunt etiam huc diui Thomæ (cui tantum ego tribuo, ut quavis nihil de ea re Aristoteles docuisset, solacius auctoritate frangerer) apertissima testimonia. Nam. 10. Metaphysicorum lect. 6. asserit, quoduis tam existens, quam non existens, aut æquale, aut non æquale esse: non tamen quiduis esse æquale aut inæquale. Denique 1. Perihermen. lec. 4. non modò hanc sententiam approbat, sed Boethij præterea & Ammonij auctoritate confirmat. Quare satisfaciendum est aduersariorum rationibus. Et ad primam quidem respondeo, falsum esse, ex enuntiationibus tertij adiacentis semper colligi posse enuntiationes secundi adiacentis. Etenim Aristoteles 4. Topicorum cap. 1. docet opinabile ita efferri de eo quod est, sicut de eo quod non est; ergo apud Aristotelem hæc consecutio esset ridicula, Talis res est opinabilis, id est, sub opinionem cadere potest, ergo talis res est. Iam verò apud diuum Thom. dantur quædam attributiones, quæ æternæ veritatis esse dicuntur, ut Homo est animal, quæ rebus etiam non existentibus, nec adhuc creatis veræ erant. Ergo apud hunc grauíssimum iudicem non bene sequetur, Homo est animal, ergo homo est.

Intelligo sanè, quid possint iuniorum quidam huic argumento respondere. Negabunt vllam propositionem dari, quæ æternam veritatem enuntiet; nisi quæ ad Deum pertineat. Quamobrem hanc enuntiationem, Homo est animal, ea solum causa ab antiquioribus Dialecticis necessariam appellatam esse dicet, quia homo quæ

*De enun-
tiationi-
bus perpe-
tuò veris.*

K k 2

existit,

existit, necessario animalis natura ei debet conuenire. Sed horum quàm sit vanâ opinio, non diui Thomæ (quem contra eius aduersarios citare nolumus) sed Porphyrij, denique Augustini, atq; Alberti magni testimonijs demonstrabo. Ac de alijs quidem non ita multò post, Augustinum prius audiamus. Secundo libro Soliloquiorum capite 2. probat dari quasdam enuntiationes, quæ veræ essent, tamen si totum vniuersum in nihilum redigeretur: vt hoc pronuntiatum, Veritas est. Quoniam inquit, aut, ea Hypothesi data, veritas erit, aut non erit: si erit, mea sententia vera est: si non erit, ergo tum verum saltem erit, veritatem non esse. Fiet igitur, vt aliquid verum sit. Præterea lib. 2. de Libero arbitrio capite 8. Euodij orationem laudat, quòd quandiu res hæ corporeæ permanfuræ essent, ingenue se ignorare fateretur: contra autem certissimum sibi esse diceret, tria & septem esse decem; nec vnquam futurum, vt tria & septem non essent decem, nullumque fuisse tempus, quum tria & septem non fuerint decem. Iam libro 4. in Genes. ad litteram capite 7. docet, senarium perfectum numerum fore, etiam si mundus non esset futurus. Ibidemque asserit, facilius multò effici posse, vt cælum ac terra pereant, quàm senarium non esse numerum suis partibus constitutum. Ita sanè disertissimus Pater Augustinus sentit. Porphyrius quoque in Isagoge, de communitatibus & differentiis generis & differentiæ tradit, pereuntibus omnibus rationis compotibus & expertibus animalibus, posse intelligi, animal esse substantiam corpoream, animatam, sensusq; participem. Loquitur autem de vera, rebusque ipsis consentanea intellectione; nam si de inani, commentitiaque loquere-

queretur, ridiculus planè Philosophus esset, nec id probaret, quod probare eo in loco instituit. Sed intimiùs quæso, hanc Porphyrij sententiã discutiamus. Si omnia animalia rationalia, irrationaliaq; deficeret quis esset, qui verè posset cõcipere, illud pronũtiatũ, Animal est substãtia, maximè cum Porphyrius etiam Deos (ita enim ipse Gentili more separatas substantias nominat) animalia esse putet. Quare (nisi me mea fallit opinio) tantũ Porphyrius sensit, etiamsi nullum superesset animal, quod illam enunciationem exprimeret, eam nihilominus veram esse censendam, quia eius significatum esset verum. Hoc denique Albertus ille Magnus, homo ex ipsius scientiæ stirpe generatus, docuit in Postprædicationis cap. 9. Existimat enim, nullo homine, nulloque animali superstite, hanc enunciationem esse verissimam, Homo est animal. Perspicuum itaque fit, non immeritò eam regulam à nobis repudiari, nullaque probabilitate à nostræ ætatis Dialecticis has perpetuæ veritatis enuntiationes reprehendi. Ceterum explicatio, quam isti probatis auctoribus adhibent, multam præ se fert bonarum artium ieiunitatẽ. Nam si ob eam causam dixerunt veteres, hanc enuntiationem, Homo est animal, esse cum necessariam, tum perennis etiam veritatis, quia homo esse nequit, nisi sit animal: eadem profectò ratione dicere debuissent, pronuntiatum, Homo existit, itemque hoc aliud, Mundus est creatus actu à Deo, fuisse perpetuò vera, quia si homo existit; necessum est vt existat, & si Mundus est, necesse est vt actu sit creatus à Deo. Hęc autem concedere impudentis est hominis, auditorumque patientia abutentis. De his itaque hæctenus, nunc alia ratio-

De enun-
tiationibus
quarum
prædica-
ta ratio-
nem sub-
iecti de-
struunt.

ne superiorem illam regulam impugnemus.

In enuntiationibus etiam, quarum prædicata destruunt subiectorum rationem, non est vera illa regula. Non enim qui concedit hanc enuntiationem, Leo est mortuus, proinus & hanc concedere debet, Leo est. Cum igitur toties i Horum regula falsa comprobetur, quid incommodi erit, si nos eas quoque enuntiationes excipiamus, quarum prædicatum est nomen infinitum? Denique ad secundam causam possem aliter respondere, præsertim cum non omnium interpretum versiones consentiant: sed respondeo aliter, in illo capite multa Aristotelem disputando dixisse. At quum Aristoteles argumentatur, multa falsa dicere solet, ut patet ex toto lib. 3. Metaphysicæ. Insuper ex 2. Poster. ubi cum à cap. 3. usque ad 7. multa de definitionis demonstratione disputando docuisset, denique octauum caput sic orditur. Videamus ex his omnibus quid verum, quid non verum sit. Item cap. de Quantitate. probat, in quantitate esse contrarietatem, sed quia disputando id dixit, quamuis argumentum non soluat, nemo illud recipit. Tempus me deficiet, si omnia loca commemorare voluero, in quibus Aristoteles ex propria sententia loqui videtur: nec loquitur tamen.

Arist.
frequen-
ter qua-
si dispu-
rans lo-
quitur.

De loco à Comparatū. Cap. 9.

Alter locus externus dicitur à Comparatis, quo tum veimur, quum ex vna re ad aliam argumentamur, quia inter se comparantur. Et quoniam maius potest comparari minori, ac minus maiori, & par pari, confurgit triplex locus à comparatis, à maiori nempe ad minus, à

Locus à
maiori.

mino-

minori ad maius, & à pari. A maiori ad minus argumentamur, quando procedimus ab eo, quod probabilius est ad id, quod minus est probabile. Nunc enim non appellamus maius id quod est latius, aut longius, aut numerosius; sed quod probabilitate aliud superat. Oportet autem argumenta à maiori ad minus esse negantia, si firma esse debent: ut Rex non potuit debellare oppidulum, ergo nec poterit munitissimam civitatem. Credibilius enim erat à Rege oppidum fuisse debellandum, quàm civitatem munitam. Et est optimum argumentum, quia aufert verisimilius, ut id quod non vsque adeo verisimile est, tollere possit. Quare si fuisset aiens, nihil collegisset. Ut si diceretur, Rex potuit expugnare vicum, ergo etiam civitatem muratam. Innititurque hoc genus argumentationis huic maximæ: Si id quod magis videtur inesse non inest, id quod minus videtur inesse non inest. Hoc genere argumenti vsus est Ieremias, Propheta quum 12. cap. dixit, Si cum peditibus currens laborasti, quomodo poteris contendere cum equis?

*Trifariam
hoc loco
uti possit
mss.*

Possunt autem proponi argumenta à maiori ad minus tribus modis. Primus quum maior probabilitas sumitur ex parte subiecti; ut Exercitus non potuit debellare hanc civitatem, ergo neque una legio poterit. Secundus quum oritur ex parte prædicati, hoc pacto. Rex oppidum nequiuit debellare, ergo nec poterit civitatem munitam. Tertius quum ex parte subiecti & prædicati, ut Rex magno exercitu fultus non potuit capere oppidum, ergo nec Phylarchus minori exercitu, imbecilliori què stipatus civitate munitissimam capiet. In promptu erat variare

*Locus à
minore
ad ma-
ius.*

*Locus à
pari.*

exempla: sed vt res tota melius perciperetur, i-
dem retinere malui. A minori autem ad maius
oportet argumentari affirmatiuè, Nam si proce-
damus ex negatione minus probabilis ad nega-
tionem probabilioris, nihil efficiemus. Hoc ar-
gumentum bonum est. Licet proculdubio perti-
nacem hæreticum viuentem adhuc ignibus tra-
dere, ergo licet eum flagellis cædere. Et fulcitur
hoc argumentum contrario axioma præceden-
ti, Si id quod minus videtur inesse inest, inerit
quoq; id quod magis videtur inesse. Possumusq;
hoc loco vt (superiori) tripliciter vti, Denique à
pari argumentamur, quum ex re probabili æquè
probabilem, aut quæ ferè eandem probabilita-
tem habet, colligimus. Potestq; à pari argumen-
tum aiens & negans sumi, Vt Fratrem occidere
turpissimum est, ergo & sororem. Item non est
peccatum mortale furari obolum, ergo nec e-
tiam erit lethale crimen leuissimum verbum in
amicum prolatum. Item Physica non est mala,
ergo nec Astrologia.

Obiectiones:

*Quid no-
tandum
sit vt
maior,
minorve
probabi-
litas a-
gnosca-
tur.*

DICTUM est, hoc argumentum, Rex non po-
tuit debellare oppidum, ergo nec ciuitatē
munitam, esse à maiori ad minus. In quam sentē-
tiam illud mihi in mentem contra venit, quod
probabilius sit consequens, quàm antecedens;
probabilius enim est, Regem non posse debella-
re ciuitatem, quàm non posse oppidum capere.
Respondetur, argumentum esse à maiori ad mi-
nus. Sed vt intelligamus quæ enuntiatio sit alte-
ra probabilior, in hoc loco non sunt consideran-
dæ negationes, sed affirmationes. Et quia hæc af-
firmatio, Rex potest expugnare oppidum, est
proba-

probabilior illa altera, Rex potest ciuitatem capere, ideo argumentum dicitur procedere à probabiliore ad minus probabile negatiue.

Altera obiection. Videtur hanc disputandi formam explodendam esse, quia sæpe antecedens verum in falsum consequens procedit. Primum, quia si oppidum sit bellicis machinis instructum, frumento, cibisque abundans, & optimis militibus plenum; ciuitas autem his præsidijs destituitur, poterit Rex ciuitate potiri, non oppido. Item quia non sequitur, Hic est optimus Theologus, ergo est optimus Arithmeticus; quamuis facilius sit multò Arithmeticam, quàm Theologiam comprehendere. Respondetur, in his locis subintelligendum esse, si cætera sint paria: nam si imparia fuerint reliqua, non ducitur efficax argumentum: vt in priori exemplo obiectionis patet. Præterea illud sciendum est, in his quæ ex hominum libero arbitrio pendent, potius considerandam esse potestatem, quam actum. Nam cum actus sit liber, potest homo agere id, quod minus probabile erat eum acturum; quòd verò probabilius erat, dimittere. Vt quum beatus Dauid peccauit, profectò id egit, quòd vix credi poterat, hominem adeò sanctum, ac Dei amicum acturum. Deniq; assero, etiam si argumenta huiusmodi ad potestatem referantur, captiosa reddi; si ad ea quæ diuersi generis sunt referantur. Vt hic potest esse summus Philosophus, ergo poterit esse præclarus citharædus, non sequitur: nam quidam suapte natura sunt ad artem citharizandi habiles, & inepti ad Philosophicas speculationes, ac contra. Quod optimè explicat Iauel. 1. Meta. c. 1. cum igitur esse citharædum & Philosophum diuersæ admodum rationis sint, non potest ex

*Prima lex
huius loci.*

Secunda.

Tertia.

vnius affirmatione alterius affirmatio colligitur, nec ex negatione negatio. Quare secundum argumentum malum est, tum quia ad actum pertinet, tum quia de rebus diuersæ rationis tractat.

De loco à Proportionē, vel à commutata proportionē. Cap. 10.

Locus à simili.

LOCVS à porportionē, qui ab alijs à simili dicitur, est habitudo vnius rei ad alteram eandem proportionem habentem. Ex quo efficitur, vt quod vni competit, alteri etiam accommodetur; & quod negatur vni, ab altera quoque remoueat; vt sicut se habet nauta ad nauim, ita Prætor ad ciuitatem: sed nauta non eligitur sorte, ergo nec prætoris electio fortunæ debet committi.

Locus à dissimili.

Patet hinc quonam pacto ex loco à dissimilitudine argumentemur. Nam si cum duæ res eandem proportionem habent, & similes esse dicuntur, quod in vna inuenimus, de altera quoque colligere possumus; cur non licebit, quum aliqua inter se dissimilia sunt, opposita eis tribuere, hac ratione, Belluæ in diem viuunt, nec futura cogitant; ergo hominis est prouidere futuris? Sed cauendum est prorsus, ne ea quæ ad dissimilitudinem nihil pertinent, assumantur.

Cautio in his locis retinenda.

Quare reiicitur hic syllogismus; Bellua & homo valde inter se distinguuntur, at belluæ quotidie comedunt; ergo homines, nisi interiectis aliquot diebus, cibum non debent sumere. Quod nunc de dissimilibus dico, idem de similibus intelligatur. Non enim id sumendum est, quod à similitudine longè abest, cum aut à simili, aut à porportionē argumentamur. Huic loco finitimus

titulus

timus est alius, qui dicitur à commutata proportionem: quando scilicet, quia duæ res inter se eandem proportionem habent, quam duæ aliæ, colligimus eandem proportionem esse inter secundam & quartam, quæ inter primam & tertiam. Ut sicut se habet duodenarius ad senarium, ita quoque octonarius ad quaternarium; utraque enim habent proportionem duplam; sed duodenarius ad octonarium habet proportionem sesquialteram: ergo etiam senarius ad quaternarium habebit proportionem sesquialteram. Est autem proportio dupla; quæ inuenitur inter duo, quorum unum bistantum continet alterum, ut duodenarius ex senarij duplicatione consurgit. Item proportio sesquialtera tunc inter duos numeros reperitur, quum maior continet minorem semel, & alteram eius partem, ut senarius continet semel quaternarium, & medium quaternarij. Sicut etiam proportio sesquitertia est, quum numerus maior continet minorem, & tertiam eius partem: qualis est inter octonarium & senarium. Continet enim octonarius senarium, & præterea binarium, qui est tertia pars senarij. De his proportionibus nisi ad manum habeas auctores Arithmeticæ, lege diuum Thomam 5. Metaph. lect. 17. & Dominicum à Soto 7. Phys. quæst. 2. in digressionem: & nostrum Patrem Fratrem Isydorum de Isolanijs in opusculis, quæ habentur ad finem Capreoli in epitomen redacti. Sed interim illud intellige, locum à proportionem melius appellandum esse à proportionalitate; quia proportio est habitudo inter duo, proportionalitas verò duorum ad duo: vel (ut alij dicunt) est proportio proportionis ad proportionem, quod fit in hoc loco.

Locus à commutata proportionem.

Proportio num quædam per transennam explicantur.

Proportionalitas.

loco. Non enim sumitur argumentum à proportionē nautæ ad nauim, sed à proportionē quæ est inter proportionem nautæ ad nauim, & proportionem Prætoris ad ciuitatem.

Observatio.

Obiectiones quædam in hos locos adduci potuissent, & quidem perdifficiles, ex motuum proportionē sumptæ, quibus manifestè ostenderetur, argumentum à commutata proportionē interdum nihil inferre; sed vide eas in Soto, & Isidoro.

De loco à Paronymis, vel Coniugatis.

Cap. II.

*Locus de
nomina-
tius.*

EXternis locis explicatis, occurrit locus medius, qui dicitur à coniugatis, aut à Paronymis, sed denominatiuis. Et nihil aliud est, quàm connexio inter formam denominantem & Paronymum, ab ea denominatum. Verbi gratia, inter iustitiam & iustum. Argumentamur ex hoc loco ita; vt quod formæ denominanti conuenit, in ipsum paronymum transferamus, aut contra; vt Iustitia bona est, ergo iustus bonus est.

*Locus à
casibus.*

Reliquus est locus à casibus, qui est habitudo inter duo paronyma, quæ ab aliqua forma denominante descendunt; vt iustus, & iustè à iustitia. Itaque præcedens locus erat habitudo paronymi ad formam denominantem: hic vero est habitudo vnius paronymi ad alterum; ex quo argumentamur hac lege, vt quod vni paronymo competit, vel repugnat, alteri etiam paronymo intelligatur conuenire, aut repugnare; proportio-
netat-

ne tamen seruata. Vt iustus est bonus, ergo iuste operari etiam bonum erit. Dixi autem porportione seruata, quia non sequitur, Iustitia est virtus, ergo homo iustus est virtus; sed est virtute præditus.

Dubitatiuncula.

Quid de loco à diuisione, quem nonnulli inter medios numerant? Respondetur, illum non esse mediū, sicut nec locus à toto vniuerso, aut à toto integro, ad quos reducitur. Dico igitur, ob eam rem multos me dimisisse locos ab alijs enumeratos, quia ad superiores referuntur; vt locus ab antecedentibus & consequentibus (voco autem antecedentia & consequentia illa eadem, quæ lib. 5. quum de medijs inuentione differerem.) ad locum totius ad partes, & partis ad totum: Sed in hac re dissimulare nolo quod sentio: nempe si accipiantur antecedentia & consequentia, vt Cicero ad Trebatium, & ferè omnes Rhetorès sumunt, referenda esse antecedentia & consequentia, vt modò nos retulimus ad loca totius vniuersi, & partes ei subiectas, aut necessaria coniunctas. Tamen est noua quædam horum vocabulorum acceptio, à quibusdam nostræ ætatis Philosophis vsurpata, quæ non statim, quia noua contemni debet. Aliquando enim Pythagoricorum præceptum, à Philone Alexandrino relatum, seruandum est; ne scilicet vias publicas ingrediamur. Dicunt enim illud esse alicuius antecedens, quod aliud præcedit, & sine ipso posterius nulla ratione esse possit: & tamen non est eius genus, species, differentia, proprium, aut accidens, neque verò causa: vt spoliationem necessario præcedit vestitio; nihil enim potest spoliari,

*Locus à
diuisione
sub quo
ponendus
sit.*

*Noua
quædam
opinio.*

*Proprius
locus ab
antece-
cedenti-
bus, &
consequen-
tiis.*

liari, nisi vestitum antea fuerit. Item excacatione prior est facultas videndi: nullus namque excacabitur, nisi fuerit prius videns. Denique reconciliationem debent inimicitiae antecedere. Quare nemo in alicuius gratiam redire potest, nisi qui prius ei inuisus fuerit. Si ergo ita accipiamus antecedentia & consequentia, peculiarem locum constituunt; & ex posterioris affirmatione sequitur prioris affirmatio; non tamen e contrario: vt Spoliatus est, ergo vestitus fuit. Item ex prioris negatione sequitur posterioris negatio, non autem contra. Vt nunquam habuit facultatem videndi, ergo non potest excacari. Non tamen valet, Habet facultatem videndi, igitur excacabitur.

De loco ab auctoritate. Cap. vltimum.

*Qualis
sit loci ab
auctori-
tate fir-
mundo.*

QUum non suppetit ratio ad sententiam nostram probandam, Iohannis interdu[m] confugere ad grauissimorum hominum testimonia. Ideoque hic locus ab Auctoritate dicitur, valetq; plurimum, si auctor, cuius testimonio utimur, grauis sit; quales profecto multi sunt: sed praecipui existimantur in rebus quidem naturalibus Aristoteles, in Theologicis vero Augustinus; Hieronymus, Gregorius, Ambrosius, ac diuus Thomas Aquinas, qui nuper sanctae Romanae Ecclesiae auctoritate quatuor prioribus Ecclesiae Doctoribus merito est adiunctus: vt patet in Bulla beatisissimi & sanctissimi Patris & domini Pij Papae quinti, cuius nunc egregia facta miramur, memoriam autem summa veneratione excipient omnes anni consequentes. In rebus tamen moralibus hic locus multum firmitudinis habet, quia virtus mora-

lis in

lis in mediocritate posita est, ac tali, quam vir sapiens & prudens constituerit. Præterea res morales in probabili opinione plerumque consistunt. Probabile autem est, quod probatur omnibus, aut plurimis, aut certè sapientibus; atque his præcipuè, quorum spectata, & perspecta est sapientia. Sed non modò ad hunc locum pertinent virorum doctissimorum testimonia, sed plebis etiam aliquando, & fabularum, &c. præfertim apud Rhetores.

Denique sciendum est, ex hoc loco firma sumi argumenta aientia passim, negantia autem rarissimè: vt hæc argumenta, Scriptura sacra hoc non dicit, ergo non est verum; Aristoteles non numerat nisi tot locos Dialecticos, ergo non sunt plures nihil probant.

Dubitatio.

QUæritur an ex diuinis testimonijs argumenta probabilia desumantur? Respondetur, per se quidem non sumi probabilia, sed necessaria omnino, atque certissima: accidentariò tamen fieri posse, vt probabile tantum argumentum ex eis sumatur quandiu non constat de germano sensu scripturarum. Quæstio enim est inter Caietanum & alios, vtum terra sit mari superior, an è diuerso. Et profert equidem Caietanus testimonia sacræ scripturæ, vt propriam opinionem corroboret: sed quia nondum manifestum est, an in eo sensu scriptura sit accipièda, nondum Caietani opinio certa fide tenetur. Hic igitur finis sit locorum disputationi, in qua non sum nescius multa desiderari: potissimumque vltimorum locorum explicandum fuisse, vt medio-

An ex sacro eloquio probabilia interdum argumenta petantur.

criter res tractata videretur. Sed non omnia possumus omnes. Ego quidem quotidianis lectionibus, alijsque studijs prædeditus, tantumque horis successiuis has institutiones colligens, non potui absolutam eorum, quæ disputo, notionem tradere. Sed nemo desperet ante multos dies omnia hæc accuratiùs, doctiusque, ita vt nihil supra addi possit, vulganda: non sanè à me (qui enim possem?) sed (vt spero) à Reuerendo admodum Patre, atque Magistro Fratre Francisco García, qui de locis tum Dialecticis, tum Oratoribus necessarijs integrum iam volumen absoluit: in quò quanta fieri potuit eruditione, ac sermonis elegantia, omnia pertractauit. Nos interim accingamur, vt contra sophistarum spicula, nostros Dialecticos muniamus. Superioribus enim libris multis eos armis instruximus, quibus alijs possent obesse, & veritatis aduersarios vi argumentorum confodere: nunc prouidentum est, ne ipsi ullis possint vulneribus fauciari.

(.·.)

BENEDICTVS DEVS.

COM.

COMMENTARIO RVM IN VNIVERSAM LOGICAM

LIBER OCTAVVS.

IN QVO SOPHISTA-
rum loca, fontesque ob-
ruuntur.

*De instituto libri, & Sophistarum finibus.
Cap. i.*

OSTENDAM à definitione
à totò, à causis, ab euentibus,
à coniugatis, & ab omni Dia-
lectico loco, quemadmodum
probabilia argumenta ducen-
rentur, satis explicauimus li-
bro superiore; sequitur, vt lo-
tos, fontes, officinasque vnde Sophistæ aculeatas,
contortasque ratiocinationes petunt, captiones
quasi putidas aquas hauriunt, ac tela venenata
proferunt, ostendamus: & ne ab eis offendi pos-
simus, dicamus breuiter, qua methodo, atque ar-
te illis sit occurrendum. Etenim vt præclari Me-
dici est, non modo salutes herbas ostendere, sed
etiam pestilentes, vt illæ assumantur. istæ viten-
tur; sic periti est Dialectici, non solum de syllo-
gismis probabilibus, & demonstratorijs agere,
sed de Sophisticis ratiocinationibus disputare,
vt deceptiones vitentur. Facit hoc diligentissime
Aristoteles in libro de Reprehensionibus sophi-
starum, quum ostendit fontes & locos vnde ar-
gumenta petunt sophistæ. Sed antequam de his

*Quamob-
rem de
locis sophi-
sticis di-
sputemus.*

L I

differa-

*Quinque
peculia-
res fines
sophista-
rum.*

differamus, fines sophistarum demonstrare oportet: ut ex finibus intelligatur qualia sint argumenta. Quinque sunt autem præcipui eorum fines, scilicet Reprehensio, Falsum, Incredibile, Solœcismus, & Nugatio. Et quidem Reprehensio, seu Redargutio, est affirmatio eius, quod negatum fuerat; aut negatio rei affirmatæ, vi argumenti extorta. Ut si in disputatione alicui probatum fuisset, Regem ab eo minime cognosci, & postmodum contrarium probaretur hoc syllogismo, Tu cognoscis venientem, sed veniens est Rex, ergo cognoscis Regem. Tum si illè concederet se cognoscere Regem, diceretur redargui. Falsum autem vocatur in præsentia id, quod apertè falsum est; nam ea quæ obscurius falsa sunt & probabilia existimantur, sæpe Dialecticus colligit. At sophista cum hominum laudes admirationemque optet, non satis muneris suo se fecisse arbitratur, si falsum concludat: nisi ita falsum sit, ut à circumstantibus intelligatur. Ut si hoc pacto argumentetur, Omnis canis latrat, sed quoddam astrum est Canis, ergo quoddam astrum latrat. Inopinabile, seu incredibile dicitur, quod seu verum sit, seu omnino falsum; est tamen præter eorum opinionem, quibus præsentibus sophista disputat. Quare hic finis à præcedenti diuersus est; quia sæpe accidit veritatem ipsam incredibilem videri, præsertim rusticis; plebeisque hominibus, quibus spectantibus libetius sophistæ disputationes iniunt. Contra verò etiam apud sapientes multa falsa sunt probabiliora; & credibilia veris. Hinc colligunt diui Thomæ discipuli 1. parte q. 1. & 2. 2. quæst. 1. hoc argumentum esse nullius ponderis. Mystèria fidei nostræ sunt euidenter

*Quid
falsum
ab inopi-
nabili
differat.*

dentur nobis credibilia, ergo sunt respectu nostri euidenter vera. Etenim veritas ex re ipsa sumitur; at probabilitas ex asserentium testimonijs vel rationibus pendet: vt (quamuis omne exemplum inferius sit) Indiam esse perspicuum est, atque euidens ijs, qui Oceanum mare præfur nauigârunt: nobis autem, qui in hoc alio hemisphærio sumus, id non est euidenter verum; est tamen euidenter opinabile, euidenter credibile, & euidenter probabile: quia perspicuum est nobis ita videri omnibus, aut plurimis, aut certè sapientibus. Denique respectu eorum, qui nihil vnquam de Antipodis audierunt, incredibile est, sub pedibus nostris homines habitare. Igitur ad hunc finem pertrahit sophista hoc, aut simili argumento. Quem accidit capi ab hostibus, infœlix est; sed Regem aliquando accidit capi ab hostibus, ergo Rex infœlix est. Hoc enim est improbable apud vulgares, quorum opinione, nullus viuit Rege fortunatior, Solœcismus error est contra Grammaticam. Conatur autem sophista, in huiusmodi incommodum adigere respondentem, hoc genere argumenti: Tu scis hoc, sed hoc est lapis, ergo tu scis lapis. Et quidem hoc loco omnis error contra Grammaticam Solœcismus vocatur. Nugatio denique est eiusdem vocis in eadem parte orationis inutilis repetitio. Eiusdem inquam vocis repetitio; quia si alia vox idem significans fuerit, vana quidem locutio erit, sed nugatio non erit. Vt si dicas, Animal sensibile currit. Item in eadem parte orationis: nam si in alia atque alia fiat, nequaquam dicetur nugatio, vt Homo est homo. Denique inutilem dixi, quoniam si utilis sit ad effectus commouendos, non

Theologorum doctrina.

De Nugatione.

*Supre-
mus finis
sophista-
rum.
Finitum
ad va-
rias di-
sciplinas
accom-
modatio.*

erit nugatio. Ita Cicero in Epistolis, Mi frater, mi frater, mi frater, &c. Nugationem hac methodo sophistæ colligunt. Iste natus est natus simus, sed simum idem est quod natus concavus, ergo iste natus est natus natus concavus. At sub nugatione comprehenditur omne vitium contra Oratoriam facultatem. Et quidem sophista cum præcipue ob cenodoxiam disputet, hos quinque fines sibi præstituit, ut in omni scientia illo, contra quem disputat superior habeatur. Nam si respondentem redarguit, ostendit Metaphysicæ ignarum. Docet enim Metaphysica nihil simul esse, & non esse. Si perducit ad falsum, conuincit eum tanquam Mathematicæ, aut Philosophiæ naturalis imperitum: istæ siquidem disciplinæ de rebus manifestè veris, & quæ sensuum beneficio facile comprobantur, agunt. Si cogit ut quidpiam incredibile fateatur, arguit illum quasi Topicæ Dialecticæ inscium, quæ maxime in probabilibus cernitur. Denique si inferat soloecismum, aut nugationem, taxat illum ut ab Oratoria facultate, aut Grammatica alienum. Bona quidem finium ad diuersas scientias accommodatio, quam diuus Thomas in opusculo Fallaciarum tradit. Negare tamen non possumus, tres priores ad quamvis scientiam pertinere. In quavis enim disciplina rudis, hæbesque, ac illius imperitus iudicatur, qui aut duo contradicentia recipit, aut id quod manifestè falsum, ac incredibile est, asserit. Cæterum præter hos fines alius est finis sophistarum, qui omnes sub disiunctione ambit, diciturque Silentium, Taciturnitas, aut Infantia. Paria enim sunt apud Cauillatorem, aut redarguere, aut usqueadeo aduersarium deterrere, ut reprehensio-

hensionis metu obstupescat , maximè cùm taciturnitas confessionem imitetur. Idemque de falso, & in opinabili, ac de reliquis finibus intelligatur.

Dubium huius capituli.

CONTRA illud quod dictum est, hanc consequentiam non valere, Hoc est euidenter opinabile, credibile, aut probabile; ergo hoc est euidenter verum, occurrit argumentum. Nam hæc alia consequentia bona est, Hoc est nobis euidenter falsum, ergo hoc est nobis euidenter incredibile, & inopinabile. Nam si euidenter cognosceres, te esse Valentiam, ac subinde falsum esse, te esse Romæ, quandiu ita animatus esses, quandiu ita sentire, quibus obsecro argumentis in eum errorem induci posses, vt tibi ipsi probabile ac incredibile videretur, te non esse Valentiam? Profectò nullis, nisi ita stolidus esses, vt ille rusticus, cui (vt fertur) cùm sanus esset, Salamantini quidam scholastici, non equidem vi argumentorum, sed arte, dolisque persuaserunt, ipsum iam esse mortuum. Ita vt miseriam suam rudissimus homo deploraret, quòd insalutatis amicis, consanguineisque obiisset. Si igitur hæc esset bona consequentia, profectò ex opposito consequentis, sequeretur oppositum antecedentis; & ita bene sequetur, Hoc est euidenter opinabile credibile, aut probabile; ergo hoc est euidenter verum. Respondetur, hanc vltimam consequentiam nullius esse momenti, tametsi prior sit bona, quia non procedit ex opposito consequentis ad oppositum antecedentis. No-

An quod est euidenter credibile, sit quoque perspicue verum.

Notanda responsio.

mine enim oppositi consequentis non intelligitur quævis enuntiatio illi repugnans, aut ab ea dissentanea; sed quæ verè est contradicens. Istæ autem duæ enuntiationes, Hoc est euidenter improbabile, & Hoc est euidenter probabile, non sunt contradicentes, cum ambæ sint, aientes. At verò si sumatur ea, quæ est verè contradicens, bona erit argumentatio; scilicet, Hoc non est nobis euidenter incredibile, ergo hoc non est nobis euidenter falsum. Inde autem non concluditur, ergo est euidenter verum. Multa enim nec sunt nobis euidenter vera, nec euidenter falsa: vt Catholicum Regem nostrum Philippum esse nunc Matriti; nec perspicuè verum est, nec manifestè nobis falsum videtur. Notent argumentum qui Theologiæ sunt initiandi: nam ad 1. articulum 2.2. diui Thomæ non erit inutile.

Quid sit locus Sophisticus, ac quotuplex sit. Cap. 2.

*Quot sint
argumē-
torum
genera,
quibus
Sophista
libenter
vtuntur.*

IA M argumenta quibus sophistæ vtuntur, vt optatos fines consequantur triplicia sunt: alia constant antecedente falso, aut improbabili; sed consequutione bona: alia antecedente vero, seu probabili; sed consequentia mala: alia ad extremum antecedente falso, & consequutione mala. Quum itaque argumenta sunt primi ac tertij generis, facile est interdum ea soluere, negando antecedens. Quòd si difficile vnquam fuerit, non pertinet ad præsentem librum id ostendere; sed oportet in scientijs hominem esse bene doctum, vt intelligat quæ sententia sit apud cuiusque facultatis, disciplinæque peritos aperte falsa, & quæ incredibilis. At quum secundi generis argumenta proponuntur, neganda est

da est consequentia, sed quia statim causam, ob quam negetur, quærent, ideò in hoc libro de locis Sophisticis disputandum fuit; ut citò possumus respondere, ideò consequentiam esse negatam, quia innititur tali, aut tali loco sophistico. Quare dicendum est, quid sit locus Sophisticus; ac eius species, atque formæ tractandæ sunt. Sicut autem locus Dialecticus est duarum rerum connexio, ob quam necessaria argumentatione colligimus vni eorum quidpiam conuenire, quia conuenit alteri: si locus Sophisticus est apparens duorum connexio, cuius causâ id quod vni cõuenit malè tribuitur alteri. Quamobrem ait diuus Thomas, in libello cita-

*Sophisticâ
loci defi-
nitio.*

to, omnem locum sophisticum constare & causa apparentiæ, & causa non existentis: id est, quemuis locum sophisticum habere aliquid, ratione cuius videtur rectè inferri conclusio; & aliquid insuper, quod ne bene colligatur, efficit. Sumamus in exemplum primum locum Sophisticum, qui est vocis Homonymia, seu Aequiuocatio. Certè in hoc argumento, Omnistaurus habet cornua, sed quidam mons est Taurus, ergo quidam mons habet cornua: causa apparentiæ est vnitas nominis in monte & animali: causa verò non existendi, aut falsitatis, est rerum magna diuersitas. Quamobrem loci sophistici appellantur fallaciæ, quia specie & imagine bonæ connexionis fallunt respondentes: non secus quàm hamo cibus vestitus, facile pisces inescantur. Quæ etiam causa fuit, ut ab alijs Captiones appellarentur. Sed hæc quidem aculeorum tegumenta nonnunquam ex vocibus, aliquando ex rebus ipsis petuntur. Quocirca sophistici loci meritò diuiduntur in eos, qui ad

*Sophisti-
ci loci
diuisio.*

vores pertinent, & qui ad res ipsas. Quum enim technæ à voce oriuntur, appellantur captiones, aut fallaciæ ex dictione; quum ex rebus, dicuntur captiones extra dictionem. Porro in has (vt ita dicam) salebras incurrere potest quisque aut cum alio disputans, aut secum res tractans; quemadmodum accidit his, qui soli aut rerum specie, aut vocum Homonymijs ignoranter imprudenterque decipiuntur. At facilius est his incommodis apud se quenque occurrere, quam quum ad aduersariorum argumenta respondet. Nam qui in solitudine positus legit, canem esse animal, postmodumque in alio auctore reperit, quoddam astrum appellari Canem, vnde statim colligit, quoddam astrum esse animal, in ipso momento assensum retinet, & quasi iudicium continet, de reque ipsa cogitare diligentius incipit. At si idem argumentum alius, spectante populo, ei proposuisset, quando ventum esset ad consequens quid ageret? Quamuis enim certissime nosset falsum esse, quod infertur, nec rectam esse argumentationem, non satisfaceret multitudini, nisi ex tempore causam redderet, quare eo argumento nihil efficeretur. Vt igitur facile, prompteque deceptionis causas & explorare quisque possit, & his, qui disputationi interfunt, patefacere, explicantur à Dialecticis loci omnes scophistici. Sed prius hi qui vocibus innituntur, quoniam potissimum hic labor ab ipsis suscipitur, vt disputantibus, altercantibusque in nos sophistis occurramus. Dispu-

*Libri
partitio
ordoque
disputa-
tionis.*

tationes autem vocibus proximè
& immediate ha-
bentur.

Dubi-

Dubitatiuncula.

Quomodo potest defendi, locos Dialecticos suppeditare nobis argumenta necessaria; cum dictum sit libro superiore, tantum ex eis sumi argumenta probabilia & contingentia? Respondetur, argumenta Dialectica esse necessaria, necessitate consequentia, non autem antecedentis & consequentis. Aut alijs verbis dicimus, argumenta Topica necessaria esse quoad consequutionem, aut formam; licet quoad materiam sint probabilia & contingentia. Sunt nihilominus argumenta Topica, quæ quoad consequutionem etiam sunt probabilia; sed illa non sunt syllogismi. Quid igitur inquires erunt? Sæpe inductiones imperfectæ, ut Hic Germanus est albus, & ille; itemque alius, & ita cæteri quos in Hispania vidimus; ergo omnes Germani sunt albi: non enim antecedens solum est contingens, sed & cōsequentia aliquantulum dubia. Præterea sæpe erunt enthymemata, sæpe exempla, quæ (ut constat) quamuis cum sunt firmæ argumentationes, necessario inferunt conclusionem; tamen nonnunquam aliquantulum sunt remissæ: tumque non necessario inferunt conclusionem, sed probabiliter: nisi adeo à recto deuiant, ut potius sophismata debeant appellari. Quare (meo iudicio) discrimen est vel maximum inter syllogismum, & tres alias argumentationis species, quod syllogismi siue perfecti sint, (ut qui ad quatuor priores modos primæ figuræ pertinent) siue imperfecti, ut cæterorum modorum, necessario semper conclusionem

An ex Dialect. locis argumenta necessaria seruantur,

Quadam argumenta Dialectica consequentia necessitatem non exigunt,

Quid syllogismus ab alijs argumentationis formis differat.

fionem inferunt ; quod profectò ab alijs tribus formis longè abest. Nam (vt lib. 5. cap. 15. diximus) dantur, quædam imperfectæ inductiones, quibus in varijs negotijs vtimur, quæ non necessariò consequens inferunt. Quod idem de enthymematibus, exemplisque ita perspicuum est, vt exempla adhibere uolim. Si autem à me causam discriminis exigis, aliam assignare non possum, quàm syllogisticæ formæ præstantiam. Vt enim in rebus humanis videmus in mercibus pretiosis nullum admitti defectum: in alijs autem vilioribus tolerari minuta quædam vitia: sic in syllogismo (quod ad necessitatem consequutionis attinet) nulla toleratur probabilitas, aut contingentia : in alijs fertur. Hinc perspicuum est, multa recipi enthymemata, multa exempla, multas inductiones, quæ non sunt bonæ argumentationes.

De fallacia homonymia. Cap. 3.

Captiones autem quæ ex vocibus oriuntur, quinque recensentur, nempe Homonymia, Amphibolia, Compositio & Diuisio; Accentus & Figura dictionis. Fallacia autem Homonymia, vel æquiuocationis in eo ponitur, vt quod vni conuenit, alteri conuenire dicatur, ob eam solùm causam, quòd nomen commune habeat. Committiturque tribus modis, primus est, quando nomen vnum competit multis, sed diuersus penitus rationibus: vt Omnis canis latrat, sed quoddam sydus est Canis, ergo quoddam sydus latrat. Secundus, quum tametsi nomen illud non conueniat eisdem penitus rationibus, tamen vni propriè alteri per Metaphoram conuenit: vt Omnis qui ridet, aperit os, atqui pratum ridet,

*Quot
modis
hac ca-
ptio so-
phistis sit
in usu.*

det, ergo pratum aperit os. Tertiò, quia licet nomen eadem ratione varijs rebus conueniat, accipitur tamen vt diuerfa tempora adsignificat. Vt Qui surgebat, stat; sed sedens surgebat, ergo sedens stat: nam sedens in assumptione accipitur, vt participium temporis præteriti, & significat eum qui prius erat sedens, postea surrexisse; at in consequente accipitur vt participium præsentis; & idcirco est falsum consequens. Is enim qui nunc sedet, non stat.

Omnibus autem his argumentis vna est communis responsio. Negari enim debet consequutio protinusque adhibenda est ratio, cur negaueris; nempe quia in ea consequutione fallacia Homonymiæ continetur. Idem in omnibus sequentibus locis faciendum est, ne sepius id ipsum inculcem. Verbi gratia, adducitur syllogismus sumptus ex loco figuræ dictionis, statim respondeto: Nego consequentiam, quia cum fallacia figuræ dictionis nitatur, vitiosa est. Deinceps verò quomodo ea fallacia in argumento lateat, explicabis.

*Generalis
captio-
num solu-
tio.*

Difficultas qua circa superiora se offert.

Contra secundum modum huius captionis est argumentum. Nam ille non procedit ex nomine Homonymo, sed Analogo, nempe risu, qui de homine atque prato analogice dicitur. Ex analogis autem argumenta probabilia desumuntur. Probabilia dixi? Immo & demonstratoria: vt statim explicabitur. Ad hoc argumentum respondent quidam, ex analogis non duci firma argumenta. Cumque videant in Metaphysica & Theologia multa probari de Deo ex creaturis

Quomodo ex analogis argumentari possumus.

*Prima
opinio.*

*Secunda
opinio.*

*Auctoris
opinio.*

turis (quod reuera est ex analogis argumentari) negant ea, quæ Deo & creaturis communia sunt, vt Ens, atque Bonum analogicè de ipsis efferri, quin potius esse vniuoca. Quod si eis Aristotelem proferas, vbique entis analogiam prædicantem, ab ipso etiam se dissentire gloriuntur. Sed horum sententiam acutè (vt solet) Caietanus refellit, quum opusculi de Ente, & Essentia caput secundum interpretatur. Alij respondent, quædam esse analogæ, quorum significatum propriè competit suis analogatis, vt ens substantiæ & accidenti, Deo & creaturæ; alia quæ vni analogato propriè tribuuntur, alijs verò impropriè, vt hoc nomen Leo cuidam bruto & homini feroci. Concedunt igitur, ex analogis primi generis colligi firmissima argumenta, sæpeque demonstrationis in Theologia & Metaphysica; ex analogis autem secundi generis nihil aliud quàm captiones & dolos colligi. Verùm tertia occurrit solutio multò præstantior. Dicendum est enim, ex analogis tam primi, quàm secundi generis optimas ratiocinationes oriri, dum tamè seruent proportionem, aut porportionalitatem, ratione cuius illa analogæ inter se conueniunt. Contra autem ex analogis primi generis, aut secundi nunquam sequi necessariò conclusionem, si limites proportionis, aut proportionalitatis egrediatur. Verbi gratia. Illud argumentum de risu hominis & prati, quod pertinet ad secundum modum analogorum, fuit nullum, quia risus non dicitur de homine & prato, quoniam os aperiunt; sed quia sicut homo quum ridet est lætus (excipiatur sardonius risus) sic pratum florens videtur præ se ferre lætitiā; atque idèò ridere dicitur. Aut certè risus ei tribuitur, quia colo-

coloris amœnitate spectantium oculos oblectat, & quasi ridentes facit. Igitur si intra huius proportionis fines persistamus, bene argumentabimur hoc pacto: omnis ridens est lætus, vel secum fert quandam lætitiā: sed prætum ridet, ergo aut lætum est, aut præ se fert quandam lætitiā: non illud prius, ergo posterius. Item in analogis primi generis hoc argumentum est nullum, Homo iustus dicitur, quia iustitiæ habitu præditus est; at Deus est etiam iustus, ergo Deus est habitu iustitiæ præditus; nihil valet: quia proportio Iustitiæ humanæ & diuinæ non in eo cernitur, quòd vtræque sit habitus, aut qualitas animi; sed quia sicut homo iustus ius suum unicuique tribuit, sic Deus ex sua essentia talis est, ut neminem iure suo (si tamen respectu Dei Iuris nomen certa quadam ratione, quam Theologi docent, intelligatur) defraudet. Hoc autem argumentum bonum est, Homo iustus neminem fraudat iure suo, sed Deus est iustus, ergo neminem fraudabit. Item Homo sapiens cognoscit litem & amicitiam, sed Deus est sapiens, ergo intelligit amicitias atque lites. Quo argumento utitur Aristoteles aduersus quendam Philosophum, ut probet Deum non ignorare litem & amicitiam, quas nec homines ipsi ignorant.

De fallacia Amphibologia. Cap. 4.

Fallacia Homonymiæ (quoniam in vna voce accidit) simplicior est, ac prius tractanda fuit, quàm fallacia Amphiboliæ, quæ compositior est, & in oratione cernitur. Est enim Amphibolia, alicuius sententiæ ambiguitas. Ex hoc autem loco tum argumenta petunt sophistæ, quum quid-

*Triples
deceptio.*

quidpiam de aliquo colligunt, ratione Amphibologica orationis, quæ illi accommodari potest. Et fit tribus modis. Primus est, quum partes illius orationis retinent eandem significationem, eandemque constructionem; sed diuersam habitudinem, vt fit in hoc argumento: Liber Aristotelis possidetur ab Aristotele, sed liber quem habes in manu est Aristotelis (cum non sit Platonis, alteriusue auctoris) ergo possidetur ab Aristotele: nam in propositione vox Arist. dicit relationem possessoris, in assumptione verò causæ efficientis. Secundus est, quum partes ambiguae orationis retinent eandem constructionem; tamen si earum significatio non penitus immutetur: vt Omnes Episcopi sunt homines, sed isti canes sunt Episcopi, (eos enim venandi gratia alit) ergo isti canes sunt homines. Siquidem in propositione vox Episcopi est in nominandi casu; in assumptione nequaquam. Tertijs, quando vnâmet oratio pluribus competit; sed vni propriè, alteri verò impropriè: vt Quicumque arat littus, arenam scindit: sed qui docet indocilem, littus arat; ergo qui docet indocilem, arenam scindit. In propositione enim; arare littus, retinet significationem propriam; in assumptione autem Metaphoricam. Idem enim significat ac Oleum & operam perdere.

Dubitatio.

Quæritur, quomodo syllogismus positus in secundo modo huius fallaciæ fiat bonus? Respondetur, facillimum id esse; si prædicatum consequentis ponatur in eodem casu, in quo prædicatum maioris, id est in gignendi casu dicent-

Dicendo. Ergo omnes isti canes sunt hominis. Ob
eam autem rem hoc à me positum est, vt ex vna
ratiocinatione lector intelligat, quomodo aliæ
multæ sint corrigendæ, quæ antecedens habent
ritè dispositum, & propter similes defectus ma-
lè conclusionem colligunt.

*Plurimum
argumen-
torum
correctio.*

De Compositionis & Diuisionis captione. Cap. 5.

Fallacia Compositionis committitur, quum
ea quæ oportebat esse diuisa coniunguntur:
fallacia verò diuisionis è diuerso. Fiunt autem
hæ captiones tribus modis. Primo, si enuntiatio-
nes modificæ compositiæ mutantur in diuisas,
aut contra. Quid sit autem enuntiatio composi-
ta, & quid diuisa. libr. 4. cap. 10. diximus. Exem-
plum diuisæ in compositam mutatæ. Quicumque
potest esse albus, illum esse album est possibile;
sed niger potest esse albus, ergo nigrum esse al-
bum est possibile. Composita mutantur in diui-
sam in hoc syllogismo. Quemcumque esse album
est impossibile, ille non potest esse albus; sed ni-
grum esse album est impossibile, ergo niger non
potest esse albus. Ad hunc deceptionis modum
innumera, quæ in disputationibus occurrunt,
dubia pertinent; scilicet vtrum homo albus
per se constet albedine an accidentariò. Re-
spondendum est enim, si illa interrogatio pro-
ponatur in sensu composito; hominem album
per se constare albedine; sicut Leo quatenus Leo
anima Leonina: si per Grammaticos ita lo-
qui licet. Si verò interrogatio in sensu diuiso
accipiatur: respondendum est; per accidens
habere albedinem; sicut accidentariò est albus.
Eodem pacto soluitur argumentum illud, quò
solet probari contra diuum Thomam, hanc
enun-

*Primus
huius fal-
lacia mo-
dus.*

*Vtrum ho-
mo albus
per se con-
stet albe-
dine.*

*Opinio
diui Tho-
ma de
Vniuersis
defendi-
tur.*

enuntiationem, Animal est vniuersum, esse per se; si vera est. Nam vel intelligitur de animali, quod munere intellectus abstractum est à proprietatibus indiuiduantibus, aut de eo quod non est abstractum à talibus proprietatibus. Si postremum detur, iam illa enuntiatio est falsa apud diuum Thomam: Si autem prius illud concedatur, enuntiatio est vera, & per se. Nihil enim veriùs per se conuenit animali, quod est abstractum à proprietatibus indiuiduantibus, quàm esse vniuersum. Respondendum est autem, eam enuntiationem esse veram de animali, quod est abstractum à proprietatibus indiuiduantibus; sed etiam loquendo de tali animali non esse per se, quia non accipitur in sensu composito, alioqui eadem ratione probâri posset, omnem hominem de quo verè dici potest esse album: habere per se albedinem. Quare nulla daretur enuntiatio vera, quæ posset esse contingens. Hinc etiam liquet, quid respondendum sit ad dubium Theologorum, An homo prædestinatus possit damnari. De qua re consulantur sapientissimi quique Theologi: nobis enim satis est rem attingisse.

*Secundus
modus
distinguen-
dis ha-
ius fallacia.*

Secundò vtitur hoc genere captionis sophista quando ea quæ competunt alicui coniunctim, tribuit diuisim; aut ea quæ repugnant diuisim, remouet coniunctim: aut contra exemplum fallaciæ diuisionis. Quicquid constat ex binario & ternario, est binarius & ternarius; sed quinarium non est ternarius, neque etiam est binarius; ergo quinarium non constat ex binario & ternario: Exemplum fallaciæ compositionis. Quod constat ex binario & ternario, est ternarius & binarius; sed quinarium constat ternario & bina-

binario, ergo quinaris est ternarius, & est quoque binarius. Denique committitur hæc fallacia, quando aliqua pars orationis in vna enuntiatione iungitur alicui, & in alia ab eo separatur; aut è diuerso: vt in hoc syllogismo, Quicumque viuit semper, erit, hic senex viuit, ergo hic senex semper erit.

*Tertius
modus.*

Dubia huius capitis.

Percunctabitur aliquis an hoc argumentum, Iste talis est pater, & est tuus, ergo est pater tuus, pertineat ad hanc fallaciam. Respondetur, pertinere ad secundum eius modum; tamen, quia in eo reperitur captio accidentis, diuus Thomas illud reducat ad locum accidentis, vbi nos de eo tractabimus.

Item rogabit aliquis, quomodo tertius modus differat à captione Amphibologiæ, nam illa oratio, Omnis qui viuit, semper erit; est Amphibologica, sicut illæ, de quibus cap. 4. egimus. Respondetur, non pertinere tertium hunc modum ad Amphiboliam, quia Amphiboliæ fallacia accidit quum pars orationis; quæ est deceptionis causa eidem voci iungitur in antecedente & in consequente; quod haud fit in hoc tertio modo.

*Discrimen
tertij modi
ab Am-
phibologia.*

De fallacia Accentus. Cap. 6.

QUum non attenditur accentuum diuersitas, facile erratur, vt in hoc argumento, Quicumque verè dicit occidi, interfecit hominem, sed homo quum moritur, verè potest dicere occidi; ergo interfecit hominem. Itaque in vocibus diligenter considerari debet, vtrum-

*De accen-
tu.*

MM

ne syl-

ne syllabæ accentu graui, an acuto, an circumflexo proferantur: item an producantur, an potius corripiantur. Ad hanc fallaciam reducitur captio pronuntiationis, ex aspiratione addita, aut detracta, vt fit in hoc argumento, Quemcunque amamus, diligimus; sed quem fallimus hamamus, ergo quem fallimus diligimus. Denique ad hunc locum pertinet argumentum, quum vox in vna enuntiatione pronuntiatur quasi vna dictio, in alia vt duæ: vt Quicquid fit inuitè, fit coactè; sed Deus vinum fecit in vite, ergo vinum fecit coactè.

Quæstiuncula.

De ordi-
netra-
Basiu
fallacia
sum.

QVare cum fallacia Accentus pertineat ad vnam dictionem, & fallacia compositionis & diuisionis ad integram orationem, non est præposita fallacia Accentus fallaciæ compositionis; maximè cum ob eam causam præposita sit fallacia Homonymia fallaciæ Amphibologiæ? Respondetur, in his fallacijs non tam considerari quæ sit simplicior, quam quæ maiores deceptionis occasiones præbeat. Et quia minùs latet deceptio accentus, quàm compositionis & diuisionis, idèò fallacia accentus inferiorem locum obtinet. At fallacia Homonymiæ & Amphibologiæ; quoniam pares sunt in dolis, idèò ad simplicitatem & compositionem confugiendum fuit Doctoribus: & illis prælata est, quæ est simplicior, nempe Homonymiæ.

Aliquis præterea quæret: vltimus modus in hoc capite a nobis relatus, quomodo non sit fallacia compositionis & diuisionis. Sed (vt præ-
termittit-

termittam aliam non contemnendam solutionem) respondeo, id fieri, quia fallacia compositionis & diuisionis ex vnius dictionis ad diuersas dictiones applicatione confurgit: at tertius hic modus ex vnius dictionis diuisione fit.

De fallacia Figura dictionis. Cap. 7.

Reliqua est captio ex forma, aut figura dictionis orta, qua tum respondens irretitur, quum ex eo quod duæ res habent nomen ferè simile, id quod vni conuenit alteri postea accommodatur. Id autem tribus modis committitur. Primus, si nomen fœmininum mutetur in masculinum; aut è diuerso: aut genus neutrum male accipiat. Exemplum. Omnis res prædita albedine, est alba, sed Paulus est res prædita albedine, ergo Paulus est alba. Secundus, si id quod pertinet ad vnâ Categoriam, ob nominis similitudinem, in aliam transferatur; vt Quod heri emisti, hodie comedisti: sed carnes crudas heri emisti, ergo carnes crudas hodie comedisti. Mutatur enim Quod in Quale; id est substantia in qualitatem. Quod enim iste emit heri, illud idem comedit; sed non quale erat, quum illud emit. Cruditas autem & aliæ huiusmodi ad qualitatem pertinent. Nec solum in diuersarum Categoriarum attributis hæc fallaciæ modus accidit, verumetiam in his quæ cum eiusdem sint Categoriæ, diuersimodè prædicantur. Vt si quantitas continua vertitur in disiunctam, aut cōtra. Exempli gratia. Quantos digitos puer habuisti, tantos habes modò; sed paruos digitos puer habuisti, ergo paruos habes modò. Propositio enim intelligitur de quantitate digitorum, quoad multitudinem: assumptio & conclusio

*Primus
modus huius
fallaciæ.*

Secundus.

quoad magnitudinem. Tertius, si mutatur quale-
quid in hoc aliquid. Vocat Aristot. in Cate-
goria substantiæ Qualequid, substantias vni-
uersales: & Hoc aliquid substantias singulares.
Homo est qualequid, Petrus hoc aliquid. Cuius
discriminis rationem explicat sapientissimè
Cardinalis Cuietanus in Categorijs. Exem-
plū huius fallaciæ. Petrus est alius ab homine, sed
Petrus est homo, ergo Petrus est alius à se. In hac
enim fallacia ita sumitur hoc nomen Homo ac
si esset singulare, & non potius vniuersale;
comprehendens suo ambitu & Petrum, & alios
homines.

Quæstio circa præcedentia.

*Quare
tot falla-
cia in di-
ctione
nume-
rentur.*

QUæritur, an possit reddi probabilis aliqua
ratio numeri harum fallaciarum, quare
scilicet captiones in dictione positæ non si-
p' uerè his, quas enumerauimus? Oportuit sanè
hanc quæstionem in hunc locum differri, quo
facilior esset solutionis intelligentia. Vtemur
autem diuini Thomæ laboribus more nostro. Is
ergo in libello fallaciarum ita respondet quæ-
stioni. Cùm enim omnis fallacia duabus par-
tibus constet, nempe causa apparentiæ, & cau-
sa non existentia; & præterea in fallacijs quæ
pertinent ad voces causa apparentiæ sit vnitas
vocis, sicut causa non existentia est rerum signi-
ficatarum magna diuersitas: profectò quot mo-
dis poterit vocis vnitas rebus inter se maxime
dissidentibus accommodari, tot erunt in dictio-
ne fallaciæ. Vnitas autem nominis est gemina,
vera scilicet, & apparens, quam diuinus Thomas
appellat Phantasticam, id est imaginariâ. Appa-
rens vnitas vocis est inter hoc nomen Homo
& Pe-

*Appa-
rens v-
nitas.*

& Petrus. Nam (vt Aristoteles in Categorijs docet; omnis substantia videtur significare hoc aliquid, id est rem determinatam: cum tamen secunda substantia, vt homo, non significet hoc aliquid, sed qualequid: id est prædicatum vniuersale, multisque commune. Ex hac vocis vnitatem simulata confurgit fallacia figuræ dictionis. At vera vnitatis vocis duplex est, alia quæ actu multiplicem significationem admittit, alia quæ sola potestate. Ea autem vox dicitur actu multas significationes inuoluere, quæ tametsi nihil mutetur, eademque permaneat, multa significat. Vt hæc vox Taurus & montem significat, & animal quoddam. Insuper hæc oratio, Littus arat, eadem permanens, secundum vocem multa significat. Sed illa dicitur multiplicem significationem sola potestate habere, quæ si aliqua ratione mutetur, sortietur varias significationes. Motus enim est actus existentis in potentia, &c. vt hæc vox Occidi si variè mutetur secundum accentum, varias habebit significationes. Igitur si talis vnitatis fuerit, qua actu multas significationes recipiat, constituitur prima & secunda fallacia. Prima quidem si vna vox fuerit: secunda verò si oratio. At ex voce sola potestate multiplici colliguntur tertia & quarta captio: tertia si fuerit oratio, quarta si vna dictio. Quare autem ex multiplici in potentia colligantur fallaciæ alio ordine, quàm ex multiplici actu, expositum est cap. 6. Hinc efficitur ordo captionum. Primum enim locum obtinent illæ, quæ pertinent ad vnā reuerā vocem; quæ verò ad fucatē vnā, postremum. Ideo enim appellatur Figura dictionis, quia ex vnius vocis specie, atque imagine fallit. Porro fallaciæ Homonymiæ &

*Qua vox
verè
actu mul-
tiplex cen-
setur.*

*Vox verè
multiplex,
sed pote-
state.*

Amphibologiæ præcedunt fallacias Compositionis, & Diuisionis, atque Accentus, quia actus præfertur potentia.

*De captionibus extra dictionem, primumq;
de Accidentis fallacia.*

Cap. 8.

*Quid sit
fallacia
Extra
dictio-
nem, &
quoru-
plex sit.*

Sed quoniam ita à principio diuissimus, vt alios sophistarum locos diceremus in vocibus ipsis hære, de quibus satis est dictum; alios ex rebus assumi, de ipsis quoque dicamus. Omnes enim percurrendi sunt, quandoquidem cœpimus. Hæ igitur captiones, quæ vt præfati sumus ab his qui hæc tractant (quamuis sine vocibus à sophistis minimè vsurpentur) Extra dictionem, ideò appellantur, quia non ex vocibus, sed ex rebus petuntur, septenario numero continentur. Prima dicitur Accidentis; secunda Ex dicto cum adiectione, ad id quod simpliciter & absolutè dicitur; seu (vt antiqui, non ita quidem Ciceroniani, sed nostræ ætatis hominibus doctiores, loquuntur) à dicto secundum quid; ad dictum simpliciter: tertia ignorantia Elenchi: quarta Petitionis principij: quinta Consequentis: sexta Ex non causa, vt causa: septima Ex multis interrogationibus ac si esset vna. Num autem aliqua huius numeri causa reddi possit, dicemus in 14. cap. Nunc de fallacia Accidentis dicamus.

*Resque
in dispu-
tationem
veniunt.*

Principiò illud notandum est, eorum quæ in disputationem veniunt, alia solo nomine differre, vt vestis & indumentum; alia nomine & ratione, vt homo & brutum; alia denique nomine distingui, & præterea rationem partim eandem, & partim diuersam habere, vt homo & animal.

animal. Quicquid enim ponitur in definitione animalis, ponitur in definitione hominis: sed aliquid amplius huius definitio continet. Huiusmodi etiam sunt homo & risibile: nam homo in definitione risibilis ponitur, non è diuerso. Deinde obseruandum est, ex attributis accidentarijs quædam ad primas notiones pertinere, vt esse album, aut rufum: quædam ad secundas notiones, vt esse genus, aut speciem. His positis, facile erit accidentis captionem definire, eiusque modos recensere. Fallacia accidentis est, eorum quæ in disputationem veniunt accidentarius nexus, ex quo id quod de vno dicitur, transferatur quoque in alterum. Exempli causa, Homo est risibilis, risibile est proprium, ergo homo est proprium. Sit igitur prima regula. In rebus primi generis potest solum committi fallacia accidentis in his, quæ pertinent ad secundas notiones. Vt Vestis est indumentum, indumentum est neutrius generis, igitur vestis est neutrius generis. Item Homo est animal rationale, sed animal rationale est definitio, ergo homo est definitio. Secunda regula. In rebus secundi generis possunt committi fallaciæ in accidentibus, quæ pertinent ad primas & secundas notiones: vt Homo est sapiens, sapiens est accidens, (saltè in concreto) ergo homo est accidens. Item Cognoſco venientem, sed veniens est Coriscus, ergo cognoſco Coriscum. Si enim cognoſcam aliquem obuiam mihi venire, ignorem autem illum esse Coriscum, antecedens erit verum, & consequens falsum. Tertia regula. In rebus tertij generis potest esse vsus huius captionis, & quidem satis frequens; tam in rebus secundarum notionum, vt Homo est animal, animal

*Quid hæc
captio sit,*

*Primæ re-
gula circa
hanc fal-
laciæ.*

Secundæ.

Tertiæ.

est genus, ergo homo est genus, quàm primarum, vt Omnis homo est animal, sed aliquod animal est quadrupes, ergo aliquis homo est quadrupes.

Difficultates.

*Vna, eademque
captio ex
diuersis
fontibus
manat.*

Quid est, quod ait diuus Thomas in hoc capite, hanc esse fallaciam accidentis, Iste canis est pater, & est tuus, ergo est pater tuus, cum dixerimus supra esse fallaciam compositionis & diuisionis? Respondetur, nihil mirum esse, si vnus & idem syllogismus ad diuersas fallacias pertineat. Docet enim diuus Thomas in hoc loco, hunc syllogismum, Petrus est alter ab homine, sed Petrus est homo, ergo Petrus est alius à se, peccare fallacia accidentis, & fallacia figuræ dictionis.

*Longa
disputa-
tio con-
iunctis,
diuisisq;
prædica-
tis.*

Altera difficultas. Quare hic syllogismus, Iste canis est pater, & est tuus, ergo est pater tuus; est fallax: & hic alius, Iste homo est substantia, & est rationalis, ergo est substantia rationalis; est bonus? Respondetur, hoc argumentum non posse dissolui, nisi exponatur primum ea quæstio, quam Aristoteles, 2. Periherm. tractat, An scilicet à partibus prædicati compositi ad totum prædicatum; similiterque à toto ad singulas partes efficax argumentum sit. Explicat hanc quæstionem Caietanus 2. Periherm. lect. 6. & 7. Sed fortè breuius quinque regulis dissoluetur: si primum annotauerimus, partes prædicati compositi aliquando constituere vnum per se, vt animal & rationale constituunt hominem; homo autem & alia huiusmodi sunt entia per se: aliquando verò constituere vnum per accidens, vt homo & albedo constituunt hominem album; itemq;

itemque Musicum & album, constituunt Musicum album. Hoc igitur probè stabilito ac fixo hi canones recipi debent. Primus. In his quæ constituunt vnum per se argumentari licet a partibus ad totum, & à toto ad partes: vt Est animal, & est rationale, ergo est animal rationale contra etiam, Est animal rationale, ergo est animal & est rationale. Nihilominus offert se argumentum in hunc canonem. Censent enim plerique viri docti, Totum non distingui à suis partibus simul sumptis. Quare apud ipsos (saltem identicè) nihil aliud est homo, quàm sua anima, ac suum corpus: at quamquam anima & corpus constituent vnum per se, non possunt de homine diuissim prædicari, etiam in sensu identico. Hoc enim pronuntiatum falsum est, Homo est suum corpus: itemque hoc aliud, Homo est anima; alioqui filius Dei in triduo fuisset homo, cum haberet animam sibi unitam, & corpus etiam, à se inuicem tamen disiuncta. Ergo saltem illi qui defendunt prædictam opinionem, non possunt hunc canonem approbare. Respondetur, immò posse, quia poterunt dicere non esse intelligendum quando antecedens est solum verum in sensu identico. Quare cum illa cunctatio, Homo est anima & corpus coniuncta, solum sit vera in sensu Identico, non oportet singulas attributi partes separatim de homine efferri, etsi vnum per se constituent, Respondetur secundo, ideo non approbari illam consequentiam, quia prædicatum debet significari vt totum respectu subiecti; at in consequente cum sumatur corpus solum, aut sola anima, neutrum significatur vt totum: & ita quæuis pars consequentis est falsa: subindeque totum consequentis est falsa: subindeque totum consequentis est falsa.

Primus canon de his attributis. Qui totum à suis partibus simul sumptis distinguunt, negant, quid de superiori canone sentiant.

Igitur si illa consequutio est mala, ob hunc aliū defectum est mala, & non ex defectu regulæ. Omnes enim canones Dialectici, aliquam consequutionem approbantes, intelligendū sunt, nisi ea consequutio aliunde vitietur. Quare hæc argumentatio est optima, Homo est anima & corpus, ergo homo est animatus, & homo est corporeus. Secundus canon, Interdum bene argumentamur à partibus totius compſiti, quod est vnum per accidens, ad ipsum totum, & è diuerso; Vt Est homo, & est albus, ergo est homo albus: itemque Petrus est homo albus, ergo Petrus est homo, & Petrus est albus. Sed quando id erit? Sittertius canon, Quotiescunq; eandem retinebunt vocabula significationem, quā erunt separata, quam habebant simul sumpta, non erit inanis illatio: vt patet in propositis exemplis. Efficitur hinc toties esse malam argumentationem, quoties vocabulorum significatio modò in hanc, modò in illam partem voluitur. Exemplum inutilis argumenti à partibus ad totum: iste canis est pater, iste canis est tuus, ergo iste canis est pater tuus. Nam in propositione illa vox tuus significat te esse dominum eius, in consequente verò, te illi subdi tanquam parēti. Aliud exemplum vanæ collectionis à toto cōposito ad partes, Hoc est Leo pictus, ergo hoc est Leo, & est pictum: antecedens verum est, cōsequens falsum. Nam in antecedente illa dictio Leo, non significat Leonem, sed Leonis imaginem, propter illam vocem Pictus ei additam; at in consequente, quoniam in eadem enūtiatione Categorica nihil ei additur, significat viuum Leonē; quia analogū absolute prolātū pro-significato nobis.

nobiliori accipiendum est. *Quartus canon.* Siue ex partiũ mutua coaptatione, coagmentationeque fiat vnum per se, siue potius vnum per accidens, nunquam recta efficietur conclusio, si sequatur nugatio, tam explicita, quam implicita. Vnde non sequitur, Petrus est animal, sed Petr⁹ est animal rationale, ergo Petrus est animal rationale. Item, non sequitur Petrus est homo, & Petrus est rationalis, ergo Petrus est homo rationalis. Hæc enim esset nugatio implicita, sicut superior explicita; quia in hac inutilis, sed occulta repetitio accidit (in homine siquidem iam clauditur rationale) in superiori aperta. Ex quibus iam intelligitur, quid respondendum sit ad argumentum initio difficultatis propositum.

Tertia difficultas. Ex his quæ in vltimis verbis huius capituli scripsimus, sequitur, comitti fallaciam accidentis in hoc argumento, B. uti est animal, sed animal est rationale, ergo Brutum est animal rationale. Probatur autem non committi. Nam maior est enuntiatio per se, minor est necessaria, vt docuimus lib. 4. cap. 13. in difficultatibus. Respondetur, accidentis captionem in eo syllogismo inueniri, quia illa enuntiatio, Animal est rationale, est accidentaria. Licet enim, quod attinet ad libros Prior & Poster. sit necessaria, cum æquipolleat particulari, & eius contradicens sit impossibilis: veruntamen quod attinet ad libros Elenchorum, est accidentaria: quia omnis enuntiatio, cuius subiectũ est vniuersale, & ei nõ potest addi nota vniuersitatis, hoc loco accidentaria iudicatur. Quemadmodũ apud Aristotelẽ hæc propositio, Homo existit in rerũ natura est necessaria, & sane in hoc libro debet

Quartus.

Quot modis aliqua enuntiatio possit dici accidentaria.

debet accidentaria iudicari, cum ex ea captiosa argumentatio, & quidem pertinens ad locum accidentis, colligatur: vt in hoc syllogismo, Antichristus est homo, sed homo existit. ergo Antichristus existit.

De captione à dicto ex parte, ad id quod absolute dicitur. Cap. 9.

*Huius
fallacia
definitio.*

Bisariam solent nomina rebus imponi. Nōnunquā. n. absolutē eas nominamus, interdū autem cum adiectione. Philippum siquidem Regem esse dicimus, cum eius imaginem non vocemus Regem, sed Regem pictum. Ergo si ob eā causam alicui rei nomen simpliciter cōuenire colligimus, quia cum adiectione conuenit, id huius captionis, quam explicare volumus, proprium est. Et quoniam doctrinæ audum lectorē instituendū suscepī, dabo operā vt ei quamplurimum prosim. Quare si longior fuero, nihil à meo instituto aberrabo. Malo enim, vt reliquiarum sit potius aliquid, quam vt non fatiatus lector discedat. Quatuor igitur modis aliquid potest nominibus addi: primum, ita vt rei significatæ diffinitionem nō mutet, vt homo albus. Nihil enim minus conuenit hominis definitio homini albo, quam si albus non vocaretur. Secundo, vt tollat eius definitionem, vt quum dico, Homo mortuus. Illa enim vox mortuus destruit hominis definitionem, nempe substantiam corpoream, animatam, &c. Idem asfero de homine in potentia: nam illa dictio, In potentia, tollit quodammodo eius definitionē. Tertiò, quando vt non omnino tollat, minuit tamē satis rationē eius, cui additur, & ad certam partē comprimit: vt albus dētibus. Is. n. qui dēti-

bus

*Quot
modis
addita
menta
proponā-
tur.*

bus solum est albus, albedinem habet; sed tenuissimè. Quarto, quum rei definitionem mirum in modum amplificat, distrahit, atque dilatat; ita videlicet, vt non modo rei illi conueniat, cui nomen absolutè prolatum verè conueniret; sed multis præterea aliis: vt hæc oratio, Deus existimatus. Non enim is solum qui verè Deus, existimatus Deus; sed is etiam qui non est: vt Iupiter à Gentilibus.

Prima assertio,

Nunc hæc assertiones notentur. Prima. Si id quod additur est primi generis, nulla fallacia est, cum argumentemur à parte ad totum in modo: vt Est homo albus, ergo est homo. De quo iam diximus lib. 7. cap. 5. Secunda assertio. Si argumentamur ab addito secundi, tertij, & quarti generis committitur fallacia, de qua nunc disputamus. Idque tripliciter. Primum quando additum tollit rationem, vt Est homo mortuus ergo est homo: itemque Semen est potestate arbor, ergo semen est arbor. Secundo quando minuit, vt Aethiops est albus dentibus; ergo Aethiops est albus. Ad hunc modum refertur hæc argumentatio: Sapiens vult permittere malum, ergo sapiens vult malum. Non enim semper vir sapiens tenetur (quamuis faciliè id possit) malis occurrere, sed licet nonnunquam viro prudenti ea permittere, vt meliorem corrigendi occasionem captet. Igitur sapiens malum permittit, cum alioqui malum nec directè (vt aiunt) velit, nec indirectè. Ad extremum si additum nimis distrahit rationem eius, cui additur, tertius huius captionis modus comperietur: vt

Secunda,

orichalcum est aurum existimatum, atque
apparens, ergo orichalcum est
aurum.

Du-

Dubitationes

*Aliquan-
do ex v-
nius par-
tis acci-
dente to-
tum i.
psum ta-
le voca-
tur*

Prima est contra secundum modum huius captionis. Nam bene sequitur, Iste est finis naribus, ergo est finus: quare ergo non sequitur, iste est albus dentibus, ergo est albus? Respondetur. quia non est par ratio. Dantur enim accidentia, quæ tantum possunt vni parti conuenire, vt finitas solum naso, & crispitudo capillis: in huiusmodi autem accidentibus potest ab vna parte totum denominari simpliciter, vt Capilli huius hominis crispi sunt, ergo ipse est crispus. Cæterum ex accidentibus quæ per totum ipsum diffunduntur, vt candor, non potest totum ab vna particula denominari, vt fabam nō dices nigram ex hilo, quod in eius summitate nigricat.

*Alia fal-
lacia sub
superiore
compra-
hensa.*

Altera dubitatio. Num sicut à dicto secundum quid ad dictum simpliciter committitur fallacia. ita quoque à dicto simpliciter ad dictum secundum quid? Respondetur sæpe id accidere, vt si ita argumentemur, Iste est albus, ergo est albus vnguibus Antecedens enim verum est, & consequens falsum, in quibusdam artificibus, quorum ungues statim nigrescunt.

De ignorantia Elenchi. Cap. 10.

*Contra-
dictionis
definitio.*

Elenchus est syllogismus contradictionis: id est syllogismus, quo inferimus contradicentem enuntiationis concessæ. Vt si tu concedas, omne animal habere sensum tactus; & probem ego, aliquod animal eo carere. Quare si disputans sophista fingat se contradicentem enuntiationis negatæ inferre, cum id minimè præstet, ad hunc locum eius dolus pertinet. Ignorat enim, aut se ignorare simulat veram contradicentis

tionis rationem. Itaq; explicare oportet, quid sit contradictio: quæ ita definitur. Contradictio est affirmatio & negatio eiusdem rei & nominis ad idem, secundum idem, similiter, & in eodem tempore. Quare primum istæ non sunt contradicentes, Homo est animal, lapis non est animal; quia non sunt affirmatio & negatio eiusdem de eodem. Et dicitur rei & nominis, quia alioqui non apparebit contradictio; ut in istis, Marcus ambulat, Tullius non ambulat; deinde neque istæ repugnant, Senarius est duplus ad ternarium, & non est duplus ad octonarium; quia non sunt affirmatio & negatio ad idem. Tertio neque istæ, Hic homo gracilis est duplo maior illo pumilione, & non est duplo crassior illo. Quarto à contradicentium ratione longè absunt hæ orationes Cælum mouetur in orbem, & cælum non mouetur sursum neque deorsum; quia moueri non accipitur in vtraque similiter. Demum neque istæ contradicunt, Tu ambulabas heri, & non ambulabas nudiustertius; quia ad aliud & aliud tempus referuntur. Quot ergo leges ad veram contradictionem seruari oportet, tot modis potest committi fallacia ignorationis Elenchi; si eas trasgrediamur. Vnum tamen exemplum sufficiat. Per te Socrates est albus, at non est albus: quoad vngues, ergo est albus, & non albus

Quot modi sint huius captio- nis.

Observatio.

Dubia huius capituli lib. 4. cap. 6. tractata reperies.

De Principij petitione. Cap. II.

TVnc temporis principium peti dicitur, quando id quod à principio probandum fuerat, postulatur. Quod quidem si manifestè agat so-

Definitio huius captio- nis.

*Quinq;
modis
presens
fallacia
accidit.*

sophista, ridiculus erit, potius quàm fallax. Vt si quis probaturus hominem non ambulare, roget sibi id vltro à respondente concedi, maximi risus excitabuntur. At latenter Principium quinque modis peti solet, vt diuus Thom. in opus. de Fallac. docet. Primus est, si ad probandum aliquid de definito, petatur de definitione, aut è diuerso. Vt si ostensurus sophista omnem currere, petat omne animal rationale currere. Secundus quando id quod in specie dubiū est, postulatur in genere: vt si ad probandum omnem hominem esse album. petatur omne animal esse album. Tertius quando quod de genere controuersum est; petitur de singulis eius formis & speciebus: vt cum demonstraturi omne animal moueri, petunt omnem hominem, omneq; brutum moueri. Quartus si ad probandum aliquid coniunctim; petitur distinctim: vt quū ad ostendendum medicinam esse scientiam sani, & ægri, petitur medicinam esse scientiam sani, & scientiam ægri. Denique tū hæc captio locum habet, si ad probandum hoc esse relatū illius, petatur illud esse relatū huius: vt si quando disputatur, an diametrum commensuretur lateri, postuletur latus commensurari diametro. Hos modos collegit diuus Thomas ex 8. lib. Topic. ferè in vltimis paginis.

Argumenta in superiora.

*An reuera
sita argu-
metatio-
nes mala
sint.*

PRIUM. Quomodo huiusmodi argumenta vt captiosa reprehenduntur, si optimi quique syllogismi ad aliquem eorū reduci possunt. Nam hic syllogismus bonus est, & in Barbara. Omne animal rationale currit, omnis homo est

est animal rationale , ergo omnis homo currit. Respondetur, hos modos argumentandi non appellari captiones , quod peccent in forma , aut materia ; sed quòd malè sint probationes. Videntur enim probare, & non probant ; quandoquidem id quod probandum est , petunt. Sed profectò nec solutio ista dubitatione caret, præsertim cùm præstantissimæ demonstrationes probent ; aliquid competere definito , quia conuenit definitioni : vt Omne animal rationale est risibile, sed omnis homo est animal rationale ; ergo omnis homo est risibilis. Quædruplex est huius argumenti solutio. Prima est, hos quinque modos non esse captiosos, nec in eis reuera committi petitionem principij : sed tantùm iuxta vulgi opinionem. Aristot. 8. Topic. loco citato quid solutioni videtur fauere. Acturus enim de Petitione Principij, ait, se iam dixisse in Analyticis ; id est 2. Prior. c. 12. quid esset principium petere ad veritatem : sed tunc velle se de petitione principij ad opinionem agere ; & è vestigio assignat hos modos , quos tradimus. Sed dices : Quæ igitur erit vera principij petitio ? Existimo , quum quis eisdem penitus verbis assumit , quod est probaturus : vt innuit diuus Albertus Magnus 2. Prior. Item verò propriam, veramque principij petitionem iudico , quum quis in eadem argumentatione vnâ rem per aliam probat ; & è diuerso. Vt si probaturus , omnem hominem esse risibilem, ita argumentetur : Omnis homo est animal rationale , ergo omnis homo est risibilis. Et negante aduersario antecedens, illud probet, Omnis homo est risibilis , ergo omnis homo est animal rationale. Secunda solutio est diui

*Prima
solutio.*

*Secunda
solutio.*

Thomæ hoc loco. Quando argumentamur ex definitione ad definitum, ex genere ad speciem, &c. quia definitio est notior definito, & genus specie, non committi petitionem principij: & eodem pacto nec quando argumentamur ex vno relato ad aliud, ob eam solum causam, quia non potest illud sine isto cognosci. Quando verò ex his argumentamur, non quia aut notiora sint, aut sine eis illa, quæ probaturi sumus, cognosci non possunt; sed quia rogamus à respondente, ea concedi: tunc demum principium peti.

*Tertia
solutio.*

Tertia solutio est Cardinalis Caietani. i. Poster. cap. 3. quæst. 1. ad medium. Propriè autem ea pertinet ad primum modum petitionis principij. Itaq; dicit, definitionem & definitum posse duobus modis considerari: primo secundum se; & ita semper peti principium, quum à definitione ad definitum proceditur. Nam quòd attinet ad rem ipsam, nihil aliud est homo quàm animal rationale; nec animal rationale, quàm homo. Quare idem omninò est probare hominem esse risibilem, quia est animal rationale, ac ostendere hominem esse risibilem, quia est homo. Secundo posse considerari respectu nostri. Quæ consideratione docet, nullum esse vitium quidpiam de definito per definitionem probare, quia definitio totam essentiam definiti clarè ac perspicuè significat: definitum verò implicite & inuoluntè. Quare qui probat, aliquid de definito per definitionem, non probat ignotum per ignotius; sed notum per notius: nec idem per seipsum, sed per aliud secundum rationem; aut modum significandi. Denique offert se mihi quartus modus respondendi, qui rem ipsam manifestius explicat. Omnium sanè acciden-
cium,

*Quarta
solutio.*

rium, quæ de re aliqua dici possunt, duo genera inueniuntur. Nam alia propria sunt, ab ipsiusque rei essentia naturæ manant, ut facultas ridendi ab essentia hominis fluit; vis autem sentiendi à cuiusque animalis natura. Alia sunt, quæ contingenter rebus conueniunt, ut ambulare, aut ægrotare homini. Quocirca si definitio tanquam medium accipiatur, ad probandum aliquod accidens primi generis illi rei conuenire, nulla est petitio principij, saltem quoad nostram cognitionem, sed est optima ratio demonstrandi: si uero ad probandum aliquod accidens secundi generis, frequenter in illud vitium incidimus; etiam respectu cognitionis nostræ. Quia cum talia accidentia non competant definito ratione essentia, non est necesse, ut nobis notior sit eorum connexio cum essentia & definitione, quam cum ipso definito. Quare si probentur per definitionem, petetur principium, non modo vulgi opinione, sed sapientium quoque.

De captione Consequentis. Cap. 12.

DVobis modis potest committi fallacia Consequentis, primo quando sicut ex antecedente sequitur consequens, ita ex consequente infert sophista antecedens: ut si animal currit, mouetur; ergo si mouetur, currit. Secundo quando sicut ex opposito consequentis sequitur oppositum antecedentis, ita ex opposito antecedentis infert oppositum consequentis: ut si Plato currit, mouetur; ergo si non currit, non mouetur.

*Primus
modus huius
fallacia.*

Secundus.

Dubia huius capituli.

DVo sunt argumenta, quibus videtur ostendi, secundum modum non esse captiosum.

N n a

Primum,

Primum; quia Aristoteles i. Poster. cap. 10. ita ait: Si affirmatio est causa affirmationis, negatio erit causa negationis. Ergo si ex hac affirmatione, Plato currit, sequitur hæc, Plato mouetur: ex negatione cursus sequetur negatio motus. Alterum. Aristoteles i. de anima cap. i. ita argumentatur: Si anima non habet aliquam operationem propriam, id est; in qua non utatur corpore tanquam organo, non potest à corpore separari; id est, existere extra corpus: ergo si habet operationem propriam, poterit separari. In qua argumentatione ex opposito antecedentis oppositum consequentis vult Aristoteles effici. Respondetur ad primum argumentum cum Cardinali Caietano i. Posterior. c. 13. quæst. 6. aliud esse inferre, aliud (vt ita dicam) causare, aut efficere consequens. Et quidem quando affirmatio infert affirmationem, non est necesse vt negatio inferat negationem. Hic enim est secundus modus præsentis captionis. At quando antecedens est causa propria & adæquata consequentis, tunc ex Aristotele si affirmatio sit causa affirmationis, negatio debet esse negationis causa. Quod profectò quum vsu veniet, non erit sophisma, ex opposito antecedentis oppositum consequentis inferre. Sed addo ego, non modo licere argumentari ex opposito antecedentis ad oppositum consequentis, quando antecedens est propria causa consequentis; sed etiam quando est proprius & adæquatus eius effectus: vt bene sequitur, Luna patitur eclipsim, ergo Luna est è regione Solis, & terra interposita est. Et optima quoque est argumentatio, Luna non patitur defectum, ergo terra non est interiecta. Similiter responderi potest ad secundum argu-

Num aliquando
ex antecedentis
negatione liceat
consequentis
negationem colligere.

Ad ista-
m questionem.

argumentum, dicendo, ibi Aristotelem nō commisisse vllam fallaciā, quia habere operationem propriam, est causa propria, aut effectus proprius rei separabilis: & non habere operationem propriam, est causa propria, aut effectus rei non separabilis. Vnde & affirmatio infertur ex affirmatione, & ex negatione negatio. Chrysostomus Iauellus (vt est in omni quæstione diligens) i. de Anima quæst. 10. tres alias solutiones assignat. Quare autem liceat in bona argumentatione, ex opposito consequentis ad oppositum antecedentis procedere, & non è diuerso, explicat idem auctor i. Physic. quæst. 11.

De Fallacia secundum non causam vt causam

Cap. 13.

VT docet Aristoteles 2. Prior. cap. 12. captio hæc committitur sæpissimè in syllogismis ducentibus ad incommodum, quum scilicet ventum est ad consequens falsum, & quærentes vnde falsitas illa prouenerit, tribuimus causam erroris alicui enuntiationi, quæ re vera non est eius causa. Verbi gratia. Si quis ita argumentetur, Omne animal habet tactum, & omnis homo est animal, sed nullum brutum est homo, ergo nullum brutum habet tactum: ac deinde sic in respondentem inuehatur. Hoc consequens est falsum, ergo est falsum propter illam enuntiationem, Omne animal habet tactum; nam aliæ veræ sunt & certissimæ: is peccat hac fallacia, quia falsitas huius consequentis non erat tribuenda illi enuntiationi; sed vitio consequentiæ.

De fallacia ex pluribus interrogationibus ac si essent vnæ tantum. Cap. 14.

FAcilè hac captione vtuntur sophistæ, quando proposita aliqua interrogatione, quæ

voce quidem simplex est, & sensu multiplex: si vnica responsio adhibeatur, falsitatis arguunt respondentē. Vt si percunctetur sophista, num homo & brutum sint rationalia. Si respondeatur, non esse, argumentabitur ipse, Ergo homo non est rationalis. Si respondeatur esse, continuò colliget, Ergo brutum est rationale. Quare pluribus interrogationibus plures adhibendæ sunt responsiones.

Dubium circa superiora.

*Numerus
tus ca-
ptionum
inuesti-
gatur.*

QUæritur, vnde sumatur numerus harum fallaciarum extra dictionem. Respondet diuus Thomas opusc. de fallacijs cap. 8. ipsarum numerum ex varijs entis diuisionibus colligi: quibus ignoratis, deceptiones accidunt. Etenim ens aliud per se, aliud per accidens: ex ignoratione cuius diuisionis sumitur fallacia accidētis. Deinde aliud perfectum, aliud imperfectum: quam diuisionem parum comprehendunt, qui ab eo quod absolutè, ad id quod ex parte solum tale dicitur; argumentantur. Item aliud oppositum, aliud secus. Parum equidem id intelligit, qui falso Elencho pro vero capitur. Quartò aliud idem, aliud diuersum. Qui autem principium petit, accipit idem, tanquam diuersum. Quintò aliud prius, aliud posterius. Qui verò consequentis captione irretitur, existimat prius sequi ex posteriore, vt posterius ex priorē efficitur. Sextò aliud causa, aliud effectus. Penultima autem fallacia tribuit rationem causæ & effectus ijs, quibus tribuenda non est. Denique ens aut vnum est, aut multa: & in postremā captione multa vt vnum accipiuntur. Quod
inestes

inſtes ex Ariſtotele 1. Elench. & diuo Thoma in hoc opuſculo, & fallaciam antecedentis procedere ex ignoratione eiùſdem & diuerſi. Reſpondetur, verum id etiam eſſe, ſed primam radicem illius fallaciæ eſſe ignorantiam eorum, quæ per ſe, aut accidentariò rebus conueniunt. Nam quia ignorauimus, quæ ſint idem ex accidenti, quæ verò per ſe, inde contingit accidentis locus. De Fallacijs igitur ſatis.

CIRCA OMNES SVPE-

riores libros addita-
menta.

De vocabulis Artis. Cap. 15.



Inem hoc loco inſtitutionibus noſtris impoſuiſſem, niſi tria mihi dicēda ſuper eſſent, quibus minimè explicatis, ridiculus fortàſſe nonnullis, & contemnendus viderer. Repræhendent

enim me quidam ob multa vocabula, quibus in ſuperioribus libris vtor, vt vniuocum, prædicatur, maior, minor, prædicamentum, denominatur, ſubalterna, &c. alij accuſabunt, quòd Ariſtotelem ſophiſtarum more (ita enim plerique ſentiunt) aliquando per textus citauerim; nec deerunt tandem, qui mihi ſuccenſeant, quòd lib. 1. cap. 1. non nihil Ariſtotelis gloriæ derogauerim. Qui ſanè, vt taciturnitate mea freti, nos iure cōtemnere videantur, non committam. Defendam enim me potiùs, & altiùs repetita oratione, partes meas agam.

Fateor quidem, vocabulorum elegantiam, ſententiarumque venuſtatem ad ſe quodam-

*Hic etiam
ordo de-
ſenſionis
erit in his
tribus ca-
pitibus*

*Prima
reprehē-
sionire-
sponde-
tur.*

modo lectoris animum rapere, ac ne fastidiat continere. Sed relicta ipsarum rerum difficultate, in eo omnem curam & cogitationem ponere, ut grandi eloquentia, ingenti facundia, summa verborum ac sententiarum pompa, res abstrusissimas tractes; id ego non tantum fieri non debere, aut posse, sed à Ciceronis (qui istis pro Deo ferè est) opinione, alienum puto. Illi tamen præsertim ab scholis mihi, aquæ & ignis interdictione, eiiciendi videntur, qui eo usque in hoc errore processere, ut nullam prorsus difficultatem, nisi quæ verbis Ciceronianis, aut Græcis saltem agitari possint, tractant. Nam grauiora dubia, quæ plura doctrinæ adiuumenta desiderant, eloquentiæ prætextu relinquunt; & disputationes Dialecticas cum maximo eorum, qui tantum Latinè sciunt, detrimento respergunt. Quos tamen ne eloquentiæ odio, ac non magis veritatis amore reprehendisse videar, rationibus utar firmissimis, & testes citabo non contemnendos, utq; Iurisperiti dicunt, omni exceptione maiores. Primum cum Theologi res difficiles, omniumque difficillimas tractent, quas ut ad Paulinum scribens diuus Hieronymus ait, Plato doctus nesciuit, Demosthenes eloquens ignorauit, & (ut ego sentio) Latinæ linguæ Princeps Cicero ne somniare quidem potuit; unde obsecro eis erunt petendæ voces? Quod si Theologis eam quam negare non possumus, facultatem concedimus, ut pro rei difficultate vocabula diu in scholis vsitata retineant, quamuis non sint elegantissima; cur obsecro, Dialecticam ita polimus? quasi verò deceat dominam vulgaribus ornamentis indui, pedissequam autem eius famulatum neglecto, in se ornanda dies ac noctes

*Prima
ratio,
quia
Dialecti-
ca est a-
liarum
discipli-
narum or-
ganum.*

ctes consumere : itemque illam temperato dictionis genere, ac puro, Latinoque sermone esse contentam ; huic verò horridæ , ac si cum illius pulchritudine conferatur, sordidæ arti, ne Atticè quidem loquentes satisfacere. Sed quoniam non omnes, qui hanc artem addiscunt, Theologiæ sunt initiandi, de alijs etiam disciplinis dicamus. An Medici quum ad suæ artis quæstiones explicandas Latinis vocabulis indigent, ex vno Cicerone ea colligunt ? Rarissimas quidem disputationes absoluerent, sicut rarissima sunt, aut nulla potius, quæ de Morbis, ac Pharmacis Cícero scripsit. Num qui ius Pontificium, aut Imperatorium tractant, ita superstitiosè Ciceronianæ verba quærunt ? sed ne Historici quidem, nec Mathematici, nec Morales, aut Naturales Philosophi, aut Mataphysici in tantas se vtrquam angustias coniccerunt : vt res sibi subiectas Tullianis solùm verbis tractari posse dixerint. Alioqui nunquam ternarium, aut binarium nominarent ; quia his vocabulis nunquam vsus est Cicero. Si igitur Dialectica harum disciplinarum organum est, cuius erit mentis sic iuuenes in Logica erudire, vt quum ad Physicam, Medicinam, Ethicam, aut Theologiam transeunt, omnes quas audierant voces, obliuisci debeant ; oporteatq; præclarissimarum scientiarum magistros, quum à Dialecticis disputationibus venientes auditores recipiunt, vim quodammodo asferre sensibus, ex eorumque animis verborum cognitiones, quibus olim imbuti fuerant, extorquere ? Deinde Cicero de Bonorum, Malorumq; finibus lib.3. nimium vsum Græcarum vocum reprehendit, nisi cum longo iam vsu trita ab omnibus tanquam Latinæ habentur. Isti

*Secunda
quia ni-
mids Gra-
cam vo-
cum vsus
vnuandus.*

contra vocabula Græca omnium Latinorum ore decantata, ab scholis abigunt; quæ autem in hæc vsque tempora latinis inaudita fuerunt ab Athenis ad nostra gymnasia pertrahunt. Non dicunt Syllogismus, sed Ratiocinatio; non Perihermeneias, sed de Interpretatione; non liber Elenchorum, sed de sophistarum reprehensionibus: contra autem Aequipollentiæ nomen in Isodynamiam mutauerunt, Syllogismi probabilis in Epicherema, Conclusionis tandem in Symperasma: scilicet quia vulgi, puerorumq; admirationes, clamores, & plausus quærunt: si autem communia, receptaq; nomina in lectionibus suis adhiberent, cum de rebus ipsis nihil admirabile, nihil splendidum, nihil deniq; proprium, quod dicere possint, habeant, nulla restaret eis occasio gloriædi. Nunc verò, quauis exiliter diui Thomæ, ac Latinorum interpretum scripta percipiant, si quid tamen fortè arripuerint, illorum ad se Philosophiam transferunt; atque (vt reliqui fures) eorum quæ coeperunt signa commutant, sic ij, cum illorum sententijs tanquam proprio Marte inuentis gloriari velim, nomina tãquam rerum notas mutant. Inde autem id, quod maximè optant, faciliè consequuntur; nimirum vt pueris, qui vix ex Grammaticis excesserunt, opiniosissimi videantur; cum ipsi nullam vnquam, quæ eo nomine digna sit, opinionem excogitauerint. Iã verò aliud, immò verò & alia vitia in huiusmodi vocabulorum scrutatoribus, manifesta sunt. Aliquando enim necesse habent his vocabulis vti, quibus scholastici Theologi sæpe vtuntur, vt quum de vniuersis, alijsque huiusmodi disputat, & quoniam minimè eis vti assueuerunt, Deus bonè? quàm tardè (ne ineptè dicam) id faciunt?

*Tertia
ratio ex
incom-
modis.*

Sed

Sed alij sunt, qui vt scitissimè ab his vadis emergât definitiones pro his, quæ definitionibus subiecta sunt proferunt. Haud dicunt Ens, sed id quod est. Ab his ego quærere soleo, quum affectionem aliquam entis de ipso ente demonstraturi erunt, quo sint vsuri medio, si definitionem, quæ mediū demonstrationis esse debuerat, subiectum fecerunt. Egregiè profectò Hispaniæ ornamentum Quintilianus 8. lib. Institutionum cap. 3. hos in eligendis vocabulis cunctatores reprehendit. Non video (inquit) cur tantopere aspernemur hæc vocabula Ens & Essentia, nisi quòd iniqui aduersus nos iudices sumus; ideoq; sermonis paupertate laboramus. Item Aristoteles in Categoria Relatorum sæpe noua facienda esse vocabula docet, quum ad res explicandas nullæ suppetunt voces. Quid ergo reprehenduntur Latini commentatores, si ad res, Ciceroni incognitas, explicandas, Latinas voces post eius secula inuenerunt? Denique si Grammatici quicquam certi de Latinis vocabulis statuissent, possemus eorum præiudicia & tenere & sequi; sed nihil est ipsis incertius. Alius enim lapides veteres præponit Ethymologiæ, alius Ethymologiam lapidibus præfert; alius profert ex antris Cimmerijs codices manu scriptos (quasi verò omnes qui literas in sicilibus sculpebant, aut libros olim scribebant, essent eruditissimi, aut inter eos non essent de vocabulis dissensiones, vel certè omnibus librarijs vnus præflet Cicero, qui eos operantes instrueret, eorumque errata corrigeret) huic solus Cicero probatus est auctor, illi etiam Cæsar, atq; Sallustius; hic quum vnā voculam in Cicerone deprehenderit, iam omnibus quasi venalem proponit, alter clamat

*Quinti-
liani sen-
tentia.*

mat

mat, vna hirundine non satis indicari ver: alius denique nulla Ciceronis, aut alterius sapientis auctoritate ductus vocabula fingit, vt Perionius, qui vnionem pro vnitae scripsit: nimirum quia id ipsis licet, diuo Thomæ non licet. Quòd si hæ quæstiones essent vt illæ, quæ apud Philosophos, aut Theologos agitantur, libèter eos pateremur: sed de minutissimis quibusq; vocibus ita digladiari, ac si de animi salute ageretur; & in huiusmodi disputationibus longissima vitæ spatia infumere, damnosum est valde Reipublicæ.

Loci in quibus Cicero niam Grammaticorum reb. Philosophicis tractandis superfluitatem detestatur.

Verum vt omnem excusationis viam nostris aduersarijs præcludamus, quoniam Ciceronis imitatione gloriantur, docendum est eos, nec cum Cicerone sentire, nec eius Philosophicam libertatem imitari. Nam lib. 3 de Finibus, vbi quædam Latinis antea inaudita vocabula erat prolaturus, sic ait; Quod quidem nemo mediocriter doctus mirabitur, cogitans in omni arte cuius vsus vulgaris, communisque non sit, multam nouitatem nominum esse, cum construantur earum rerum vocabula, quæ in quaque arte versantur. Itaque & Dialectici & Physici verbis vtuntur ijs, quæ ipsi scientiæ nota sunt. Geometriæ, Musici, Grammatici etiam more quodam loquuntur suo. Item ipsæ Rhetorum artes, quæ sunt totæ forenses, ac populares, verbis tamen in dicendo vtuntur, quasi priuatis, ac suis. Atque vt omittam has artes elegantes & ingenuas, ne opifices quidem tueri sua artificia possent, nisi vocabulis vterentur nobis incognitis, vsitatis sibi. Quin etiam agricultura, quæ abhorret ab omni politiore elegantia, tamen eas res, in quibus versatur, nominibus notant nouis; quò magis hoc Philosopho faciendum est. Ex his Ciceronis verbis perspicuum fit,

fit, quam Ciceroniani sint, qui res Dialecticas tantum Oratorijs verbis tradendas existimant. Sed properemus ad reliqua. Insuper in eodem libro ait, Philosophum si afferat eloquentiam, non esse aspernandum; si non habeat, non esse ab eo admodum flagitandam; dum tamen complectatur verbis quod vult, & dicat planè ut intelligatur. In eodem præterea libro sic scribit, Omne quod de re bona dilucidè dicitur, mihi præclarè dici videtur. Istiusmodi autè res dicere ornatè velle puerile est: planè autem & perspicuè expedire posse, docti & intelligentis est viri. Item in eodem volumine ex Catonis persona ait, Re enim intellecta; in verborum usu faciles esse debemus. Et 4. lib. de Finibus, Cur (inquit) cum de re conueniat, non malumus vsitatè loqui? Et lib. 2. de Finib: Torquatum ridens ait; Loquuntur isti bene Latinè; sed parum planè. Iam verò in Oratore ad Brutum expende quid dicat, Res autem sic se habet (ut breuissimè dicam quod sentio) compositè, & aptè sine sententijs dicere, infania est; sententiosè autem sine verborum ordine & modo, infantia: sed eiusmodi tamen infantia, ut ea qui vtantur, non stulti homines, homines haberi possint, sed etiam plerumq; prudentes. Hæc ille. Vocat autem hoc loco infantiam, id quod partim facundiæ, & eloquentiæ, atque omnino opponitur loquacitati. Et in eodem libro sic scribit, In Philosophia res spectantur, non verba penduntur. Et I. Officiorum sic legimus, Ne ut quidam Græca verba inculcantes iure optimo rideamur.

Ita quidem Cicero docuit, ita Quintilianus sensit, ita Aristoteles scripsit. Sed non erit inutile, quibus etiam vocabulis vsus fuerit Cicero, expli-

*Cicroniana
qua-
dam vo-
cabula.*

explicare. Hinc enim plurimi diui Thomæ scripta infamant; quoniam in ipsis hæc nomina depræhendunt, Scibile, Affirmatiua, Descriptiua, Entitas, Aequiuitas, &c. Apertissimè enim demonstrabo his similes voces, aut multò duriores in Cicerone reperiri. Lib. enim 2. de Finib. Opinabile vocat, quod opinione tenetur: & lib. 2. de Inuentione ignorabile nominat, quod potest ignorari. Quid igitur impedit, ne quod scientia comprehendi potest scibile appellamus? Deinde i. de Inuentione vtitur his vocabulis, Deliberatiua, Definitiua, Translatiua, Ratiocinatiua: & lib. 2. Comparatiua & Assumptiua. Quodnam itaque peccatum est dicere, definitio descriptiua, aut enuntiatio affirmatiua? Demum lib. 3. Epist. Famil. epist. 7. Appij, Lentulique essentias vocat Appietatem & Lentulitatem. Quid eum acturum fuisse putas, si de æqui, entisque natura scripsisset? Entitatem profectò & æquiuitatem non esset veritus dicere, nisi suauius aliud occurrisset. Iam hæc mitto, ad alia enim mea festinat oratio. Quis ex his viris bonis pacato animo legeret diuum Thomam, necessitudinis vocabulum, pro necessitate, aut visum entem, & firmitudinis argumenti pro eius efficacia? At Cicero de Inuentione lib. 2. ferè ad finem, plurius vicius vtitur necessitudinis voce, vt necessitatem explicet. Et quemadmodum diui Thomæ discipuli necessarium diuidunt in id quod simpliciter, ac omninò necessarium est, & id quod ex Hypothesi: ita Cicero duplicem facit necessitudinem, vnam simplicem & absolutam, aliam ex adiectione. Item in vtroque libro de Inuentione passim ait, hoc illudue argumentum parum habere firmitudinis. Denique si diui Thomæ aduersarij omnia

Cice-

Ciceronis opera, & non duos, aut ad summum tres eius libellos vidissent, inuenissent equidem infinitas prope voces, quas ipsi vt sordidas habent; nempe defectuum pro manco, habilitatē pro aptitudine. artium ieiunitatem pro ignorantia, beatitatem pro beatitudine, continuatū pro eo quod minimē interruptum est, dulcitudinem pro dulcedine, admirabilitatem pro admiratione, condeceniam pro conuenientia, salutariter pro salubriter, germanitatem pro fratrum mutua necessitudine, & mulierositatem pro amore mulierum. Vt autem eorum inanis timor omnib. innotescat, locum vnum Perionij in mediū proferam. In libro perihermenias, vbi ad modificationum enuntiationum explicationem valdē id expediebat, vix ausus est dicere, possibile, aut non possibile; sed quod fieri potest, aut quod fieri non potest: & tamen in eodem capite sæpe vititur vocabulū Impossibile. Quodq; mirabilius est 1. Prior. cap. 11. vbi non vsque adeo necessarium videbatur, possibilis nomen sæpe admittit. Illud tamen risum mihi prorsus mouet, quod quum aliquam minū elegantem dictionem in aliquo Grammaticorum reperiunt, continuo illum excusant, ac vsum fuisse dicunt ea figura, quæ Barbaralexis nominatur: at in diuo Thoma nullam omninō excusationem recipiunt.

Sed quamuis id minimē proposueram, diuum Aurelium Augustinum, vel omnibus Gentilibus & Grammaticis reclamantibus, Cicero-nem, Aristotelemque ingenij acumine superan-tem, vt hanc nobis litem dirimat; vtque pro iu-stiori parte sententiam ferat, deprecabor. Bo-norum,

*Diui Au-
relij Au-
gustini iu-
diciū.*

norum, inquit, ingeniorum insignis est indoles; in verbis verum amare, non verba. Quid enim prodest clavis aurea, si quod volumus aperire non potest? aut quid obest lignea, si hoc potest, quando nihil querimus, nisi patere quod clausum est? O egregium viri, & sancti, & docti iudiciū, quod II. cap. 4. lib. de Doctrin. Christiana habetur. Item lib. de Vera Religione cap. 46. sic ait: Veritas cunctis rebus præponenda est. Et lib. 2. contra Cresconium Grammaticū, ac hæreticū Donatistam cap. 1. sic scribit: Si Demosthenes clarissimus Oratorum, cui verborum tanta fuit cura, quanta rerum auctoribus nostris, cum tamen ei nonnullam locutionis insolentiam Aeschines obieciſſet, negauit ille in eo positas esse fortunas Græciæ; illone, an alio verbo vsus fuerit: quanto minùs nos laborare debemus de regulis deriuandorum nominum, quando siue hoc, siue illud dicamus, intelligitur sine ambiguitate quod dicimus, quorum non expolitione sermonis, sed in demonstratione veritatis est maior intentio? A nobis itaque stat doctissimus hic, & sanctissimus Ecclesiæ Doctor. Potuisseni quoque ad Hieronymi tribunal aduersarios nostros pertrahere, sed veritus sum ne, si liuentes eius scapulas recorderentur, timore perterritum nobiscum eum sensisse dicèrent.

His ita expositis, ad duo alia, quæ mihi restant, capita properabo; si tamen prius iuuenes Dialecticos admonuerim, ut quum magistros suos Grammaticantes vident, eos omninò contemnunt; ad aliorumque se disciplinam transferant; & quum a lectione domum redierint, omnia quæ à magistro suo contra diuum Thomam, nō Philosophicè (quum enim de rebus, non de vocibus, est

est controuersia, nihil tale suadeo; nec diffra-
ideo quidem) sed Grammaticè dictata reper-
ent, statim deleant. Illud denique cogitent, nul-
lum ex his hominibus aut nostra ætate, aut ma-
iorum memoria insignem Theologum, aut Iu- *Responsa*
risperitissimum euasisse. Deus mihi testis est, me *pro aucto-*
hæc (quantum existimo, prauum enim est cor *re.*
hominis & inscrutabile) non liuore, aut cuius-
quam odio scribere; sed misericordia motum,
quod videam tot præclarissima ingenia in vno
Cicerone exprimendo occupata. At si miratur
quispiam, cur cum ego hunc Neotericorum
vsum tantopere reprehenderim, ipse quoque
voces quibus illi contra morem Doctorem vtun-
tur, vsurpem: huic ego facile respondebo. Aut
enim cum Terentio dicam, morem gerendum
fuisse Thaidi, id est, nostræ huic ætati ac seculo:
aut cum diuo Hylario, in vitium me vitio alte-
no coarctatum esse conquerar: aut tandem qua-
dam diui Gregorij similitudine me communiam.
Nam quemadmodum is qui porrecta manu ia-
centem quempiam eleuare cupit, ipse se aliquân-
tulum inclinet oportet; sic qui repuerascentes
Philosophos excitare volui, eorum in eligendis
vocalibus curiositatem; si non omnino, tamen
aliqua ex parte, debui imitari.

De Textibus & Capitibus .Cap. 16.

QUod autem mihi secundo obijci potest, aper- *Secunda*
tius refelletur. Primum enim grauissimi *reprehens-*
quique viri per textus Aristotelem citant. Dein *sioni ref-*
denullum ego Aristotelis librum in textus di- *pondetur.*
nifum affero, præter libros Metaphysicorum.
Id autem hoc consilio feci. Plerosque enim inter-
pretes ac translatores, qui eos in capita diuidunt,

legi, vix reperi vnum, cui cum altero quidpiam esset commune: at qui textibus vsi sūt, vnam perpetuò diuisionem seruauerunt. Nec me hæc sola causa, vt per textus citarem Metaphysicam impulisset, nisi vidissem, nullam esse Metaphysicæ à Græca in Latinam linguam versionem, quæ à plerisque in his Valentinis scholis recipiatur. Ex Dialecticorum autem & Physicorum voluminum translatoribus (quamuis & inter ipsos quoque de capitibus diuidendis sit magna diffensio) Perionij translationem à Nicolao Gruchio emendatam sequor: quia ea sola à Valentinis nostris recipitur. Quare quum in superioribus libris scripsimus, hanc, illamve sententiam haberi in tali, aut tali libro, aut capite, non iuxta Boethij, aut Argyropili, sed iuxta Perionij sectionem intelligatur, nisi quum apertè aliud admonemus. Cæterum quum librum Perihermenias, aut Elenchorum citauimus, non potuimus Perionium sequi: primum quia diuus Thomas duos libros Perihermenias, & totidem Elenchorum facit; Perionius verò vnum de Interpretatione instituit. Deinde ipsa capitum, aut librorum diuisio in Elenchis in vna, eademque Perionij translatione, iuxta varia Typographorum ingenia variatur. Deinde lectorem moneo, Quintum Metaphysicorum per capita citari, quia in eo libro non tam numerus capitum, quam tituli & inscriptiones rerum, in quouis capite tractatarum, considerantur.

De Aristotelis, Græcorumque moribus.

Cap. 17.

Sequitur, vt iuxta susceptam à me prouinciā illud quod vltimo loco me tractaturum dixi, per se-

persequar. Postquam enim primus liber excessus est, rogatus sū ab amicis, vt quod de Topica Di-
 lectica in eodem libro cap. i. dixi, firmioribus *Tertia re-*
 rationibus stabilirem, ne lectoris animus fluctu- *prehensio-*
 aret. Id igitur nunc præstabo, vtarque primū *nire spon-*
 rationibus, deinde autem grauissimis testibus. *detur.*
 Quod non prius aggrediar, quā lectori persua-
 ferim, nullum à me auctorem citari, cuius verba
 ex ipsius fonte non sumpserim. Eorum. n. inso-
 lentiam reprobō, qui mille auctores, in cuius-
 uis sententiæ aut probationem, aut reprehensio-
 nem afferunt; quos tamen si consulere cupias, ci-
 tius in Ebuso serpentes inueneris, quā quod ex
 illis citatur. Quāobrē nullis omninō laboribus,
 nullius sūptibus ipse peperci, vt autorū libros vi-
 derem; nullumque in his meis institutionibus
 testem adducerem, quem non legissem. Vnum
 tamen Berosum Chaldæum excipio, quem cū
 in hac ciuitate minimē reperissem, vt ab alijs
 referri solet, ita à me lib. i. cap. i. eius sententia
 fuit transcripta. At nudiustertius librum reperi:
 nec tamen mihi videtur, ita generatim loqui, vt
 citatur.

Ad reliqua igitur nunc progrediar; meque ad
 meum munus, pensumque reuocabo: ostendam-
 que non fuisse Aristotelem primum Dialecticæ,
 etiam Topicæ, inuentorem. Equidem, vt nostri
 Theologi i. parte quæst. 94. art. 3. docet, nulla
 est scientia, quam primus homo à Deo non
 receperit. Quin etiam diuus Thomas addit,
 nihil quod sub scientiam humanam cadere pos-
 sit, & in primorum principiorum generali-
 tate, aut virtute contineatur, ipsi Adam igno-
 tum fuisse. Sed (vt constat) ipse Adam à para-

*Primaria
 tio ex sciē-
 tia Ada.*

disi amoenitate exclusus, si eleris sui veniam obtinuit, fuitque deinceps vir prudentissimus & sanctissimus: ergo ea docuit filios suos, quæ ipsis vtilia admodum futura intelligebat: maxime cum multis seculis vnâ cum filiis in hoc mundo vixerit; eosque summo amore complecteretur. Inter ea autem quæ apprimè ad hominum disciplinam conducunt, præcipuum est, quid inter necessariam rationem & probabile argumentum intersit, cognoscere: Vagabitur enim errore animus frequentissimè, si aut verisimilia tanquam certa arripiat; aut certa vt probabilia tantùm negligat. Ergo probabilissimū est, eas præceptiones; quas Adam de his rebus nouerat, filiis suis tradidisse. Quod si ille hoc egat, nulla probabilitate constat, post eius mortem omnino eam disciplinam esse extinctam: præsertim cum in Orbe semper aliquis vir sanctus, & multi doctissimi fuerint; priorumque ingenia nostris essent acutiora.

*Secunda
ratio ex
Mosis sapientia.*

Denique quàm sit Aristotele antiquior Moses, nemo est qui ignoret; & tamen Alexandrinus Philo (quem diuus Hieronymus in Catalogo scriptorum Ecclesiasticorum, & diuus Augustinus contra Faustum, vt disertissimum laudant) Tomo 1. lib. 6. cuius titulus est, Deterius meliori insidiatur, asserit, prius differendi facultate munitum fuisse Moysen, quam cum Aegyptiorum sophistis disputaret. Dialecticam autem nihil aliud vult esse Cicero, quàm artem & scientiam differendi. Iam verò Salomon omnibus qui ante eum fuerunt, & post eius secula orti sunt, (nihil de Apostolis, eorumque similibus tracto) doctior fuit, ac proinde à Diuo Ambrosio in lib. de Salomone cap. 1. omnium hominum sapi-

Tertia ratio ex Salomonis doctrina sumpto.

sapientissimus dicitur: quomodo ergo credibile est, artem de qua uis re proposita in utrâque partem disputandi incognitam ei fuisse? Salomon autem longo tempore interuallo Aristotelem antecedit. Regnauit enim in Iudæa multò ante quàm Sardanapalus Assyriorum monarchiam acciperet. Sardanapalus autem (ut constat) totam Mædorum, atque Persarum monarchiam præcessit, Aristoteles uero tempore Darij Condomani, vltimi Persarum Regis, & Alexandri Magni Macedonis primi Græcorum monarchæ, floruit. Itaque plusquam quingentis annis Salomon Aristotele fuit antiquior. Et quidem (ut Sacra historia refert) ex vniuersis regnis ad Salomonis sapientiam experiendam, audiendamque confluebant. Nonne ergo satis superque probabile est, hanc differendi facultatem, quæ tantopere ad alias disciplinas conducit, ab eo illos recepisse. Ad hæc diuus Thomas 2. 2. q. 51. art. 2. ad 3. tantum agnoscit duas Logicas, (quomodo autem accipiendum sit duas esse Dialecticas, aliud dicendi tempus magis idoneum dabitur) vnâ Analyticam, alteram Topicam, vel Inuentionis: at 1. Metaphys. lect. 3. non obscure testatur, ante Aristotelis tempora Logicas esse inuentas: ergo nec primus fuit Aristoteles, qui Inuentionis artem reperit, nec qui aduersus sophistarum nugas differere docuit. Tandem ex his quæ lib. 1. cap. 1. testata reliquimus, perspicuum est, vetustiores esse demonstrationis cognitionem ipso Aristotele: ergo intelligebant homines, quamuis fortasse non ita perfectè, aliquando esse probabilia, & non necessaria argumen-

Quartæ ratio ex diuini Thomæ auctoritate.

Vltima ratio satis probabilis.

Quod si in nos ipsiusmet Aristotelis testimoni-

*Arist. te-
simoniū
elouatur.*

um afferas, qui vltimo cap. Elenchorum Topi-
cam artem, & eam quæ sophistis respondere
docet, à se inuentas esse gloriatur; magnasque
sibi eo nomine haberi gratias postulat, respon-
debimus statim, neminem in suis laudbus in-
corruptum testem videri; nisi à Spiritu Sancto
agatur. Verum in hac parte homines Græci mi-
nori fide digni sunt. Nam in seipsis laudandis,
alijsque contemnendis, perpetuò habiti sunt
loquaces. Proferam autem eos auctores, qui, vt
ego ita sentirem, effecerunt, eorumque dictis
tanquam luminibus opinionem meam illustra-
bo. Initio quidem quàm sint in omni historia
liberales Græci, ita vt perinde eis sit verè, ac fal-
sè scribere; vetus illud Satyrici Poetæ dicteri-
um explicat. & quicquid Græcia mendax

*Græcorū
natio mē-
dax.*

Audet in historia.

*Iuuenalis
Satyra, 10.*

Lactantij etiam Firmiani id confirmat auto-
ritas, qui 1. lib. Diuinarum institutionum cap. 15.
incredibile esse ait, quantas mendaciorum ne-
bulas Græcia excitauerit. Idem quoque Flavius
Iosephus 1. libro Contra Appionem multis
argumentis demonstrat. Sed de hac re consulen-
dum existimo eloquentissimum Theologum &
Episcopum Cano libro ix. de Locis Theologicis,
vbi plurimos laudat auctores, qui fidē in histo-
ria Græcis abrogauerunt; ac eam nationem
semper ad mentiendum fuisse promptulam do-
cuerunt. Ceterum hæc, quia non sunt huius
temporis, in aliud relinquamus, propriusque
id, quod ad scientiarum pertinet inuentionem,
explicemus. Græci quidem illud habent pro-
prium vt alienis laboribus magnam sibi glori-
am quærant. Nulla enim disciplina est, nulla
scientia, nullaque omnino ars cuius inuentionem

non sibi, suisque arrogant, cùm certè ne vna
quidem ars sit aut scientia quã Græcus quisquam
primùm inuenerit. Mentiar ei ita se res habet.
Geometriam & Astronomiam ipsi sibi vendi-
cant, at Iosephus 1. Antiquit. cap. 4. docet, filios
Noc Geometria, Astronomiaque præditos
fuisse. Literas à se primùm inuentas aiunt; at
Viterbiensis Annius in procæmio Breuiarij Phi-
lonis id grauissimis productis auctoribus im-
probat. Physicam se primos excogitasse autu-
mant: at idem Annius Macrobij testimonio eos
refellit. Ethicam, quæ de iustitia naturali agit,
non aliumde, quàm ex Græcia initium habere
dicunt: at beatus Pater Ambrosius capit. 7. episto-
læ ad Romanos ex professo docet, Græcos ex He-
bræis iustitiam naturalem didicisse, sicut ex
Græcis Romani. Theologiam naturalem è Græ-
cia in totum orbem manasse prædicant; at in
librum 5. Berosi, & in lib. Catonis de Origini-
bus idem Annius scribens, elegantissimè eo-
rum iactantiam reprobat. Denique Græci omni-
um nationum gesta suis contribulibus appli-
cant. Quid multa? Diogenes Laertius initio libri
de Vitis Philos. Philolophiam nõ iã modò, sed he-
minũ etiam genus ex Græcia processisse scribit;
quo profectò nihil arrogantius dici poterat. Le-
ge Eusebium lib. 10. Præparationis Euangelicæ.
cap. 2. Probat namque ibi, nullam artem, aut
scientiam à Græcis inuentam fuisse. Nec ei ad
id probandũ Clementis testimonia defuerunt.
Sed quod peius est, in eodem libro cap. 1. osten-
dit Eusebius multa aliorum scripta Græcos ho-
mines sibi vsurpasse, ac libros etiam integros ab
alijs editos, nomine proprio vulgasse. A quo
sanè latrocinio nec Platonem ipsum (qui

*Aristoteli
inudes.*

multò fuit iustior & modestior Aristotele) liberū esse patitur. Denique diuus Thomas lib. 4. de Regimine Principum capit. 4. Aristotelem multa antiquis Philosophis imposuisse, & asserit; & latè probat. Sed latiùs, id præstat Iauellus tractat. 7. de Platonis politica, & alijs in locis. Si igitur graues rationes sunt, quæ Aristotelem non fuisse inuentorem efficiunt, & nulla quæ cum fuisset probet, si Græcorum præterea fides in historia magna ex parte fracta & debilitata est; si aliorum sibi labores tribuere, alijsque, vt reprehendendi & obiurgandi occasionem habeāt, multa imponere solent: quid mirum est, si Aristoteli se de huius scientiæ inuentione gloriant, ac eam gloriam alijs inuidenti, fides non habetur? Et (vt semel finiam) Cicero in Bruto, omnes artes & inuentas & perfectas fuisse in Græcia ante oratoriam facultatem docet: at Arist. in fine Elenchorum, Rhetoricam se antiquiorē esse concedit; enumeratque auctores Græcos, qui in ea vehementer excelluerunt; ergo si Ciceroni credimus, omnes Logicæ artes ante Arist. tempore & inuentæ sunt, & in Græcia viguerunt. Itaque superiora argumenta probant, prius in orbe inuentas esse scientias, atque artes quàm in Græcia: hoc autem vltimum ex Ciceronis auctoritate collectum, eam in Græcia eas Aristotele antiquiores facit. Hæc eò dixi pluribus, ne quisquam me absque vlla causa hanc Aristoteli gloriam denegasse arbitretur.

Bene.

Benedictus igitur sit Deus, qui hæc Commen-
taria vnà cum quæstionibus in Valentiniæ vrbis.
Cænobio anno 1572. in festo Beati Vincentij Fer-
rarij Confessoris, eiusdem ciuitatis ac Cænobij
quondam filij, nunc autem in cælesti patria ad-
uocati finiri concessit. In ipſis autem quicquid
à me ex professo, aut obiter dictum est, san-
ctæ Romanæ Ecclesiæ correctioni submitto. Nec
id solum, sed si quicquam fortè per obscuritiam
contra diui Thomæ doctrinam scripsi, omninò
reuoco. Nolo enim meas tenebras tantæ luci præ-
ferre: & quem patronum mihi morienti adesse
cupio, non audio viuens contemnere. Oramus
autem lectorem, vt apud supremum Iudicem o-
ret pro nobis.

P I N I S.



INDEX

INDEX RERVM NOTABILIVM, QVAE IN HIS DE DIALECTICA COMMEN- tarijs continentur.

A.

- A**bstractio, siue intellectus agens, quid sit apud Philosophos. pag. 75
Abstractio intellectus agentis perficitur per abstractionem intellectus patibilis. 82
Accidens sumitur duobus modis, 102. multa continet sub se, 103. Nominaliter, & Participaliter sumptū quid sit, 104. consequitur naturam indiuidui, 109. in abstracto & concreto. 150
Accidentia propria habent suam quidditatem, & Definitionem essentialem, 39
Accidentis definitio, 101. eius esse, est inesse, 106. definitio comprehendit ordinem ad subiectum, 106
Accidentium cognitio quomodo potest esse prior cognitione substantia, 137. duo genera, 563
Actio duplex, 243. Actio & Passio non re, sed definitione distinguuntur, 245
Actionis definitio, 244. sex sunt species, quae etiam vocantur species motus. ibid. eius affectiones siue proprietates, ibid.
Actus debet aduenire potentia, non è contra. 42. est notior potentia 44
Ad tempora Dialectica initium habuit, 4
Aequale & inaequale, proprie & improprie accipitur, 211
Aequipotentia quid sit, 318. eius utilitas, 327
Aequiuoca quae sint, 141
Aequiuocum à casu, & à consilio, 143
Affectio propria à natura manat, 27
Aliquid est in aliquo octo modis, 163
Aliquid esse bifariam potest intelligi, 401
Analogia probabilem coniecturam praestat, 124
172

<i>Analogorum priora ad posteriora ordinem habent.</i>	180
<i>An res sit; quaestio frequens: sissime sensu, & experientia, explicatur.</i>	26
<i>Antecedens & consequens in propositione quid sit.</i>	422
<i>Antecedentia, & consequentia vocabula quo pacto accipienda sunt.</i>	
<i>A parte ad totum perfectius argumentatur quam ecōtra.</i>	32
<i>Apologus quid sit.</i>	446
<i>Argumentationis tractatio, quare precedat disputationem definitionis.</i>	27
<i>Argumentatio consurgit ex enunciationibus. §8 quid sit & quotuplex, §8. §9. efficax quando erit, 60. bona diuiditur in quatuor species, 66 379. bona ex materia, & bona ex forma differunt, & quomodo, 65. & argumentum in quo differunt.</i>	63
<i>Argumentationis bona praecepta.</i>	62
<i>Aristoteles auxit Logicam.</i>	4
<i>Artes diuiduntur in liberales & Mechanicas.</i>	10
B.	
<i>Bonum ex integra causa <u>consurgit, 146, contingit uno modo, malum verò omnifariam,</u></i>	146
C.	
<i>Captiones ex vocibus quinque sunt.</i>	538
<i>Captio à <u>dicto, a parte, ad absolutum,</u></i>	559
<i>in Categorijs quae ponuntur, & excluduntur, 176. 154. alia directè, alia reductiue collocantur,</i>	177
<i>Categoria siue prima principia decem ab Aristotele numerantur,</i>	178
<i>Categoria oratio quae sit.</i>	287
<i>Categorica quae parum ab Hypotheticis differunt,</i>	372
<i><u>Causa quid sit & quotuplex.</u></i>	32
<i>Causarum genera sunt quatuor, & quae.</i>	502
<i>Character sacramentalis ad secundam speciem qualitatis reducitur,</i>	214
<i>Christus potest poni in Categoria,</i>	177
<i>Cognitio nostra quotuplex,</i>	188
<i>Compositionis via tribus modis solet argumentari.</i>	86
<i>Compositum tribus modis.</i>	156
<i>Conclusio an sit pars syllogismi, §81 debet esse alia à premis-</i>	

legi, vix reperi vnum, cui cum altero quidpiam esset commune: at qui textibus vsi sūt, vnam perpetuò diuisionem seruauerunt. Nec me hac sola causa, vt per textus citarem Metaphysicam impulisset, nisi vidissem, nullam esse Metaphysicæ à Græca in Latinam linguam versionem, quæ à plerisque in his Valentinis scholis recipiatur. Ex Dialecticorum autem & Physicorum voluminum translatoribus (quamuis & inter ipsos quoque de capitibus diuidendis sit magna diffensio) Perionij translationem à Nicolao Gruchio emendatam sequor: quia ea sola à Valentinis nostris recipitur. Quare quum in superioribus libris scripsimus, hanc, illamve sententiam haberi in tali, aut tali libro, aut capite, non iuxta Boethij, aut Argyropili, sed iuxta Perionij sectionem intelligatur; nisi quum apertè aliud admonemus. Cæterum quum librum Perihermenias, aut Elenchorum citauimus, non potuimus Perionium sequi: primum quia diuus Thomas duos libros Perihermenias, & totidem Elenchorum facit; Perionius verò vnum de Interpretatione instituit. Deinde ipsa capitum, aut librorum diuisio in Elenchis in vna, eademque Perionij translatione, iuxta varia Typographorum ingenia variatur. Deinde lectorem moneo, Quintum Metaphysicorum per capita citari, quia in eo libro non tam numerus capitum, quam tituli & inscriptiones rerum, in quouis capite tractatarum, considerantur.

De Aristotelis, Græcorumque moribus.

Cap. 17.

Sequitur, vt iuxta susceptam à me prouinciam illud quod vltimo loco me tractaturum dixi, persequar.

persequar. Postquam enim primus liber excessus est, rogatus sū ab amicis, vt quod de TopicaDialectica in eodem libro cap.1. dixi, firmioribus rationibus stabilirem, ne lectoris animus fluctuaret. Id igitur nunc præstabo, vtarque primū rationibus, deinde autem grauissimis testibus. Quod non prius aggrediar, quā lectori persuaserim, nullum à me auctorem citari, cuius verba ex ipsius fonte non sumpserim. Eorum. n. insolentiam reprobō, qui mille auctores, in cuiusvis sententiæ aut probationem, aut reprehensionem afferunt; quos tamen si consulere cupias, citius in Ebuso serpentes inueneris, quā quod ex illis citatur. Quāobré nullis omnino laboribus, nullius sūptibus ipse peperci, vt autorū libros viderem; nullumque in his meis institutionibus testem adducerem, quem non legissem. Vnum tamen Berosum Chaldæum excipio, quem cū in hac ciuitate minimè reperissem, vt ab alijs referri solet, ita à me lib. 1. cap. 1. eius sententiæ fuit transcripta. At nudiustertius librum reperi: nec tamen mihi videtur, ita generatim loqui, vt citatur.

Ad reliqua igitur nunc progrediar; meque ad meum munus, pensumque reuocabo: ostendamque non fuisse Aristotelem primum Dialecticæ, etiam Topicæ, inuentorem. Equidem, vt nostri Theologi 1. parte quæst. 94. art. 3. docet, nulla est scientia, quam primus homo à Deo non receperit. Quin etiam diuus Thomas addit, nihil quod sub scientiam humanam cadere possit, & in primorum principiorum generalitate, aut virtute contineatur, ipsi Adam ignotum fuisse. Sed (vt constat) ipse Adam à para-

Tertia reprehensio respondetur.

Primaria ratio ex scientia Adæ.

sapientissimus dicitur: quomodo ergo credibile est, artem de qua uis re proposita in utrâque partem disputandi incognitam ei fuisse? Salomon autem longo tempore interuallo Aristotelem antecellit. Regnauit enim in Iudæa multò ante quàm Sardanapalus Assyriorum monarchiam acciperet. Sardanapalus autem (ut constat) totam Mædorum, atque Persarum monarchiam præcessit. Aristoteles uero tempore Darij Condomani, ultimi Persarum Regis, & Alexandri Magni Macedonis primi Græcorum monarchæ, floruit. Itaque plusquam quingentis annis Salomon Aristotele fuit antiquior. Et quidem (ut Sacra historia refert) ex vniuersis regnis ad Salomonis sapientiam experiendam, audiendamque confluebant. Nonne ergo satis superque probabile est, hanc differendi facultatem, quæ tantopere ad alias disciplinas conducit, ab eo illos recepisse. Ad hæc diuus Thomas 2. 2. q. 51. art. 2. ad 3. tantum agnoscit duas Logicas, (quomodo autem accipiendum sit duas esse Dialecticas, aliud dicendi tempus magis idoneum dabitur) vnâ Analyticam, alteram Topicam, vel Inuentionis: at 1. Metaphysicæ lect. 3. non obscure testatur, ante Aristotelis tempora Logicas esse inuentas: ergo nec primus fuit Aristoteles, qui Inuentionis artem reperit, nec qui aduersus sophistarum neugas differere docuit. Tandem ex his quæ lib. 1. cap. 1. testata reliquimus, perspicuum est, vetustiores esse demonstrationis cognitionem ipso Aristotele: ergo intelligebant homines, quamuis fortasse non ita perfectè, aliquando esse probabilia, & non necessaria argumen-

Quarta ratio ex diui Thoma autoritate.

Vltima ratio satis probabilis.

Quod si in nos ipsiusmet Aristotelis testimoni-

*Arist. 1. 1.
Simonii
elementur.*

um afferas, qui vltimo cap. Elenchorum Topi-
cam artem, & eam quæ sophistis respondere
docet, à se inuentas esse gloriatur; magnasque
sibi eo nomine haberi gratias postulat, respon-
debimus statim, neminem in suis laudbus in-
corruptum testem videri; nisi à Spiritu Sancto
agatur. Verùm in hac parte homines Græci mi-
nori fide digni sunt. Nam in seipsis laudandis,
alijsque contemnendis, perpetuò habiri sunt
loquaces. Proferam autem eos auctores, qui, vt
ego ita sentirem, effecerunt, eorumque dictis
tanquam luminibus opinionem meam illustra-
bo. Initio quidem quàm sint in omni historia
liberales Græci, ita vt perinde eis sit verè, ac fal-
sè scribere: vetus illud Satyrici Poetæ dicteri-
um explicat. & quicquid Græcia mendax

*Græcorū
natio mē-
dax.*

Audet in historia.

*Iuuenalis
Satyra, 10.*

Lactantij etiam Firmiani id confirmat auto-
ritas, qui 1. lib. Diuinarum institutionum cap. 15.
incredibile esse ait, quantas mendaciorum ne-
bulas Græcia excitauerit. Idem quoque Flavius
Iosephus 1. libro Contra Appionem multis
argumentis demonstrat. Sed de hac re consulen-
dum existimo eloquentissimum Theologum &
Episcopum Cano libro 11. de Locis Theologicis,
vbi plurimos laudat auctores, qui fidē in histo-
ria Græcis abrogauerunt; ac eam nationem
semper ad mentiendum fuisse promptulam do-
cuerunt. Cæterum hæc, quia non sunt huius
temporis, in aliud relinquamus, propriusque
id, quod ad scientiarum pertinet inuentionem,
explicemus. Græci quidem illud habent pro-
prium vt alienis laboribus magnam sibi glori-
am quærant. Nulla enim disciplina est, nulla
scientia, nullaque omnino ars cuius inuentionem

non

non sibi, suisque arrogant, cum certè ne vna
quidem ars sit aut scientia quã Græcus quisquam
primùm inuenerit. Mentiar ei ita se res habet.
Geometriam & Astronomiam ipsi sibi vendi-
cant, at Iosephus 1. Antiquit. cap. 4. docet, filios
Noc Geometria, Astronomiaque præditos
fuisse. Literas à se primùm inuentas aiunt; at
Viterbiensis Annius in procæmio Breuiarij Phi-
lonis id grauissimis productis auctoribus im-
probat. Physicam se primos excogitasse autu-
mant: at idem Annius Macrobij testimonio eos
refellit. Ethicam, quæ de iustitia naturali agit,
non aliumde, quàm ex Græcia initium habere
dicunt: at beatus Pater Ambrosius capit. 7. episto-
læ ad Romanos ex professio docet, Græcos ex He-
bræis iustitiam naturalem didicisse, sicut ex
Græcis Romani. Theologiam naturalem è Græ-
cia in totum orbem manasse prædicant; at in
librum 5. Berossi, & in lib. Catonis de Origini-
bus idem Annius scribens, elegantissimè eo-
rum iactantiam reprobat. Denique Græci omni-
um nationum gesta suis contribulibus appli-
cant. Quid multa? Diogenes Laertius initio libri
de Vitis Philos. Philosophiam nõ iã modò, sed he-
minũ etiam genus ex Græcia processisse scribit;
quo profectò nihil arrogantius dici poterat. Le-
ge Eusebium lib. 10. Præparationis Evangelicæ.
cap. 2. Probat namque ibi, nullam artem, aut
scientiam à Græcis inuentam fuisse. Nec ei ad
id probandũ Clementis testimonia defuerunt.
Sed quod peius est, in eodem libro cap. 1. osten-
dit Eusebius multa aliorum scripta Græcos ho-
mines sibi vsurpasse, ac libros etiam integros ab
alijs editos, nomine proprio vulgasse. A quo
sanò latrocinio nec Platonem ipsum (qui

*Aristotelis
laudes.*

multò fuit iustior & modestior Aristotele) liberè
esse patitur. Denique diuus Thomas lib. 4. de Re-
gimine Principum capit. 4. Aristotelem multa
antiquis Philosophis imposuisse, & asserit; &
latè probat. Sed latiùs, id præstat Iauellus tra-
ctat. 7. de Platonis politica, & alijs in locis. Si i-
gitur graues rationes sunt, quæ Aristotelem non
fuisse inuentorem efficiunt, & nulla quæ eum
fuisse probet, si Græcorum præterea fides in hi-
storia magna ex parte fracta & debilitata est;
si aliorum sibi labores tribuere, alijsque, vt re-
prehendendi & obiurgandi occasionem habeât,
multa imponere solent: quid mirum est, si Ari-
stoteli se de huius scientiæ inuentione glorian-
ti, ac eam gloriam alijs inuidenti, fides non ha-
betur? Et (vt semel finiam) Cicero in Bruto, om-
nes artes & inventas & perfectas fuisse in Græ-
cia ante oratoriam facultatem docet: at Arist.
in fine Elenchorum, Rhetoricam se antiquiorè
esse concedit; enumeratque auctores Græcos,
qui in ea vehementer excelluerunt; ergo si Cice-
roni credimus, omnes Logicæ artes ante Arist.
tempore & inventæ sunt, & in Græcia vigne-
runt. Itaque superiora argumenta probant, pri-
us in orbe inventas esse scientias, atque artes
quàm in Græcia: hoc autem vltimum ex Cice-
ronis auctoritate collectum, eam in Græcia eas A-
ristotele antiquiores facit. Hæc eò dixi pluribus,
ne quisquam me absque vlla causa hanc Aristo-
teli gloriam denegasse arbitretur.

Bene:

Benedictus igitur sit Deus, qui hæc Commen-
taria vnâ cum quæstionibus in Valentina vrbis
Cœnobio anno 1572. in festo Beati Vincentij Fer-
rarij Confessoris, eiusdem ciuitatis ac Cœnobij
quondam filij, nunc autem in cælesti patria ad-
uocari finiri concessit. In ipsiis autem quicquid
à me ex professo, aut obiter dictum est, fan-
ctæ Romanæ Ecclesiæ correctioni submitto. Nec
id solum, sed si quicquam fortè per obscurantiâ
contra diui Thomæ doctrinam scripsi, omninò
reuoco. Nolo enim meas tenebras târæ luci præ-
ferre: & quem patronum mihi morienti adesse
cupio, non audio viuens contemnere. Oramus
autem lectorem, vt apud supremum Iudicem o-
ret pro nobis.

P I N I S.



INDEX

INDEX RERVM NOTA- BILIVM, QVAE IN HIS DE DIALECTICA COMMEN- tarijs continentur.

A.

- A**bstractio, siue intellectus agens, quid sit apud
Philosophos. pag. 75
Abstractio intellectus agentis perficitur per abstra-
ctionem intellectus patibilis. 82
Accidens sumitur duobus modis, 102. multa continet subse,
103. Nominaliter, & Participaliter sumptū quid sit, 104
consequitur naturam individui, 109. in abstracto & con-
creto. 150
Accidentia propria habent suam quidditatem, & Defini-
tionem essentialem, 39
Accidentis definitio, 101. eius esse, est inesse, 106. definitio cō-
prehendit ordinem ad subiectum, 106
Accidentium cognitio quomodo potest esse prior cognitione
substantia, 137 duo genera, 563
Actio duplex, 243. Actio & Passio non re, sed definitione di-
stinguuntur, 245
Actionis definitio, 244. sex sunt species, quae etiam vocan-
tur species motus. ibid. eius affectiones siue proprietates,
ibid.
Actus debet aduenire potentia, non è contra. 42. est notior
potentia 44
Ad tempora Dialectica initium habuit, 4
Aequale & inaequale, propriè & impropiè accipitur, 211
Aequipollentia quid sit, 318. eius utilitas, 327
Aequiuoca quae sint, 141
Aequiuocum à casu, & à consilio, 143
Affectio propria à natura manat, 27
Aliquid est in aliquo octo modis, 163
Aliquid esse bifariam potest intelligi, 401
Analogia probabilem coniecturam praestat, 124

Ana.

<i>Analogorum priora ad posteriora ordinem habent.</i>	189
<i>An res sit; questio frequentissime sensu, & experientia, explicatur.</i>	16
<i>Antecedens & consequens in propositione quid sit.</i>	422
<i>Antecedentia, & consequentia vocabula quo pacto accipienda sunt.</i>	
<i>Aperte ad totum perfectius argumentatur quam e contra.</i>	38
<i>Apologus quid sit.</i>	446
<i>Argumentationis tractatio, quare precedat disputationem definitionis.</i>	27
<i>Argumentatio consurgit ex enunciationibus. 58 quid sit & quotuplex, 58. 59. efficax quando erit, 60. bona diuiditur in quatuor species, 66 379. bona ex materia, & bona ex forma differunt, & quomodo, 65. & argumentum in quo differunt.</i>	63
<i>Argumentationis bona precepta.</i>	62
<i>Aristoteles auxit Logicam.</i>	4
<i>Artes diuiduntur in liberales & Mechanicas.</i>	10

B.

<i>Bonum ex integra causa consurgit, 146, contingit uno modo, malum verò omnifariam,</i>	146
--	-----

C.

<i>Captiones ex vocibus quinque sunt.</i>	538
<i>Captio, à dicto, à parte, ad absolutum, in Categorijs quæ ponuntur, & excluduntur, 176. 154. alia directe, alia reduciuntur collocantur,</i>	177
<i>Categoria siue prima principia decem ab Aristotele narrantur,</i>	178
<i>Categoria oratio quæ sit.</i>	287
<i>Categorice quæ parum ab Hypotheticis differunt,</i>	322
<i>Causa quid sit & quotuplex.</i>	32
<i>Causarum genera sunt quatuor, & quæ.</i>	302
<i>Character sacramentalis ad secundam speciem qualitatis reducitur,</i>	214
<i>Christus potest poni in Categoria,</i>	177
<i>Cognitio nostra quotuplex,</i>	188
<i>Compositionis via tribus modis solet argumentari.</i>	86
<i>Compositum tribus modis.</i>	156
<i>Conclusio an sit pars syllogismi, 381 debet esse alia à premis-</i>	51834

I N D E X

<i>fla.</i>	38
Consideratio prima & secunda, <u>73. secunda</u> vocatur Notio,	
Intentio, vel Notitia,	76
Consequēs sequitur aliquid, quod nō sequitur antecedēs,	68
Contradictoria definiuntur,	251
Contradictionis definitio,	314. 519
in Contrarietate maxima, quatuor requiruntur.	229
Contrarietas triplex.	ibid.
Contrarium nihil est intellectui, voluntati, aut sensui.	229
Contraria primo modo recipere, est commune omnibus Ca-	
regorijs 230. maximè inuicem se expellunt, 233. quadi-	
tur, 249 duplicia,	250
Conuersio siue reciprocatio definitur, 324. eius genus du-	
plex, ibid de Conuersione Enunciationum, ibid de Con-	
uersione simplici per accidens, & per contrapositiones in	
<u>modis</u> es. quarum figura ponuntur.	357
Corpus quare ratione est sub predicamento substantia, & sub	
predicamento quantitatis,	206
Corporea res sicut habent essentiam, & quantitatem, ita	
habent dupl. em numerum,	209

D.

Definitio est necessaria ad intelligendā naturam Diuisionis.	
3 quid sit, <u>128</u> est duplex. rei & nominis. 31 causalis tra-	
ditur aut per causas internas, aut externas, 31 per mate-	
riam quando erit essentialis, 39. constat genere & diff-	
rentia ibid potest poni loco <u>nominis</u> , 14. quomodo tra-	
ditur à Topicis, 84 eius methodus quomodo inuestigan-	
<u>dis</u> , 34 eius methodus in quo contineatur, 89. & Defini-	
tum possunt duobus modis considerari.	562
Definire speciem est facilius quàm definire genus,	471
Demonstrandi ars quare non dicitur Dialectica,	70
Demonstratio est nobilior omnibus syllogismis, 86. quid,	
sit, 151. quoduplex sit, 454. 456. & seq eius medium.	459
Demonstrationis quia, & propter quid, principia,	462
Demonstratorius syllogismus qui d sit.	450
Denominatiua tria requirunt, 148. dant nomen, non essen-	
tiam & naturam. 151 eorum definitio,	ibid.
Descriptio non debet habere omnia accidentia, 32. declarat	
acc.	

- accidentia,* 39
Deus quare non ingreditur Categoriam, 176
Dialectica à Logica differt. 7 est duplex. 12. naturalis est
maximè necessaria, 13 ars artium dici potest. 16. utrum
sit scientia, 10 quare inuenta, 77
Dialectica partes, 2 79. 68 quis eam inuenerit varia sunt
opinionēs, 2. utentis officium, 20 utentis subiectum, 72.
genus est scientia, 4. diffinitio, 6. finis, quando dici potest
probabiliter differere, 7 finis quis, 20. instrumentum
quod sit, 25 subiectum, illiusq; diuisio. 22 7. 76. interst
explicare methodum enunciationis in omnibus scientijs.
106. obiectum est ens rationis. 22
Dialecticam scientiam nominari posse, habetur. 468. docē-
tis officium, 20
Dialecticus syllogismus, 450. quare ratione differat à Demon-
stratio, 471. & Demonstratorius syllogismus potest bi-
farariam considerari, 478
Dici de omni quid sit, 385 de nullo quid sit, 388
Differentia sumitur à forma, 16 quare collocatur ante pro-
prium, & accidens, 96 eius definitio & diuisio, ibid ade-
quata qua sit. 173
Differentia accidentales & essentielles, 171. essentielles quo-
modo ponuntur in Categoriis, 177. accidentaria non
constituunt discrimen specierum, 118. in Differentiis es-
sentialibus variis gradus inueniuntur. 176
Dignitas duplex in rebus, 205
Dilemma species argumentationis quid, 447
Directa conclusio quid sit. 383
Discurfus est tertia mentis operatio, 378
Discrimen inter genus. differentiam, ac definitionem, 125.
inter genus & speciem. 126
Dispositio varie sumpta. 221
Diuisio quid sit, & quotuplex, 47. 48. cuiam operationi
mentis deferret, 85 multoties ab Arist. tractata est, 26.
Diuisiois via tribus modis potest argumentari, 87
Diuisum totū debet intelligi in membris diuidentibus. 86

E.

- Efficiens causa triplex est,* 304
Embryo est particularis species animalis. 224
Eps

I N D E X

- In**sratiōis quatuor modis sit, 167. quomodo cōuenit cō
secundis intensionibus, 77. quo pacto ad Categoriā re-
 ducitur, 182. & 240.
- E**ns est obiectū Metaphysica, 142. quomodo dicat de Catego-
 rijs, 178. eius diuisio uaria, 137. 156. 176. 566. & seq.
- E**nthymema quid sit, & quotuplex, 61. 440. quo pacto ad
 syllogismum reducatur, 440. & seq.
- E**numeratio (species argumentationis) quid sit, 447
- E**nunciatio ut sit directa quibus regulis cognosci potest, 122.
 & seq. est interpretis mentis nostra, 270. subiectum est
 quarti libri, ibid. eius diuisio uaria, 287. 288. 300. 368. &
 seq. excludens sit, 296. prateriti temporis quomodo cō-
 uertatur, 328. duobus modis dicitur vera, & necessaria,
460. pertinet ad secundam operationem intellectus, 376.
- E**nunciationes duobus modis possunt affici, signo omnis,
 310. eterna veritatis quæ sint, 359. modi contingentis, 365
- E**nunciationis per se triplex est genus, 463. definitio, 280
- E**sse in subiecto, & predicari de subiecto, diuiditur. 160
- E**ssentia distinguitur à perfectione, 457
- E**st, verbum aliquando dicit essentiam, aliquando verò exi-
 stentiam. 361
- E**thica triplex. 5.6
- E**xempla non possunt esse similia, 124
- E**xemplorum formæ sunt tres ex Aristotele, 446
- E**xemplum quid sit, 61. 444. Vide plura de exemplis. 445.
 & seq.
- E**xploratorius syllogismus quid sit, 452
- E**xpositio quid sit. 29
- E**xpositorius syllogismus quid sit, & quotuplex. 429
- E**xternæ res quomodo intelligantur, 109
- F.
- F**acile & difficile à subiecto separari bifariam accedit. 219
- F**igura prima syllogistica quare sit prestantior alijs, 396.
 quarta, an, & quibus legibus detur. ibid. & seq.
- F**alsum sophisticum quid sit. 530
- F**allacia compositionis & diuisionis sit tribus modis, 543. fi-
 gura dictionis tribus modis committitur, 546. Accentus,
545
- F**allacia species, & modos multos, vide 550. 551. 563. &
 seqq.

R E R V M

seqq.

Figura syllogistica quid sit, & quid in ijs notandum, 389

Figura oppositarum contradictionum, 353. Prima figura, 388

Tertia regula, 393

Finis scientia quis dicatur, 15. duplex. 14. & 19. Remotus

Dialect docentis quis sit. 11. & 15. quando dicatur inter-

nus vel externus, 19. considerandus est in artium instru-

mentis. 451

Forma se habet ut actus, 37

G.

Gemina consideratio mentis nostra, 75

Genera suprema non constituuntur differentijs, sed modis

internis. 173

Genera, & species quae ratione substant, 192

Genus quid sit, 92. eius divisio, 93. quare precedat alia pra-

dicabilia, 91. debet esse univocum, vel synonymum, 94.

& species in quo conveniunt. 118. se habet in definitione

loco materiae. & species loco formae, 231

Gradatio, siue sorites quid sit, 447

H.

Habendi modi sunt octo, 267

Habitus predicamentalis duplex, 250

Habitus predicamenti proprietates & definitio, 247

Hypothetica affirmativa vel negativa quae sit, 368

Hypothetica comparationis, 375

Hypothesis idem est quod suppositio, 371

Hypothetica divisio varia, 368-374

Hypothetica enuntiationis divisio, 318

Hypothetici syllogismi divisio, 368. 432

Hypotheticarum consecutaria, 379. veritatem vel falsitatem

cognoscere quomodo possit, 368

I.

Idem dicitur tribus modis, 93

Idemtica predicationes quae sint, 116

Idemtas enuntiationis quid sit, 383

Ignorantia Elenchi quid sit, 558

Imaginatio retinet plantas mactas, 74

ad Incommodum reducere quomodo possit fieri, 416.

Individuum quid sit, & quotuplex, III. IIj. & 116

Indi-

INDEX

<i>Indirecta conclusio quid sit,</i>	398
<i>Inductio duplex, 437. quid sit, 61. 436. quo modo ad syllogismum reducat.</i>	436
<i>Inferiora omnia ortui & interitui sunt obnoxia,</i>	144
<i>Instrumenta Logica qua sint,</i>	16
<i>Instrumentum, seu organum non tam ratione sui, quam alterius quaritur.</i>	ibid.
<i>Intellectuales species qua ratione vocentur <u>habitus</u>.</i>	225
<i>Intellectus intelligens rem aliter quam est, quomodo fallitur, 108. est uniuersalium 130. & seq. humanus est quada vis & facultas anime 73. practici, qua sint operationes, 82. quomodo diuidantur, 83. patiens, diuiditur in speculatiuum & practicum, 81. quomodo procedat in cognitione, 158. <u>agens</u>, & patiens, & eorum munera.</i>	81
<i>Intentio diuersimode accipitur apud philosophos, & apud dialecticos.</i>	73
<i>Inueniendi ars solum, Dialectica ab Aristotele vocatur, & quare.</i>	70
<i>Inuentio est etiam rerum incertarum,</i>	70

L.

<i>Liberales artes qua sint,</i>	11
<i>Loca sursum & deorsum sunt in duplici consideratione,</i>	210
<i>Locorum Dialecticorum diuisio.</i>	485
<i>Locus à descriptione, 489 à proprietate, ibid. à toto ad partes, & e contra, 494. <u>Dialecticus</u> quid sit, 485. à Definitione,</i>	489
<i>Locos varios vide à pag. 501. usque ad pag.</i>	528

M.

<i>Magis & minus, & maius & minus quando aequipollent</i>	232
<i>Magis & minus suscipere qua ratione dicatur.</i>	231
<i>Magnitudo alia perfectionis est, alia molis, & eorum discrimen inferius.</i>	204
<i>à Maiori ad minus tripliciter potest argumentari,</i>	519
<i>Maius & minus unde consurgant,</i>	231
<i>Materia propositionum quotuplex, 303. triplex est, 38. & 502.</i>	
<i>Materia nomen pro genere sumptum.</i>	144
<i>Materia siue obiectum duplex, 21. se habet ut potentia 37. est</i>	ens

RERVM.

ens tantum in potentia, 37. non est aliquid actu,	162
Mathematica scientia diuisio,	6
Maxima Dialecticorum non sunt intelligenda de secundis intentionibus,	494
Mechanica artes duplices sunt,	19
Media debent esse proportionata finibus,	505
Medium duplex,	256
Medius terminus in syllogismo quia via inuenietur,	421
Membra diuidentia quando possunt in parte dimitti in diuisione,	8
Membrum diuidens debet habere necessariam connexionem cum diuiso,	56
Mentis functio triplex.	80
Modificat a enuntiationis veritatem, vel falsitatem cognoscere difficile est,	367
Modus essentialis, & accidentalis.	216
Modus figura syllogistica quid sit.	388
Motus continet in se sex species. 215. 266. omnis est a contrario in contrarium.	232
Musica subiectum ad quantitatem discretam pertinet.	203

N.

Natura ex se non non est neque vniuersalis, neque particularis,	30
Natura quomodo predicatur de suis inferioribus.	132
Natura iure quomodo omnia sint communia,	134
Necessarium, dicitur duobus modis.	139. & 258
Necessitas alicuius rei cognoscitur ex fine.	15
Negatio destruit quicquid post se innemit.	305. 323
Nomina quadam diuersa respectu possunt esse Synonyma & Paronyma,	152
Nomina bisariam solent rebus poni.	354
Nominibus potest addi quatuor modis.	356
Nomini s definitio.	270
Notio, siue intentio secunda qua sit.	73
Nullum accidens dicitur de substantia.	147
Numeri genus duplex.	207
Numerus duplex 209. a duobus modis colligi potest.	252

O.

Obiectum esse intellectus, est duobus modis,	133
--	-----

I N D E X

Officium quid sit in vnaquaque arte, 20. in Operatione priam intellectus quomodo non possit esse error.	139
Operatrix scientia quid sit.	71
Opinio facillimè remouetur ab intellectu.	210
Oppositi nomen quomodo potest accipi.	66
Oppositio definitur.	249. 300
Oppositione modificatarum enuntiationum.	345
Oppositionum proprietates.	301
Oppositorum <u>quatuor sunt genera. 249. numerus, & ordo.</u>	
252	
Oratio in quantitate discreta quomodo accipiat, 203. duplex.	285
Orationem non recipere contraria, quo pacto intelligatur.	
197	
Oratio partium duplex.	246
Ordo seruandus in Dialectica tractatione.	86
Organica scientia Diuisio.	9
Ostensiva conuersio qua sit.	408
P.	
Patonyma & Denominatiua sunt idem.	143
à Pari quomodo possit argumentari.	520
Partes orationis quare non omnes à Dialectico tractantur.	
175	
à Partibus ad totum, & econuerso, an valeat argumentum.	
552. & deinceps.	
Passio, ut est sextum predicamentum habet easdem species, & proprietates quas habet Actio.	244
Persona quid sit.	112
Proprium, & accidens quomodo distinguantur, 112. diuisum quatripliciter 100. dicitur quatuor modis.	99
Petitio principij quando sit.	560
Petitio principij quinque modis fit.	561
Phantasmatum quomodo generentur in intellectu, 74. & deinceps.	
Physicum compositum quomodo se habet in materia & forma.	123
Physicus considerat naturas rerum.	257
Possibile quod duplex Physicum, & Logicum.	309
Possibili dato nullum debet sequi incommodum.	39
Poss	

R E R V M.

Postpradicamenta quinque sunt numero.	248
Potentia obiectiua.	178
Practica scientia duplex est.	59
Pradicabile à pradicacione dicitur.	120
Pradicabilium numerus unde sumendus.	121. 123
Pradicamenta diuersimodè tractantur à Metaphysico, & à Dialectico.	138
Pradicamenta debent esse impermixta.	172
Pradicamenti nomen duobus modis accipitur.	137
Pradicamentorum libri diuifio.	138
Pradicatio est duplex.	116
Prenotionum genera duo sunt.	461
Prima substantia de nullo dicitur.	216
Prima figura syllogistica.	388
Principia peculiaris quomodo ponuntur in categorijs.	177
Prinatio definitur.	251
Prinatio duplex.	255
à Prinatio ad habitum non dari regressum, quomodo intelligatur.	256
Prinatioes, & negationes quomodo reducuntur ad Catego- rias.	178. 179
Prin, natura quot modis dicitur.	264. 266
Prin, dicitur quinque modis.	268
Prin, accidente varè sumptum.	265
Prin, loco, refertur ad prin, tempore.	263
Probabile quid sit, & unde sumatur.	526. 474
Proportio duplex.	523
Propositiones omnes quinque pradicabilium aut sunt ne- cessarie, aut sunt contingentes.	105
Proprij pradicabile quare pracedat accidens.	99
Proprij definitio.	300
Quæfita de Rebus, sunt quatuor, & qua,	pag. 1.
Quæfio quid sit.	25
Quæfiones circa oppositiones modorum.	354
Quæfionum genera quatuor sunt.	482
Quæfionum diuifio.	ibid.
Qualitatis descriptio.	212
Qualitatis species sunt quatuor.	213

I N D E X

Qualitatis species simplici vocabulo ab antiquis Philosophis nominatae sunt. 215

Qualitatis proprietates. 227

Qualitas in abstracto non recipit magis, & minus. 232

Quando, predicamenti proprietates & definitio. 246

Quantitas discreta facit res multas, aut paucas appellari.

204.

Quantitas diuersa continet numerum, & orationem. 202

Quantitas similior substantia. 198

Quantitas duplex. ibidem

Quantitatis non componuntur ex suis terminis communibus,

201

Quantitatis continua quinque sunt species. 199

Quantitatis specierum sufficientia. 203

Quantitatis definitio. 198

Quantitatis species definiuntur. 153

Quantitatis predicamentum quare precedat alia predicamenta in tractatione, 198

Quantitatis affectiones siue proprietates. 209, 210

Quantum definitum ab Arist. 209

Quarta figura impugnatio, & defensio. 397. & deinceps.

Quatuor dictiones deseruientes oppositionibus modorum quomodo opponantur. 349

Quatuor dictiones ad equipollentiam modalium propositionum. 336

Quinque vocum tractatio pertinet ad primam operationem intellectus. 84. necessitas: 90-91.

R.

Rationale includit sensitivum. 37

Reciprocationes enuntiationum modificandarum. 357

Regula deseruientes affectionibus enuntiationum contradicentium. 104

Regula ad constituendam enuntiationum equipollentiam. 319-358. ad oppositiones modorum. 347. fallacie Accidentium. 551. & deinceps.

Relata sunt duplicia. 235

Relatio similitudinis, & dissimilitudinis in quid fundatur.

239

Relatio omnis innititur uni ex tribus fundamentis. 237

Relatio.

R E R V M.

Relationes quadam rationis pertinent ad Categorias entium rei.	80
Relationis diuisio.	237
Relationis predicamentum quare precedat sex alia predicamenta.	234
Relatiua propria, & impropria.	235
Relatiuorum definitio.	233
Reprehensio sophistica quid sit.	530
Repugnantia quotuplex.	510
Res vnamet. potest ad. diuersas species pertinere, & quara- tione	217
S.	
Scientia quid; & quotuplex sit.	9
Scientia est effectus demonstrationis.	47
Scientia vnica demonstratione acquiritur.	214
Scientia aut definitio non est singulare.	467
Scientia 5. distinguuntur per obiecta. 23. 456. nomen est mul- riplex.	464
Scientiarum genera duo.	5
Scire quid sit.	451. 302
Secunda figura syllogistica leges.	392
Secunda notiones, etiam consurgunt ex abstractione. intel- lectus <u>agentis</u> .	82
Sensus tactus proprietas est animalis. 201, est singulare.	
131. 134. obiecta sunt accidentia.	187
Separatio munere intellectus, est duplex.	107
Sermones sunt <u>intelligendi</u> iuxta mentem proferentis.	234
Signi definitio.	180
Similitudo est eadem qualitas diuersarum rerum.	232
Similitudo quid sit.	446
Simul, tribus modis dicitur.	263
Simul, Prius, & Posterius, duobus modis dicuntur.	265
Situs predicamenti proprietates definitio & diuisio.	246
Solœcismus sophisticus quid sit.	531
Sophistica argumenta triplicia.	534
Sophisticorum fines.	530
Sophisticus syllogismus quid sit. 450 <u>locus. 535. quibus con-</u> stat.	ibidem
Speciei diuisio.	94
	Specie

I N D E X

Species, individua, quare non diuidatur. §4. est totum actu respectu generis. 88. quid sit.	93
Speculatrix scientia quid sit. & varias sub se continet disci- plinās. 6. triplex. 9. duplex.	8
Subalternatim posita genera, & species qua dicantur.	170
Subcontraria non possunt equipollere.	320
Subiectum libri predicabilem.	90
Subiecti nomen diuersimode acceptum.	162
De subiecto etiam dicitur, quicquid predicatur de <u>predica-</u> <u>to</u> ,	167
Subiecti essentialis definitio prius cognoscitur.	188
Substantia habet modum internum loco differentia. <u>175</u> quibus <u>modis sit prior Accidente</u> . 183. 186. 190. <u>prima qua-</u> <u>re dicitur proprie</u> , præcipue & maxime.	184
Substantia secunda quo pacto sit prior indiuid. 191. unde di- citur 195. quatuor modis potest modificari.	217
Substantia prima definitio. 184. nomen multipliciter acci- pitur. 83. diuisiones <u>183</u> & deinceps. secunda que sint. 184	
Substantiarum comparationes.	185
Substantiam unam non esse magis alia, qua ratione in- telligatur	193
Substantia vera proprietas est suscipere contraria. <u>194</u> . gene- ratio unico momento perficitur.	244
Substantiis primis interemptis, & secundas interire ait <u>A-</u> <u>rist.</u>	195
Substantiam non suscipere magis, & minus, quomodo intel- ligatur.	ibid.
Syllogismi ex particularibus in qua figura collocandi sunt. <u>399</u> habentes peculiarem difficultatem. <u>402</u> . habentes dictiones varias.	401
Syllogismorum alius perfectus alius imperfectus. 385. quomo- do parentur.	258
Syllogismus quid sit. 379. quibus partibus constet. 381. 383. ex- positorius.	402
Syllogismus ex quibus confici, & non <u>confici potest</u> . 430. Quo- tuplex sit. Vid. <u>431</u> . & seq.	
Synonyma predicatio duplex. 121. diuersimode accepta. 146. 147. que sint.	146

R E R V M.

<i>Terminus communis</i> 198. <i>quid sit in syllogismo.</i>	383. 384
<i>Tertia figura syllogistica.</i>	393
<i>Totum duplex,</i>	48
<i>Totum integrum duplex,</i>	50
<i>Transcendentia precipua sunt sex:</i>	207
<i>Tribus modis aliqua differunt.</i>	93
V.	
<i>Vbi predicanti definitio & proprietates.</i>	243
<i>Verba transposita non mutant sensum.</i>	41
<i>Verbi definitio.</i>	174
<i>in Verbis tria inveniuntur.</i>	333
<i>Veritas duplex</i> 238. <i>scientia unde sit petenda</i> 237. <i>sumitur re- ipsa.</i>	
<i>Vnitatis definitio & divisio.</i>	205 & 207
<i>Vnitas vocis duplex est.</i>	549
<i>Vniuersale quatuor modis dicitur</i> 90. <i>quomodo precedat</i> 133. <i>aut nihil est, aut posterius est</i> 54. <i>esse semper & ubique, quomodo intelligatur, 34 non est nisi quando est obiectum intellectus.</i>	135
<i>Vniuersum omne predicatur in quid, vel in quale.</i>	90
<i>Vniocum divisio.</i>	146
<i>Vox duobus modis potest aliquam rem significare,</i>	172.
<i>- quid sit</i>	271
<i>Vtilium duo sunt genera.</i>	13
<i>Vtilitas reductionis syllogismorum.</i> 414. <i>libri predicamen- torum.</i>	138

F I N I S.



[The page contains extremely faint, illegible text, possibly bleed-through from the reverse side. The text is arranged in several paragraphs, but the characters are too light to be transcribed accurately.]





- AGO. 1971

Santin O.
Restauro
del Libro

